

**BALTASARIS
ALUAREZ E
SOCIETATE IESU VITA
A LUDOUICO DE
PONTE SOCIETATIS...**

Luis : de la Puente, Carlo Bovio





L B


G.

E. 1. 1. 1.

III. 21. 6.

BALTASARIS ALVAREZ

E SOCIETATE IESV



V I T A

A LUDOVICO DE PONTE

SOCIETATIS EIVSDEM

Hispanicè edita:

ET A CAROLO BOVIO

EX EADEM SOCIETATE

Latine reddita:

*Editio altera ab Auctore recognita; & à plurimis
mendis, quæ, ob ipsius absentiam, in primam
irrepperant, expurgata.*

*Ex libris decussus
De Arte*



*M. M. M. D. D. et Pauli
1617.*

ROMAE, M.DC.LXX.


Ex Typographia Nicolai Angeli Tinassij.

SVPERIORVM PERMISSV.

Iterum imprimatur,

Si videbitur Reuerendissimo Patri Magistro
Sacri Palatij Apostolici.

I. de Angelis Archiep. Urb. Viceſg.



Imprimatur,

Fr. Hyacinthus Libellus Sac. Palatij Apostolici
Magister Ordinis Prædicatorum.

IO: PAVLO OLIVAE
SOCIETATIS IESV
PRÆPOSITO GENERALI

CAROLVS BOVIVS S. D.



Altasaris Alvarez Societatis Iesu
vitam à Ludouico de Ponte So-
cietatis eiusdem Hispanica lin-
gua conscriptam, iussu tuo latine
reddidi, Religiosissime Pater, &
Optime. Suum ille tertio proba-
tionis anno virtutum omnium Magistrum pari-
ter, & exemplum, Discipulus Præceptore tanto
non minor, cum perenni, inclytaque memoria,
tra dere bono voluit publico posterorum. Asse-
cutum id illum esse legentium fructus viuis sem-
per vigenisque confirmat. Cui addis Ipse omni
maius exceptione suffragium: quando ex huius
vitæ, plus quàm ex alia quacunq; pia lectione pro-
fecisse Te olim, vel ab Nouitio profiteris. Quam-
obrem religioni mihi ducendum fuit, & duxi,
addere illi quicquam, aut demere: quod in optimo
nihil est aliud, nisi corrumpere. Abstinendæ fue-
runt etiam, sicubi sua se sponte obtruderent, ne-
dum quærendæ studio linguæ deliciæ: ne, in quo
Christianæ pietatis Erytræo piscantibus Auctor
bonas virtutum margaritas offert, ijs ego, inge-
stis importunè verborum bracteis, & ampullis, il-
luderem. Consentaneum proinde pretium operæ

facturum me duxi, charactere ipso dicendi, alterum cauere, ne cupidos diuinorum animos ab retribus huc mittendis auerterem, lutulenti sermonis nausea inficiendo piscatum: alterum curare, ut eosdem ad id potiùs inescarem, candida integraq; fide mentis, ac linguæ, Auctoris retinendo pietatem, ac spiritum. Id si peregi (quod in Dei laudem, & compendium vertat proximorum) nã ego mea obtinui vota, immo & tua. Nulla enim consiliorum, operumq; nostrorum merces in terris est, aut esse potest fructuosior, & honestior, quàm ea moliri, & præstare, quæ, cum vera solidaq; hominum fruge, maiorem Dei, ipsiusque Seruorum gloriam moliuntur, & præstant. Annuat Deus votis, & adsit. Tu verò ab eius pietate summa tuis id precibus impetra, apud quem non potes gratia plurima non valere, quando cum communi omnium non modò plausu, quem despicias, sed utilitate, quam spectas, hoc est, cum tanta Dei gloria, tua ista diuini Spiritus interprete mente, ac lingua, geminum Ordinem, & Societatis Iesu minimum Præpositus Generalis sapientissimè regis, & Ecclesiæ summum Concionator Pontificius ardentissimè moues. Ità Te tua opera omnia, quibus adscribi meum hunc quantulumcunque laborem Te iubente susceptum enixè admodum peto, in portis laudent cælestis Urbis, quæ Te propterea, perq; Te plurimos, cum solido immortalisq; præconio diuturnum, magnisq; semper promeritis auctiorem excipiant diuini Verbi Præconem dictis, & factis. Viue in hoc diu, & Vale.

LECTORI.

Cum *V*erba Legis diuina praecepta, consiliaque, & documenta optima
*I*sraëliticum populum, ac mortales in eo vniuersos Ecclesiasticus
 affatim docuisset, continuo ijs etiam eorum proposuit exempla
 Maiorum, qui ea quam diligentissime custodire; & qui iure
 proinde, ac merito honorem, gloriamque adepti sunt apud Deum, & homi-
 nes immortalem. Quod fieret, ut ea qui audirent, aut legerent, erectis
 animis, in illorum imitationem assurgerent: eademque, qui illi, viam ad
 eorum gloriam honoremque similem grassarentur: atque vni simul operam,
 quae ipsius erant, partes impleuit, excitanda nimirum, perpetuandoque
 tantorum virorum memoria, qui rebus ab se praeclare gestis summum suae
 genti contulere splendorem. Magistris interim suis laudatis impensius, a
 quibus eam hauserat sapientiam, quam tradebat: ut tam bene de se me-
 ritis optimam ita gratiam reponeret. Laudemus, inquit, Viros glorio-
 sos, & Parentes nostros in generatione sua. Multam gloriam fecit
 Dominus magnificentiam suam a seculo. Dominantes in potestatibus
 suis: homines magni virtute, & prudentia sua praediti: nunciantes
 in Prophetis dignitatem Prophetarum; & imperantes in praesenti
 populo, & virtute prudentiae populis sanctissima verba: in peritia
 sua requirentes modos muscos, & narrantes carmina Scriptura-
 rum. Homines diuites in virtute, pulchritudinis studium habent-
 es; pacificantes in domibus suis. Omnes illi in generationibus
 gentis suae gloriam adepti sunt, & in diebus suis habentur in laudi-
 bus. Qui de illis nati sunt, reliquerunt nomen narrandi laudes eo-
 rum. *H*ac ille: cuius consilium veluti caetera, quae in eo habentur libro,
 hausta a Deo, meo in hoc opere persequi mihi propositum est. Cum enim
 aliqua ediderim de Preccatione, ac Meditatione, deque Christiana in omni
 gradu, ac ordine perfectione, quae ad eam obtinendam lumen, opemque pra-
 berent, subiit etiam cupiditas animum, Maiorum, a quibus illam edocti sum-
 mus, heroica exempla scribendi. Non antiquiores hic loquor: proximi enim
 illorum auro hunc nobis praeipuere laborem; sed eos, quos visu ipse, & suae
 cognoni: & quorum potui sanctorum, doctrinaeque proficere; in quibus
 ea virtutum exempla, & veritatis effata Deus impressit, quae in meis ego
 libris exposui. In his Balthasar Alvarez fuit Societatis nostrae Iesu vir re-
 ligione praesignis, Parens ac Praceptor in animi rebus non meus modò, sed
 omnium ferè antiquiorum in hac Castellae Prouincia Sociorum, aliorumque
 perplurium in hoc Regno Religiosorum item, communiumque mortalium.
 Vir, in quo Deus largitatis suae munifica praeiuit argumenta; quem diuini
 effusè muneribus locupletauit; per quem, inter verae fidei cultores, plurima
 cepit gloriae incrementa. Vir omnino virtute magnus, prudentia instructus
 singulari in mysticae scientiae explanandis arcanis; in regendis, iuandisque
 animis; in sanctissimis instituendis de Deo sermonibus, quibus audientium
 ani-

Eccl. 44. 16

animos inflammaret. Vir celestium pradiues opam, cui studium inge in decore virtutis, intimaque consuetudine cum Deo fuit: quis suos intersumma semper pace coniunxit; quam & inter omnes perpetuò coagmentavit; quamobrem ab omnibus summâ, dum vixit, veneratione exceptus est, & summis laudibus exornatus. Mibi verò ipsius olim filio, atque discipulo sorte obtigit, ipsius vitam virtutesque conscribere, quò ad eas imitandas nostros impigrè animos excitemus. Etenim, uti Gregorius ait, Iustorum vita, viua lectio est virtutum, atq; presidium ad eas obtinendas: speculum est miratissimum, in quo menda, vitiaque nostra, ad ea emendanda, emundandaq; perspicimus: Vinum est Evangelica perfectionis, gradumque, quibus ad illam eniti possimus, exemplar: monumentum est absolutissimum prodigiorum Dei mirabilis in Sanctis suis, illosque in sanctitatis fastigium perducentis; viâ quandoque insuetâ prodigiosaque, admirandâ citius, quàm imitandâ: visitatâ aliâ ac trita; formâ tamen quidam heroicâ ac perfectissimâ, adeòq; admirandâ pariter, & imitandâ. Atque hac ipsâ præclarum, inclytumq; virum hunc duxit: cuius in vita plurimum, quod imitentur, superet omnibus, qui ad perfectionem anhelant, donumq; precandi, ac familiaritatem cum Deo intimam, & rationem certam iuuandi proximas adipisci percipiunt. Quare ipsius cum maximè vita imago viua vitæ illius est, ab ijs agitando; qui pro sui Instituti ratione actiuosam vitam cum contemplatrice coniungunt; simulque precibus & meditationi, simul operibus vacant, quibus proximi adiuvantur. Ha verò cum partes coram sint, qui Deo nomen in Societate dedere, ante ipsorum cum primis oculos exemplar hoc statuo, ex quo rationem Instituti sui perintegre custodiendi discant. Vniuersè verò, qui seriam velint operam pietati nauare, atq; in vtraq; vitâ præcellere, si, quâ viâ, rogè, votis potiri possint, oculos adiciant gradibus, quibus virum hunc sanctissimum pronexit Deus; eosdemq; insitât, eo, quo ipsis modo diuinum Numen annuerit; cuius ab ope, clementiaq; processus nostri dependant, sic ut diuinis tamen ipsius afflatibus obsequamur, industrisq; nostris, ac diligentis conitamus. Largitus enim illi Deus est primò precandi donum, visitatâ ratiocinationis, ac meditationis viâ, de Seruatoris Christi vitâ præcipuè cruciatibus, & cade. Id verò donum quandoquidem esse solitarii nequit, spiritum illi voluntarie afflictationis, mortificationisq; in rebus vsque omnibus impertiuit. Atque, ut radices in vtroq; dono ageret altiores, tertium adiecit, iecitq; fundamentum in absolutissima triû votorum custodia, Paupertatis, Castitatis, & Obedientie, ac cæterorumque perfectionis sunt in Ordinis sui legibus, consiliorum. Fuit diuinum Numen hac eadem, pio diuinissime Eucharistie vsu, Baltasæ in Sacerdotes adscito; ut nihil esset, quod ipsum ab Epuli celestis frequentia retardaret. Siquidem verò ad operis tam excelsi, arduique successum opus ijs est, qui sua nos ope tutelâq; conamuniant, studiosissimum illum Deipare Virginis, Angelorum, Calicisque complurium, qui nobis patrecinantur, effecit. Ad hæc salutis animorum cupiditatem illi summam iniecit; contulitq; facultatem, ac dotes ad eos adiuvandos

dos egregias: ad varia subinde munera illum adhibuit, ut ingem & beremq;
fructum ex eorum administratione perciperet. Regimen etiam illi detulit
aliorum; quò subiectis sibi cura impensiore prodesse; & Christi oves boni
carium Pastoris exemplo pasceret: fiducià illum erexit ingenti erga suam
bonitatem summà, providentiamq; amantissimam ad præclara diuinæ gloriæ
opera molienda: quorum etiam exitus fortunauit: iactis altè humilitatis
Christiane fundamenti, ne frugem gloriola in ventum efflaret. Siquidem
verò animi submissio, ac tolerantia, ceteraq; virtutes nec perfectioni possunt
constare, nec sibi, nisi contemptu, morbis, ærumnisq; probentur, partem illi &
horum impertijt, ut ipsius virtutibus cumulus item, ac splendor accederet.
Exercitum verò deinde satis, & exculptum in precationis, & contempla-
tionis gradum excelsoiorem euexit; ubi & quietius, suauisq; haberet, &
muneribus item suis fructuosius fungeretur. Summum illi deniq; donum con-
tulit diuinæ suæ caritatis; pleniq; in omni re aduersa perinde, ac prospera cū
sua voluntate consensus: ac tum illum maturum nempe iam fructum suum in
Cælo apponendum mensè decerpit: atq; in medio ipso incitatisimo cursu,
morte felicissimè perduxit ad metam. Neque verò quisquam existimet eum
hisce gradibus eodem hoc, quo dictum est ordine, processisse. Iustorum enim
uita varietate miscetur actionis pariter, & contemplationis; illecebrarum
animi, & angorum munerum spectabilem, ac despectorum lætis nunc euen-
tis, nunc tristibus: hisce rebus alterna vice subeuntibus iterum, ac spiciunt.
Hac illi series uitæ fuit: eademq; dispositio huius erit libri; in quo scribere
de illa constitui. Quamobrem ita euoluatur historia, ut ordo simul appareat
serendi virtutes, atq; in summum earum fastigium euadendi. Ea etiā propter,
dū ipsos virtutū actus exequar, altissimos vnà sensus, solidasq; sententias, ac
profundas rationes atrexi, quas illū in ijs singulis magister Deus edocuit.

Iam verò, quandoquidem in eorū, quæ narrantur, veritate, ac certitudine
voluptas atq; utilitas innuitur, quæ ex illorum lectione percipitur, nihil hic
penes me non verū certumq; proferam. Præter enim ea, quæ ipsemet in hoc
viro longè sanctissimo oculus vidi, & aduertī, cetera rescita sunt, referen-
tibus alijs omni fide dignissimis, aut Ordinis nostri, aliorumq; religiosi, aut
communibus alijs, qui eorum ipsi spectatores etiam observatoresq; fuere: seu
inter Balsasarem, & ipsos gesta postmodum narrare: seu illa ex ipsius au-
tographo fuere deprompta, in quem eos referebat sensus, quos ipsi Deus in-
ter precandum immitteret. Quod & sanctissimus Parens Ignatius, ipsiusque
socius virtutis plurima vir, ac per plures etiam alijs sanctimonia laude cla-
rissimi consuevere: ne scilicet effluerent è memoria veritatis lumina, atque
charismata, quibus imbuti essent à Deo: atque ut magis & magis ex eorum
repetita lectione proficerent. Alia rursus ipsè, quorū consuetudine ute-
batur aperuit, quandoq; clam, palam aliàs per sermonem; impulsu scilicet ca-
ritatis, ad animos tepidis atq; imbecillis addendos; aut ex alio quopiam san-
ctiore consilio: quemadmodum virtutes suas ab Iob scimus narratas sanctè
fuisse; diuinamq; sua ostensa per multa commemorata nouimus à Paulo, ad
Christi

Christi animandos affectus, eosque in fide fortius confirmandos. Collegit ex his plura primò Franciscus Salsedius Baltasaris ex sorore nepos, qui propè ab sui Aunuli obitu nomen Societati dedit: cuius vestigijs ardore tanto, ac spiritu caput insistere, tum in perficiendo sese, tum in aliorum omni studio procuranda salute, ut in egregijs, insignibusque viris habendus esset, nisi mors illū Numantino nostro Collegio moderantē in ipso atatis flore demersuisset. Gubernacula tamen antea Abulensis Collegij triennio tenuerat, unde exorsus quoque Baltasar fuerat, ac tū quanto potuit studio plurimam collegit eorum partem, quæ à nobis in hac Historia dabuntur, atque hoc alterum nomen est, quo sum adductus, ut manum illi supremā imponerem. Hunc enim ego Salsedium discipulū habui, tum in lueris, cū in Legionensi Societatis nostræ Collegio Philosophiā triēnio docuit; tū in rebus animi, cū Villagartie Tyrones institui. At enim quemadmodū veluti discipulus vitæ scribo mei sanctissimi Præceptoris; ita etiam veluti à Magistro, decet à me optimi mei discipuli absolui opus, ac perfici: Cuius etiam frater Iuris utriusque consultus Didacus Lopez Salsedius sodalis antea insignis Vallisoletani Collegij S. Crucis, deinde verò inter Regios Ordinum Consiliarios, & nuper in supremum Castellæ Consilium cooptatus, novum etiam nomen adiecit, studium nempe, ardoremque plurimum, quo apud me contendit, ut huic historiæ animi, manumque; adijcerem, ne tanti aunculi res tantæ in obliuionem irent; pūque sui fratris labores optimi interirent. Rem ille cum Generali Claudio Aquaviva transiegit; cuius ego iussu, plurimorum ex Societate mihi notis assentiens & indulgens, historiam hanc molior ad Dei gloriam, optimumque exemplum totius orthodoxæ Ecclesiæ, nostræque potissimum minimæ Societatis Iesu; qui pietatis sue diuitias in suum hunc Sotium effudit; easque Christiana Reipublica per eundem ostendit, à qua dignus sanè est, qui nascatur, magnique fiat in terris, qui summum, uti persuasum mihi indubitanter est, adeptus fuit honorem apud beatissimas mentes immortalesque Ciues in Cælo. Quamquam verò sericim in hac historia persequar annorum, locorumque, quibus vir hic sanctissimus versatus est; ac præcipua, quæ tunc per ipsum gesta fuerint exponam, alia tamen eorum similia adscribam, æstia licet alio vel loco, vel tempore, quo ea & percipi melius, & innare plus queant. Sedenim quia bonis ex fructibus arbor bona, & ex sapientibus sanctisque discipulis Præceptor sapiens, sanctusque dignoscitur, Baltasari verò eiusmodi fuisse per plurimi, nominis certè immortalitate dignissimi; eorum præcipuos ex communibus item, ac sacris, tum ex Religiosis Ordinibus nostræ Societatis, alijsque in hac historia meminero; non ut per eos modò sàllimonia Institutoris effulgeat, sed ut tantorū memoriā hominū cū æternitate coniugam; heroica quorū exempla idè, quod in aspiciētibus, olim, in legentibus etiā perseueranter efficiant: vota simul, partesque meas implevero, honores, quantum poterō, illis attribuens, qui mihi per consuetudinē coniūcti fuisse; proque virili sua, gloriam Deo, ut equidem scio, plurimam contulere. Quare et ipsos à Deo sumis auctos honoribus in patria beatitatis existimo.

BAL-

I

BALTASARIS ALVAREZ SOCIETATIS IESV V I T A.

*Baltasaris ortus, & educatio: Ingressus in Societatem IESV
Tyrocinium, & studia litterarum.*

CAPVT PRIMVM.



ALTASAR ALVAREZ Ceruicæ in oppido Calagurritanæ Diœcesis, claris parentibus natus est, anno, post Virginis partum, M. D. XXXIII. Patri nomen Antonio Alvarez; Matri Catharinæ Manriquez fuit. Indoles illi à puero in boni complexum prona: fecitque iam tum eius indicia pietatis, quæ postmodum in adulto clarior effulgeret. Per

eam enim ætatulam, hæc illi ferè negotia, formare Cruces, Aras excitare, supplicationes habere. Ad hæc, Christianis moribus illum instituere Parentes: ipsoque in oppido primis litterarum rudimentis imbutum, latinoque sermone perculum, ad Complutensem Academiam misere: ubi strenuè Philosophiæ curriculum emensus, graduque Magistri auctus, continuos duos annos in Scholastica Theologia, fructu non penitendo, consumpsit. Illum interim Deus earum excolebat amore, studioque virtutum, quibus idoneum ad destinatum à se opus efficeret: ac pietatis, internæque vacationis amanti eos illi parauit socios, quorum consuetudine in illud studij inuaretur. Nam, ex Salomonis oraculo, *Qui cum sapientibus graditur, sapiens erit: & qui suam in familiaritatem pios, sibi que attentos admisierit, eorum in sese exempla transcribet.* Compertior verò in adolescentibus ea res est, quorum in ætatem teneram facile verba, moreque influunt amicor-

*Prou. 13.
24.*

rum. Quibus verò frugi sit indoles, eam illi, bonorum societate, veluti cultu, optimam in messem alunt. Porro pius hic adolescens, ab anno præcipue supra sesquimillesimum quinquagesimo primo, auctore probo religiosoque viro, duo sibi statuta in die tempora, alterum mane, cum surgeret, alterum, antequam cubitum iret, vespere seponebat; suæque tunc conscientiæ recessus lustrabat, & latebras: &, quorum hausisset à Deo sensus, ea secum animo commentabatur. Quâ ut capi suauitate cœpit, alia super interdiu conferre in præces tempora traxit in morem: indeque voluptas animi largior, vberiorque processus. In quod idem compendium illi vertebant castæ piæque & librorum lectiones, & consuetudines amicorum. Hisce se studiis exercentem, quarto, antequam Societatem iniret, anno, vehementi cupiditate illum Deus incendit valedicendi mundo, Christi que Seruatoris consilii inhærendi. Etenim, ubi in antea vitam respexit, suo quidem iudicio, miseram ac descendendam; quippe qui tot à Deo, tantisque beneficijs obrutus, hætenus illi adeo fuisset ingratus, rebatur porro (si seriò Dei obsequium, suamque curare salutem vellet) ducendam sibi in Religiosa tamilia vitam esse; in qua vtriusque adeptio certior est, atque perfectior. Bonam tamen hanc mentem pugna quædam, ac pertinax cogitatio infirmabat; quòd plurimum sumptus ipsius causâ, in re litteraria, fieri à Parentibus cognoscebat: quos adeo in senectute deserere impium videretur: ab ijs potissimum sibi imperato per litteras, ut sorores geminas adolescentulas suam in curam, onusque reciperet: quòd si vitam ipsi naturæ redderent, præter ipsû, nullum alium possent loco Genitoris habere. Atque, ut Parentum erat reuerentissimus, rationes hæ, multa vi, ipsius animum pulsabant, inque geminas partes ancipitem distrahebant. Nec sanè mirum: namque (ut aduertit Gregorius) Nervi Behemot perplexi appellantur. Cum verò tartareus hostis ad Religiosæ vitæ complexum quemquam vocari videt à Deo, tentationibus illum incellit, moliturque rationibus irretire, quæ vultum, coloremque præferant pietatis: quo fiat, ut ignoret, vtri parendum ab ipso spiritui sit, trahentine, an retrahenti. Neque verò interea iustum hunc lux Divina deseruit; cuius ope, ab ijs sese ambagibus expediuit: eleuatisque humanis Parentum rationibus, præpotuere diuinæ: animo eam in spem, fiduciamque erecto, fore ut qui orphanorum Pater esset, germanis fororibus ipse prospiceret; easque opportunè, ac pro votis, ut euénit, omnium collocaret. Nondum, quem iniret Ordinem, apud se constituerat: quanquam in Carthusianum animo ferebatur, asperitati, ut videbatur, vitæ, internæque vacationi magis accommodum. Nouem, antequam in Societatem admittere-

teretur, menses, litteratos viros, quorum consuetudine utebatur; maxime verò sanguine sibi, virtute Deo propinquum, qui deinde inter Canonicos in Templo maximo Calaguræ fuit, super hac sua mente consuluit. Hic verò, re Deo precibus commendata, respondit; si humanis rebus remittere nuncium vellet, in Societatis IESV complexum iret: eo in Ordine, quippe recenti, sanctimoniam feruoremque spiritus efflorescere. Ea ratio Baltasari probata sic est, vt, ipso in loco, de ineunda Societate constituerit: auctori tam certi consilij in omni deinde vita gratissimus: ita planè, vt, multis post annis, decem in itinere leucas à via deslexerit, ad agendas homini gratias, cuius operâ Deus tantum in sese beneficij contulisset. Neque tamen prætereunda silentio altera vocatûs huius causa est, quæ mihi sanè potior esse videtur; quanquam ea tunc erat occultior. Carthusianæ familiæ amore tenebatur feruidus hic adolescens, vt, quod Ieremias dixit, *Sederet solitarius, & taceret*, atque ita *leuaret super se*, partem sibi, sortemque Mariæ eligens, Marthæ scilicet alterâ potiore: totumque sese asceticæ vitæ traderet, quæ multò præstat alteram actiuosam. Diuina tamen prouidentia, quæ in pertrahendis ad diuersa instituta, & ad varia eorum munia aptandis hominibus, miris sanè modis elucet, ad eam hunc vitam elegerat, quæ vtraque ratione constaret: & quæ porro vtramque, cum altera ab altera diuiditur, antecellit: Diuina mysteria, Christi Seruatoris, sanctissimorumque Apostolorum exemplo, ita contemplaturum, vt ad id quod in actiuosâ vita est optimum, ad procurandam animarum salutem, lucem inde, vim, & facultatem hauriret: factò, vt ait Bernardus, à contemplatione ad actionem, relatione ab actione ad contemplationem gradu. Atque id, meâ quidem sententiâ, spectauit potissimum Deus, cum Baltasarem ad Societatis IESV amorem, amplexumque pertraxit; cuius instituti est, *Non sua solum saluti, ac perfectioni, cum diuina gratia, vacare; sed cum eadem impensè in salutem, & perfectionem proximorum incumbere*: preces, contemplationem, ceteraque spiritalia exercitia, præsidia, nempe ad vtrumque finem idonea adhibendo. Hoc itaque constituto, cooprationem in Socios illicò flagitauit: *Nescit enim, vt ait Ambrosius, tarda molimina Spiritûs sancti Gratia*. Vbi verò Dei vocationem esse constiterit, tam citò parendum illi, ac prorsus est, vt, affirmante Chrysostomo, ne momento quidem temporis superfedeamus; Petrum, Andream, duosque Zebedæi filios imitati, qui, cum primùm vocantem ipsos Christum Dominum audiuere, relictis retibus, & patre, illum è vestigio secuti sunt. Celeritate tam sedula dedit Baltasar operam, vt in Societatem admitteretur: admissusque est in Complutensi Collegio, Seminario, in Hispania, So-

Thren. 2.
18.

Serm. 57.
& 58. in
Cant.

cietatis nostræ præcipuo: ex quo viri prodire clarissimi, qui patriam tellurem, spiritu, virtute ac litteris illustrarunt. Ingressus itaque Societatem est salutis anno 1555. ætatis suæ 22. post constitutam Societatem 15. Quam etiam ætatem Bernardus olim agebat, cum nouum item Cisterciensem Ordinem, anno post illum conditum, quintodecimo, iniuit. Nec sine arcano Diuinæ Prouidentiae consilio, tertio Maij die, qui Dominicæ Crucis Inuentioni sacer est, in Societatis complexum venit: quadam nempe amoris eius præfagitione, quo Crucem ipse postmodum complexurus erat; latentisque in ea thesauros opulentissimos per plurimis monstraturus. Admissum Moderatores Senticam, vulgò Simancas, misere, vbi Probationis Domus est vniuersæ Prouinciæ; in quam tunc geminæ coibant, quas nunc Castellanam & Toleranam appellamus. Mirus tunc sanè Tyronum feruor, qui ad Societatem ibi è locis sese varijs aggregabant. Largissimus enim fons ille charismatum diuinorum multo eos, meroque nouo implebat genuini spiritus Societatis eius, quam in Ecclesia recens ipse fundarat. Et verò comperit experimento noster hic Tyro, allatam sibi à suo illo propinquo rationem veritati constare: eiusque perpetuò memor, primorum Parentum spiritum adeò vigentem in filijs, ne suâ fortè culpâ confenesceret, aut intepesceret, promouere contendit. Sociorumque tam alacrium excitatus exemplo, eminere inter illos cœpit in paucis. Connitebatur enim quàm qui maximè in frangendo afflictoque sese, in orando, cæterisque virtutibus, quæ in ipso totius, vti dicemus, vitæ decursu clariere, adipiscendis excellere. Iam tum enim arctiorem perfectionis semitam, properò auidoque gradu cœpit insistere: eumque ad mortem vsque retinuit. Quare suis deinde Tyronibus dictitare solebat (quod, eos inter, illum ego in „ pia cohortatione dicentem audiui) Quam vitæ formâ nunc incatis, attendite: serè enim, quo passu in hac probatione, eodem & „ reliquo vitæ tēpore gradiemini. Si hæc inter initia, in virtutū processu per desidîa egeritis tepidè, ac remissè, remissè porrò ageritis „ semper, ac tepidè. Sin autem ardore spiritus ingressi fueritis, eodem „ gradu prolequi, facilè vsus dabit. Veritatem hanc etsi peruenustum circumfert adagium oraculo comprobatum Salomonis aientis, *Adolescens iuxta viam suam, etiam cum senuerit, non recedet ab ea*, eam tamen ipse, vt & plerasque sententias ex suæmet experientiae codice deprompsit; illius nempe ardoris memor, quo Tyrocinium ponens à Deo fuerat inflammatus. Quo tempore plurimū eum iuuit P. Bartholomæus Bustamantius, quem Magistrum Nouitij tunc habebant. Is enim, vbi de Baltasaris pio cælestique fundo cognouit, multâ illum, & variâ, è sapienti Ioannis Climaci consilio,

Prov. 26.6.

Erud. 4.

filio, corporis atque animi castigatione habebat exercitum: quo argumentum illi præberet efficiendi vberiores in virtute processus: eo interim ipfius sese nutibus, candentis instar ferri eudentis fabri manibus, submissè admodum permittente; vt ab eo pro ipfius arbitrio flecteretur, fingereturque, dum suo demum in animo perfectionis Euangelicæ formam exculperet. Discebat itaque, plurimum cælestis boni à Bustamantio fuisse collocatum in sese. Credi vix enim potest, quantam vim habeat sancti, solertisque Magistri sedulitas, vt Nouitij magnos habeant in virtute progressus. Sedeniam cum & Tyronibus Magistrum, & plurimis etiam mortalibus Virum hunc ducem, rectoremque elaboraret Deus, periculum sumi ab ipso voluit eius boni, quod ex aptissimo, optimoque Institutore permanat.

Senticam itabant id temporis Franciscus Borgia, & Antonius Araozius, gemina Societatis Hispanicæ lumina. Ijs vero Baltasar ministrare à Præpositis iubebatur; vt modestiæ, feruorisque sui odore specimen illis boni præberet exempli: atque ipse rursum ex ea luce proficeret, quam tantis à luminaribus hauriret: præsertim verò à Borgia multâ beneuolentiâ complexo Baltasarem, spectatæ in eo causâ pietatis, atque modestiæ. Secretum tamen illud Senticani secessus Baltasarem diu non habuit. Cum enim proximo in Collegio desideraretur cocus, eò ipse missus est illic, munerum, nempe, vt præferebat humilium cupidissimus: serianque in eo perinde operam menses aliquot collocauit, atque si coquinariam modò facturus esset in Societate dum viueret; negligens vsque suarum rerum, & sui; vnique Deo placere studens, cuius, vt ipse aiebat, domi nullum humile munus est, aut quod pethonestum duci, dicique non debeat: diuturnitatis eius reiectâ in diuinam prouidentiam, per Præpositos, curâ. Hi verò vbi tantos videre illius in virtute progressus, cum à Probationis domo, post elapsum annum, ad repetenda studia dimisere. Quanquam enim Tyrones biennio in Societate probantur, tunc tamen in Ordinis institutione recenti, numeroque Sociorum perpauco, contrahebatur id tempus: diuinaque interim largitas breuitatem hanc suæ gratiæ vberitate supplebat: illud paucorum decursu mensum, magno spiritûs ardore tunc præstans, quod opus nunc est, fructusque biennij. Eòque maximè, quòd, inter litterarum studia, Tyronum feruor, & pietas constabant sibi perintegre: precibus quippe, laboribusque sic vacabant, quasi Scholasticorum studia non tractarent: rursumque scholasticis disciplinis operam sic nauabant, quasi à Tyronibus iam existent. Hac porro ratione, præcipua Christi Seruatoris ope, viri tunc aliqui extitere, non virtute minus & sanctimoniam, quam

quàm litteris diuinis, humanisque præstantes. Burgos itaque inmissus est, ad eas recognoscendas artes, quibus imbutus fuerat ante Compluti. Breue tamen ibi tempus exegit, quippe qui in ea studia animum iam perdiligenter intenderat. Paucis ergo post diebus, Anno 1556. ad Abulense Collégium inde discessit, ut ibi Theologicas quæ supererant, duorum annorum quæstiones in Cœnobio S. Thomæ Patrum Dominicanorum exciperet. Cum enim constitutos adhuc non haberet Societas Professores, Scholastici nostri ad Vniuersitates Salmanticensem, & Complutensem, siue ad Collegia, Cœnobiaque sacræ Dominicanæ familiæ Vallisoletum, & Abulam mittebantur, ubi disciplinæ tam subtiliter ac exacte, quàm est in peruagata vbique fama, traduntur. Eius biennij studia Baltasar cõpluribus etiam alijs occupationibus intercepit: fundato scilicet nuper Abulensi Collegio, cui cum ob egestatem plura deessent, collatam domesticorum operam in plura conferre necesse erat: eosque sic etiam Baltasar habuit in Theologia progressus, ut in optimorum id temporis studioforum numero haberetur. Quanquam verò in Scholastica Theologia non visus est eminentibus quibusdam notis excellere, id alterius mysticæ præstantiæ compensauit, precibus, uti suo deinde loco videbimus, à Seruatore Domino id exorans, quod adipisci, labore multo stat alijs. Quare peridoneè omnibus, ad quæ fuit adhibitus, persunctus est deinde muneribus, Confessarij, Nouitiorum Magistri, Rectoris, Prouincialis, ac Visitatoris; omniumque generum homines profanos, ac Religiosos, tum ex nostra Societate, tum ex alijs Ordinibus instituit, direxitque sermonibus quâ priuatis, quâ publicis, quos de cœlestibus diuinisque rebus tantò cum fructu, tam egregios habebat, ut eadem tractantibus, perfectionis absolutissimæ esse ubique possit exemplo. Etenim, ab ipsis vocatis sui primordiis, Viri huius sanctissimi animo altius infixum erat illud Bernardi consilium, Monachos de Monte Dei cohortantis, aientisque: Ab omnibus in omni Religiosæ vitæ statu graduq; exigi ut sint perfecti: à Nouitio quidem, ut Nouitii, à Scholastico, ut Scholastici; ab Operario, ut Operarii numeros omnes impleat: ut perfectè ordiatur incipiens; prouehatur perfectè proficiens; quique in perfecti viri gradum euasit, ne resistat ibi, sed (ut monet Apostolus) *Ea quæ retrò sunt obliuiscens, ad ea quæ sunt priora seipsum extendens, ad destinatum persequens, ad brauium supernæ vocationis Dei, in fastigium enitatur excelsioris sanctitatis.* Sic ut, cum incipiens virtutes deinde processerit, eas etiam omnes æquis gradibus in culmen, perfectionis attollat. Quoniam verò perpetua fuit hæc ratio progre-

*Tract. de
Vita solit.*

*Ad Philip.
3. num. 13.*

grediendi Baltasari; historiæ seriem per omnes ipsius annos ita visum est persequi, vt, cum de ipsius virtutibus dicam, earum simul incrementa, perfectionemque subiiciam; tueri hoc licet temporum diuerforum.

CAPVT SECVNDVM.

*Eius ab Nouitio in preces, intimamque cum Deo
consuetudinem summa propensio: & quibus
artibus id perfecte consequi connixus est.*

IN plurimis argumentorum, ac pignorum, quibus, per hæc mortalis æui spatia, ad excellæ sanctimonix gradus, ac præclara diuini obsequij facinora deligi à Deo quempiam interpretamur, præstat maximè precandi studium, donumque præcellens; ac iugis, intimæque consuetudo cum Deo. Precatio enim, teste Gregorio, instrumentum vniuersè perefficax est, ad earum rerum molitionem, quas Deus æterno suæ prouidentix consilio destinauit. Id verò præstantiori modo cum adhibet, documento est, ipsum grande aliquid ad suæ gloriæ incrementa moliri. Ad hæc oratio, vt Chrysostomus docet, innumeris, mirisque vijs, ac modis puram, sanctamque vitam, ac dignam Deo, cui famulatur, ingignit. Pauperem in qua habitaturus est domum, vacuum inornatamque non patitur; eam enim componit illicò, operibusque inclytis, meritis vberibus, ac donis cælestibus locupletat. Nobilem pectoris generoso animum indit, qui ad crimina sese, ne leuia quidem, ad terrarum nugas, futes profanorum hominum consuetudines, admisionesque hostis vaferrimi non demittit. Ex familiari enim vsu, necessitudineque cum Deo, ea in illius intimis cordis existit excellitas, vt pro purgamentis habeant, quicquid est fluxum in terris; humileque putent submissas aures maligni spiritus suasionibus commodare; siue quicquam agere, quod à Diuino conspectu alienum sit. Animum præterea efficit laboribus omnibus, & ærumnis, ipsaque morte maiorem; sic vt nihil horum aut libertatem spiritus præpedire, aut integritatem illam cordis possit inficere, quam ipsis necessitudo cum Deo iugis impertit: cuius ope, ac vi ad peruincendos hostes, gerendasque res inclytas instructos sese, ac præpollentes existimant. Hæc Chrysostomus. Ex quibus ille conficit, precandi studium argumentum esse virtutis, internique profectus. Si videam, inquit, *Christianum, Religiosumue hominem in orando remissum, neq; id pensi quicquam habere, de illius animo sic conij-*

*lib. 2. Dial.
c. 8.*

*Lib. 1. de
orâda Deû.*

*Lib. 2. de
orâda Deû.*

*Lib. 1. de
orâda Deû.*

cio, vir-

cio, virtute esse pertenui, perpaucisque Dei donis ornatum: sin illum studiosum sanctæ precatonis aduerto, statim illum diuinis charismatibus refertum esse intelligo. Etenim si agens cum Sapiente fit sapiens, quâ hauriet à Deo sapientiam, quos sibi thesauros virtutum congeret, qui cum illo familiariter consueciet? Denique ex Bonauenturæ sententia, ad omnia & auerrenda à nobis mala, & adiungenda nobis bona, omnes in precatione sunt vires: quæ nimirum diuinum Numen ad præsidia nobis ferenda semper excitat, & impellit.

In medit.
Vita Christi.
si.

Hæc visum est hoc loco præfari, vt facere palam aggrediar sanctimoniam, operaque sanè admiranda Baltasaris: qui, præstanti quadam ratione, hoc precandi studio insignitus à Deo est: ab ipso vsque Tyrocinio, multoque etiam ante præcipua essultus ope, vt in hac virtute, atque inde in cæteris eluceret; matutinæ lucis in modum, quæ procedit, & crescit vsque ad perfectam diem. Siquidem verò duplex precandi mente ratio est, altera visitatore via, quam vulgò ingrediuntur assectæ pietatis; altera minus trita, quæ perpaucos admittit; etsi Baltasar in vtraque præcelluit, de primâ dumtaxat sermo nunc erit, quæ ad alteram ducit, ac præparat: plurimamque partem à nostra cura pendet, ac studio, diuino præsidio semper innixis, siue quo nec bona suscipi cogitatio potest, neque piè nomen IESV sanctissimum vsurpari: cum Dei tamen ope facili suauiterq; mens ad Fidei perpendenda mytheria sese confert, ac tum ratiocinando, meditandoque varios excitat in voluntate affectus; agitque cum Deo postulatis, atque colloquijs: quem in suo ascetico exercitiorum libello modum S. Ignatius edocet; eumque nos alijs in libris euoluimus. Ab hoc igitur orandi genere, magna spiritus alacritate exorsus est Baltasar; in eoque (vti deinde videre erit) sexdecim annos extraxit: Deo interim artem illi, solertiamque suggerente, quæ processum in orando iuuarent: dignusque tum esset, qui in altiore, intimioreque Dei consuetudinem admitteretur, modò illi sese ita indulgere Deus annueret. Conatus hos industrius breui quadam hic summa perstringam, eo scilicet quæ præcipuis decem nominibus complectar, vt, quibus cordi est in hac virtute proficere, eorum ij paratum vsum habeant, & exemplum.

Proo. 4.
num. 18.

1. Cor. 3.
num. 5.
1. Cor. 12.
num. 3.

S. I.

Primò igitur, ab initz Societatis initio ingentem illi Deus cupiditatem iniecit precandi iugiter, & ardenter. Vota hæc enim tam enixa, mittendorum è cælo munerum solent esse prænuntia: quippe ad ea efflagiranda, exquirendaque perpehant, quæ largiri Deus arcano mentis suæ consilio decreuit. Inde Salomon inquit,

inquit, Optavi, & datus est mihi sensus: & inuocaui, & venit in me spiritus sapientia. Rursumque David, Desiderium pauperum exaudivit Dominus: preparationem cordis eorum audiuit auris eius. Nitebantur hæc vota in summa quadam æstimatione consuetudinis tam excellæ; quam ille non ex ijs modò conceperat, quæ audierat, legeratque de fluentibus ex ea bonis ingentibus; sed illinc maxime, quòd eorum periculum in sese ipse iam sumpserat. Absconditum quippe Manna precatio est, quod non nisi à gustante, glutienteque sentitur, atque æstimatur ex merito. A gustu deinde ardet iterum gustandi magis, magisque cupiditas: nouam enim famem ipse gustus irritat, ex oraculo Diuinæ Sapientiæ, *Qui edunt me, adhuc esurient, & qui bibunt me, adhuc sitient*. Indeque fiebat, vt hæc desideria in tantum in Sancti huius Viri corde feruerent, vt in quantumcunque tempus suas duceret preces, id illi in tam pia exercitatione perbreue videretur. Quare cum primum necessarijs alijs muneribus defunctus erat, animum ad precationem auidè reuocabat; in eamque, quicquid supererat temporis conferebat: affirmans Religiosum Virum in hoc nostræ mortalitatis exilio, quo tempore summo cum Opifice non versatur, lapidis extra centrum oportere esse consimilem; per vim ibi, & cum quodam veluti cruciati detenti: quare statim atque potestas illi sui est, motum illicò molitur in centrum. Quicumque verò imbutus hoc spiritu est, plus ipse operum vnà expedit horâ, quàm alij permultis: neque se ijs vltra, quàm necesse sit, implicat: relictusque sibi suam fertur illicò ad quietem; ad preces nempe, consuetudinemque cum Deo. At enim velut incipientium ardor spiritui, à quo bono quidem afflatur, solet tamen nonnihil de suo confunderi; ità hæc orandi desideria eò vsque modum egressa sunt in Balasafare, vt aliquandiu inquietum illum habuerint; nò sine ipsius aliqua aduersus Præpositos querela; quòd diu multumque negotijs ipsum immergerent: neque sibi porrò piæ vacationis, quantum vellet ipse, relinquerent. At vbi primum in hunc nzuum animi introspectit, dedit operam vt radicitus eum euelleret: suis de orandi studio votis perductis in plenum cum diuinâ voluntate consensum. Hic enim pernecessarius est, multique momenti, vt in ipsa precatione progressus existant; docente Dauide, *Subditus esto Domino, & ora eum*: tunc enim fructus vber ex precatione percipitur. Quare consilio sapientiore constituit, in sepositum precandi orium plus temporis non conferre, quàm ex obedientiæ præscripto daretur, & commissa sibi munera paterentur: Tobia ad filium de stipe egenis eroganda, consilio in normam legemque precationis suæ tractat: *Quomodo potueris, inquit, ita esto misericors. Si multum tibi*

Sap. 7. 7.
Psal. 9. 38.

Ecclesi. 24.
num. 16.

Psal. 36. 7.

Tob. 4. 8.

B

fuertis,

1/a. 63. 8.

21. Sept.
1569.

fuerit, abundanter tribue: si exiguum tibi fuerit, etiam exiguum liben-
 ter impertiri stude: Sic & ipse, Tempus, aiebat, quietæ orationi
 conferto, quod suppetet: si multi fuerit copia, multum dato:
 sin exiguus, hoc illi quantulumcumque ex animo, impende: satius
 enim est, integra Dei lege, data à Deo dona cum ipso participa-
 re, quàm, vt illi possis elargiri multa, furari: *Deus enim*, quod
 diuinis in oraculis est, *odio habet rapinam in holocausto*, ac proinde
 de furtum etiam in obedientia oderit, vt illud in preces & sacri-
 ficia conferatur. Eoque magis, quod precari nihil aliud est,
 quàm esse cum Deo: quod si eo illum tempore defraudes, quod
 alios in vsus à te velit insumi, tecum esse iam desinit. Si verò à
 te ille absit, qua fieri ratione potest, vt cum tua solitudine con-
 stet oratio? At verò quicumque seruus omnibus vsque sui Do-
 mini imperatis obtemperat; tempusque in ea confert, quæ ab
 illo mandantur; eius in obsequia expeditus semper & alacer; pane
 hic nou vescitur otiosus; securoque licet animo conquietescat.
 Quibus certior vt sit fides, sua in aduersaria hæc retulit. Die D.
 Matthæi nomine sacro; cum expostularem amicè cum Deo de
 paritate temporis ad ipsi seorsim vni vacandum; factum est ad
 me verbum Domini, aitque; Abundè tibi esto, quod tua opera vtori,
 etsi te mecum quietè non habeo: idque tunc me multa animi sua-
 uitate perfudit. Hisce rationibus, quas illum precatio ipsa doce-
 bat, eius protrahendæ cohibuit cupiditates immodicas, tempera-
 tis deinde contentus, quas continuo sibi à diuino Numine iniectas
 in omni vita retinuit. Hinc porro illud extitit, vt perdiligens, quan-
 diù vixit, fuerit in explendo minimùm tempore, quod precibus,
 pietæ lectioni, excutiendæ conscientiæ, cæterisque pijs exercitationi-
 bus statæ leges in Societate præstittunt: sic vt nihil prorsus eorum
 vnquam omitteret: idque statis horis, & integris; aut alio certè
 æquo tempore, si quæ fortè res tunc agendæ instantius intercessis-
 sent: quas si complures per diem fore suspicaretur, maturius manè
 surgebat, vt diuini hisce studijs ratum tempus animo quietiore,
 tribueret: immò tunc semihoram ijs in cumulum adscribebat: ma-
 lebat enim largior in hoc esse, quàm parcior: eaque curâ fiebat;
 vt ipsi deinde in cætera quoque negotia temporis esset satis. Neq;
 verò stato solum per leges tempore erat ille contentus, sed cum gu-
 bernacula tenuit (tenuit verò ferè semper) largior eius fuit. Etenim
 signo nocturnæ quietis dato, odzùm adibat, duasque inibi, tresque
 horas extrahebat in precibus; solertis nimirum Pastoris instar, so-
 porato grege, agens excubias. Excitatori præterea mandabat, me-
 dià ipsum ante alios horâ expergefatum adesset: & adhuc ab eo
 adueniente effusus inueniebatur in preces. Aliàs etiam, suo in cu-
 biculo,

biculo, noctes integras de luce in lucem orando ducebat : quod ij, quorum cubicula proxima illi erant, sentire, non semel: Christi nempe Seruatoris exemplo quem in oratione, *Del p̄noctasse* Lucas affirmat: illud ipsa re vsurpans Isaia: *Anima mea desiderauit te in nocte: sed & spiritu meo in precordijs meis de mane vigilabo ad te.* Quod ille tunc maximè conuenit, cum suum aliquod, alienumve, aut maioris momenti negotium solito plus virgeret. Cuius rei exempla, plura deinde subiiciam.

Luc. 6.12.
Isa. 26.9.

Ad hæc, singulis annis minimum semel ad dies octo, vel quindecim, plus minulve, vt ipsi ab pccupationibus vacabat, colligebat sese; vt spiritualibus, (qui Societatis mos est) exercitijs animum reficeret, confirmaretque: atque id omne tempus in vnâ cum Deo familiaritatem intimâ conferebat. Quod si res gerendæ tam diuturni temporis eam in rem continenter copiam illi non facerët; singulis saltem mensibus, diem vnum, singulisque rursus hebdomadis antemeridianas vnus: diei horas pio huic otio seponcbat. Habebat quippe suo iam experimento compertum, per longiores hæc cum Deo moras incallescere spiritum, liquidiores diuinorum sensus hauriri, animumque Deo arctius illigari: ad pia etiam opera, animorumque salutem procurandam magna fieri virium incrementa. Eam ob rem sciundum, septimumque Deus Moysen continuit septem diebus in medio caliginis; atque inde vocauit eum ad montem, detinuitque ibi, *quadraginta diebus*; ac legem illi descriptam dedit in tabulis: qua deinde manibus prælata descendit, vt eam populo promulgaret. Quamquàm verò rem dierum quadraginta, vnus horæ compendio, potuisset Deus absolueret; eo tamen voluit exemplo docere, diuinam familiaritatem inire, cupientibus, ad hanc per diuturnam, quietèque sepositam cum Deo communicationem habendos esse progressus, qua ad fortia quæque pro Christo agenda imbuuntur animi pariter, ac roborantur.

Exod. 24.
16.

Apparet hinc liquidò, quàm attentò, reuerenti, pio, ardentique animo sese ille haberet in precibus: nemo quippe tot horas in eas erogat, tam frequenter, nisi de hac diuinissima exercitatione excelsam quandam opinionem animo ante conceperit: expertusque senserit provenientem ex ea suauitatem, ac fructum. Quin ipsa vota, quibus ardebat, tam prolixè precandi, stimulo illi erant, vt id perquam attentè ageret, ac perfectè. Quare sexdecim totos annos, quibus primam orandi viam ingressus est, obseruantissimus eorum fuit omnium monitorum, quæ in suo spiritualium Exercitiorum libello, Additiones, vocat Ignatius; vt meditatio benè succedat: ne minimo quidem ex ijs omisso per incuriam, vel neglectum. Animaduerterat quippe, rem ab eo fieri Deo gratissimam, qui quæ di-

Bern. serm.
46. in Can.

uinæ sunt voluntatis in re quantulacumque studiosè perficiat; ut nos in sui conspectum, atque familiaritatem admittat. Diuinum quippe Numen quàm habet in intimis obsequentes sibi, tam velut alienos, à se abstinet indociles homines, sui que amantes tenacesque consilij: Atque, uti Bernardus ait, *Cælestis sponsus non dormiet tecum per contemplationem in lecto vno, illo præsertim, quem tibi, pro obedientiæ floribus, cicutis atque vriticis inobedientiæ aspersisti: nec enim dabit inobedienti copiam sui tantus obedientiæ amator, ut mori, quàm non obedire maluerit.*

S. I I.

Serm. 3. in
Cant.

Illud hinc etiam apud se constituit; submissè admodum hanc precatonis viam insilire. Noluìt vno volatu in eius, tentando, culmen eniti: sed suis prouectus est gradibus; ab imo exorsus, dum ipsum ad altiores Deus eueheret. Etenim, ut apud Bernardum eundem est; Intutum est repente ad summam conscendere: nec oris diuini osculum petat, nisi qui sponsi cælestis pedes ante, manusque fuerit exosculatus. Hanc Baltasar rationem in meditando tenuit: atque ita per ea progressus est opera triplicis viæ, quam, Purgatiuam, Illuminatiuam, & Vnitiuam vocant: ducto à primis exorsu; ut culpæ labes elueret, contumacesque animi affectus, eaque omnia in se ipse contunderet, quæ Diuinæ familiaritati solent obstat, cum stant. Quare summæ fuit illi curæ, duplici in dies singulos, ut Societas solet, examine, altero generali, de omnibus in vniuersum noxijs, particulari altero, de præcipuo aliquo extirpando vicio, in animum suum inquirere: annumerato, quoties ante, quoties post meridiem lapsus esset: ipsis inter se lapsibus vnius diei, ac hebdomadæ, cum diei alterius, hebdomadæque collatis: ut, quid eo studio profecisset, intelligeret. Idque plurimi faciebat: genus hoc enim quoddam orandi æquosum, siue, ut dicunt, præcticum appellabat; quo in eam, quæ radix Christianæ humilitatis est, cognitionem nostri descendimus, munditiæque cordis assequimur, quæ cum primis diuinæ familiaritati nos efficit peridoneos. Hoc porro habendos in orandi studio, fulciebat. In singula enim, quæ sibi inter orandum euenerant, exquisitè mentis oculum referebat: ut quæ per incuriam commississet mala, corrigeret, grates verò Deo haberet, & ageret, ob eas illustrationes, atque impulsus, quibus ad virtutem ipsius animum incitasset. Ea verò, memoriæ causâ, in ea, quorum in præfatione meminimus, aduersaria referebat; die, mense, anno, immò & occasione, qua talia senserat, annotatis: inibique adscripsit, ea diuinæ veritatis dictata, suo in pectore prunarum

narum cœlestium vim habuisse, quibus, si quando reperet, incal-
 sceret: eorum nempe refricatâ memoriâ, ijsque rursus attentè per-
 pensis, vt fructus ex ipsis novos, vberisque perciperet.

Atque hinc rursus illud eueniebat, retinendæ in precando con-
 stantiz, sanè perutile: secutus enim Seruatoris Christi consilium,
Oportet semper orare, & nunquam deficere, quæ bonis pijsque sensibus
 commentatus diluculò erat in precibus, ea interdiu verfabat ani-
 mo, ruminabatque: atque inde fiebat, vt Deus illi noua rursus
 eius generis munera impertiret. Hæc in suo ille autographo; in
 quo sic interrogat. Quarum quis rerum suscipiet cogitationem in-
 terdiu? subiicitque: si intente prospexerit, *reliquia cogitationum*, ex
 „ orationis vtique mensa, *diem festum agent ei*. Vt enim in Aula
 „ Principis solerti Aulico præstò semper est sportula in dies singu-
 „ los constituta: ita summus ille Regum, quorum expertus sit si-
 „ dem, suis & ipse asseclis de epuli sui reliquijs noua cum illustra-
 „ tionibus sensa elargitur; quibus abundè alitur animus, & tene-
 „ tur: eiusque rei sumpsi in mea ipse mente periculum, nequit enim
 „ tot fercula à Deo sibi ingesta concoquere. Apparet hinc porrò
 diuina in suum hunc familiarem largitas, siquidem cœlestium epu-
 larum magnitudo tanta erat, ac vis, vt conficiendis ijs non esset
 illi sat temporis, quæ tamen tota ipse die remanderet. Hinc etiam
 Deus illi continuò ante mentis oculos obuersabatur; seque adeò
 intra seipsum sedulò colligebat, vt intentiore in illum defigeretur
 obtutu. Solitarium verò hoc arcanum in cubiculo perinde quær-
 bat ac foro: visus à permultis conuiuere sensim oculis similis dor-
 mitanti: idque ex eo nimirum vsu, quòd hæc extima corporis lu-
 mina sæpe sua sponte contegeret, quò intima faciliùs aperiret. Ad
 hæc cum in Tyronibus, & Scholasticis esset; atque ex Patribus ali-
 quem quopiam comitaretur, precibus indulgebat in via: eoque
 curam in sua negotia intendente, feriatu interrim ipse vacabat
 Deo. Quocumque conferret iter, orans ingrediebatur. Consuevit
 adeò illud discitare cum rhythmo; Comitari, & ambulare, Iuge
 bonum dat, orare. Ita Baltasar duo illa coniunxit, quæ cupidum
 cœlestium rerum hominem, habilemque studio precationis effi-
 ciunt. Neque enim satis est proluxa precatio, & sedata, si solutus
 interdiu animus euagetur, eamque perpetuare, seu quæ deprom-
 pserit ex ea retractans, alias ijs interdiu iaculatorias preces aggre-
 gare crebrò postmittat. *Perparum namque orat* (scitum est Cassiani)
quisquis illo tantum tempore, quo genua flectuntur, orare consuevit, nisi
 illud etiam impleat, quod ait Apostolus, *sine intermissione orate*, ne-
 que rursus precatiuncularum breuium frequentiâ consultum satis
 est, nisi secessus ad meditationem accedat; in qua ad retinendum

Luc. 18. 1.

Psal. 75. 28

Cassian. ed.
lat. 10. cap
14. 1.
Thes. 5. 17.

Dei

Dei conspectum, ipsumque se custodiendum, ne per diurna negotia solvatur, & effluat, animus inflammatur. Quam in rem illud quandoque usurpabat, quod Ioannes Auila Auctor libri, cui titulus est, Audi filia, cuiusdam respondit interroganti, satisne esset, praesentem interdium mentis suae oculo Deum intueri, sensusque, atque animum, ut videre in ipso erat, in custodia semper habere? nisi quid inquit, accesserit, evanescet: rogatusque, ecquid illud esset? prolixa, inquit, precatio.

Has demum suas omnes industrias Baltasar sigillo retentae in ijs perseverantiae communiuit. Quanquam enim sexdecim annis, quibus oravit semper hac methodo, magnas perpessus est obiectiones animo nebulas, ariditatem, duritiemque spiritus, euagationes animi, atque desertiones, eaque demum omnia, quorum experimentis viam hanc ingressi tentantur; nunquam tamen precandi desideria dimisit: neque adminicula ad id accurate neglexit: constanter sese in omnibus perinde habens, ac si aditum ad Deum haberet semper facilem, & suavem. Fiduciam nempe uniuersam in infinita diuini Numinis bonitate, ac largitate praecipue collocabat: cuius se ipse conspectui non secus atque Chanania illa fistebat, instar nempe catelli expectantis micas, quae cadunt de mensa Domini sui; aut Euangelici eius amici, qui ut ut repulsus, ad fores Dei tamen annos sane permultos pulsare non destitit; donec & exauditus est; & in sui Domini familiaritatem admisit; tanta cum caelestium donorum magnitudine ac vi, quantam duodecimo capite exponemus: ubi de vberibus ijs fructibus, praemissisque ingentibus sermo erit, quibus solertiae ac perseverantiae tantae causam ornatus a Deo, cumulatiusque fuit:

Matth. 15.
27.

CAPVT TERTIVM.

Humanitatis Christi mysteria in prima suarum Meditationum argumenta sumit: quam pio semper animo in eam fuerit affectus: & quos, quantosque fructus inde perceperit.

II, qui Dei mancipare se obsequio, cumque diuina ipsius maiestate consuetudinem inire precibus decreuere, postquam e miserabili, in quo sorduerunt, peccatorum caeno emersere, in eumque finem animum exercuere, meditando culparum grauitatem, mortis, extremi Iudicii, Inferorumque terrorem, ceterasque penas, quas diuinus Iudex consceleratis hominibus comminatur; pro-

progredi ad myſteria contemplanda ſolent, diuinæ humanitatis Chriſti Seruatoris, Dei ſimul, hominiſque veri, qui noſtra *Via, Veritas, & vita eſt*, perfectionis, ſalutiſque noſtræ initium, ſinis, ac medium, ipſo affirmante: *Ego ſum oſtium, per me ſi quis introierit, ſaluaabitur: & ingredietur, & egredietur, & pascua inueniet.* Per oſtium hoc adeundum eſt iuſtis, & iniuſtis; incipientibus, proficientibus, atque perfectis, omnibuſque, prout opus habent, & quantum capiunt, ſacrata ſunt pascua in eum ſinem, quem ſibi in ipſo diuina hæc myſteria meditandi veſtibulo conſtituere. Sontes quidem, dum animo verſant, quæ, & quanta pro ipſorum noxijs Seruator egit, ac pertulit; ijs expiandis pabula præſtò habent doloris, pœnitentiæ, lacrymarum. Incipientibus ſeges earum virtutum ſuppetit, quæ prauas affectiones & vitia contundunt, ac domant: ſubiguntq; ſpiritui carnem, ſenſuſque rationi. Proficientes ibidem aliorum virtutum, ac veritatum alimenta capiunt, quæ ipſorum mentes illuſtrant, & maiora in incrementa perducunt; matutinæ lucis inſtar, *qua procedit, & creſcit uſque ad perfectam diem.* At verò perfectis, præſtantioribus illic ſtructum eſt epulis: per hoc enim ſanctiſſimæ humanitatis oſtium ad excelsiſſima diuinitatis arcana contemplanda ingrediuntur: ruſumque egrediuntur ad obeunda cum proximis opera, muneraque ardentiffimæ caritatis. Hæc ingreſſus eſt ſuo ab exorſu Baltasar: neque verò quandiu vixit, vllò vnquam tempore ingredi, atque egredi deſtitit: in ſecretum primò cor inſinuans ſeſe Numinis corporati: in myſteria deinde diuinæ Trinitatis, & Vnitatis altiùs ſeſe immergens: atque inde tum exiens, ad frangendum primò, formandumque ſeſe varia exercitatione virtutum: poſtea verò ad opem proximis ingenti ardore ferendam.

Ioan. 15.

Ioan. 10. 9.

Prou. 4. 18

§. I.

Primò igitur Chriſtum Dominum præcipuum ſibi Magiſtrum Baltasar adſciuit; oraculo dicentis auſcultans, *Magiſter veſter vnus eſt Chriſtus*: qui, quâ homo, perfunctus palam hoc munere, dictis, factiſque docuit omnes ea, quæ ſunt Euangelicæ perfectionis, profunda, & abſcondita olim initia Diuinitatis ac Triadis: quâ verò Deus clam idem continenter præſtans, hiſce animos veritatibus imbuir; ad eaſque percipiendas, eos luce perfundit, inque virtutum amplexum, conciliato ipſarum amore perducit. Vtrâque verò formâ Inſtitutorem ſuum Salutis noſtræ Vindicem ſua ſibi Baltasar in precatione conſciuerat; nunc illum vt hominem intuentis ipſiuſque imaginem ſua ſibi mente deſcribens; quam multò etiam perfectiùs illi deinde Deus impertijt: nunc veluti Deum aſpiciens, ſtu-

Matth. 23.
10.

studiosos sui in secreta cordis solitudine alloquentem . Miraque planè erat corporis habitudo , reuerentia , pietas , animique tenacitas , quam in hoc præ se ipse ferebat . Sistebat verò se suis in precibus Christo Domino , tanquam accidentem pronè ad pedes sui
 „ Magistri discipulum , hac illum ratione compellans : Domine ,
 „ mi , utriusque nostrum suum imperatum est munus tuo ab immor-
 „ tali Genitore , cum dixit , *Hic est filius meus dilectus , ipsum audite .*
 „ Tu porrò Magistrum agas oportet , ego verò discipulum . Quod
 „ igitur tuam vertat in gloriam , munere nunc uterque nostro fun-
 „ gamur . Quoniam verò Magistri est loqui , audire discipuli : equi-
 „ dem silebo , at tu , *Loquere Domine , quia audit seruus tuus .* Et verò
 „ oculis , vt attentior sim , clausis : flexisque item genibus , siquidem
 „ non , Magister es modò , sed Dominus . Rursus quia in te coniu-
 „ ctus cum homine Deus est , iunctis adero manibus , & crectis : quo
 „ fiat , vt orem te pariter , & adorem : tuamque doctrinam excipiens ;
 „ quo illam habeam in honore , positu ipso , habituque corporis
 „ religioso , supplicique commonstrem : immotus ad omnia , quæ
 „ incommodare interea mihi possent , ne vel vnum mihi tam saluta-
 „ ris doctrinæ verbum intercidat . Quòd si quid molestiam fortè
 „ faceat , id in partes martyrij ducam , eiusque loco perpetiar : pe-
 „ riculum in re tantula lumens asperiorum scilicet cruciatuum ; ad
 „ quos tui causâ deuorandos , inter precandum aliàs , paratissimum
 „ me auidè profitebar . Paucis igitur : audiam te veluti Magistrum ,
 „ silens , vt Dominum , prouolutus in genua ; compositis , erectisque
 „ manibus , tanquam Deum : atque vt nullum mihi verbum excidat ,
 „ testetur simul , quanto tuam doctrinam honore colam , immotus .
 Et hæc quidem egregius hic Vir studio pietatis incensus aiebat ,
 agebatque . Qui quandoquidem incipientes alloquitur , audire si-
 lentio , non eum hic intelligit altissimum orandi modum , quem
 quietis , & coniunctionis appellant : In quo mentis exercitatio ces-
 sat , suauisque otio diuinæ illustrationes excipiuntur ; & in quo , vt
 suus indicabit locus , ipse idem excelluit : sed vltiorem alium ,
 atque ad orandum cum attentè , tum fructuosè pernecessarium : à
 quo alienationes , euagationesque absunt animi garrientis secum ;
 & vagi , mens verò tota quiescit in relegendis , meditandisq ; Serua-
 toris Christi mysterijs , verbisq ; pensandis , aut quæ diuinus idem
 Magister in sacris Euangelij paginis elocutus est ; aut quibus idè in-
 timè cor orantis aptè assatur in diuinis nèpe affatibus sentiendis .

Hoc igitur meditandi vltu Baltasari Deus erga omnia celestis
 huius Magistri verba ækimationem summam , paremque amorem
 impertijt . Quamquam enim omnia , quæ à Mundi exortu locutus est
 verba Deus , & sacris confignata sunt paginis , pari recipienda , co-
 len-

lendaque sunt fide;quippe quæ ex vno fluxere fonte Veritatis eiusdem, quæ nec potest falli, nec fallere; reuerentiâ tamen, curâque præcipuâ ex verbis corporati Numinis proficiebat; remedium in ijs expertus singulare, vimque præpotentem ad ea omnia, quæ in animi compendium vertunt. Quamobrem idem ipse Seruator asseruit, *Verba quæ ego locutus sum vobis, spiritus, & vita sunt.* Ijsque Petrus auditis, *Domine inquit, ad quem ibimus? Verba vitæ æternæ habes.*

1. Jo. 6. 64.
ibid. 68.

Id verò dabat illi eximia pietas, opinioque ingenio diuini huiusce Magistri, in humanitatem eius sanctissimam, velut in fontem thesaurorum omnium spiritualium inspicienti: quo spiritu ad eum accedebat in precibus, vt illorum admitteretur in partem. Hos hausit sensus ex eorum commentatione verborum, quæ apud
 „ Lucam sunt: *Descendente IESU de monte, occurrit illi turba multa.* De-
 „ scendit, inquit, è Cælo frater natu maior, diues Dominus: adi-
 „ bant illum plurimi & *virtus de illo exibat, quæ sanabat, & fospita-*
 „ *bat omnes.* Hinc porro æterni Parentis verba cum Iustis eo spe-
 „ rant, vt ij Christum Dominum plurimi æstiment: eaque viæ, ac
 „ rationes sunt, quibus eos per ipsum hunc locupletat. *Magnifi-*
 „ *cans,* inquit, Dauid, *salutes Regis eius* hoc est, illud efficiens, vt ma-
 „ gni faciant salutem, bonorumque vini illam vberem, quæ in eos
 „ pertinet ex hoc Rege, Vindiceque terrarum: *Per quem,* vt Petrus ait,
 „ *maxima, & pretiosa nobis promissa donauit.* Et de quo asfirmandû etiâ
 „ illud est Iobi, *Si comedi buccellam meam solus, & non comedit pupil-*
 „ *lus ex ea.* Filius ipse Dei est, *Deditq; nobis potestatem filios Dei fieri.*
 „ In eo diuinus Genitor sibi complacuit: In eoque nos diuino Ge-
 „ nitiori placemus. Sacerdos ipse est, nosque initiauit ipse sacerdo-
 „ tio; omnia ille habet in sese, rerumque nos omnium fecit ipse par-
 „ ticipes. Atq; hi Baltasaris sensus erant asserentis, damnosissimam
 „ omnium Christianæ genti ignorantiam eam esse, quæ Christus, con-
 „ ditique in eo thesauri nos latent. Quamobrem quasi omni destitu-
 „ ta sit ope, in ingentes se ipsa cogit angustias distidentis plenas,
 „ mæroris, atque defectus: non secus atque Iosephi fratres fame,
 „ curisque angebantur; ignari scilicet ab suo germano Iosepho gu-
 „ bernacula in Ægypto teneri: annonamque illius Regni vniuersam
 „ ipsius in manu esse: quò, vt ipsemet dixit, eorum causâ præmise-
 „ rat illum Deus.

Luc. 9. 37.

c. 19. 6.

1. Pet. 1. 4.

Iob. 31. 17.

1. Jo. 1. 12.

Gen. 45. 5.

Hæc, aliæque sic meditans Christi Domini amorem in nos arden-
 „ tissimum suum apud animum plurimi æstimauit: quo ex amore
 „ collata in nos à Christo beneficia permanarunt. Id verò pijs, incen-
 „ sisque verbis explicabat, hoc simili. Quò intensiores à sole sunt
 „ radij, eò lux inde reuerberatur ardentius. Amoris Christi radij
 „ rectâ diuinissimi Parentis sui ferebantur in cor, cuius nos ipse

ps. 18. 6.

„gratiâ, imperioque dilexit: quod si tâta vis erat in radijs, quippe qui
 „Genitorem suum tam ingenti complectebatur amore, quàm nos
 „vehementer illorum fulgor aduret! nulla profectò lingua, facul-
 „tas nulla id evolvere satis potest. Hæc enim illa vis est, de qua
 „Psaltes. *Exultavit ut gigas ad currendam viam: à summo calo egres-*
 „*sio eius: nec est qui se abscondat à calore eius.* Pro diuine Amor,
 „qui à Deo existi, delapsusque ad hominem, ad Deum iterum re-
 „uolasti: neque enim tuus fuit amor in hominem, ipsius causâ, sed
 „Dei; tamque ingens, ac singularis is fuit, vt quicunque amoris
 „tanti momenta æqua lance perpenderit, tueri se satis ab ea præ-
 „potenti vi nequeat, qua perrumpit in cor. Ecquis illum, siue in
 „terrarum hunc Orbem prodeuntem primò, tenellulum infantem,
 „ac præ hyeme, geluque trementem aspiciat, quin vehementi ca-
 „ritate in ipsum exæstuet? siue totius decursu vitæ humilem, ho-
 „minisque honorandi ergo despectum, quin illum in omni habeat
 „pretio & honore? siue ipso mortalitatis in exitu, eorum, quos
 „ipse condidit; tradentem se manibus constringendum ac fœdan-
 „dum, probrosæque trahi figendum; suo sanguine largè perfusum;
 „altumque de Cruce populo ostentatum, eâ dumtaxat gratiâ ho-
 „minis ab interitu asserendi, quin secum illum auferat, atque à tel-
 „lure sustollat? Si catenæ sunt beneficia; & grata opera, prunæ; meus
 „animus tam effusè ab hoc largissimo Principe ijs cumulatus, &
 „obrutus, illiusne amore totus vsque non arserit? Rursum, si amor
 „plus quàm beneficia, incitat ad amandum (quisquis enim bene-
 „ficium in alio collocat, aliquid illi de suo largitur; qui verò amor,
 „suis cum rebus, ipsum se, re nulla sibi retenta, profundit) anime
 „mi, qui Deum non amas, ipsoque viuus vno contentus? at eo con-
 „tenti sunt Cælites. Si ad amorem improbum, cæcumque terra-
 „rum, frigida licet corda in aliorum caritatem exardent, cum eo-
 „rum beneuolentiâ præoccupari se sentiunt; mutuoque conspe-
 „ctu calent pariter, & vruntur amantes; quæ tua isthæc duritas est,
 „anime mi, vt cum nequaquam ipse Dominum hunc amando præ-
 „uenieris, vices saltem illi non reponas, qui tot tibi argumenta
 „præbuit amoris sui? Liberum alieno ab amore cor habenti, hæc
 „profectò dicta sunt satis. His Baltasar rationibus in sui Seruatoris
 „amorem, cuius caritas complexa ipsum antea fuit, suum ani-
 „mum incendebat: seque nullius omnino alterius rei capi, tenerique
 „patiebatur affectu; quò diuini amoris flamma in ipso ardentius
 „æstualet. Eoque rimari profundius eadem in nomina nitebatur,
 „quibus æstimationem Vindici nostro, amoremque debemus, aie-
 „batque; ô Domine, quàm te impensè diligunt, qui te norunt!
 „Diligit te tuus Genitor; & tua te Genitrix amat; tuique Angeli,
 „tuique

„ tuique omnes filij, & amici tui amoris sensu liquidissimo teneres-
 „ cunt: Te res vbique omnes altè reuerentur & colunt: vnusque ipse
 „ tui amore non vrar? vnus tibi me torpentem sistam, & turpem?

S. I I.

EX hac porro æstimatione, amoreque in Christum fiebat, vt præcipuâ curâ compararet sese ad dies illos celebrandos, quibus Diuinæ Humanitatis sacrosancta mysteria recoluntur; plurimum temporis in eorum pia commentatione consumens: diuinis interini & recreatus illapsibus, & muneribus cumulatus: vt ex ijs appareret sensibus, quos à se per hosce dies hausos fuisse idem ipse suum retulit in libellum. Quorum hic vnum, alterumque commemorasse sat est; è quibus & ipsius in eam rem industriæ, & diuinæ in Baltasarem largitatis sumere liceat argumenta. Ipso, inquit, Diuini Natalis peruigilio, adeo eram in Seruatoris IESV aspectu, quem Pastores coluere, defixus, vt à vespertino ientaculo digressus ad animum colloquutione cum Socijs recreandum, gregem me adire tunc crederem, cuius præcipuus Pastor Christus est: illudque obuersatum est animo, eum, vtpote Pastorem optimum nequaquam commissurum esse, vt incustoditum relinqueret gregem suum: sed illi certò adfore: quare alacer illuc accessi, vbi futurum erat vt illum inuenirem. Subijcit deinde ardentia vota, quibus æstuabat: simul animum neutro propensum, vt diuinis, quas ipse iam præsentiebat, delicijs aut frueretur aut careret; atque. Si ea nocte res cecidisset ex voto, quemadmodum id solatio mihi fuisset ingenti, ita si secus obtigisset ægerrimè animus habuisset. At enim verò eò, quò mittit Deus alterutrum, quod purgatior cum affectu perstat, id præstat. Hæc verò mecum reputans, æquabili satis animo acquieui.

Similem huic sensum hausit sacro Epiphaniz die; quo, inquit, cum pios de illa cogitationes suscipere exoptarem, vocem hanc audi. Quid si te illis frui noluerit? Perlibenter, inquit, ignorabo, quæ mihi Deus nolit euoluere. Quòd si diuino studes obsequio, non agit ille tecum iniquè, hac enim ratione promptius id illi præstatur. Inde meo animo quies, atque serenitas. Illum tamen nequaquam Deus aridum, eaque carentem affectus suauitate dimisit, quam animo tam æquabili expetiuerat. Etenim hac eum pia cogitatione permulsi, Magorum, ex aspectu sideris, gaudium perpendentem. Si in hoc mortalitatis exilio, vbi tantum est ærumnarum, & fletus, impertita à Deo lux in tantum explet, & satiat, vt Reges, viso sidere, gauisi sint gaudio magno valde; quid tum erit

„Deo perfrui, quem illa lux indicat? Eique oppidò sese Deus fruendum indulgit, ut ex liquidis alijs adscriptis inibi sensibus apparet, quos sexto capite commodum exequemur.

Præ cæteris verò Seruatoris Christi mysterijs, singulari pietate, prosequabatur sanctissimos ipsius cruciatus, & eandem; quam animo & altè retinebat infixam, & suauissimè meditabatur. Quamobrem interrogatus id temporis, quam in orando viam insisteret; Ipso, inquit, in aditu sanctissimos sibi pedes pendentis è Cruce Seruatoris offerri, seque venerabundum ibi consistere: ad eosque defixum profundam illam virtutum omnium doctrinam secum animo commentari, quam de suggestu Crucis diuinus hic Magister tradidit: indeque haurire se præferuida sui cruciandi, crucique figendi vota; amandi simul proximos, & iuuandi, quorum ergo Sanctissimus hic Præceptor tam probrosa, immaniaq; supplicia deuorauit. Tantosq; efficiebat inde processus, ut quicumq; recens ad meditando accederent, auctor ijs esset, ut à diuinis cruciatibus, tanquam à spiritali fonte profectus, sumerent argumentum. Illudque habebat in vñtatis adhortationibus, & sermone frequenter: „Ne nos profecisse aliquid arbitremur, quandiu illud assecuti non sumus, ut confixum Cruci Dominum semper in nostro corde gestemus. Atque illum sanè in corde ipse gestabat. Interpretari siquidem hoc pacto licet corporatam illam Christi præsentiam, quam sibi quodam in commentariolo (de quo deinde) impertitam fuisse commemorat. Etsi tamen opinor, id ab eo affirmatum de viuæ Dei morientis imagine, quam cordibus diuinus Christi amor exculpit; à quo ad eam nos conformamur imaginem, quam noster ille Vindex, in Cruce, nostri causâ, præsetulit: sic ut intimè cupiamus affixam iugiter Cruci cum ipso vitam extrahere, Apostolum æmulati dicentem; *Christo confixus sum Cruci: Vivo autem iam non ego: vivit verò in me Christus*. Ad hæc in compendium illi spiritali vertebat exposita semper suo in cubiculo Christi è Cruce pendentis imago, in quam per frequenter aspiciebat; perque illam egregijs à Deo muneribus, plurimisq; cælestium veritatum illustrationibusangebatur; quas deinde cum alijs, quos alloquebatur communicabat. Animus verò illi quandoque auocabatur à sensibus: per sanctissimorum quippe Christi vulnerum ostia, in pelagus immergebat sese illius immensæ caritatis, atque diuinitatis. Eademum, quæ in affixo Cruci Christo contemplabatur intensius, tres illi erant ab ipso vsque præsepi, in omni vita Christi Comites indiuidui, Paupertas nempe, Contemptus, & Dolor: omnia penitens minutatim, quæ in ijs singulis arcano nucleo includuntur. Spectabat illum in Cruce tam inopem, ut nudus inde penderet; careret-

retque ad restringendam sitim, fontanæ aquæ vel guttulâ: adeo contemptum, vt tamquam nefariorum facinorum reum, duos inter latrones medium, quotquot aderant, omnibus illum conuiciis, & maledictis incesserent: tam immani denique dolore confectum, vt à summò vertice, ad imos vsque pedes nulla in ipsius corpore pars cruciati immani, horrendoque careret. Quorum adeo meditatione non tenero dumtaxat ipse pietatis sensu liquescebat, verum excitabatur amplius ad comparandam sibi pauperiem, amandumque contemptum, doloresque auidè complectendos: quo in studio perseverantissimè in omni vita se habuit: æstimatione summa spiritualis eius Crucis, quæ tria hæc elementa componit: & quibus Dei in Crucem acti absoluta constat imitatio: quod & Paulus appellat *Mortificationem IESU*, eiusque *stigmata in corpore circumferre*, veluti proximo statim capite exponetur.

CAPVT QVARTVM.

*Studio frangendi in omnibus sui, à Tyrocinio, seriam
Balasar operam nauat; idque plurimo pœnarum
usu in omni vita persequitur.*

PRecationis eius absolutæ consummatæque spiritus, qui in consuetudinem intimam cum Deo mentem insinuat, sine ipsius sui veræ, integræque victoriæ, atque mortificationis, quam dicunt, spiritu non hauritur, quæ ad precationem terè sternere viam solet: eamque instar præsidij fortissi mi comitatur, ad difficultates inorando, & obices peruincendos; eandem verò veluti fructus decerptus ex ipsa subsequitur, vt quæ inter preces nouimus, vouimusque, nos deinde ipsi coercendo, & contundendo præstemus. Superandus primò *Myrrha mons* est, quæ quidem mortificatio est sensui peramara, si ad *collem thuris*, hoc est, ad suauem animæ precationem velis ascendere. At enim in hoc Dei colle statio *Philistinorum*, hostiumque est, seditiones, & arma mouentium aduersus eos, qui sua in eo castra ponere constituere: ad quos proinde expugnandos, tela stringenda sunt manibus, domando scilicet, ac diruendo quicquid in nos illi impedimentorum, atque difficultatum aggeribus moliantur. Quod si in Thaboris fastigium euasisti; perque contemplationem transfigurantis sese Christi vultum inclytum induisti, non ibi tamen statuenda tibi sedes est; sed iterum descendas oportet, ad excessus caritatis explendos: licet id permagno stet pretio laboris, & ærumnarum; Christi nempe Paupertatis, Con-

*Cant. 4. 6.
ibid.*

*1. Reg. 10.
5.*

tem-

temptus, dolorum, & eius amplexu Crucis, quam hæc elementa componunt.

Hinc porrò nostræ salutis Assertor, vt qui perfectionis apicem affectu huic suo decreuerat, vnâ cum orandi studio, generosum illi, fortemque in quacunque re ad triumphandum sese, ab ipso exorsu, animum impertiuit; sic vt semel ac simul sibi, rebusque omnibus opraret, si daretur, emori, vni vt Deo viueret; inque illo quietem ac solatium inueniret. Etenim quemadmodum caro ad ea, quæ ipsam contundunt, repugnat scilicet, inhorrescit, ac trepidat; quam nempe crucem retur longè grauissimam; quantòque illam magis euitat, tantò plus ipsi accedit ab illa terroris; ita prudentis est in eius complexum fortiter statim ire. Documentum enim diuini Præceptoris est, *Regnum Calorum vim patitur, & violenti rapiunt illud*. Quod sanè non alios, at ipsos se vincendo, amoreque sui strenuè iugulando, viri fortes, ac strenui assequuntur: hoc namque optimo funere, sexcentas à se mortes auertunt, quibus amatores sui, suarum cupiditatum mancipēs enecantur; gaudiumque illud assequuntur & pacem, qua Regnum Dei est. Quare illud Baltasar didicisse consueuerat. Quemadmodum Martyres, vt Ecclesiæ præconium est, *Mortis sacra compendio vitam beatam possident*, ita contententes vtrò se iustos, breui alia abdicatione, abnegationisque sui morte ad eam quietem prouehi, quam in hac assequi mortalitate fas est. Verùm, quia vno impetu ad nos ipsos cruendos animosè, solerterque non imus, gemitum semper damus. Crucemque (quod hypocritarum est) in ea nunquam, emoriendo, gestamus.

Matth. 11.
12.

Rom. 14.

S. I.

AT ipse, re apud suum animum ita deliberata, opus hoc persanctum iniuit: aggressusque alacriter est ad id primò coercendum, quod altiores radices agere assolet; vitia nimirum naturâ nobis ingenta: cuius ingenio ipse vsus est sub initium in sese, atque in alios, arido simul, & aspero. Omnium verò, qui Baltasarem nouere, conspirata sententia fuit, castigatam illam, domitamque sic ab ipso fuisse, vt seueritatem sibi, asperitatemque retinuerit; facilitatem in alios, suauitatemque suscepit. Quod & de Parente nostro sanctissimo Ignatio testatum monumentis accepimus: illum suæ apparatus & conformatione naturæ fuisse quidem à Bava bile præferuidum, ita se tamen mortificationis studio postmodum triumphasse, vt à frigido phlegmate languere potiùs videretur. Cuius Baltasar exemplo, naturæ suæ habitudinem ita correxit, vt eam ab aspe-

o. 7. 12. 13.
o. 14. 15. 16.

aspera, rigidaque, ad lenem, suauemque traduxerit.

Ad hæc, amorem in suos carnis & sanguinis, multorum in cordibus infixum à natura tam altè, coërcitum ipse sic habuit, & submissum; quasi careret parentibus, & propinquis. Nunquam cuius esset, nec, quos attingeret sanguine, auditus est dicere: neque se in eorum negotia inferebat. Romam verò aliquando profectus, quamuis patriam ab recto itinere tres non amplius leuca seponerent, recusauit tamen ad eam diuertere, seu consanguineos, vt sibi occurrerent, admonere. Atque ad eam aliàs cum deinde se contulit, coactus est Prouincialium imperato; postquam iritionem illam, multis antea rationibus detrectauit. Suum etiam in animum propterea nunquam induxit, vt quicquam à cognatis acciperet, ne eo nomine illos teneretur inuifere: affirmabatque, religioso viro illud in omni vita cauendum esse, ne cuiquam hic in terris amico, affini, cognato, animum obstringat suum: sed vt, exemplo *Melchisedech sine patre, sine matre, sine genealogia sit*, à quibus priuilegio possit exui religiosæ libertatis.

Heb. 7. 3.

Sensus etiam connixus est acriter habenâ comperescere; nulla ijs in re assentiens, aut conuiuens. Oculorum curiositatem omninò perueit. Aduena enim Romæ, vbi videndi cupiditatem tam multa proritant, ab intuendis tamen ijs abstiniuit: quæ dum alij circumspectum irent, ad Sanctorum ipse monumenta, quorum reliquias inuiferet, precabundus hærebat. Rector Methymnensi Collegio cum præset, die, quo diuinissimæ Eucharistiæ à Christo institutæ memoria, sanctiori celebritate, recolitur; quandiu supplicatio pia circumijcit, animaduertère permulti illum defixis in sanctissimam Frugem oculis processisse; neque illòs inde auertisse vel semel, vt vel saltationes, vel alia conspiceret; quæ, cum pulchrè fierent, ac festiuè, lacescebant obtutus. Idem ipse retulit in loco de sese, Vallisoleti, cum quærentium in hæreticâ prauitate Iudicio publico interesset, ibi se collocatum fuisse, vnde in Iudicium, redurumque pulpitem spectare non poterat, quin oculos in mulieres ante conijceret, quæ in interceptis, præpositisque sibi tabulatis confederant; quod porro cum sibi videretur absurdum, Deiparæ, quam habere secum semper, & vbique consueuerat, prolata ibidem, prætentâque manibus imagine, ita se in eam cum corde oculos defixisse, vt per omne Iudicii tempus ad septem horas extracti, neque oculos vnquam illinc, neque animum auocarit: rerumque ibi gestarum ignarum perinde se abiisse, atque si minimè ijs interfuisset.

Neque verò minori cura contudit gultum: etiam enim gratis illi aliquid saperet, tunc illud studiosius respuebat; minimùmque buccellâ, quæ optima esset in serculo, fraudabat sese, Deo illam per-

mit-

mittendam esse affirmans. Nunquā sanē, asponi sibi passus est peculiare quicquam in mensa: si quid verō tale contingeret, cibum à se illū reiciebat in proximos. Oblata porrò sibi si melior quā assidentī portio eueniret, permutacione facta, deteriorē sibi præsūmebat. Quod si malum, aridumque panem dissimulanter quandoque poterat occupare, occupabat certē; melioremque, ac molliorem discumbenti proximē apponebat. Nihil ad palati delicias habere in cubiculo voluit; licet ad ipsum crebra huiusmodi donaria mitterentur. Verū ijs fouendos, recreandisque curabat ægrotos.

Aeger verò ipse, quāto difficiliore stomachi fastidio laborabat, tantō sibi acrius imperabat, ut vesceretur appositis: tunc enim, cibum sumere, ad gultus cruciatum pertinet. Pharmaca porrò, quæ stomachosiora essent, atque amarulentiora, ea ad supremam usque guttulam hauriebat attentē, suauiterque, cum mora: intraque os, quasi illo opus esset abluto, nonnihil ex ijs retinebat studio, ac versabat; quò amaroris sensum gustatu exquisitiore perciperet, Pulsus ægrotanti, quem curator eius non exenterauerat, appositus semel est: cumque peringratum saperet, aduersaturus gustui tandiu ex illo comedit, donec rem administrator aduertens, illud ferculi nauseosi remouit. Quibus ita interim sese, sensulque castigabat, ut ea studeret aliorum oculis submonere: quò honorem à se illum auerteret, qui frangendi sui studiosis habetur. Tecta tamen ea satis habere non poterat, in quæ omnium erant oculi atque ora conuersa.

In meritoria quādoque taberna præter vnicū ouem, obsonij erat nihil; præterea incuria solo illud elisit, ac perdidit. At verò socius id consultò factum aduertit; ut se, vel in vnico, tantuloque edulio inclementer acciperet. Odores, præterquā in Templis, aut ægrotantium cubiculis, idque cum res postularet, habebat in festos. Quin, ut esset naribus, sibi que molestior, tunc etiam cum alijs præerat, vitrò immunda loca purgabat.

In cubicula item ea, quæ sibi possent incommodare, studiosè quærebat. Abulz verò tantulum sibi illud adlegit, ut vix mouendi se quōpiam spatium in eo sibi suppeteret: sacrarumque precum codicem, aliosque libellos in asserē, cui nec fulcra suberant, collocabat. Sella nunquam usus est, cui humeris, aut lacertis posset inniti, vel tunc, à morbo tūm conualesceret, elementisque corpus accipi opus erat; adeoque suo in conclauī non nisi ligneam, plūcatemque sediculum habuit, ac docti fulcro carentem.

Membra sui corporis omnia asperrimē semper accepit: aiebat enim, animum Christi amore vulneratum, nisi saucium sit & corpus,

pus, non vtiq̃ue esse contentum. Quemadmodum enim intercedit cordibus similitudo, per vulnera, ita hæc eadem inter suum corpus interest, & Christi humanitatem diuinissimam, quam discerp̃tam aspicit, & confixam. Quare si minus ipsius membra Deus doloribus, morbisque conceperit, cruciandis ijs, lacerandisque, suas vtrò commodat manus. Idque strenuè præstabat sanè Balthasar. Cum enim sanctissimus Pater Ignatius in suo piarum commentationum libello, præcationi studentibus maximopere approbet volutarias corporis afflictationes, ita tunc nostris in Socijs, cum orandi studio, spiritus efflorescebat etiam castigandi sui; diuturno ciliciorum vlu; verberationibus ad quartam horæ partem, mane semel, iterum vespere; cibatu in die vno, non amplius; duro super asserem cubatu; brachijs ad horas aliquot in Crucis imaginem explicatis; publica in triclinio humerorum cæde, ad quinquagesimi Psalmi recitati spatium extracta; pijs etiam alijs ad se ipsos insectandos inuentis: quæ ille, quo ipsorum animi æstuabant, diuini amoris ignis comminiscēbatur: inter quæ sanctè decetare inuicem videbantur, vt in ijs alter alteri anteiret. Hi verò, qui nouēre Balthasarem, affirmant cum hoc nomine longè alijs præstitisse. Atque vti alijs cum Præpositi auctoritate præfuit ferè semper, ita, per inclementiam sese summam accipere, erat illi pro potestate, liberius. Flagella porro in membra corporis omnia, summa item, ac ima, tanta cum vi, tam asperè quotidie diuidebat, vt Methymnæ Tyrōnes, ab ea verberum immanitate proximum cubiculi latus concuti, animosius distarent. Moderari propterea homini Prouincialem oportuit, quique ipsi à Confessionibus erant, cum, eâ tam efferâ corporis sui maceratione, cilicinis vestibus, parcitate ciborum, & cubitus duritate, sensim vires illi deteri sentirent: remitteret porro pro auctoritate imperabant, ne, quod eam ob causam & alijs contigerat ex Societate perinultis, salutem vitamque in exitium, exitumque perduceret.

§. I I.

NEque tamen acquiescebat ille in tam seuera castigatione, membrorum; sed frangendæ etiam voluntati studebat impensius: quod nimirum potioris est, grauiorisque momenti, ad habendos in spiritu, omnique virtute progressus, atque ad integrum cum diuina voluntate consensum; in quo summa perfectæ virtutis est: eoque diuinum Numen hos illi sensus iniecit, quos sua in aduersaria retulit, de se ipse, tanquam de alio quopiam ita scribens, „ Liquidò nouit, Deum nolle fluxarum rerum oblectamento nos
D
capi:

„ capi : ab ijs siquidem & voluntas abducitur ; neque obsequi nos ,
 „ sed aduersari vult propriæ voluntati : neque alijs oblectari nos
 „ rebus , nisi quibus nos ipsos , diuina ipsius è Cælo manus imper-
 „ tiat . Ea planè ratione , qua figulus lutum primò comminuit ,
 „ contundit deinde , miscetque tandiu , dum tractari se molliter si-
 „ nat : ita & Deus , quippe qui suis impensè studet operibus , vo-
 „ luntates hominum vnice vult consentire cum sua ; eas adeò per-
 „ fringit , ac domat , susque deque versat , dum eius manum , ve-
 „ lut equitis equus , faciliè , suauiterque sequantur : quanquam ad
 „ rudiusculū opus , luto non opus est sanè tam molli . Cum primum
 „ ille tantum animo comprehendit arcanum , admirabundus hæsit :
 „ perque illud , permulta in ipsum à Deo munera defluxere .
 Quibus Baltasar verbis se , & egisse , quæ didicerat , & ex ijs pro-
 fecisse plurimum , planum fecit . Etenim suæ voluntati in rebus
 etiam bonis seriò aduersabatur , modò illæ impedimento meliori-
 bus forent , quod indicatum est supra , cum sermo fuit de peranxia
 ipsius cura fecedus ad orandum commodi , ac proluxi . Quare tunc
 ferebat agrè occupari cū proximis : ac veluti diuino condoces factus
 instinctu , id ipsius sui amore fieri sensit , qui suæ magis quieti , at-
 que solatio , quàm Dei obsequio cupiebat indultum , ita eam in-
 tantum castigauit , & vicit , vt multò iucundissimum illi iam esset
 suam in proximos opem , operamque conferre : ratus nempe ibi ab
 se maius Dei , quod quæreret , obsequium inuentum iri . Igitur illa
 perputans verba , quæ cum lacrymis effatus est Paulus , *Multos esse*
inimicos Crucis Christi , eundem alloquens Seruatorem aiebat : Iam
 „ nunc mi IESV constituo , mei quietem animi non à me deinceps
 „ in eo collocatum iri , vt tempus ad mea extraham , etsi probanda
 „ vota proluxius ; sed vt , tui ergo , iacturam , proteruiamque fa-
 „ ciam mei : non vt opportunioribus , quàm quæ mihi sunt , vale-
 „ tudine vtar , & commodis ; sed vt his in tuis ipse rebus vtaris .
 „ Quantòque largior in hoc erga me fueris , tantò etiam id loco
 „ muneris amplioris habuero : quò tuæ Cruci sim intus , tuique
 „ Apostoli lacrymas permulceam . Iam igitur non quod ego velim ,
 „ sed quod tu malis , id vnum agere , mihi erit ex animo : citiusque
 „ tibi nihil offeram , quàm furto temporis , paratam mihi velim
 „ copiam largiendi . Hoc animi robore Baltasar sese pijs animi de-
 licijs , illecebrisque fraudabat , gratiorem vt Deo rem faceret : quæ
 sanè tunc fit , cum diuinæ voluntati morem gerimus . Rursum suo
 etiam repugnabat iudicio , honori , æstimationi , omnique in vni-
 uersum affectui erga res omnes , quæ de Conditoris sui amore non-
 nihil in ipso minuere possent . Intus illi ex nostræ Societate Sa-
 cerdos , retulit , animaduertentem se , teneri complures dies Balta-
 sare

Philipp. 3.
 18.

farem alta cogitatione suspensum , cupienti aliquid , aut aliquid acerbum toleranti consimilem , sciscitatum ex illo causam esse rei ; eumque respondisse ; formam in me ipse vitæ effingere sic adnotor , quasi Lybica deserta solus incolem : vt ab hominibus , humanisque rebus perinde procul animo sim , ac si verè vitam in solitudine vasta traducerem . Eamque porrò vitæ imaginem ex se ipse , vt deinceps ostendetur , expressit : argumento sanè perpetui eius , ardentisque conatus in se interiùs , exteriùsque frangendo . Hinc ille se se infectabatur assiduò , sibiq; non in grauioribus modò , sed & in rebus tantulis aduersabatur : aiebat enim omnem triumphandi sui medullam in eo sitam esse , vt nulla in re vel tantula sibi quisquam indulgear ; quò virtutem non modò in vniuersa suæ vitæ ratione , sed in eius etiam regularum punctis , apicibusque consummet : exemplo nimirum sponsæ , cuius manus distillauerunt myrrham , & digiti , vel extremi erant pleni myrrha probatissima . Quisquis verò id assecutus fuerit ; suo hic iure dicat , Consummatum est : Quicquid diuinæ voluntati repugnabat , aut oberat , quoad eius fieri potuit , exhaustum est . Id verò assecutus est Baltasar ; qui se scilicet perdomando , quicquid impedimento ad perfectionem erat , contudit , & cunclit : prauas affectiones extinxit , summam spiritus libertatem , plenumque adeò nactus est in omnes animi sui motus imperium , vt nullum in eo mentis seu commotæ , seu fastidiosæ vestigiū appareret . Obiurgandus ab se cum fortè quis erat , vultum irati sumebat in tempore ; atque ad serenitatem , quietemque è vestigio sic redibat , quasi modò tale nihil egisset . Motus enim ij , obices olim ipsi , iam non modò non oberant , sed rationis erant imperijs , quicquid illa præciperet , obsequentes : Quod , inquit ipse , ingens est gratiæ diuinæ prodigium : cuius vi , qui nos hostes antea profligabant , ad virtutis incrementa suam nobis opem operamque iam conferunt .

Ex hac eadem sui victoria , & triumpho , habitus erat ille tam suauiter , religiosèque compositus totius oris & corporis , qui odorem suauitatis afflabat , aspicientesque obnos componebat . Ipsi enim modestia præsignis erat : vultus hominis pœnitentis , inque Deo defixi : oculi à fletu subhumidi ; grauitasque alijs non gravis , at dulcis : cui nimirum sine vlla tristitiæ nota , vel inter sibi maxime aduersantia , serenitatem aspergebat . Permulti sanè grauisimique mortales , non verbis modò , sed vno dumtaxat aspectu , quòd tanta in eo modestia cluceret , & sanctitas , profuisse sibi Baltasarem affirmarunt . De illo meritò diceres , quod de Iobo , *Lux* Iob. 19. 24.
vultus mei non cadebat in terram : nihil enim agebat , cuius ipsi m-
 puderet , aut quod ab ipsius grauitate , atque auctoritate desciscer-

ret. Quem fructum præstans illa, integraque sui victoria parit, quæ uniuerfos hominis & interni affectus, & externi motus temperat, & coërcet.

Denique ex eo vehementi, quo flagrabat, ardore, sui spiritus per amorem, iugemque consuetudinem Deo intimè adiungendi, illa prodit sese vis, atque cupiditas, sui semper asperrimè accipiendi.

Gen. 3. 6. Etenim fortis est, ut mors, dilectio; dura sicut infernus amulatio, ad enecandum, euertendum, erudendumque quicquid nos ei, quem cupimus, coniungi non sinit; tamque munifica est in largiendo, quod petitur, eo potitura, quem diligit, ut nihil, pretiosum licet molestum, ingratumque sit, deneget. Id verò Baltasar exemplo Sichem Dinam desponderi sibi efflictim cupientis commodè explicabat: cuius ea ad ipsius genitorem, fratresque verba fuere:

Gen. 34. 11. Quaecumque statueritis dabo: augete dotem, & munera postulare, & libenter tribuam, quod petieritis: tantum date mihi puellam hanc uxorem. Et cumulatè quidem, quaecumque sponderat, dedit. Postulantibus enim ijs, ut populus omnis circumcideretur, in tantum ipse ab amore fuit eloquens, & facundus, ut ad præcisionem illam, unanimem ex omnibus consensum expresse. Neque secus qui Deo despondere, atque illigare se percipit, profundere in eam rem paratus est omnia quæ petuntur; atque illa tum perpauca ducit, & nihili. Siquidem verò pretium, dotemque præcipuam Deus efflagitat, spiritalem cordis amputationem, integramque amoris sui, totiusque populi, appetitionum nempe, atque affectuum castigationem, suum studium polliceri debet in omnia, tanta vi, ut facultatibus animæ, sensibusque amanter persuadeat, vt quæcumque superuacanea sunt, cum voluptate præciant. Id verò honori fas est sibi ducat, & gloriæ, quod Seruatoris Christi, ipsiusque Apostolorum, atque Discipulorum similitudinem proximè imitatur. Qua super re illa secum quandoque meditans Ioannis verba, Stabat iuxta Crucem IESU Mater eius, & soror matris eius &c.

Ioa. 19. 25. „hunc inde sensum hausit: Postquam affixus Crucì Christus est, „propter Crucem esse qui Christi erant, honori sibi duxere: quan- „tòq; propius, tantò etiam clarior ex ea honor, & commoda „vberiora proueniunt: Quod ex ipso promanat spiritu Christi, „idem quod in ipso, in alijs etiam moliente. Ipse quidem pendet „in Cruce: propter eum Mater, ac Iusti sunt. Verùm Mater est „proxima: fontes procul ab ea facessunt: eaque propter, vt in- „quit Dauid, Longè à peccatoribus salus.

Psal. 118.
155.

CAPVT QVINTVM.

*Tria paupertatis, Castitatis, & Obedientiæ vota,
ritè nuncupat; eaque religiosè, ac san-
ctè custodit, & colit.*

Siquidem Instituti nostri ratio Socios alligat, vt cum omnibus promiscuè mortalibus agant; sint ij licet nequam, hæresum, idolorumque cultores: quò nempe ad Deum eos traducant, salutemque ipsis comparent animorum; approbantibus, Apostolica Sede, ac Sacrosanta Tridentina Synodo, constitutum in Societate est, vt sedulò Nouitij, exquisitèque, non vno dumtaxat, vt in religiosis alijs Ordinibus, anno, sed integro biennio probentur: quo elapso tria emittunt vota, Paupertatis, Castitatis, & Obedientiæ: & quanquam solemnia illa non sunt, eos tamen, qui hæc nuncupant, verè Religiosos efficiunt, quemadmodum decretum, explicatumque est à XIII. Gregorio: vitamque, quod ad ipsos attinet, perpetuam exigere in Societate tenentur; votis ità custoditis, vt disertè docetur in Regulis. Euoluto in hunc modum Probationis suæ biennio, anno nimirum 1557, cum Abulæ in studia litterarum incumberet, ingenti spiritus ardore pariter ac voluptate, Deo sese tribus iis votis Baltasar obstrinxit; perpetuo Dei obsequio liberaliter sese in eo vitæ statu deuouens, ad quem diuino vocatus erat afflatu. In quo benè illi, iucundèque sic erat, vt quemadmodum gladio vagina congruit, manui chirotheca, ita Societatis nostræ forma Baltasaris animum imbueret penitus, & impleret. At verò quandoquidem summa perfectionis nequaquam sita est in pactis, factisque Deo magnificè promissis, sed in ijsdem largiter exolutis; quam religiosè, sanctèque Baltasar tria hæc vota in omni vita seruauerit, videamus. Quod conijcere sanè licet ex capite superiore, in quo de voluntaria sui afflictatione, atque victoriæ commemoratum est. Etenim ex D. Thomæ sententia tribus hisce votis ille propositus finis est, tria Evangelicæ perfectionis impedimenta maxima remouere, deliciarum nempe, & titillantium voluptatum amorem; fluxarum opum & commodorum famem; esfrænemque in sui, suarumque rerum vsu, propriæ voluntatis, ac iudicij libertatem. Hæc verò impedimenta siquidem à cordibus erui vnâ externarum rerum abdicatione non possunt, opus est sese insigniter prosligato, vt ea tandem radicitus extirpentur: enitendumque perardue ad culmen virtutum est Paupertatis, Castitatis, & Obedientiæ, in quibus funus eorum, & tumultus est.

§. I.

Eius Castitas.

ET primò quidem in omni vita Baltasar studio Castitatis excelluit; quam ad nostrarum legum præscriptum, formamque integerrimam retinuit; enitendo nempe Angelicam puritatem imitari, & corporis, & mentis suæ munditiâ. Adminiculis proinde in eam rem omnibus instruebat sese, quibus illa munitur, seruetur, atque perficitur. An verò ille Castitate Angelica non præstaret, qui ea, quam diximus, asperitate membra sua omnia cruciabat, vt obsequentiâ spiritui essent, neque sensus rationis imperia detrectarent? An mundiissimæ cogitationes in illius mente non essent, qui suos sic oculos coercerat, vt sacræ, quod diximus, Inquisitionis in actu, ne feminas ante se collocatas aspiceret; septem integras horas, eos in Deiparæ imagine, modestiæ clauo defixerit? An non esset ex omni parte integerrimus, qui Virginem, Parentemque integritatis tam impensè colebat, deque illa cogitationes animo tanta cum voluptate versabat? An tentationes & impetus, quibus Castitas solet oppugnari, non vinceret, cui aduersus hæc, tam fortia præstò erant arma, ardens nempe assiduaque præcatio? Idemque ipse confessus est, diuinæ in se largitatis munere factum esse, vt omni carnis affectu, motuque careret; ab iugi mirum studio pietatis, internæque vacationis sibi, ac Deo, quem præsentem vbique, ac semper haberet. Quisquis enim in omni vel abditissimo loco spectari se à Deo intelligit, cauet profectò, ne quid diuino eius aspectu moliatur indignum. Adeoque in tres illos prouectus est gradus, quos, docentem Bonauenturam secutus, in hac virtute laudari dicebat. *Primus* est; certissimum animi consiliû, Dei nunquam, eo nomine, neque graui, neque leui culpa ledendi: prauis motibus, impurisque cogitationibus strenuè repugnando. *Secundus*; carnem spiritui sic audientem esse, vt perrarò quis, ac remisè stimulari se sentiat, facillèque victor existat; modò suâ ipsius culpâ victoriam eripi sibi non sinat. *Tertius*; huiusmodi affectus adeò submissos, castigatosque habere, vt ij vix aliquando & quidem leuissimè tolerentur: in tantum verò ab hisce sordibus abhorre, vt, cum de ijs necesse fuerit vel audire, vel loqui, non magis quàm ad sermonem de scrutis, ac scrupis commoueamur. In hoc verò fastigium non nisi præstanti, præcipuoque munere diuinæ bonitatis eniti quisquam potest: quò cariores Deo aliqui euehantur, euectusque Baltasar est: quanquam in tentationes antea for-

fortiter depugnauit. Cum quodpiam fœmella quædam, eaque perelegans, quandoque iter haberet, solum nacta Balthazarem, aggreſſa illum eſt velut alterum Joſeph: at ipſe ad precatiois aſylum ſuo ſtatim more conſugit: neque ſeipſum modò ab eo tunc periculo recuperauit, ſed & impudicam illam lucratus eſt Deo, & ad pœnitentiam culpæ, conſeſſionemque pertraxit. Neque tamen hæc illum victoria præſidentem effecit; immò, imbecillitatis ſuæ humillimo metu, theſaurum hunc caſtimoniæ tuebatur; minimarum etiam occaſionum fugâ, quæ anſam ipſi præbere poſſent, ſtimulumque labendi. Vt verò timorem hunc ſuum explicaret, aiebat, non tantum impendere periculi ex editiſſima turri de ſtamine imbecillo pendenti, quantum ei, cuius tentata caſtitas in lubrico ſit, atque præcipiti. Idem verò ipſe Deus, qui hoc illum dono caſtimoniæ inſigniuir, eundem etiam, hoc ſenſu de hominis imbecillitate, eius tuendæ rationem edocuit. Quandoquidem nihili „ tui fontes ante paucos dies diuinum tibi Numen oſtendit, cui „ que periculum tale ſumpſiſti, qui poteris vnquam lapſibus aut „ alienis offendi, aut à proprijs non cauere? Cauit proinde ſemper, ne ſolus cum fœmina vſquam eſſet; quòd ſi quampiam ſalutatum iret, non ante ſedebat, quam ſella daretur & ſocio. Quoniam, verò cum pijs fœminis agere ſapiùs conſueſcat, ſolertiùs etiam ab his cauendum eſſe dicebat: perſepe enim ſpirituſalis amor exorbitat, ac degener in profanum migrat, velut vinum optimum morda- ciſſimum deſinit in acetum. Id verò non ante ſit palam, quàm voluntates tam arctè inter ſeſe coierint, vt quanquam ægrè, cum gemitu, à Deo tamen, quàm à ſeſe malint auelli; ne ſe ipſi offenſos habeant, aut contriſtent; quod ab ſe immeritò, ac iniquè fieri arbitrantur: ac tum ſtygius hoſtis ſubit, ignem ſuſcitans, eoſque ſimul mancipans, & obcecans. Quin etiam ſolus ſecum ipſe cum eſſet, cubiculumque iret, aut ſurgeret, inter deponendum, ſumendumque veſtes, cauebat, ne in nudam vllam ſui corporis partem aſpiceret; addebatque, illud etiam accurandum eſſe, quo quis poſitu, quàmque modeſto, ac religioſo cubet. Etenim, niſi nulla in religioſis viris patiendæ cupiditas eſt, quid vſpiam leuius cuiquam ſeſe ad perferendum obrulerit, quàm integra valetudine ſeipſum, noctu, nec immodicè grauatum lodicibus, non detegere per æſtatem? Qui verò in ardentiore febrì, omnium aſpectu remoto, hanc modeſtiam tuebuntur, niſi vſu prius in eius ſeſe morem induerint?

Eiusdem Paupertas.

Eiusdem Paupertas.

Sanctissimæ Paupertatis amantissimus Balthasar fuit, eam ut imitari-
taretur, quam Christus coluit; de qua, ut dicemus, sensit al-
tissimè: ac persuasum illi erat, religiøz vitæ summam in ea sitam
esse: dicebatque propterea; Nemo pulcerem in oculis sibi volens
iniiciat; neque sibi de sensis, illustrationibus, illecebrisq; feru-
blandiatur; nisi amarulentum hoc Paupertatis Evangelicæ fercu-
lum, læto vultu deglutiatur. Eam porrò à se amari tunc sentiet,
cum comites ipsius, famem, sitim, frigus atque contemptum in
eodem etiam amore complectetur: cara illi Paupertas non est.
vestibus, & fugienti contemptum, qui sitis impatiens, illicò, bru-
neque rursus Paupertati studet, qui sitis impatiens, illicò, bru-
ta instar pecudis, ad eam restinguendam fonte festinat. Quis-
quis verò nihil deesse vult sibi, isque numerum se putat religio-
nis sanè rectissimæ suam Balthasar pauperiem exigebat: quicquid
enim deterrimum in cibatu, vestibus, cæteraque cubiculi supelle-
tile foret, illud ipse sibi præsumebat. Quin ipso in Sacrario sa-
cris vestibus cæterarum, quæ parabantur, vilissimis amiciebat se-
se, ad rem diuinam insinuare sese affirmabat.

[illegible]

apud se id commodi retinere. Nullum illi sedile aliud, quam scabellum, aut sella vndique inermis. Adeunti verò se cuiuspiam ex Dynastis comi suauitate dicebat, Sede nunc Domine, tanquam in domo pauperum, in hoc scamno; domi enim tuæ meliorum, molliorumque sedilium, in quibus tibi possit esse commodius, satis habes, ac super. Eoque exemplo eiusmodi Viri recreabantur magis, quam si cubiculum augustis instructum sedibus inuenissent. Methymnæ semel, elemosynæ causâ, testam holoserico sellam dono dedit ipsi nonnemo: cui Baltasar, à se illam in loco domus honestissimo collocatum iri dixit: eamque deportari iussit in culinam; ubi tandiu seruata est, donec illam denique cōsumpsit caries, & vetustas. Eo nempe consilio, ut, qui suam ibi operam commodarent coquo, Tyrones, ex eo aspectu condiscerent diuersa sapere, quam Mundi solent amatores & affectu: eaque in postremis habere, quibus ipsi dant primas. Curiosas etsi pias res, puta pretiosas Sanctorum imagines, Lipsantheas, precarias coronas, similiaque horum alia, habere, aut gestare secum horrebat: eorum quippe amor animos sæpe hominum Religiosorum irretit: cuius argumentum rei est, quòd cum tale aliquid ijs adimitur, aliquà repenti solent impatientiâ commoueri. Atque ut ut, muneris largiendi nomine, malit ea quisquam habere; eo tamen onere, molestiaque carere satius est, ut vnum in Deum noster animus quietem suam omnem, solatiumque reiciat. Quare, cultores Paupertatis, qui suis sibi vltro commodis interdiciunt, experimentum aiebat eius in se capere Dauidici dicti, *Renuit consolari anima mea: memor fui Dei & delectatus sum*: Eos contra, qui commoditatibus studeant, hoc monitore destitui, qui ipsis de Deo memoriam refricet; vade & ipforum animi cælestibus delicijs imbuantur. Atque id inde conficiebat, Dei amorem, in eiusque prouidentia summa fiduciam, Paupertatis præsidium esse compendiosum, & efficax. Deum quippe verè, ac intimè diligenti nihil deest: non eò sanè, quòd aggestis domi bonis abundet; sed quòd eius animus illorum cupiditatibus careat: nihil enim eorum, quæ in foro veneunt, cupienti, exposita illic omnia, veluti superuacanea, otiosaque redundant. Cuius in Deum germana caritas est, amorem suum ab alia re quacumque conuellit; eumque in hac vna defigit; qua sola ut locupletior fiat, cætera omnia, illius ergo, commutat. Et verò frustulumne panis ei largitas Diuina negauerit, qui nihil elurit, nisi Deum, cuius illud est, *Querite primum regnum Dei, & iustitiam eius, & hæc omnia adiicientur vobis*. Aut secus habeat ille animo peruersum, qui diuinæ pietatis viscera rimatus sit; intelligatque artes ac vias, quibus ab amore terrarum illos Deus expedit, quos

Psal. 76.4.

Aug. ep.
109. *Me-
lius est mi-
nus egere.
quam plus
habere.*

Matt. 7. 33 suo aptos obsequio destinavit? Timeamus igitur, amemusque Deum: ut enim cecinit Psalter, *Non est inopia timentibus eum.*

S. I I I.

Eiusdem Obedientia.

Obedientiæ plurimum tribuebat, eamque Dei lucem esse affirmabat indubiam, quæ ex animis hæitationum omnium nebulæ dissipantur: illā enim regulam Deus statuit in re omni certissimam, à quā ipsius absit offensa, voluntatem suam sententiæ, atque imperatis agentis nobiscum hominis aggregare; curā in illum sui reiectā; eā interim fiduciā, fore, ut per illum Deus ipse nos regat. Quanquam verò sæpe contingit, alijs eum esse, litteris, virtute, experientia posteriorem, non ideo tutum non est illius imperata facere: obsequendi namque securitas, non in eius, qui præest vel sapientia, vel probitate, vel alijs dotibus sita est; sed in eo, quod Deus ipse ita voluit, ac præcepit. Quemadmodum, quod sacram in Frugem ipse succedat, non id à facientis probitate, seu pietate pendet; sed quod ita voluit, instituitque corporata Diuinitas. Itā cum idem ipse eam tibi mentem afflavit, ut in Religiosa familia illius Moderatori vltro te, Dei causā submitteres; norat ipse profectō fore quandoque, ut tibi Præpositus exiguæ virtutis, illiteratusque obueniret: & tamen illi subesse te voluit: eam quippe incruditionem, imperitiamque nouit ipse sic regere, ut obloquentibus non modò non obsit, at prosit: ipsiusque nutus, atque imperium spiritualium opum vena sit, & origo. Quisquis verò alios ab alijs excipit sibi Præpositos: atque huic quidem, non item illi se subijcit, obedientiæ certè suspectus est; non secus ac ille, fidei, qui auream coleret, non tamen ligneam Dei pendentis imaginem; cum colendi ratio utrobique sit eadem.

Inde verò conficiebat, inter maxinia Religiosæ vitæ bona, obedientiam esse, atque notionem hanc certam in omni re vel tantula diuinæ voluntatis: neque vllam esse viam Samariā ad Iordanem vestibis, vasisque refertam adeo pretiosis, quā Obedientiæ semita præstantissimis est constrata virtutibus. Vbi verò, quid sit, à Deo regi, semel animus sentierit; obsequelam, ex qua in ipsum tantum boni redundat, in pretio haberi tunc incipi: intelligit enim quantis per eam honoribus, opibusque, atque pijs virtutum quælibus augeatur à Deo, à quo vocatus, impulsusque est, Danidis oraculo agentis: *Dominus regit n.e, & nihil mihi deerit: in loco pa-*

fina

sene, ibi me collocavit. Super aquam refectiois educavit me, animam meam convertit; deduxit me super semitas iustitiæ.

In hac veritatis basi suam Baltasar obedientiam, eiusque solatium, & commoda statuebat. Ab ipso suæ Probationis exorsu studiosissimus in paucis illius fuit; imitatus in ea Sanctorum Patrum exempla, manum, ab inchoata litera subducentium, ut è vestigio, quò vocabantur, accurrerent. Quem in omni vitæ morem obsequendi retinere, gloriæ sibi duxit: maximè inurbanum ratus vnius momenti morulam ferere, dum auscultemus, vocantique Deo respondeamus. Præpositus verò in communibus obedientiæ muneribus obeundis cæteros anteibat. Ad aliud item Collegium cum hospes diuertebat in transitu, eius erat Moderatori perobsequens. Sacris aliquando extra domum operari cupienti, ne id porro faceret, Moderatoris nomine denunciatum illi est: paruit ille confestim, ne vno quidem verbo repugnans: cum eius imperati faciendi, præter vnam imperantis voluntatem, nulla appareret causa, nec esset. Prouinciæ suæ Visitatori semel, iterumque in rebus sanè perarduis, quæque ipsius honorem, animumque pulsarent, studio, uti suo loco deinde docebimus, obsecutus est summo. Eos aiebat, qui sese Obedientiæ mancipassent, privilegio posse ingenti quodam gaudere, si vellent: rem nempe nullam, dum viuerent, admittere, vel dimittere, sua ipsorum voluntate, sed Dei. Qui sanè thesaurus est ingens. Quòd si quemquam hæc cogitatio distrahit, quas in quæ distribuatur horas, is in hunc modum occurrat sibi, dicatque. Iamne non est tibi solatio, quâ Deus velit horâ te surgere? quibus uti vestibus? quo ali cibatu? In cruciatum vltimum conuersa est summa voluptas: *Quomodo obscuratum est aurum, mutatus est color optimus?* Quis tibi libero catenas induxit? idem profectò spiritus, qui te olim ab errorum plagis expedijt, ad hunc vocauit vix, vitæque thesaurum: iamque tu illum parui facis? Paulum Deus ad Ananiam misit, tecumque id ipse non reputas? *Quomodo cecidisti de Cælo Lucifer, qui mane oriebaris?*

*Threm. 4.
1.*

Isa. 14. 12.

Eam in rem Raphaëlis ad Tobiam verba perpendebat, cum, quæ immortalis diuini Regis Accensus obsequia mortalibus tam accuratè præstiterat, defixos omnes admiratione tenerent: *Cum essem vobiscum, per voluntatem Dei eram.* Atque inde conficiebat, nullum in domo Dei munus esse humile, ac despectum: deque se ipse in „ priorum sensu autographo affirmat; Meam ego felicitatem in eo „ constituo, ut meâ Deus operâ uti velit in despiciatissimis Ordinibus „ nostri muneribus. Vbi enim promeritus aliquando fui, ut sui „ me obsequij rebus, lateritio licet operi, Imperator Cæli summus „ adhibeat? Id equidem tanti æstimo, ut nullum adeo humile, sordidum-

Tob. 11. 18.

„ didumque sit munus, cuius ergo, si me Deus illo occupatum velit,
 „ omni alia voluptate carere non peruelim. Cuius operâ uti vult
 „ aliquis, eidem sese ipse dat mancipem: Quid igitur contingere
 „ nobis possit excelsius, quodque nostros animos tam arctè con-
 „ stringat, quam illud audire, Deum, nobis ut debeat, nostrâ ope-
 „ râ uti velle? Adhæc illud etiam alibi. Quid in Concionatoris
 „ munere magnum est, si Deus id nolit? Quid rursus in coqui hu-
 „ mile, si Deus hoc velit? Quid habet illustre solitario se in angulo
 „ continere, si ea res grata Deo non fuerit? Quid contra obscu-
 „ rum, exire illinc in publicum, si probetur hoc Deo?

Vetabat eum, qui sub obedientia esset, perputare secum, quid
 eras de me fiet, aut agam? Est enim parata responsio: quod iu-
 „ bebor, id peragam: quod Deus volet, id fiet. Aitque propterea,
 „ Mearum rerum omnium ea summa est, atque compendium, tuæ,
 „ mi Domine, obsequi voluntati: Indulge tu tibi; meque habeas
 „ vel in Cruce: age me, atque circumage, tua constanter tamen
 „ iussa expero, & expecto. Quod si in omni vita cursitandum mihi
 sit iugiter, id mea & voluntas semper, & voluptas erit. Aiebat id
 porro Baltasar, quia tunc itionen ipsi submolestæ erant; quod &
 imbecilla valetudine utebatur, & de interni secessus iactura pluscu-
 lum metuebat. Obedientiæ tamen arbitrio sese omnino permisit,
 contra sui animi pugnam obnixus: summæ sibi gloriæ ducens se-
 se planè ac penitus triumphare.

Hinc porro illa erat eius animi quies, quocumque in loco, ac
 munere ipsius operâ Præpositi vterentur. A Salmanticensis Colle-
 gij, ad Villagartiensis, modico in Oppido, gubernacula missus,
 occuluit ibi sese animo perlubente, vitam omnem inibi cupidè
 exacturus, si diuinum de se Numen ita constitueret. Oportere
 enim dicebat, fugiant Religiosi Viri permutationem locorum, ac
 munerum, quibus Obedientia eos addixerit: verborum memores,
 quæ Iosepho in Ægyptum proficiscenti diuinus ait Interpretes, *Ego
 ibi, dum dicam tibi.* Idque eò, quia excelsus occupare fastigium ne-
 mo potest illo, in quo sese non collocarit ipse, sed Deus. Suam
 igitur voluntatem studeat quisque meliorem efficere; euenientque
 ex voto tunc omnia: in quem illud etiam cadet: Beatæ aures, qui-
 bus Obedientiæ vox dulcis est.

In rebus verò laboriosis, & arduis, quibus defungi à sibi Præ-
 positis iuebatur, imparem licet ijs sese putaret, non tamen ani-
 „ mum despondebat: aiebat enim: Ex ijs, in quæ Deus Religio-
 „ sum virum induxerit, eum ab ipso educendum esse cum lucro;
 „ sique maiora viribus onera eidem imponat, id suum in onus ip-
 „ sum recipere, suppleturumque de suo. Quod si ignarum iubeat &

„ in-

„infantem loqui, erudire illum, partibus ab eo suis adscribi. Per-
 „uelim sanè prouinciam à Deo mihi meis maiorem viribus de-
 „mandari; eo enim nomine, illas ipse mihi deberet, pro suo mu-
 „nere, impertiri. Quare pro tuo, Deus, imperio mitte me ad
 „concionandum hac hora: iam nunc aliâ, vel aliâ viâ, vt vt colli-
 „bitum tibi fuerit, tuam opem expecto. Itaque ad quæcunque inu-
 „nia ex obedientia aliquis destinetur, quibus obeundis deesse sibi
 „litteras, prudentiam, auctoritatem, robur existimet, vbi se mini-
 „mè aptum ad ea esse professus fuerit, animo ne cadat; sed, *Reu-
 let Domino viam suam, & speret in eo, & ipse faciet.* Quod vt cer-
 „tius habeat, perputet secum ipse prudentiam, qua Dauidem im-
 „buit Deus *super inimicos suos; scientiam super omnes docentes eum;*
 „*& intelligentiam, siue experientiam, super senes:* auctoritatem qua
 „Iosue insigniuit, Moysis Ducis tanti loco, ac muneri subeun-
 „tem: quemadmodum animum mutauit, roborauitque Saulis, vt
 „cum Regia maiestate, Regumque sensibus loqueretur. Spectet item
 „conciliatam Iosepho dignitatem apud Pharaonem, quem ipsi,
 „vniuersique Regni Optimatibus ac Dynastis omnibus Magistrum
 „dedit: lucem è Cælo, sapientiamque, qua Daniele supra omnes
 „auxit, quos ex filijs Israël Nabuchodonosor sibi astituros, adlegit;
 „modum præterea, quo vsus est, vt eius socij, sodalesque in eam ex-
 „crescerent sapientiam, quæ ministerio, conspectuque regio digna
 „foret.

Psal. 63 5.

Psal. 118.

92.

Adhæc verò consequenter aiebat, permultam esse in agendo
 cum proximis securitatem, cum id muneris ex imperio Præposi-
 torum obitur. Quod si quis, parendi studio, perditissimas scæmi-
 nas, ad illas Deo lucrandas, adierit, cum ijs agens cælestis instar
 spiritus cogitationes versabit mente mundissimas: contra verò, si
 suo se cubiculo, arbitrio dumtaxat propriæ voluntatis, incluserit,
 „eius illic animum impurissimæ infestabunt imagines. Haud equi-
 „dem, dicebat, intelligo, qui tutus esse quis possit, si se ipse à Dei
 „voluntate sciunxerit. Quæ enim securitas ibi sit, vbi Deus non
 „est? Quod & Bernardus aiebat: *Quando bene erit sine illo? aut
 quando malè cum illo?* Suo item experimento compererat, etsi con-
 traria ijs, quæ Obedientia mandaret, meliora fore nonnunquam
 animo obuersabatur; obsequendo tamen apparuisse semper rectiora,
 „ac tutiora ea fuisse, quæ Obedientia imperarat. Illam adeò,
 „Dei viam, atque consilium appellabat. Quibus verò alicubi deerra-
 „re Obedientia videatur, illud ijs ex diuino codice memorandum,
 „*Iustus ex fide viuunt:* quodque ipsi arcanum assequi perscrutando
 „non possunt, id esse mysterium fidei. Faulta proinde eueniunt illi
 „omnia, qui fide integra, animoque submisso obedientiæ auscul-
 „tat,

1. Rom. 1.

17.

1. Tim. 3. 9.

tat, inopportuni licet, atque alieni quandoque modi videantur. Quamobrem eius animo arridebat in primis, quod ab huius Moderatore Prouinciæ dictum ipsi quandoque fuit; misso nimirum ab Vrbe decreto per litteras, quo explicatè, certòque illud agere iuberetur, videri sibi Cælum quodammodo reserari, animumque suum lætitia ingenti perfundi: cùm verò edicebatur, rem ipse perpenderet, atque ex animi sui sententia deinde decerneret, tunc cogi se in angustias.

Videbatur sibi denique arcanam nescio quam Dei manum aspicere, sua omnia Obedientiæ nutrimouentem, dirigentemque. Eamque in rem mirifica quædam ipsius sensa erant, ac dicta.

„Nullâ viâ, mi Iesu, possum esse tam tuus, quàm quâ meus esse
 „desiero, Fidem suam iuramento Deus obstrinxit, illi se incre-
 „menta daturum, cuius in obediendo explorata sit fides: dictum-
 „que propterea est de obsequente Abrahamo, *Non est inuentus simi-*
 „*lis ipsi, qui conseruaret legem Excelsi: idè iurcurando fecit illum Do-*
 „*minus crescere in plebem suam.* Ecquid habet incommodi, Obe-
 „dientiæ causâ, ijs abstinere, quæ nos delectant; ea verò sumere
 „quæ auersantur; nisi quòd merita inde nostra cumulatiora pro-
 „ueniunt? Obedientia, iugis crux est, nostrarum cupiditatum mu-
 „cro; vena vitæ, fons aureus. Neque verò perparum in eo est
 „boni, vel mali, ex Obedientiæ vel nutu facere, vel renutu; eius
 „enim res perpetuò nostris versantur in manibus. Quemadmo-
 „dum Moyses Pharaonis, ita & Præpositus, Deus est obsequen-
 „tis: qui propterea inquit, *Sonet vox tua in auribus meis, vox enim*
 „*Obedientiæ dulcissima mihi est.* Hæc Baltasar. Tum alia per-
 „multa horum similia, insignia certè sublimiaque de hac virtute
 „sentiebat, & affirmabat, idque perspicuum magis fiet, cum age-
 „tur de summo ipsius cum Dei voluntate in omni re, & vbique
 „consensu.

CAPVT SEXTVM.

*Sacris initiatus piè quotidie Canonicas horas recitat,
 diuinamque rem facit.*

CVM, & tam sedulò, impensèque Baltasar ageret in processu virtutum; & ad proximos iuuandos, idoneis dotibus videretur instructus; perductis iam ad exitum studijs litterarum, anno post initam Societatem tertio, adscriptus est Ordini Sacerdotum: nouoque hoc titulo, noua etiam incrementa fecit pietatis, cōsuetudinisque

dinisque cum Deo: cuius quotidie excipiebatur ad mensam. Siquidem verò sacris Ordinibus pensum adiunctum est diuini Officij recitandi, id & quam diligentissime studuit semper absoluerè, & rebus gerendis omnibus, ac sese cateruatim quandoque obtrudentibus antetulit. Quamquam verò Societas nostra Psalmodiàm in Odzo canorè non exequitur, statò tamen tempore, cunctanter, quietè ac seorsim, vt omnem animo euagandi ansam eriperet, preces horarias peragebat. Nunquam autem vel obiter, vel inter deambulandum, quin immo permultos annos, in medio cubiculo, flexis genibus, diuinas hæc laudes exegit. Sicubi verò, inualetudinis causâ, eo corporis habitu id præstare non poterat, apertò capite, nulloque reclinis, innixusque fulcro sedebat: extima quippe reuerentia pietatem internam iuuat: quam vt in se excitaret, aiebat: „ Reputabo tecum ipse subinde, qua forma suo Regi beatissimæ „ in Cælo mentes assistunt; conscientiam quam mundâ, reuerentiâ „ quam profundâ: meque deinde ipse conspiciens, pudore suffundar, quòd, cum ea desit mihi munditia, adhuc in me reuerentia „ desideretur. Illud etiam meminero, quod apud Iobum effatus est Iob. 41. 3.
„ Deus; Non parcam ei & verbis potentibus, & ad deprecandum compositis. Compositis siquidem, castigatèque precari (quod Gregorius sapienter docet) non à verborum habetur quæstia, elegantique structura, sed à feruenti gemitu, in quem animus exardescit. Solus etiam ferè, nemine alternis subeunte, recitabat: vt & diutius cunctari, atque interim eos sensum, & sine arbitris gustare sensus posset, quos illi propinaret Deus. Ex ijs verò, quæ in pijs cohortationibus ad solidum protectum delibabat ex Psalmis, de earum illustrationum præstantia conijciebatur. Crucis etiam salutari signo cum muniret sese, eum ritum accuratè, reuerenterque exequabatur. Dei nempe asshatu persensit, sibi mysterium illud conceptâ verborum formulâ vsurpanti, In nomine Patris, & Filij, & Spiritus Sancti, benedictionem à Diuina Triade impertiri; eiusque nomine illo se muniebat.

§. I.

IN faciendo tamen Sacro ipsius pietas elucebat in primis; ad quod omni se studio comparabat: munditiæ animi, crebro conscientie suæ per diem examine; præsumpto etiam ad colligendum se spatio temporis, antequam sacrificatum iret. Litabat porrò quotidie, plurima ipsum licet negotia, & impedimenta distringerent, vel ipso in itinere: quamuis facturus ea propter alicuius commodi iacturam, siue aliquod etiam subiturus esset incommodum. Quod
& pro-

& proficiscenti Romam euenit; profectus, enim reuersusque per Galliam, perque infecta ibi hæresibus loca, nullum tamen vnquam diem sine hostia immolata præterijt. Lentè verò faciebat, ac diù, tanto modestiæ, ac pietatis exemplo, vt eorum etiam qui aderant, vultibus, animisque sensus similes pietatis afflaret. Atque ex Socijs nonnemo confessus est, se, cum sui esset iuris, ad nomen Societati dandum fuisse permotum ex aspectu pietatis, modestiæ, grauitatis, qua Baltasar & Sacrum, & maioris hebdomadæ mysteria sacrosancta peregerat. Alia etiam, cui acies perspicacior fuit ad videndum, (ea fuit Beatissima Mater Teresa IESV) cum sacrificanti semel interesset, per omne diuinæ rei tempus Baltasaris caput fulgidissimo diademate redimitum aspexit: indicio sanè non dubio pietatis eius, caritatisque intimæ, qua ea inter ministeria æstuat. Solus etiam quandoque, immò & frequenter, secretum in sacellum cum vno administro operaturus secedebat: solitoque, plus in re diuina tunc tandiu cunctabatur, quandiu mensurâ totâ diuinæ largitatis liquidò frueretur. In suis adeo necessitatibus, angustijs, arduisque negotijs, pro perfugio, Missæ sacrum habebat: in quo multam illi Deus cælestium veritatum lucem, sensusque diuinos, tum documenta, præsidiaque ad ea, quæ vel acturus, vel perpassurus esset, opportuna suppeditabat: Quod & suo deinceps loco dicetur. Horum etiam argumentum illud erat, quod vulgò multorum ore in hac Provincia terebatur; Baltasarem quandoque sacris operantem allocutos fuisse custodes eorum Angelos, quorum ipse aut confessiones audiret, aut consuetudine vteretur; à quibus ea edocebatur, quibus egerent ij, quorum ipse animis moderaretur. Hanc verò de ipso famam, cum ex Societate nonnemo Baltasari detulisset; atque num ea veritati constaret, percontatus ab ipso esset; ipse verò vehementer erubuit; neque verbo respondit: indicio sanè non tenui, vera scilicet eo rumore iactari: secus enim, utpote qui submisso erat animo, re protinus elenata, talia opinantes falli dixisset: itaque pro assensu, modestum fuit silentium. Quare Sanctissima Mater Teresa IESV, suo, vti nox dicemus, testatum reliquit in codice, à diuina Eucharistia luce perfundi consueuisse Baltasarem, quem ipsa à confessionibus habebat, vt res cogitationesque suas, nouas atque profundas dilucidè cognosceret, ac intimè penetraret: illud innuens, ab ipso Deo, per se nempe, vel Angelum, ea illi inter operandum ostendi. Neque verò mirum, quod beatissimæ mentes, quas mysterio huic sanctissimo frequentes adesse Sacrorum Patrum docet auctoritas, ingentis eius, qua tantus hic Sacerdos operabatur, pietatis aspectu permotæ ipsum alloquerentur, eaque docerent,

quæ

*Martius
Alarconius,
qui Burgis
obiit.*

Cap. 8

quæ ipse ad Dei gloriam expeteret: eumque inflammarent ad rem tantam, eâ, qua decet, dignitate, ac sanctimonia pertractandam. Atque hinc fortè præcipua illa eius erat in Custodes Angelos pietas: inque illum maximè (vbi scripto ipse tradidit) à quo diuinum Altaris sacrificium Deo defertur: de quo in Missæ Canone dicitur *Tu hæc perferri per manus sancti Angeli tui*: siue is quisquam eorum sit, qui destinato astant illi mysterio, causâ tum honoris, qui Deo illic existenti debetur; tum auxilij, quò reuerenter, ac pie res tanta peragatur; cuius etiam partes sunt, vt in Apocalypsi habetur, offerre Deo dona, *orationesque infusum*: siue ille operantis Custos ipse sit Angelus, ei tunc vacans impensius, vt hæc ipsa erga illum præstet officia.

Apoc. 8. 3.

A Sacro statim semihoram minimùm, attentæ, pieque gratiarum actioni dabat; in qua, vt ipsius indicant scripta, crebriores hauriebat sensus, illustrationesque diuinas, quibus donatum se post Sacrum affirmat.

Ex his in rem nostram aliquas dumeaxat in præsentia profertur. Et primò quidem ipso Epiphaniæ die; Absoluto, inquit, „ Sacro horum Regum felicitatem animo volutabam: quam & „ mihi dum expeto, satisfactum hoc mihi responso intus audiui; „ Illuminij coluere, at tû inclusum geris. Quasi diceret; Taa potior est felicitas, cuique nostri Iustorum, ac Sacerdotum, qui Sernatorem Deum non adorant modò, sed ipsum verè sumunt, & in sacro ferculo secum ferunt. Id verò quandoquidem ritè omnes, vt decet, sanctæque non præstant, alium ei sensum afflauit in ea eiusdem diei Euangelij verba. *Ecce Magi*. Mirum quòd opulenti „ sapientesque Reges Deum inquirunt! mirum! quæ porrò tanti „ causa miraculi? Idola nempe ruant oportet, si Dei Arcam, eo, „ quò profit, niodò velit quisquam excipere. Honor in nobilibus, „ deliciæ in diuitibus, in sapientibus tumor, affligendi solo sunt, „ quorum nimio tenentur amore; & à quibus nē se ipsi diuellant, „ Dei potius Arcam abs se abstinere, arcereque constituunt; „ idemque quod Philistæi olim aiunt, *Non maneat Arca Dei Israel* „ apud nos, quoniam dura est manus eius super nos. In quæ verba causas illi Deus explicuit, cur per plures homines, clari maxime, opulenti, ac voluptarij, vinam noui testamenti Arcam diuinissimæ Eucharistiæ inclusam seu granantur excipere, seu perparum ex ea excepta proficiunt: sui quippe cordis in ara Idolum Dagon, hoc est, mortalia ac fluxa, quæ intemperanter, atque peruersè amant, constitutò volunt, ac mordicus retinere: quæ nisi euersa in humum corruant, isque caput & brachia mortificationis gladio præcidantur, quò fiat, vt eadem quæ prius consueuerant, cogi-

Matth. 11.

tare, loqui, ac facitare non audeant, Arca hæc non sua illa miserationis diuinæ, sed iustitiæ potius opera exequetur: irrogatâ scilicet multâ, ariditate, tenebris, cordis duritie, aliisque animi deserti languoribus; dum aut ipsi se corrigant, aut obduratâ iam mente, Arcam à sese repellant; rati pergraue atque insulsum, cœlesti pane sese crebrò reficere. Quare, veluti Sol idem, atque ignis cœnum obdurat, mollitque etiam, ita qui hoc diuino epulo vescuntur, siquidem cœnum fuerint, obrigescent; sin verò cera, diuino eius amore dulciter collescent.

Ioa. 6.

Rursum hunc aliàs sensum hausit à Deo; Si animæ vita, sibi, cor-
 ,, porique, quicum ipsa coniungitur, partibusque illius omnibus,
 ,, digitique vel minimi vngui, minimoq; sufficit capillorum; quan-
 ,, tò magis Christi vita, quæ Dei vita est, sibi animoque sat erit
 ,, cum illi sese coniunxerit? Hoc verò illud est, quod Seruator as-
 ,, seruit: *Sicut misit me Pater, & ego vino propter Patrem: & qui man-*
 ,, *ducat me, ipse viuet propter me.* Dicat igitur hoc refectus epulo
 ,, animus, Tua, Domine, vita vtrique sufficiet, tua sanctitas, tua
 ,, potentia, tuæ dignitæ; Modicum fermentum permagnæ massæ
 ,, commixtum, illi saporem aspergit: tu inclusus cordi, non idem
 ,, illic efficies? Eoque indicat, causam, cur in Sacra Synaxi sensus
 ,, animi obstupescant, eam esse, quòd cum munus illi se ipse Deus
 ,, impertiat, eo tamen animus non expletur; oculosque ab eo auersos
 ,, ad teneriorum sensuum, lacrymarumque vota conuertit; atque adeò
 ,, penam iuste, meritòque luit, cum minori fraudatur munere, qui
 ,, maiori noluit esse contentus. Quòd si dicas eò id à te agi, vt gra-
 ,, tiorem illi rem præstes, stultitiam egregiam esse respondet; arbi-
 ,, trari se aliâ viâ ac ratione Deo gratificaturum esse, quàm qua Ipse
 ,, velit; satiusque esse rem hanc omnem diuinæ providentiæ permit-
 ,, tere, atque interim armis sese patientiæ communire: subiicitque,
 ,, Deum, cum in animum illabitur, nequaquam relictis domi bonis
 ,, vacuum aduentare; non misericordibus oculis, non suauitatibus,
 ,, deliciisque, non potentia, præstantiaque carentem; non denique
 ,, aridum, exsuctumque, sed vegetum ac florentem; Dei proinde
 ,, compotem, nullo non bono potiri: optimumque ad obtinenda
 ,, omnia viæ compendium illud esse, oculos ab ijs auertere, Deum-
 ,, que solum expetere; neque porrò desinere, dum arctissimo tibi
 ,, nexu illum adiungas; illudque tunc Davidis implebitur: *Satiabit*
 ,, *animam inaniem, & animam esuriientem satiabit bonis.*

I. f. 106.

§. I I.

A Tunc in hunc modum Baltasar complures alios variæ, peru-
 ,, tilisque veritatis sensus, diuina se peracta, sua tecum men-
 ,, te

te versabat: quæ infra reddentur. Quoniam, verò de cælestibus hisce nundinis, eo quo ipsi succedebant, modo loquebatur, pro cælestium experimento munerum, Sacerdotes, ceterosque diuino epulo accumbentes hortabatur, ne iacturam eorum facerent; seque ijs à Christo verbis admoneri putarent, *Me autem non semper habebitis*: hoc est, vestrarum in præsentia rerum satagite: neque enim domicilium vobiscum erit hic mihi perpetuum. Id verò hisce admittendis, tandem rationibus perurgebat. Plurimi semper æstimet, quif-
 „ quis cælesti pane se reficit, Dei apud ipsum moram: illud interim
 „ primò, attentiusque spectans, vt diuinam præsentiam veneretur,
 „ ab eaque sibi benedictionem efflagitet: habeatque magis apud
 „ se animo persuasum, indignos nos esse, quibus suum Deus vultum ostendat, quàm vt prolixè ratiocinando, meditandoque
 „ tempus extrahat: caueatque ne tam opportune moræ, inane disfluat vel momentum; quo nempe gaudere datur, & negotiari
 „ cum Deo; quod & Ecclesiasticus docuit, *Non defrauderis à die bono; & particula boni doni non te prætereat*. Id verò eam ob rem aio: quòd permulti sunt, quibus pedes pruriunt, vt aliò inde festinent; lectionis nempe, colloquij, seu ambulationis obtentu, quæ profectionis est intoleranda phrenesis. Precationes enim longiores, lectionesque piz quid aliud, quàm clamores quidam sunt, quibus Deum clemus, inque nostram domum inuitando pellicimus? Qui potest hoc igitur satis intelligi, diu, compluresque annos hoc à nobis expetito munere, post id denique acceptum, impatienter aliò properare? Quid libri doceant, quo nos Sapientia illa diuina non imbuat? Quas à mortalibus hisce, fluxis que rebus voluptates, illecebrasque haurire possimus, quibus nos venà illa inexhausta diuinæ dulcedudinis non perfundat? quam ex aliorum consuetudine, sanctimoniam quis adipisci valeat, quæ præstantiorem intima cum Deo necessitudo illi non conferat? Quid boni ex pia lectione prouenit, nisi quòd nostrum animum atheici erga Deum? quid à spiritualibus exercitationibus emolumenti capitur, nisi quòd ipsius Dei in nos amorem inclinant? Hæc verò sequentiù sententiarum, quibus anima Deum alloquitur, pondere confirmantur. Aeger, Domine, qui non alleuatur tecum, profundè collapsus est: & quæ anima de te non gessit, vnde capere lætitiā potest? Cui tu non es satis, quo pacto non rumpitur? Qui verò illiberali vultu domi te semel aspexerit, tuum ne ille re- dictum poterit opperiri? Teque hospite qui domo exire perurget, eius profectò animus alibi irretitur. Rursum, quem tuæ præsentia honore ornatum, tecum esse piget, sicut cum Deo, suo cum omni, vnicoque bono, quocum agere, summum, ac summa

negotiorum est, vitæque huius vsuræ finis, nã ille palam insaniz
manifestus est. Hæc verò, similiaque his alia sanctissimi huius
viri erant effata, languorem mirantis, ac miserantis eorum, qui
diuinam eam hostiam, aut litant, aut sumunt; neque fruendo per
otium vacant Deo, quo illic eduli vescuntur.

Huius etiam intimi erga Diuinissimam Eucharistiam amoris
argumentum illud erat, quòd in eam vbilibet exhibitam, oculos
tam altè defigebat, vt ab eius aspectu nullæ ipsum neque res, neque
personæ auocarent: obtutu quippe fidei sub frugis illo sipatio la-
tentem Deum certius rimabatur, quàm si oculis illum corporatis
aspiceret. Ac velut Apostoli, *Cum intuerentur in Cælum euntem* Ma-
gistrum suum, *postquam etiam nubes suscepit eum ob oculis eorum*, Cæ-
lum tamen, in quo esse iam illum etsi obtutibus ereptum norant,
aspicere perlitere, ita Religiosissimus hic vir, qui spectare con-
templando Dominum assuerat, auertere oculos ab ipsius sacra fru-
ge non poterat: cuius nube nouerat illum tegi. Eundem crebrò
visebat in Templo; diùque, ac noctes etiam integras in preces ibi
effusus, Dei assecla summoperè mirabatur solitudinè in Dei domo
tantam; tantā esse celebritatem in foro: numerariq; per paucos, qui
suas cum Deo res peragant in eo tribunali, folioque, quod nobis in
terris aperuit; eaque propter nobiscum voluit hic manere. Religio-
sorum hominum singulari numerabat in munere, quòd ijs Frugem
hanc diuinissimam habere domi fas est: quòd crebrius, commo-
diusque, quàm cæteri communes, eam diu noctuque possint adire.
Illud suis meminit in aduersarijs, inspectis à se aliquando, per
tempus orandi, Collegij, cui præerat ipse, cubiculis omnibus
(quod Societas nostra solet, vt de omniū precatione sit illi comper-
tum) suum in conclaue perlato animo fuisse reuersum; quippe qui
mediam inter eos diuinissimā Eucharistiam esse perpenderat: atq;
illud ipsius mēti maxime iucundum occurrit; Collegium illud ima-
ginem quandā eius præferre Cœnaculi, in quo rediuius Seruator
Apostolis sese spectandum præbuit, *Et ianuis clausis stetit in medio eo-
rum, & dixit, Pax vobis*. Atqui sunt & hic ostia clausa; intus quoq;
discipuli; mediusque inter eos IESVS, pacis, caritatisque largitor.

Incrementum etiam accepit hæc pietas ex aliquorum consuetu-
dine, quorum & spectata sanctimonia, & plurimus erga diuinis-
simum hoc Sacramentum amor: de qua re sermo mox erit. Ami-
corum quippe est, vbi quis suauem salubremque nactus est dapem,
ad eandem alium inuitare, vt suam cum illo participet volupta-
tem. Eoque asserit in Apocalypsi Ioannes, cum diuinus spiritus,
eiusque Sponsa Ecclesia momenti aliquid magni mētibus iniiciunt
& suadent, *Qui audit, dicat amico suo, Veni, & fruire*.

CA-

Ioa. 20. 19.

Apo. 22.
17.

CAPVT SEPTIMVM.

In ministeria proximorum aggreditur. Ope, monitisque à Deo, vt processus simul habeat in sua perfectione, inuatur.

CVM Operarij Societati essent ab suo exortu perpauci; messis verò vberissima hominum, erga quos nostra erant plurima, maximaque munera exercenda; Dominum messis enixe rogabant Socij, vt idoneos *mitteret operarios in messem suam*. Quibus cum Baltasarem annuisset, is vbi primùm initiatus sacris est, audire statim confitentes, & agere cum proximis, totus esse in eorum procuranda salute, suæque vocationi nullis non partibus integrè respondere. Atque ea licet ministeria cum iuniorum, nouorumque in virtute periculo pertractentur; quibus id initio contingit, quod & Sponsæ dicenti, *Posuerunt me custodem in vineis; vineam meam non custodini*: vtpote qui dum alios nimium curant, ipsi se negligunt, spiritum effundunt, pietatem extinguunt, procreatis rebus sese æquo plus implicant; cum ea benè vertunt, superbiæ, ac vanitatis, cum secus, desperationis, impatientiæque vento dant vela: Tutius proinde proximorum curam ij suscipiunt, qui diu multumque suæ se studio perfectionis exercuere. Ac proinde, teste Gregorio, Seruator Christus non nisi post trigesimum annum, quæ perfectorum ætas est, munus concionandi, alienæque salutis procurandæ suscepit. Inter Societatis tamen nostræ primordia, tum vocationis gratia, tum feruor in illa gliscens latiores hosce terminos contrahebat: Deo tunc quemadmodum sub Ecclesiæ, aliorumque Religiosorum Ordinum exortum, ex Tyronibus, recensque initiatis in virtute ad animarum lucrû idonea perinde instrumenta sibi constante. Ità post exacta litterarum studia constitutum de Baltasare est, quem scilicet ad hæc munera spiritus ardor aptauerat; eumque Deus egregijs etiam dotibus, studij, prudentiæ, dexteritatisque ad lucrandos iuandosque animos instruxit, nullâ sui profectus, eam ob rem, factâ iacturâ. Quin argumentum inde sumpsit, vt ad perfectionis excelsiores gradus illum eueheret, eique præstantiore quadam forma mysticam spiritus scientiam impertiret: triplici nempe viâ, arcanâ mirâque, quam in locis eiusmodi, inire diuina Prouidentia consuevit.

Luc. 10. 2.

Cant. 1. 6.

§. I.

PRimum igitur res ita prouidit, parauitque Deus, vt vbi locorum, sua præfertim inter initia Baltasar degeret, seu Confessarii, Ducisque animorum, seu Reſtoris, ac Præpoſiti munere fungeretur, ſua ſibi curæ complures ſumeret & precationis excellæ, & ſpectatæ ſanctimonix laude præſtantes. Illud enim tunc fit, vt ſeruore mutuo non minori compendio conſenti Confessarius, quàm Confessario ſit conſitens: & quantum alumnus ſuum docendi dexteritate Inſtitutor iuuat, tantumdem Inſtitutori alumnus exemplo proficit ardoris ſui: geminisque illis apud Iſaiam ex Seraphico choro ſpiritibus ad Dei laudem, diuinæque gloriæ canticum ſeſe inuitantibus, eſt vterque conſimilis. Sancta enim illa quatuor animalia repræſentant, quæ inutuo alarum percuffu ad volatum ſeſe pernicioſiſſimum incitabant. Etenim ſeruida Præceptoris ſancti verba, non ſecus ac flammæ ſunt, quæ ſeruientis diſcipuli cordi lumen inferunt, & ardorem: rurſumque huius ardens exemplum, inſtar prunarum eſt, quæ incenſum ipſum Inſtitutorem irſtamant: Quo ſit, vt accepti, datique vices, ſibi vterque repōnant. Adeoque, veluti Baltasar complurium ſanctimoniam (quod & memorari cœptum eſt, ac perſequemur deinceps) in eminentius multò culmen euexit, ita permultum ex ijs & ipſe profecit, quorum accendebatur exemplo ad præcandi, ſuique cohibendi, cæterarumque virtutum ſtudium, quæ in ijs maximè elucebant.

Adhæc, cum illi ſuo Moderatori conſcientiam omnem, quæque in ea clam aguntur, aperiunt, eundem, dum neque id cogitant, docent; eiſque mirificas commonſtrant vias, quibus à Deo animi deducuntur; tum diuina, quæ ijs elargitur, ſuarum munera gratiarum; quæ codex illi ſunt viuus, in quo myſticæ ſcientiæ arcana perlegit, in electorum; vt vt incallidorum, atque ſimpliciorum cordibus diuini ſpiritus digito exarata. Quamobrem Sanctorum libros ſumere, & verſare compellitur, vt occulta illa, ſcrutando, percipiat; ne ſeu decipiatur ipſe, ſeu creditis ſibi alios errare ſinat. Ita magnos Baltasar vtroque nomine proceſſus effecit; agendo nempe cum ijs, quos ſua Deus clara, ingentique luce perfudit, potiùs muni verò cum Parente SS. Tereſa Ieſu, cuius præcatio, ſpiritusque in tantum excelluit, vt eius enucleandis ſenſibus (quod Francisco Riberæ, qui Tereſæ vitam ſcripſit, teſtatur eſt ipſe) complures in eam rem ſpiritualis doctrinæ libros legerit peratrent: nec eo contentus, enixè adeò, ardentèrque cæleſtem in id lucem à Domino flagitarit: ne quo errore tranſuerſum fortaſſis

tassis iret, vt eam sibi denique exoraret; eaque plurimum ipsi contulerit ad varietatem spirituum dignoscendam. Quare illud Ecclesiastici impletum in ipso videtur esse perintegrè: *Sapientiam omnium antiquorum exquiret Sapiens, & in Prophetis vacabit narrationem Virorum nominatorum conseruabit: & in versutis parabolarum simul introibit: occulta prouerbiorum exquiret, & in absconditis parabolarum versabitur: cor suum tradet ad vigilandum diluculo ad Dominum, qui fecit illum: & in conspectu Altissimi deprecabitur. Si enim Dominus magnus voluerit, spiritu intelligentie implebit illum: & ipse tanquam imbres emittet eloquia sapientia sua.* Ecl. 20. 1

Tertia hinc existit via ratio, qua Deus virtutis Magistros, Ducisque consummat. Vt enim Reges perquam lectis lautisque dapibus ali filiorum suorum nutrices iubent; quò Regij infantes sanum; purumque lac ex earum vberibus exugant; ita diuinus ille Rex animorum Ducibus, & Magistris spiritualia fercula pretiosissima, lectissimaque instructe largiter consuevit; vt doctrinæ, vitæque spectabilis vberissimo, exquisitoque lacte, ad eos nutriendos abundant: ex Apostoli effato dicentis, *sine consolamur, sine exhortamur a Domino, pro vestra exhortatione & salute.* Siquidem verò Baltasari Deus tot animos, & quidem sibi percaros alendos veluti nutrici tradiderat, *præuenit enim in benedictionibus dulcedinis;* earumque virtutum, quas in ijs ingigneret, notionem illi cum experimento, scientiam spiritus, contemplationis donum, cæteraque, deinceps memoranda, mirandaque sanè charismata impertiuit. Inde adeò cum initio à proximorum consuetudine refugus subhorreret, orandi nempe diutius, legendi, agendique cum Deo perauisus, eum illicò errorem euulsit, expertus liquidò plus sibi solidi affectus ac spiritus ab ipsa proximorum cura, quam Moderatorum nutu suscepisset, accedere, quàm ab eo solitario secessu, quem suo ipso impetu tantoperè expetebat. Quare suo in autographo animaduertit ipse, eos, qui iubente Deo cum proximis occupantur, nec fidem domi relinquunt, maiori à Deo pietatis sensu, celestique luce perfundi. Quod Regius visus est Psalter edocere, cum dixit. *Qui descendunt mare in nauibus, facientes operationes in aquis multis: ipsi viderunt opera Domini, & mirabilia eius in profundo.* 2. Cor. 1. 4.
T. al. 20. 4.
Psal. 106.

§. II.

Plurimum verò in id Baltasari contulit ipsa precatio, in qua permultos hantit à Deo sensus, quibus ad proximorum curam, nullâ tamen admiscâ sui profectus incuriâ, incitabatur: rationesque inibi edoctus, ac vias est, quibus commodè vtrumque coniun-

coniungeret. Quamobrem excellam propriamque Societatis vocationem in ingenti æstimatione habere à Deo illic edidit; illudque diuinæ bonitatis munus, quod ad hoc animarum opus Deo sanctè carissimum vocatus esset, animo semper gratissimo reputauit. Pio quandoque opere pertundus, postridie inter matutinas preces Christum Dominum præclaris muneribus onustum aspexit: eumque veluti subiecto pondere fatigatum, exonerari scilicet cupientem: gratumque se alleuanti fore, non obscura indicia facientem; ab eo tamen, etsi maximè cuperet, onus minimè deponi, quippe nequaquam illi vasa, in quæ tam pretiosa munera conderet, suppetebant: sensitque inde suam operam fuisse Deo pergratam; ingentiaque parari bona, mercimonio caritatis: idcirco verò ea ipsi Christum obtulisse se specie, vt ad huiusmodi opera incitaretur ipse; atque ipse vicissim alios inflammaret.

„ Intellexit hoc iterum, proximorum caritatem sacrosanc-
 „ tam esse; noltrique in Deum amoris, atque erga ipsius diuina
 „ præcepta, placitaque sanctissima, obsequij argumentum. Eos
 „ verò, qui diuinis vocibus non obsurdere, quicquid operum erga
 „ proximos ab ipsis caritas exigit, ex Obedientiæ iussu, animo
 „ quàm libenti suscipere. Nam quod ijs de se, suisque rebus ero-
 „ gant, Deo se, cuius ergo id præstant, largiri illud existimant.
 „ Quo proinde nomine opitulari proximis, ac seruire, ijsque mol-
 „ lis imitar ceræ præbere sese tractabilem, inita cum ijs consuetu-
 „ dine, sensum ipsis, affatimque dulcescit: à quibus si offensam
 „ quandoque vllam acceperint, eam cum reposita gratia beneuo-
 „ lentiaque, mitibus verbis, bonoque vultu deponunt: gnari, quæ
 „ les erga proximos ipsi se gesserint, talem fore & in ipsos Deum;
 „ si dulces, dulcem; si pios, pium: si & asperos, asperum: con-
 „ stante nimirum solida ipsius verbis fide, ipso etiam experimēto,
 „ *Qui mensurâ mensi fueritis, eadem remittetur & vobis.* Oculos a-
 „ deo in proximorum necessitates, velut in pretiosissimas aurifo-
 „ dinas intendunt, quibus ipsorum animi loeupletantur; inque
 „ dies diuinæ lucis quæstus faciunt ampliores. Hoc vbi mihi pa-
 „ tuit Sacramentum absconditum, admirabundus veneratus
 „ sum.

Ne verò inter eas quæ in hac consuetudine solent intercedere, difficultatem salebras animum desponderet, quanto id animi compendio fiat, illum Deus edocuit: Cui latentem ostentans thesaurum in Davidicis ijs verbis, *Qui descendant mare in nubibus, facientes operationem in aquis multis, ipsi videbunt opera Domini*, illud iuxta palam fecit; persuasum cuique id esse oportere, turbatum iri pelagus, cum quis verè in profunda descenderit: propterea enim,

Psaltes

Psalmes adiecit: *Exaltati sunt fluctus eius, ascendunt usque ad Caelos, & descendunt usque ad abyssos*. Quod eò sit, vt clament ad Dominum, euehanturque, non obruantur. Eaque propter Bernardus ait, nauare proximis operam, etsi quid ibi vitiosæ sortis adhæserit, solitariæ tamen orationi, quanquam perpurgatæ, præcellere; aliunde quippe seges abundè suppetit ad incrementa virtutum. Discretabat itaque, pusillam esse virtutem, dum eius experimentum capiat consuetudo cum proximis: in qua caritas, Christiana humilitas, patientia, castitas, magnis virgetur, impelliturque ictibus: atque asperitas in ijs, naturæ habitudo & affectiones, aliæ à nostris, dum Dei causâ æquo animo perferuntur, nostrarum prouehunt incrementa virtutum.

Ser. 12. in
Cant.

At enim eiusmodi consuetudinis pericula ex nostra item imbecillitate progerminant: ingenti proinde fiducia illum Deus erexit de sua beneuolentissima prouidentia, deque ope, quam nobis, ad hæc obeunda munera, elargitur. Quam in rem sensibus subinde per preces erectus est sanè mirandis, quorum per singula ferè capita mentio fiet. Ex his vnum in præsentia proferam, quo ad acquiescendum diuinis consilijs mirificè confirmatus est. Quæ tanta, inquit, dementia est, id tibi successurum esse considerare, in quo Deus tuâ nolit operâ vri? seu contra, quæ res vnquam frustrari possit Deum, cuius ipse agendæ sit auctor, etsi, quibus eam molitur, modi alieni esse videntur? si puer à Ionatha missus ad iactas à se colligendas sagittas, rei dumtaxat faciem aspexisset, dirigentem ad scopum, iaculari tam procul, in amentiam illum incidisse putasset: rei tamen veritate comperta, sapienter ita ex composito iaciebat. Non secus Dei consilia, quæ in censuram quandoque veniunt infeciorum, aptissima ac perefficientia in rem propositam sunt: quibuscunque demum modis eam, ille moliri constituat.

1. Reg. 20.
n. 20.

Precatio denique erat illi pro turri Davidica, armis ad tuendum, nocendumque referta; quibus aduersum fontes, ac noxios, illæsus ipse, indemnisque pugnaret: Pro specula item, ex qua sua, alienaque ab se, alijsque auertenda pericula prospiciebat: Pro arcano etiam penetrati; in quo agenda cum hominibus, cum Deo transigebat: prouisis nimirum apud Deum ante, compositionisque rebus, quas moliturus esset deinde cum proximis: vt & verba sua omnia, & eorum pronunciandorum ratio vniuersa, Dei afflatu, ac magisterio, regerentur; cuius rem esse, animorum negotium affirmabat, idque eius vi, ac virtute prosperè euenturum. Eadem rursum precatio cellarium illi diuinum erat optineri meri, in quo eo ipsum musto Spiritus Sanctus implebat, quo maduerunt Apo-

stoli, cum linguis igneis loquebantur. Atque hinc vis eius erat illa tam ingens in sermonibus, cohortationibus, litterisque scribendis: cuius verba viuida scilicet efficaciaque nunquam vacua reuertebantur; sed infixâ cordibus rem agebant illic, ac peragebant; sic, ut ij vitam vel improbam extinguerent, vel languidam roborarent. In hunc itaque modum obita cum proximis ex obedientiae præscripto munia illum in spiritus processu iuuabant: quemadmodum ex materiatis dapibus corporis membra pinguescunt: quod & illa Christi ad discipulos suos verba indicant, *Meus cibus est, ut faciam voluntatem eius, qui misit me, ut perficiam opus eius, humanæ nempe salutis*. Eoque D. Gregorij estatim seriò pensitabat: *Escâ iustorum est conuersio peccatorum*. Atque veluti *Aquila* (quæ Iobi sententia est) vbicumque cadauer prospexerit, expletura famem, eò volat ad escam, ita feruidus quisque iustus, vbi vbi occasio noxios ad Christum traducendi se dederit, ad eam dapent, pergratam Deo, sibi que maximè salutarem appropriat.

Tam verò, ne in partem aliam exuperaret, agendi licentiùs, solutiùsque cum proximis, illum explicatè Deus edocuit, permulta opus esse virtute, ut id muneris tatò suscipi queat. Permulta, inquit, virtute opus est, ne quis perditorum consuetudine perdat; tot scelerum auditu consceleretur: tanta sordium tractatione, ne sordescat: neù genua honoris idolo submittat, cui litatur à Mundo. Quòd si, ne quid detrimenti quis capiat, tanta illum oportet instructum esse virtute, quanta opus erit, ut proficit sibi quisquam, & proximis? Is ille professio sit oportet, cui quod voluptarios homines necat, alimento sit, virus. Quod illud Osee docet: *Peccata populi comedent Sacerdotes*. Meritò quidem, sapienterque Dionysius, neminem, inquit, in diuinis rebus sine hisce conditionibus agere Institutorem posse: Primò, ut sit Dei consimilis: Deinde, ut illum Deus vocet ad volandum: Tertiò ne suo munere per incuriam defungatur. Quæ quidem assequetur Christo Domino per preces innixus, confususque, sibi cum, à quo mittitur adfuturum: neque permittitur, in ijs perire se, in quæ ipso mandante, aggreditur. Quæ verò partes ipsius sunt, oculis, ut cælestia illa animalia, sit plectus oportet; inconniuentque peruigilet; neque oculis, linguæ, manibusque permittat habenas: neque ijs sese occasionibus inferat, quas declinare possit: ex his enim, non ex ijs in quas ipsum Deus immiserit, lapsus existere consueverunt. Sub finem verò operis rationem omnem rei à se gestæ, quidque in illa peccat, carit, secum ipse dispiciat, multâque in posterum, remedioque prouideat.

Ioan. 4. 34:

Iob. 9. 26:

*Osee. 4. 8.
lib. de Eccl.
Hierarch.*

CAPVT OCTAVVM.

Dexteritas eius, atque prudentia in iuandis proximis : & quibus ad id vniuersè præsidij vteretur .

IVre quidem optimo Euangelicis operarijs illud Christus diligentissime commendauit, vt in concredito ipsis munere, *Prudentes essent sicut serpentes, & simplices sicut columba* : vtroque scilicet iuandis proximis, nobis indemnibus, pernecessario. Prudentia, dexteritas, sagacitasque sumenda à serpentibus est, in faciendo animorum quæstu ; vñ nempe omnium eò conducentium, præsidiorum ; calliditatis etiam, vbi res postulet ; exemplo Pauli, vt eos innocenti dolo capiamus Deo . A columbis simplicitas, mens recta, mansuetudo, humilitas, vitæque innocentia ; vt eosdem comi affabilitate, proboque exemplo pelliciamus . Et verò perquam mirificè Baltasar id documenti custodijt ; lux enim hausta inter precandum à Deo opportunas illi rationes, atque modos ostendit, quibus hæc duo coniungeret . Eorumque princeps, ac cæterorum veluti fundamentum illud erat, in proximorum consuetudine rectissimo animi obtutu Deum vnice, ipsiusque diuinam gloriam, placitumque spectare ; nullo temporarij, fluxique sui dainni, vel lucri respectu : primarijne, an postremi, clari, an obscuri essent ij quibuscum ageret, pensi nihil habere : sed illud æstimare vnum, ab Assertore Deo cui curæ sunt in vniuersum mortales omnes ; omnesque pretio cruoris sui redemit : eos ab ipso impulsos ad sese mitti diuinitus ; Quam animi sui sententiam eo Christi oraculo confirmabat, *Quem dat mihi Pater, ad me venit : & eum, qui venit ad me, non eijciam foras : quia descendi de celo, non vt faciam voluntatem meam, sed voluntatem eius, qui misit me* . Affirmabatque propterea, se neque cum pluribus, neque cum alijs acturum, quàm quibuscum agendum sibi diuina destinatione cognosceret : idque, Dei dumtaxat, non commodi sui causâ ; Eiusque ad id animum obfirmabat ea apud Malachiam querela : Neminem esse, qui lychnum, ignemque altaris accenderet, lucernamque aut fungosam emungeret, aut suscitaret extinctam : multò minus, qui eo munere gratuito diuini obsequij, animarumque salutis ergo, libenter, ac liberaliter fungeretur . Quare tantus Baltasari candor erat in agendo cum proximis, vt ij per se ipsi cognoscerent, nihil ab eo, præter vnum Deum, in ipsorum consuetudine spectari, quærique .

Hinc porro in mores sese omnium, quibuscum ageret, cuius

*Matth. 10.
16.*

Ioan. 6. 31.

*Malach. 1.
10.*

Sap. 6. 8.

cunque demum conditionis essent, ac generis facile induebat: nullo humilium fastidioso contemptu; nullo affectu mancipante nobilium. Eos adeo detestabatur Confessarios, qui, pœnitentium nomine, honorem aucupantur, & famam: quare spectatos modò, alijs ab se reiectis, excipiunt. Quod spiritualis negotij genus humillimum, atque apud Deum nihili appellabat; Qui enim, ex oraculo Sapientis, *Puillum fecit, & magnum, & æqualiter cura est illi de omnibus*, neque contemni pusillos vult, neque non vacari Primoribus: non humani splendoris, sed vno duntaxat studio animorum.

Secundum hæc, animi excelitate præcelluit, affabilis tamen, comisque; benevolentiaque suæ tam largus erat in omnes, ut illum summi, atque imi enixè, intinèque diligerent iuxtà, & colerent. Ut enim agendi cum ijs vna erat illi ratio, Deus, ita in eandem Dei eminentiam exurgebat, qua telluris magnitudinem sibi subijceret, præ diuina quidem, qua veluti Regis summi fidus, carusque assecla efferebatur, angustam. Procures verò, quibuscum consuescebat, permulti quidem ij, ut deinde dicemus, eius animi tantam esse amplitudinem cognoscebant, ut se longè infra ipsum positos, minoresque putarent. Atque ita suo ipse commonstrabat exemplo, quod alios edocebat, eos oportere nos esse, ut proximi nostris congressibus immutati reuertantur percutientes pectora sua, dicantque, *Verè filij Dei sunt isti, Calique spiritum aguntur*. Quod de Baltasare affirmabant omnes, qui cum illo agere consueuerant; nunquam ausi coram de profanis, aut de non sanctioribus rebus inferre sermonem; initium opperientes ab ipso, causâ nimirum & voluptatis ob dicta, & reuerentiæ in dicentem.

Cum hac animi eminentia summani in agendo iungebat spiritus libertatem: neque enim suos in virtute Alumnos imperfectâ benevolentia, cui commisceret se caro, complectebatur; sed amore vno ingenue caritatis, ac spiritus, non expetebat illos sibi, sed Deo. Humanarum rerum non modò quicquam ab ijs non poscere, sed neq; ingestum etiam atq; etiam admittere; ne quid de sua libertate imminueret: nullam cum quopiam adeo addictam, viscosamque familiaritatem inire, ut ea perlitus, aut constrictus animus teneatur: integrâ migrandi aliò, seque ab omnibus auellendi libertate, vbi Præpositorum iussâ intercederent: neque insyncerum erga se amorem vllum aliorum admittere: à quibus adeo cum digrederetur, quanquam illi ab ipsius absentia magnoperè angebantur, eius tamen animi sensus indicia palam facere non audebant. Eam etiam ob rem nihil obesse eorum libertati volebat, quò minus alium quempiam Confessarium, animique Institutorem adirent, cuius assatu, & consuetudine capere possent incrementa virtutum: modò

modò id seu leuitatì fouendæ, seu fallendo tempori non daretur. Eos verò Confessarios improbabat, qui æstuant, cauentque, ne, quorum ipsi conscientijs moderantur, ad alium ij quemquam diuertant, liberumque illis esse non sinunt cum ijs agere, quorum ope possent fieri meliores: quod seruitij genus quoddam est, onerisque grauiissimi. Eoque suam quandoque sedem ad audiendos confitentes non adibat, vt apud alium noxę liberius expiarentur, quas illos fortè sui Confessarij auribus credere suppuderet.

Quanquam verò ardore animi erat ingenti, salutemque proximorum omnium omni studio expetebat, norat tamen, à supremo Rege, cum suos ille intimos in cellam vinariam introducit, ordinari in ijs caritatem; quo fiat, vt quos amoris, ardorisque vinum inebriat; ijsdem ratio atque prudentia moderetur. Quamobrem sapienter, cum pluribus, quàm suo posset indemnì spiritu, non agebat. Numeri porrò cura vtique ipsi nulla: sed illud agebat seriò, vt quæcumque vis eorum esset, in ipsis consuetudinis suæ, ac familiaritatis ratio eluceret. Aiebat enim alienum à nostro Instituto esse, dextra, læuaque, quaquà versum proximis operam dare, effuso ad licentiam corde, spirituque profuso; verùm in pondere & mensura; eaque formâ, quæ cum viro constet virtutis, & animi studio: nihilque sibi de adminiculis detrahat precum, propriique profectus: non secus atque instrumentum ijs vsibus est accommodum, quibus ipsius acies non hebetatur. Securis enim obtusa si fuerit, diem totum, nihil profectura pertundet; quâ exacutâ, satis, multumque operis dabit vnus horæ labor. Optinius verò quisque Christi operarius non is est, qui populum ad se frequentiore pellicit; verùm qui, iacturâ suâ nullâ, proximorum, etsi pauciorum animos largiùs locupletat. Studebat proinde impensè, vt, quorum ipse curam gereret, ij, pro suo quisque captu, diuino spiritu implerentur: neminem quippe non idoneum arbitrabatur, qui, diuinorum ope Sacramentorum, meliorem se possit efficere; vitiolorum extirpatione, insitioneque virtutum: etsi facili omnes ad secessum intimum, meditationemque nō lunt. Quamobrem nec turbâ, nec illorum vsu delectabatur, qui suo in progressu hætere constituerant; crebro Sacramentorum vsu contenti; quò à noxis lethalibus abstinerent; nullo proficiendi, perficiendique sui studio, & amore. Quo ipsius spiritu, ardoreque probè iam cognito, ab illo scilicet ij facessabant, quibus vires, animusue deerant ad sequendum. Ijs adeò vacabat propensius, quos syncerus amor ad excelsiores perfectionis gradus euadendi tenebat: ad quos iuuandos, veluti donis à Deo præcipuis erat instructus, ita & ijs sui laboris plurimum conferebat. Aiebat enim Iudicem.

Deum

Deum sibi esse formidini non culpas modò vindicaturum in sese, à quibus eos non auertisset, quorum ipse animos procurasset; sed quæsiturum etiam de virtutibus, quibus iidem, institutionis suæ incuriâ, præditi non fuissent.

Eò denique suis persuadere sibi creditis conabatur, vt in impotentibus animi motibus, cupiditatibusque edomandis sese maximè exerceant: cui eorum studio suam & ipse curam conferebat; tum verbis, ad coercendos eos meditatio conceptis; tum rebus alijs, quas ipsi auersarentur, imperatis: alijs rursum vetitis, quas amarent. Id porro scitè quàm qui maximè facitabat. Vnumquemque enim in eo vellicabat altius, in quo ipsius acrior erat sensus, eratque è re plurimum in eo se frangere: suauiter tamen adeò, & amanter, vt non modò nemo propterea illi esset offensus; sed eum omnes & complecterentur arctius, & collati in se boni æstimatione, maiori, auidius rursum adirent. Specie increpantis affatus ita est aliquando nonneminem: Si quod in te, id in alium quempiam studij collocassem, quantò ille in virtute tibi præstaret! Rursum: ne tempus, oro, frustra teramus benè operantibus oppidò pretiosum. Eaque in dicente vis erat, vt, illo audito, & compungi sibi cor, & ad excutiendum torporem, sese quilibet incitari sentiret. Quibuscum verò apertius hac agendi forma utebatur, ij erant, quos laxioribus ad perfectionem velis tendere cognoscebat: suam in adiuuandis, exercendisque ijs opem, operamque conferens cum diuina: precationis enim exercitationes, & actus, nisi & mortificatio adsit, aut præstigiarum dæmonum sunt, aut certè non perstant. Auctor itaque omnibus erat, vt à quo maximè refringerent, in eo se ipsi peruincerent: mores aulicos, verborum officia, salutationes domi, consuetudinesque præciderent; in eamque formam sese componerent, quæ pro cuiusque gradu consentanea magis esset Christianæ humilitati, modestiæ, ac decoro. Illudque primum, vt vbi submissionis atque contemptus sese daret occasio, ibi fortiter animo imperarent, ac linguæ: cum nempe locum esse, ex animi veluti scrinis, ac sordibus emergendi: expetendum id porro, veluti ab exercentibus mercaturam opportunitas omnis augendæ sortis optatur: Quo paratos illos, alacresque ad dicta factaque aspera exorbenda cum voluptate fructuque, nihil detrectando, excusandoue, ad ipsius sui triumphati specimen efficiebat.

Neque verò hæc scita, legesque ab se ipse procul habebat; quin suo præibat exemplo, non sese modò vltro compescens, verum & complura peracerba, quæ ex consuetudine proximorum obueniunt, perlubenter vorans. Obuenire autem ea sibi gaudebat, vt suo excitati exemplo, alij etiam vberes fructus, vnde & ipse, perciperent.

perent. Eorum verò omnium, quæ hoc memorata sunt capite, illustria subijciuntur exempla; cum gestas ab ipso varijs, in quibus versatus est locis, res præcipuas exequemur.

CAPVT NONVM.

In laudatis virtute permultis magnos Abule fructus edit.

Omnium Auctor, Rectorque rerum, cuius Sapientia attingit à fine usque ad finem fortiter, & disponit omnia suauiter, quemadmodum in omnibus Ecclesiæ suæ, Orbisque vniuersi Prouincijs, urbibus, oppidisque, quid necesse mortales habeant, rimatur, ac perspicit: suorumque item operariorum dotes, ac facultates introspicit; ità illos singulari prouidentia ad messem animorum faciendam in varia hæc illuc loca dispertit: eamque cuique destinat sedem, in qua & largiores habiturus sit ipse processus, & vberiores etiam fructus ex alijs percepturus. Quamquam ex his quandoque alterum, alterum alias primò, magisque molitur. Sic Apostolis, post illapsum in eos diuinum Spiritum, quibus sacrum Euangelium disteminerent, Prouincias attribuit, cuique suam: Romanam Petro, Ioanni Asiam, Hispaniam Iacobo, alijsque alia Regna, vbesque præcipuas, è quibus fructus vberissimos sustulere, laboreque ibidem plurimos exantlarunt: quibus, veluti semen-tem fecere, quæ postmodum subrogatis illò Discipulis messem daret. Eadem erga cæteros Euangelij administratos, qui Apostolis subiære, Dei prouidentia fuit; eadem in Baltasarem Aluarez, qui certè non sine diuino consilio, ac destinatione, sua cum proximis munia obire aggressus est Abulæ; vbi ad demerendum, maturam segetem Deus illi plurimam compararat. Nouem ea in vrbe annos perardue Ministrum egit. Id enim officij, eiusque domus, recentis nimirum, adeoque summâ rerum inopiâ laborantis incommoda, illum opportunitatibus omnium, suarum oblitum consulere adigebant: eoque maximè, quia vniuersum regiminis eius pondus vni ipsi ferè totum incubuit. Per id enim omne temporis duo dumtaxat eius Collegij Rectores dicti, Dionysius Vasquez, & Gaspar de Salazar, alter sesquialanno, alter nouem dumtaxat mensibus præfuisse regimini; aliò à Præpositis, re sic postulante, dimissi: ipsique absentibus Collegij administratio penes Baltasarem, Ministri tamen nomine, tota fuit.

Ad hæc extrariorum ad nos aduentantium sacras confessiones in templo, stataque sede, perquam assiduus exipiebat; eosque, cum ipsorum animi res posceret, allocuturus conueniebat: cede-

Philip: 4. 1.

Ier: 23: 29.

cedebatque illi tam prosperè, vt à permultis fructus nobiles, spectatosque collegerit: atque ab aliquibus primò, quos Deus præsigni sanctimonix destinarat. At enim veluti naui, solertesque discipuli, Magistri sui (quod Paulus affirmat) gloria sunt, *gaudium & corona*; atque argumentum non tenue præstantis prudentiæ, sapientiæ, ac sanctitatis, quibus imbutus is erat, qui eos docuit, ac duxit in eam metam, quam attigere, virtutis; non abs re fuerit, in argumentum spiritus, perfectionisque Baltasaris, hoc alijsque deinceps capitibus aliquot, memoranda quædã & grandia perscribere discipulorum, qui ab ipso in hoc lyceo virtutis instituti, nobiles edidere progressus. Atqui eos illi tales obtulit Deus tum in Societate, tum extra, vsus ipso tanquam instrumento ad eos consummandos; ipsiusque verbis adiecta vi, vt essent, quemadmodum Ieremias inquit, *Quasi ignis, & quasi malleus*: Quò nempe corda pietatis igne molliret; atque mortificationis malleo dexterrimè elaboraret: quod satis poterunt persuadere dicenda.

Et primò quidem ea in vrbe Sacerdotum frugi non exigua vis erat, quos cõegerat, adiunxeratque sibi Magister Daza, spectatæ virtutis vir; vt in aliorum procuranda salute, inopumque difficultatibus subleuandis, non intra dumtaxat vrbis mœnia, sed & in omni Diocesi, sua ipsum ope, operaque iuuarent. Cui cum primum compertum est de sanctimonia, ardoreque Baltasaris, Christiana, qua præditus erat humilitate, Ioannis imitatus exemplũ, qui suos discipulos dimisit ad Christũ, suos & ipse tradidit exercendos, dirigendos, perficiendosque Baltasari: quos adeò hic subinde cogere, diuinis de rebus tam profundè, ac feruidè alloqui, vt conceptus inde calor dies in ijs plurimos perduraret: suscepiendas corporis voluntarias afflictationes, rationemque vitæ ineundæ monstrare: ijsque semel in hebdomada noxias apud Baltasarem, expiare; eidenique omnem cõscientiam aperire. Indeque in optimi, exempli viros euasere; expertique ipsi indicabant alijs Baltasaris ad regendas animas vim diuinam: quam & familiares ipsius alij persensere. Eos inter insignis præcipue vir fuit Augustinus Osorius; cuius ægrotantis confessionem Baltasar exceperat; quem, vt à morbo conualuit, domi conuenit, tantaque vi, ardoreque affatus est hominem, vt peruictum planè, prorsusque mutauerit: cumque ad genus quoddam religiosæ vitæ pertraxerit; pietatis opera in egentes assiduo obeuntem. Is verò deinde, oculis in scamnum, vbi confederant ambo, coniectis, admirabundus dicere consuevit. Prò, si lingua, sandique vis esset huic scamno, vt alta illa, sublimiaque testari posset, eumque spiritum, quo me vir ille Sanctissimus Baltasar allocutus hic est! Francisco item

item Salsedio, in eam, quò se extulit virtutis apicem, opitulatus, est plurimum; quem Sanctissima Parens Teresa IESV suo in codice, tot laudibus extulit; Christiani Equitis ab ea nomine salutatum; gnarum scilicet nobilitatis leges Christi, præceptis conciliandi; resecatis, reiectisque ab se omnibus, quæ profana instituta tuberent, prohiberentque diuina.

Largius tamen adhuc profuit Francisco Gutmanio, Mosen-Rubi Bracamontij filio, præsignis in ea Vrbe Sacelli primo Patrono; qui peramplis Ecclesiæ redditibus, pensionibus, optimisque sacerdotijs curionatis præditus, profano tamen habitu incedens, prouentus omnes in equorum, vestium, aliarumque futilium rerum apparatus, pompamque, cum ingenti notorum offensione conferebat. Eius animum præpotenti manu perpulit Deus; eumque in virum alium commutauit. Suadente enim Collegij nostri Rectore Dionysio Vasquez, apud quem sacra exhomologesi animum expiarat, Clericalem induit habitum; curionatis abdicauit se sacerdotijs; nummis è diuersis pensionibus non amplius mille retentis; quorum vim suos in vltus perexiguam, cæteram omnem, præsidij pauperum tribuebat. Sacerdotum adscriptus est ordini; multoque & pietatis sensu, & animi fructu salutarem, diuinamque immolare hostiam occæpit. Quoniam verò post paulò Vasquez aliò commigrauit, consuetudinem cum Baltasare iniit: cuius vt incendebatur verbis, ita maximè ad ea, quibus exercebat sese, pietatis opera incitabatur. Vnus sequebatur gradientem Puer: domoque aliud omne seruitium, mulierum in primis exclusit: effusus ante in mensam, ciborum deinde coluit parcitatem: totumque hominem munera caritatis habebant: ægrotantibus egenis ministrabat ipse; ipse, siue ad illos Medicum accersebat, siue pro illis eius domum adibat; eorumque vrinam sub pallio deferebat in vitro, vt quid agendū cū ijs esset, ex eius obseruatione præciperet: sæpeque fiebat, vt vnā, alteramque horam perquietè, dum ille aut rediret domum, aut surgeret, expectaret: caritate nimirum, in hanc illum patientiam erigente. Cibos ipse item eisdem paratos quandoque, crudos aliàs deferebat; adibatque & laniarium, vt carnes egenis sua ipse manu coëmeret. Atque à Germani sui funere, inter eius Aedis sacræ Canonicos adscitus, vitæ rationem neque aliam iniit, neque ab se suscepta iam officia pietatis absti-
nit: quin auctos sibi redditus solertiore cœpit cura in egenium Cœnobiorum, Nosocomiorum, pudentiumque pauperum com-
moda erogare: pluresque trecentis quodam anno inopes tantis curauit, aluitque impensis, vt ipsius prouentuum computata ratione, horum illæ longè modum exirent. Sed pij nimirum animi

largitati, largum etiam Deus pietatis suae fauorem impertijt. Nōnullis etiam afflictaus est morbis, quibus diuinus Artifex solertiore manu in illo perfectionem exculpfit. Et verò Baltasar quamquam inde iam aberat, non deerat tamen per epistolas eam illi opem suppeditare, quam poterat. Quas inter, has illi Methymnae dedit verbis hīsce spiritui, vt tunc erat, ægrotantis accommodis.

¶ Etsi vereor, mi Domine, ne non tua ex inualitudine tantum noris percipere fructum, quantum, qui te illa nunc afficit, Deus velit, solatio mihi tamen fuit ingenti, quod accepi dñi te illa exercitum vehementer esse, & nunc scilicet exerceri. Quamobrem continere me ne rerum quidem, quibus vrgeor, tanta vis potuit, quò minus huius in te animi mei vtrò te per litteras facerem certior. Animum aduerte nunc, Domine, tuisque in morbis tenerimortum in te Dei viscerum pignus non dubitandum agnosce; quī eius, quem amat, culpas impunes abire non sinīt: neque porrò satis illi est tuum animum, commiseratione, memoriaque, ac veteris hominis, per iugulatas ipsius cupiditates, interitu, patientis sui Filij cruci esse confixum; sed & ipsa famuli sui membra agi amat in crucem; quò & suae sit voluntati, & imagini Christi similior, qui de cruce nulla non sui parte pendit. Auidē igitur laboris huiusce, crucisque fructum expecto. At enim plantam suam diuinus colit Agricola: quòd si maiorem tua spe, atque expectatione illa fructum ediderit, eum tu cum egentibus participa. Curabo ipse interim sedulo, vt Socij Patres, fratresque omnes suis apud Deam precibus agant, ne tantæ frugi tua crimina impedimento sint; vt diuina pietas eam tibi, quæ in maiorem diuinæ suæ gloriæ cumulum cedat, salutem impertiat.

Hanc visum est hoc loco epistolam exscribere, tam vt iuge studium, ardensque Baltasaris peregrè etiam degentis cura erga suos in virtute alumnos appareat; tum quòd in ea probi, nobilisque huius viri vitam, atque exercitationes effingit, tribus hīsce gradibus ad perfectionem enixi; memoriā nimirum & commiseratione Dei è cruce pendentis; veteris hominis, prauarumque cupiditatum expugnatione atque victoriā; ac demum corporis afflictatione, laboriosis primò muneribus erigendorum inopum causā susceptis; deinde morborum perpeffione, cruciatuque, vt ex viuo magis ipsum Seruatoris Christi imitaretur exemplar, ex Apostoli sententia: *2. Cor. 4. 10. Semper mortificationem IESV in corpore nostro circumferentes. vt & vita IESV manifestetur in corporibus nostris.*

Percupijt ille quidem nomen Societati dare: datum tamen hoc illi non est: ea enim eius opera erat sanè Vrbi perutilis. Verum, quo fraudatus voto est, dum inter mortales fuit, eius factus est compos

pos, cum ex hac mortalitate decessit. In nostris enim ædibus animam Deo persanctè reddidit; nostro item in Templo eius exuiz illata sunt tumulo. Extremis verbis iam iam moriturus inquit, animo se esse tranquillo, nouerat enim se se fruiturum Deo. Astirmauitque patens Sanctissima Teresa IESV, eius animam à se visam in cælestem gloriam Angelorum manibus deportari.

Hæc eadem forma ratioque Baltasari fuit agendi cum viris alijs ea in Vrbe præcipuis; eo cuique vitæ genere constituto, quod illis pro suo gradu magis esset accommodum: quod & tam altè illorum cordibus infigebat, vt in eo diutissime perseverarent. Quempiam ea in Vrbe ciuem hebdomadarum omnium secundâ feriâ, expiatis animi noxijs diuinissimam Eucharistiam sumere iussit: idque ille quatuor deinceps & triginta præstitit annos, quos vitæ reliquos habuit; nullo vnquam vel omisso die, vel mutato: ea nimirum, ac tanta erga sanctissimi sui Confessarij verba fides ipsius erat; indeque permultis ac perëgregijs auctus à Deo beneficijs est: atque inter humanæ necessitatis incommoda, diuinæ prouidentie fecit sanè periculum. Per hyemis enim frigora, quorum vis Abulæ desæuit asperrimè, cum in abundante familiaribus domo, ne ramusculus quidem illi, segmentumque ligni suppeteret, contigit haud semel, vt deposita inneniret lignorum plaustra pro foribus: quod acceptum ipse Baltasaris Parentis sui sanctissimi precibus referebat. Numero etiam plurimo scæminas, sanguine, ac pietate prænobiles, non sine ingenti in illis fructu animorum instituit. Harum vna D. Guiomar de Vlloria fuit, quæ vndeuigesimo ætatis anno orbata viro, cum forma spectabilis esset, spectari ob eam, laudarique ab alijs, addito etiam muliebris mundi suffragio, cupiebat. Adire cœpit hæc, assarique Baltasarem, atque hic tantum in eam valuit auctoritate verborum, vt quod fieri vix posse putaret, illius animum ad humanarum rerum, pomparum, inepciarumque obliuionem, ad syncerum etiam, ac serium Christi Domini amorem, obsequiumque perduxerit: cuius instinctu, atque ope in nobilem venit mundanæ pompæ contemptum; pueros ab se, famulosque dimisit: prouectoque dein æuo, incommitata Templum adibat; sellulâ, in qua consideret, subiectâ sibi sub stolam. Largis porro muneribus aucta à Deo est, honoribus illos afficiente, qui sese habent ipsius causâ despectos: eosque diuinis illecebris perfundente, qui ab se delicias repulere terrarum. Hoc verò spiritu Matronas, quarum confessiones exciperet, imbui cupiebat: prouocabatque illas, vt nimios ab se ornatus, ac pompas liberè, libenterque dimitterent. Quibus verò animus ad ea non esset, ex à Baltasare facessabant; ex quo nempe illa gra-

uabantur audire, quibus ipsa auscultando nollent annuere; ceteris interim in hunc modum elaborari sese gaudentibus. Anna in primis Rejesia, quam Baltasar mortificationis malleo, scalprique contudit, & exculpfit. Dicebat hæc verò subinde, se ab illo, vno tantum obtutu, percelli: ab eiusque graui ac seuerò oculorum in sese coniectu intelligere se, num quod inesset sibi mendum in animo, vultuque, vel habitu, quo ille videretur offendi: idque in loco illico corripiebat. Compertum verò omnibus erat, absurdam videri Baltasari eam colligentis sese animi, effluentiumque se vestium discrepantiam: qui propterea diceret, extima oportere conspirare cum intimis. Et verò eius, ad quam instituta fuit à Baltasare, mortificationis fructum suo cognouit ipsa periculo. Ex ea enim summum ipsi accessit in suas cupiditates imperium; animus in omni re æquabilis, & pacatus; precandique donum, ac studium singulare; Deo illam edocente apertis obuiisque similibus Diuinitatis suæ arcana excelsissima; sensisque sanè mirandis fidei diuinæ mysteria, pendentis præcipue de cruce Christi, cuius ante diuinam imaginem prolixis diu precibus, nec parciore sui corporis afflictationi vacabat.

CAPVT DECIMVM.

Maria Diatia singularem virtutem Abula prouehit. Collatio cum ipsa perutilis de quinque Patientie fontibus.

ID, ex quo Abulæ magnum Baltasari nomen accessit, operacum primis fuit impensa in mulierum par longè præstantium, quæ inibi vno ambæ, eodemque tempore præclara ediderunt exempla virtutum. Harum altera Maria Diatia fuit ea in vrbe ob sanctimoniam notissima æquè, ac laudatissima: cuius memoria viuitt adhuc, vigetque; & digna sanè est, quæ perpetuò retineatur in posteris; vt ij & heroicis ipsius exemplis in virtute proficiant, & simul ipsos pudeat, quòd operaria paupercula, quasi *stellio* (cui Salomon inquit, perpenditque Gregorius) *manibus innitens*, eò enixa sit, vt moraretur in adibus Regis, non humani scilicet, sed diuini; cuius perpetua conuersatio esset in Cælo: ipsi verò, cum ad assurgendum, volandumque præstantioribus instruci sint dotibus, in humili imoque hæreant, suarum nempe affectionum cassibus irriti. Feliciter sanè cecidit huic scemina, quòd in Baltasarem incidit, à quo, ad assurgendum, hausit animum, atque præsidium.

Vertit

Vertit, & benè Baltasari, quòd eam nactus est, cuius & exemplo plurimum etiam ipse profecit, & præclare ab illa gestis, ipsius nomen, atque auctoritas apud omnes ea in vrbe perccebit. Natale Mariæ Diatiz solum, Vita fuit, Abulæ Pagus: quæ cum ætatis annos quadraginta cœlibatu castissimo exegisset, sibi que per pium secessum magno popularium exemplo vacaret, perfectioris formæ Deo seruiendi perauida, post humana Parentis vtriusque, Abulam venit; remque suam omnem diuisit in pauperes; victura deinde precariò: vixitque porrò, eâ modò stipe contenta, cuius egeret ad vitam modicissimè tolerandam. Castitatis voto sese pridem obstrinxerat; tum verò alia duo Paupertatis & Obedientiæ erga suum Confessarium nuncupauit, quò religiosæ vitæ formam aliquam etiam in communi seruaret: eorum accuratè quàm poterat custodia votorum, in quibus illius posita summa est. Dei afflatu, apud quos conscientia suæ labes expiaret, Patres sibi ex Societate delegit: à quibus etsi Obedientiæ conceptum ab illa votum admissum haudquaquam est; quantum in ipsa fuit obstringere tamen, sese Diatia voluit; omnique libertate prorsus exuere; atque voluntatis suæ liberam integramque Deo hostiam immolare. Quo verò colligere sese, arctiusque posset includere, ab Antistite Alvaro de Mendoza in S. Millani Templi absida sibi domicilium impetravit; vbi diuinissimæ Eucharistiæ, quam summa pietate colebat, iugi præsentia fruebatur. Neque verò pedem exportabat inde, nisi sacra exhomologesis, cœlestisque epuli causâ, Societatis Templum aditura. In hunc itaque modum perfectionis excelssæ rationem, iniuit, afflictatione, submissioneque sui, omnique virtutum genere, ac rerum cœlestium, Augustissimi præsertim Sacramenti, cui nomen, Vicino suo fecerat, æstimatione tanta, sensuque, vt quicumque assatum eam adibant, summa hærent admiratione, defixi: atque vt vt litteris essent; doctrinæque perculti, haud inquam tamen aliàs tam dilucidè, quàm cum ab illa explicabantur, percepisse se diuina Fidei nostræ mysteria faterentur.

S. I.

Compluribus tamen, quæ abs re nostra sunt, etsi de ipsius sanctimonia testificantur, omissis, ea duntaxat peropportuna exequar adminicula, quibus ad eam sibi parandam effulsa est à Baltasari: in quam cum primùm ille vidit tantum largitatis diuinæ profusum, eius prouehendæ, perficiendæque auidam in sese curam ipse recepit. Deo interim illi ad hæc gratiæ suæ opem præcipuam conferente. Animum igitur eò primùm intendit, vt

mendas

medas nzuosq; quos in eius animo animaduerteteret, omnes euelleret; ageretque in illa submissiōis altæ, tolerantia, obedientiaque, cum integra, plenaque sui deditiōe radices; sexcentis, quas comminifcebat, vijs illam cohibens, ac domans. Aliquid ab se sciscitanti ieiunē respondebat, & asperē: diū illam expectare; primamque accessu, postremam omnium peccata confiteri iubebat; eludere subinde illius postulata, inauditamque dimittere: celestisq; mensæ (cuius appetentissima nimirum erat) factā illi potestate ter in hebdomadā, in hoc etiam, maioris causā in virtute processus, sumere de illa, exercendo, periculum. Et verō sanctimonie studiosior, quorum animos, mortalia hæc, perituraque non implicant, leuius ferunt in ijs cōprimi se, quā in aliquarū rerum piarum exercitatione, vsuque, ē quibus suam omnem hauriunt voluptatem. In his verō eorum capere experimentum oportet; vt diuinæ voluntati penitus sese dedant, in eaque vnice conquescant. Eō igitur illi semel edixit, ne ad diuinam mensam accederet, nisi apud se noxas antea expiaret: in id enim quandoque illi adire alios annuebat. Adfuit illa postridie, statō nimirum sacre Synaxi die, nec ipse ad confessiones excipiendas in Templum ante se contulit, quā commonitus est fœminas alias ipsum opperientes adesse. Postquam verō accessit, confeditque, ceteras primò circumfusas audiit: aliaque interim subiēre; & has prius admisit: quibus necdum omnibus auditis, vndecimæ horæ signum exclusum est: surgensque tum de sede, redire Diatiam iussit in crastinum. Et verō rediit illa: sed ipse rem ita construxit, vt ea successus haberet eosdem: atque in hunc modum Sacramenti vtriusque refectiōne vacui viginti extracti sunt dies: iudicante Baltasare, quicquid illa lucri sacris ē mysterijs interea loci non caperet, quotidiana præparatione, eiusque sanctissimi ferculi fame, tum fortissima exercitatione patientia, victoriæque sui, quibus ad illa Dei munera, vtilius capienda fiebat aptior, compensari. Mora hæc tam longa altē scilicet Diatiæ animum fodiebat: nihil tamen, reuerentia causā, erga Baltasarem audebat contra reponere; siue illum, pro ea, qua ipsum complectebatur caritate, deferere; quanquam accipiebatur ab eo tam asperē, vt illi ipsa, modesti ioci gratia, dictitaret, Pater mi, aduersatorque meus.

Templum aliās ingressa est crepidata cum baculo; seseque ferre in speciem videbatur: quā vt Baltasar ineuntem prospexit, accersijt, rogauitque, Matronamne iam nunc, & Dominam affectaret? nihil enim ad fastum in ea amplius desiderari. Continuoque Templum exire illam iussit, crepidasque pro foribus deponere; quaque deceret forma, modestam ingredi, & sibi parem. Audiens

confestim

confestim dicto Diatia fuit: neque interim patere furto relictas ab se crepidas reputauit. Redeunti præcepit ille, vt pœnam leuitatis datura ab vsu sacræ dapis abstineret: Quanquam profundè submissam, æquabilemque, ac prompto animo ad parendum vt vidit, reuocatam, voti compotem fecit. Dæmonum infestationibus obnoxia principio fuit: postquam verò accepta semel ab ijs immaniter est, in aliquo scilicet metu erat. Quamobrem puerum ex catechismo ætatis infimæ sibi contubernalem adiunxit. Illò ingressus aliquando Baltasar, puerique stratum intuitus, quippe qui causam illius habendi iam norat, acerbè illam increpuit, aitque: Quorsum hic puer? neque verò te pudet? infantula etiamnum es? tantoque post tempore in primis adhuc elementis hæres? Deoque tam parum fidis? Adhæc Diatia nutui Baltasaris obsecuta, lectulum inde confestim exegit: egitque oppidò sapienter: qui bus enim ea virtus inest, ab ijs inferni hostis metum abesse decet immodicum: norunt enim illi, suarum vestium, nisi annuente Deo, ne tantulam quidem ab eo carpi posselaciniam: in nullo proinde mortalium, sed in immortalium dumtaxat Deo, cuius patrocinio tuta sunt omnia, spem esse omnem, atque fiduciam collocandam.

Abisdam S. Millani cum coleret, præcipuas aliquas in vrbe Matronas salutatum itabat. Parceret tempori, edixit illi Baltasar, quod ad Deo vacandum, meliori fructu, conuerteret. Atque ex eo die Diatia nullam vixit in posterum. Sugillantibus verò eius Confessarium nobilibus fœminis, quòd castam ipsis voluptatem eriperet, quam ex Diatiæ consuetudine capiebant, non excusabat sese apud eas ipsa; culpâ (quod nonnullæ solent) in Confessarium reiectâ; quin eum tuebatur; atque, mens aiebat, Confessarius, non à salutationibus abstinere, sed vacare mihi me iubet. His, alijsque exercitationibus Diatiam cõpescibat Institutor hic in virtute dexterrimus: non eius dumtaxat ingentis boni causâ, quod in eam inde redundabat, acerbiora illa cupiditatis deuorantem; sed vt alios etiam eo excitaret exemplo; desidesque intelligerent, quam multa in ipsorum indubia, nec inficianda crimina animaduertendum esset, si cum ea, quæ neutiquam culpanda, & in qua erroris vmbra vix esset, adeò tamen asperè agebatur: quò ipsi se ad suâ corrigenda vitia alacritus incitarent.

Virtutis denique suæ specimen sanctissima hæc fœmina dedit, animo tam perseueranti sese illi submittens, à quo tantopere exercebatur: eumque fontem sui tanti boni tam vberem adeò amans impensè, vt ab eo ne absente quidem, postquam digressus est Abulâ, oculos vnquam suæ mentis auerterit; audita ab ipso è memoria nunquam abiecerit. Ac tantum illi tribuebat, vt præ eo tam grandi,

grandi, pumilam, infantulamque se in virtute putaret. Dicebatque subinde se post Cæli fores cum infantibus substituram in angulo; Baltasarem verò ingenti cum gloria, & comitatu in excelsa fastigia subiturum: addebatque cum sale, sibi, vti nempe solebat, exprobraturum in trāsitu, Illic demū iners vetula substitisti? Quamquam verò loco habebat ipsa sese tam nullo, in præcelso certe habebatur à Deo, suoque à Magistro, ac Duce, qui illam etsi cohibebat, submittebatque, æstimabat tamen plurimi: eique deinde, pro ipsius singulari in sacrosanctam Eucharistiam pietate, latentisque in eo Dei hde non secus viuida, ac si oculis illum ibi conspiceret, fruendæ quotidie diuinissimæ illius dapis potestatem fecit. In ostentata populo à litante diuinissima hostia puerum aliquoties peruenustum vidit: rursus in elato calice diuinum sanguinem purpureum, fumantemque, & mox diuisâ bifariam sacrâ fruge, Christum in vtraque parte integrum videbatur sibi conspiciere. Quod cum ipsa cupiam Theologiam proferenti Salmanticæ retulisset, demirante nimirum illo, quòd ab operaria paupercula hæc audiret, Atqui, ait illa, idem & ab alijs conspici equidem reor. Ipsumque Deum hoc de diuino mysterio alloquens, subinde rogabat, Plurane istic, Domine, suppetunt tibi, quæ dones? affectu hoc amantissimo profusi illinc in sese immensam testata vim boni, satietatemque suam, qua eo fruebatur epulo; vescendi quotidie integrâ semper fame.

§. I I.

ERit hoc sanè loco perutile simul, ac periucundum id meminisse, quod ego Patrem Baltasarem per piam cohortationem memorantem audiui; qua nos ad patientiam, latentis in ea boni nomine, hortabatur. Inter cætera collationem ab ipso cum Diatia institutam retulit in sermonem, de quinque fontibus innocendi patiendi: è quibus ingentia sanè promerita permanant in eos, qui sapienter ijs vtuntur; æquo nimirum animo, Deique voluntati, ex qua ijs profluunt, consentiente. Quantum verò memoria assequor, nisi ea me fallit, hi sunt. Primus; temporum iniurias perpeti; cum frigus, calorue defœuit; abundat humor, aut siccitas, aliaque perhorridæ, ventorum, imbrium, tonitruum, rerumque similium ingruunt tempestates; æqui omnibus, bonique consultis; siquidem ea ex cõstituto eueniunt Dei. Rem porrò confirmaturus exemplo, Abulæ, inquit, cum summa esset hyems, atque perfrigida, Diatia verò detritis calceis, pannisque obsita, in domicilio rimarum pleno ab ea immittissimè vapulater; adeoque ad aram Eucharistiæ torpens, ac tremens

mens illam brumæ inclementiam quereretur, Deum audiit interpellantem; Huius ego sum auctor, & queresis? documento scilicet (quod serio Balasar in loco pendit) ad ærumnas, adherensque omnia sine querela, & cum voluptate ferenda, satis esse intelligere, ea nobis ex vno diuinæ voluntatis imperio euenire. Regius inde Plates aiebat, *Obmutui & non aperui os meum, quoniam tu fecisti.* Alter fons est, corporis molestias, atque incommoda patienter excipere; videlicet ea nobis accidant, siue ex humorum exuperantia; vnde inualetudines, morbi, dolores, tristitia, tardiaque: siue ex necessitatibus; quibus obnoxius quisque est; indeque fames, sitis, somnus, defatigatio, lassitudo, paupertas, rerumque defectus; quibus cibi, vestes, domus, cubicula, cubiliaque parantur: siue aliis è rebus, quæ nobis sunt sexcentis vulgò modis infestæ; quos & muscæ, pulicesque & culices, cæteraque gregaria bestiolarum agmina infestantur: atque in his omnibus patientiæ specimen dandum est: diuinæ nimirum in ijs respectu; æstimationeque prouidentia, seu plerere culpas, seu virtutem exercere, seu quid aliud malit, quod assequi vestigando non possumus. Tercius fons est, mores aliorum ferre, nostris aut aduersos, aut ab ijs longè diuersos: agendum enim persæpe est aut cum iracundis, ac vultuosis; aut cum frigidis ac remissis: siue cum alio quouis hominum genere, quorum habitudo atque propensio, à nostris aliæ, nobis accidunt permolestæ. In quo plurimum sanè, famulos Domini, Dominos famuli, Religiosi que homines, & quicumque cum alijs communi cœtu, contubernioque cōuiuunt, in tantâ morum diuersitate inuicem sese ferant oportet: Deo sic prouidente, vt eorum quos elegit, virtutis periculum sumat. Affirmabat p̄inde Balasar perfectam nusquam esse virtutem, nisi ubi exercita variè sit, probataque cum proximis. Quartus fons est, probra, contemptus, & damna ferre, quæ ad nos inde pertinent, quod hæc ijs perpetiuntur, qui nos aliqua ratione contingunt. In confesso enim est, cuiusque contumeliæ sanguine nobis, vel necessitudine propinquæ, in nostrum etiam dedecus redundare. Id verò in Religiosis Ordinibus frequentius multo est: Vnius enim à culpa, vel nota, culpantur item ceteri, ac notantur: iusticiâ vulgi æstimante omnes ex vno; eique, de cuius crimine, infamiaque compertum est, reliquos omnes consimiles opinant. Florem dedecorum, & ignominiarum perperis animo æquabili, submissoque, in vacantibus culpâ fons est ingentium meritorum: aiebatque Balasar, solam in hoc seculo passam exsortem omnis haberi; quod propriæ culpe sit expertus. Quintus fons est, ægitudines animi in ijs, quæ diuinæ sunt obsequij, patienter ferre; quæ, remedio persæpe nullo, per-

p. 38. 10.

acerbè nos angunt: eiusmodi verò sunt ariditates, animique euationes, nebulae, angustiae, scrupuli, variaque tentationum genera, lemurumque per metuenda spectra infestationes, quibus immanissimè animus cruciatur. Ea verò omnia diuinæ providentiæ recensita sunt calculo, cuius ergo, quandiu abigi nequeunt, ferenda patienter sunt. Ad hunc verò fontem ea experimenta refert, quæ Confessarii, Deique Administri capiunt, Moderatores item, ac Praefules, examinandæ causâ, perficiendæque virtutis eorum, quibus ipsi aut moderantur, aut praesunt.

Atque hi fontes quinquè sunt innocenter patiendi: è quibus in ambos, qui de ijs inter se contulere, plurimum boni fluxit. At hi etiam sensus erant Diatæ ab experta; quam, pro eo, quo patiendi aestuabat, ardore, largè in his fontibus, exercuerat Deus. Confessarii sui iussu Abulensi Matronæ prænobili suam operam locauit illa sex annos: eaque insciâ mirum quantum molestiarum à domestico seruitio deuorauit; contumelijs, lannis, probrosis verbis item, ac facis, fameque tam auida, vt panis aridi frustulum, quo tolerare vitam posset, inter delicias haberet. Altum verò inter hæc illi silentium; iure nimirum, ac meritò secum ita fieri reputanti. Ab emissis Paupertatis, Castitatis, & Obedientiæ votis, tantâ Deus ariditate continuo illam exercuit, vt amanter cum eo exposcujans aliquando sic dixerit: Itane verò, postquam ea, quæ poteram omnia, elargita sum tibi, tu me porro destituis? Hocce tu probas! Ad hæc, debacchandi in eam Dæmoni potestatem fecit: quam ille per pluribus ac permolestis morbis, angoribusque constravit: neque contenta tamen his erat: annis enim octoginta, atque his tantis calamitatibus prægrauata, quò plura Conditoris sui causâ perpeti posset, longiora sibi vitæ spatia cupiebat. Itaque sanctissimæ Matri Teresæ IESV, de qua sermo mox erit, aienti, se videndi Dei anxia cupiditate teneri, respondit ipsa, præoptare se hoc sibi exilium, ad perpetiendâ plura, produci. Etenim inter mortales degentem, laborum, poenarumque perpeffione, posse se Deo aliquid elargiri; inter Cælites verò, vnum illud esse reliquum, eorum, quæ pertulimus, præmia beatitatis accipere: At verò fruendò Deo in omni quippe æternitate, satis est temporis: tanti est igitur, Dilecti causâ, plurima in terris hîc perpeti, quò gratiorem illi rem faciamus. In hunc itaque modum piè inter sese mulieres hæ sanctissimæ decertarunt: quarum vrinque vota rationes sanè optimæ fulciebant: Diatæ tamen, non suis quidem, at Dei viribus opitulantis innixæ, tutior voti ardor erat: Dei enim præcipuum sanè munus est, ipsius gratiâ poenis hîc, & laboribus exerceri. Quod explicatè docuit Paulus, *Quia vobis*, inquit, do-

natam est pro Christo, non solum, ut in eum credatis, sed ut etiam pro illo patiamini. Quo Diatia ditata munere luculenter, meritorum plena diem Abulæ felicissimè obiuit: sui que in Deum obsequij tam profusi, laborumque tam iugium, ac tantorum adepta beate est præmium, & coronam. Cuius ab exemplo coorta item in Baltasare est tanta illa æstimatione patiendi: siti interim abundanter explendæ occasiones Deo identidem offerente.

CAPVT VNDECIMVM.

Sanctissimam Parentem Tereſam IESV in virtute plurimum iuuat. Cui de æterna Baltasaris salute, ad eiusdem solatium, diuinitus innotescit.

Altera tunc Abulæ degens mulier sanè præsignis, spectatissimum sanctimonix exemplum, non illi dumtaxat Vrbi, sed Orbi vniuerso ab Auctore summo ibi propositum, Sanctissima parens Tereſa IESV fuit, Monialis tunc in Cænobio Incarnationis Carmelitarum Calceatarum: Discalceatarum deinde laudatissima, sanctissimæque Fundatrix. De cuius vita, quippe quæ in ore, præconijsque omnium est, hic referre non vacat: nam & libri de ea sunt editi; rebusque mirificè gestis, per se vbique ipsa clarescit: quamobrem verè gentis est nostræ decus. Quemadmodum enim Hispania diuinæ consilio prouidentix, Parentes maximos, clarissimosque Ecclesiæ dederat, Dominicum, & Ignatium, Prædicatorem, & Societatis IESV, duorum præstantissimorum Ordinum Fundatores; ita eiusdem prouidentix nutu, quod non largitus antea fuerat, strenuam sanè scēminam, sanctamque nunc dedit, religiosarum perfectionis, ac sanctimonix tantæ mulierum Parentem, & Fundatricem: quæ sua etiam ope, operaque virorum similem aut fuscitaret, renouaretque Ordinem, aut fundaret. Eoque in illam Deus rara, admirandaque charismata de largis benignitatis suæ fontibus superfudit; quam etiam, ut constebatur ipsa, plurimum Baltasar adiuuit. Etenim ex suis Monialibus cuiuspiam sciscitanti, operane factura pretium esset, si consuetudinem cum Baltasare iniret; Tecum verò, respondit, amantissimè Deus ageret: is enim ille est, cui meus animus maxime omnium debet in hac vita; & qui opitulatus mihi in primis est, ut ad perfectionem eniterer. Atque in eo, quem sui Confessarij iussu edidit, librum, cum felicitatis suæ fontem omnem, ex consuetudine cum Societa-

tis IESV. Patribus, fluxisse commemorat; postquam de fructu reculit, quantum cum ex primo Confessario percepit, quem sibi ex eadem Societate conseruerat, de altero subiicit (isque Baltasar est). Hic verò Parens, maioris mihi perfectionis ineunda auctor fuit: aiebarque, gratificaturæ Deo cumulatissime, nihil oppidò prætermittendum esse mihi, quod possem: summæque dexteritate simul, ac suauitate, ex ambagibus me humanarum familiaritatum explicuit.

§. I.

ET verò sic ipsâ re fuit: primùm enim omnium superuacaneæ quædam huiusmodi, quæ sub initium fruticabant in ea, resecuit: Norat enim probè Vir diuina imbutus luce, rerumque spiritualium expertissimus, quantum detrimenti ex priuatis necessitudinibus, amoreque nimio, bono licet in speciem, erga res procreatas eueniat: his enim irretiri animum affirmat: eamque libertatem ingenuitatemque deperdi, quam nobis summus Opifex ingenuit: fieri etiam nos ad intimam Dei familiaritatem ineptos: namque animi curas in eum, qui amatur, hominem pertrahunt: de tempore nobis plurimum suffurantur: Deoque inhabitaturo locum in corde non dant: neque cor ipsum sinunt vnus Dei caritate deuinciri. Quare Baltasar cum aliquarum amicitiarum nexibus, innocentium quidem, expedire sese integerrimæ Dei famulæ perarduum videri cognosceret; reputante nimirum illâ, animi esse ingrati cum amore non prosequi, idque etiam argumentis ei ostendere, qui te amet; hunc ab ea obicem perquam prudenter remouere constituit: peruasitque illi primò, vt dies aliquot Deo rem serio commendaret, hymnumque recitaret, *Veni Creator Spiritus*, vt, quid conducibilius ipsi esset, hausta inde luce, dispiceret. Paruit illa, resque in tantum ex voto successit, vt in quodam secessu mentis à corpore illi Deus edixerit: Nolo te deinceps cum hominibus, sed cum Angelis conuersari. Eaque iam tum, neque solatium ex vlllo cepit, neque vilius consuetudinem vnquam inijt, qui Dei obsequio impensis enixè viribus non vacaret: sublati illico mendis, quæ hinc fortè in eius mentem irreperant. Hic verò optimi magistri prudeatiz summa se prodit: eos quippe amicitiarum nodos noluit ipse vno statim iquo præcidere; sed illam constituit docere tantum, ac ducere, vt diuina bonitas, cuius vnus opus hoc est, ab ijs illam nexibus expediret. Huc verò postre sunt artes dirigendæ cum ijs, quorum animis Deus sese largiter impertitur.

Exercebat illam præterea in coercendo quodam ardoris impetu, quo

quo in rebus, quas concupisceret, deflagrabat: ut sub imperium se sibi in castris etiam pietatis ipsa submitteret. Quod & docet Apostolus, *Omnia mihi licent, sed non omnia expediunt: neque ego sub ullius redigar potestate*. Absenti Baltasari literas per anxiam dedit semel hæc Virgo, expetiturum à se responsum ut laboranti sibi maturaret exobsecrans. At verò Baltasar è re magis esse cohibere prærapidum illum ardorem existimans, literis quidem sine mora respondit, fronti tamen earum inscripsit, Literas has ne resignes, nisi post mensem. Atque illa fortiter sibi imperavit, & paruit.

1 Cor. 6. 18
20. 21.

Periculum tamen eius certius inter adversa sumplit; qua viâ excelsâ quidem, & rarâ illam Dei consilium prouehbat. Affirmabat enim illi quandoque, opinionem esse conspiratam omnium, quicquid ipsa sentiret, mera demonum esse ludibria: ipsumque se in eadem esse sententiâ. Dies viginti à diuina mensa illam abstinent, ipsius in eo patientiam experturus: eamque exercebat, cohibebatque tot modis, ut de Baltasaris consuetudine dirimenda venisset in mentem illi non semel; à quo nempe tam duriter, asperèque acciperetur. Quoties verò id suo secum animo versabat, toties obiurgari se, & reuocari à consilio sentiebat. Egit itaque cum Baltasare perseveranter; eumque pari prosecuta est reuerentia, & amore. Merito quidem: postquam enim de sincero, veroque sanctissimæ feminæ spiritu, luce à Deo, sacrisque libris eò euolutis hausta, factisque demum experimentis, exploratum indubiè illi est, eius usque ac palam tuendæ prouinciæ ipse strenuè capessit: eique solatio, præsidio, perfugioque fuit in aduersis, iudiciisque tam varijs de ipsius spiritu perperam opinantium perferendis. Qua de re sui libri cap. 28. scribens, ait: Obijcientibus sibi præstigias demonum veras, animique illustrationes adulteras, respondisse, id utique repugnare; experimento quippe cognorat, meliorem fieri se, vitiorum imminutione, & incremento virtutum. Et mox hæc, verbis de Baltasare loquens, quanti illum æstimet, palam facit. Qui mihi, ait, à confessionibus erat, Vir è Societate IESV sanè persanctus, id ipsum quod ego, ut rescij, respondet. Summa verò in illo prudentia, animique submissio fuit: at hæc crebras in me molestias deriuauit. Etenim etsi scientissimus erat, studioque precandi addictissimus, sibi tamen ipse fidebat nihil. Cum verò viam hanc, Deo duce nondum inisset, plurimis & ipse modis mecum exercitus vehementer est. Dictum illi noui: Caueret à me sibi, neque ab stygio hoste falli se sineret; fide nimis mirum vlla ijs, quæ in ipsius aures insusurrarem, adhibita: quod & exemplis aliorum confirmabant. His equidem angebar maxime, verebarque, ne nullus foret, qui me confidentem noxas

Ribera in
ipsum vita
l. 1. c. 11.

vellet

„ vellet audire . Diuinâ factum est prouidentia , vt constituerit il-
 „ le mihi perseueranter adesse . At is Dei obsequio tam impensè
 „ vacabat ; vt, cā gratiâ, nihil non auidè deuorasset . Monebat ille
 „ me , à Numinis offensa cauere , atque ab ijs , quæ mihi impe-
 „ rasset, neutiquam declinare ; ac tum ipsum mihi nunquam de-
 „ fore certò scire . Addebat mihi semper animos , & serenabat :
 „ edicebatque , ne illi, subtrahendo , quicquam occulerem ; hoc in-
 „ tegro , etsi me lano infernus incesleret , indemnem tamen ab eo
 „ futuram : quin immò ex praua ipsa ab eo in me iacta semente
 „ segetem à Deo factum iri salutis . At ego, quippe quæ tanto eram
 „ in metu ; imperfectè licet , illi tamen planè parebam . Tres adeò
 „ amplius annos exegit ille mecum ex animo : meque interim per
 „ hæc aduersa confitentem audiuit . Etenim inter tot infesta , quæ
 „ pertuli , eaque perinulta , quæ permissu Numinis de me ferè qui-
 „ dem immerita præposterè affirmabantur , in ijs omnibus adiba-
 „ tur ipse, meiq; causâ culpabatur innoxius . Nunquam certè, nisi
 „ in tantum sanctitatis fastigium euectus , erectusque à Deo , tan-
 „ tum molestiarum perpeti potuisset . Affirmantibus enim , perdi-
 „ tum ire me , satisfaceret oportebat (cassa tamen apud illos fide)
 „ ac rursum animi mei motus metusque componeret . Solabatur
 „ interim me perhumaniter : sique suo ipse iudicio fidere voluisset ,
 „ tot mihi certè, ac tanta exantlanda non fuerant . In omni quip-
 „ pe re veritatem edocebatur à Deo, eumque, meâ quidem senten-
 „ tiâ , diuinissima Eucharistia cælesti lumine perfundebat .

Et hæc Teresa verba sunt ; in quibus Baltasaris prudentia , sub-
 missioque se prodit . Tantis enim in rebus suo nolebat niti iudicio ;
 quod tamen fuit illi certum maximè, & probatum . Tot inter hallu-
 cinantes vnus ipse peruidit : probauitque tunc ea , quæ in præsen-
 tia comprobant vniuersi . Id verò , quod extremis verbis affirmat,
 eum lumine à diuinissima Eucharistia fuisse persusum , Baltasaris
 in diuina re facienda illustrationes indicat , de suis , quos ipse in
 virtute instruebat , alumnis : quod & capite sexto meminimus .
 Hinc porrò Virginis huius laudatissimæ spiritus , & sanctimonia
 apud Virum hunc tantum summo quidem loco fuisse . At enim
 ipsa luculentum habebat à sua tanta obsequela suffragium audiens
 iuxta dicto , ac si esset infantula . Prænobilis sanguine & pietate ,
 ac peramans vtriusque Matrona, de huius sanctitate Virginis ma-
 gnificè ait , grandiusque multò quàm de Maria Diata , locutum
 sibi nonnunquam fuisse Baltasarem : ab eoque dictitatum & illud ;
 Viderisne , quot , quantisque muneribus aucta à Deo , quantaque
 sit Teresa ? Atqui puerulæ tamen similis doceri se finit , ac duci .

§. II.

O Pitulatus & illi plurimum est in Virginum Sacri secessus Parthenone fundando; quanquam ubi eius oris sensie aduersari permultos, superfedere aliquandiu operi illam iussit. Cumque interim aninio esset ancipiti, in illud magis, ne progrediretur vterius, propendebat: At verò qui cœpti auctor erat illi Deus, ipsam Confessario suo iussit edicere, meditandi argumentum ad matutinas preces sumeret ex illo Psalmi 91. versiculo: *Quam magnificata sunt opera tua Domine! nimis profunda facta sunt cogitationes tuae.* Qua in commentatione intellexit explicatè Baltasar, id esse, quod maximè Deus vellet, qui sua nimirum admiranda decreuisset ostentare per Virginem. Ille porrò, dubitandum præterea, neutiquam esse affirmavit: ageret acutum de Collegio excitando: eique in condendis constitutionibus, legibusque adfuit, quibus nunc cœtus vniuersi reguntur, qui eius Ordini nomen dant. Et enimverò quanquam Virgo hæc sanè prudens res suas cum alijs contulit; virosque item graues, eruditos, virtutumque studiosos, ex alijs Religiosis Ordinibus, atque ex inclyta maximè familia Dominicana consuluit; quandiu tamen Baltasar ab ipsa non abfuit, hoc certo, statoque via est consiliario, & magistro; qui præstò illi deinde fuit in sacrarum Virginum domibus Methymne, ac Salmantica excitandis: quo tempore nostrorum ibi Collegiorum gubernacula Rector ipse tenuit. Postquam enim Baltasar profectus est Abulâ, neque illa suis ambagibus, rebusque omnibus, vt poterat, eius consulendi curam abiecit; neque hic, epistolis, consilijs, cæterisq; studiis, quibus potuit omnibus, adesse intentè illi non perstitit.

Cui vt adstruam rei fidem, partem hic attexam epistolæ, quam huic Virgini Salamantica dedit: eamque citrà forte molestiorè, tunc anxiam consolatus est, his verbis. IESVS, inquit, tibi lux „ esto, atque solatium. Has tibi litteras do, postulanti citius pro- „ imperio, quàm ad solatium indigenti. Etenim inter prementia „ minus aduersa, edocere te, præoccupare, ac roborare alicet Deus. „ *Mihi autè, aiebat Paulus, absit gloriari, nisi in Cruce Domini nostri I E- „ SV Christi.* Idem equidem aio, Absit mihi vt existimem gloriari te „ in alio posse: tam largâ illius dulcedine tuus delibutus est ani- „ mus. Si Deus immolari sibi peruelit Isaacum, nostri nempe „ animi delictum, & optatum, præberi ab eo Abrahæ, ad pera- „ gendum sacrum, ignem & gladium, munus est diuinæ bene- „ uolentiæ singulare. Me verò angustix tuæ istæ non angunt: „ noui enim quàm amplè eas inter viuât ijs, qui Dei tenentur amo- „ re: tuarumque rerum meliores vidi per hæc aduersa, quàm qui

expe-

Ps. 91. 61

Ribera l. 1.

c. 141

„expectabantur per secundiora, successus. Spe, silentio, iugibus-
 „que precibus, hac certè via nobis de voluntate Dei innosceret:
 „qui vntus virtutem operum suorum, suorumque consiliis
 „magnitudinem annunciare potest populo suo. Ego verò, Do-
 „mina, meis partibus & hic, & ubicumque videbitur & re fore,
 „non deero.

Hæc Baltasar & scripsit, & præstitit: inque omni re sanctissimæ
 huius Virginis, ipsiusque Monialibus Methymæ, Salmantica, Mal-
 liseletis, & ubicumque locorum degit, suam opem & operam
 commodavit: quibuscumque agere de diuinis animi rebus iucun-
 dissimum illi erat. Lampades enim rebatur illas earum simil-
 limas, coram sacratissima Eucharistia in Templis ardentium, di-
 uini amoris igne succensas. Quod & Deo fuisse pergratum, insi-
 gnium aliquarum, quæ cum ijs actæ sunt, rerum euentus suo loco
 memorandi confirmant. Nunc verò singulare beneficium Balsa-
 sar per hanc Virginem à Deo collatum huius capiti coronam im-
 ponere, quo Teresa labores ipsius causâ exantatos simul largæ
 Baltasari compensauit: simul eundem ad superiores processus effi-
 ciendos adiunxit. Tantundem enim opis, vendiximus, suis Con-
 sessorij eiusmodi pietatis alumni reponunt, quantum ab ijs ipsi
 percipiunt. Angebatur per hæc tempora tentatione per molesta
 Baltasar de suæ destinatione salutis, secumque ipso, adpturus ne
 illam esset, an non, diu multumque altercatur. Intellexit id
 nempe Teresa, precibusque institit apud Deum, vt præsens illi sua
 ope foret: At verò in loco Deus Baltasarem fore saluum, Teresa
 indicauit; sedemque præterea ostendit illi sublimem in Cælo, eius
 virtuti, ac meritis destinatam. Affirmauitque illi præterea in eum
 perfectionis gradum hic in terris euasisse Baltasarem, vt inter ho-
 mines nemo tunc obtineret alius altiore: eique deinde patet in
 Cælo gradus immortalis gloriæ responsuros: Id è Cælo edoctus:
 Teresa, Baltasarem alloquens, bono animo eum esse iussit, Ma-
 gister enim (hoc illa nomine salutis nostræ Vindicem appellabat),
 ipsum certò fore saluum aiebat. Ex eoque die Baltasar animo tam-
 quieto fuit, & alacri, vt diuinitus indicatum id esse, palam, indu-
 bièque cognosceret. Id verò per pluribus ex Societate Patribus,
 sacrisque familiæ suæ Virginibus, aliisque religiosorum Ordinum
 viris, ac foeminis rem hanc certò affirmantibus, eadem virgo san-
 ctissima indicauit. Quin ipse Baltasar idem per simili modo, vti suo
 loco dicemus, à Deo edoctus est. Non tamen illud inobserva-
 tum in hac Diuini Numinis affirmatione præterierò; id temporis,
 cum pronuntiatus est, Baltasarem virtutum perfectione suis in-
 hac mortalitate totius omnibus antecire, permultos æuum agisse

in Ec-

in Ecclesia, & in Societate nostra, extraque illam sanctitate præsignes. Quod si tunc in tam editum sanctimoniarum culmen Baltasar euaserat, quanto deinde altius, quibus superuixit annis, exultulit ille sese, diuini obsequij opera molitus heroica? Ad hæc eiusmodi arcana patefacere nequaquam ijs consuevit Deus, quorum virtus pusilla sit, & infirma: iuxta periculoso, ne vel ob gloriolam in honore superbiant, vel ob desidiam in virtute lentescant. Quare cum id Baltasari Deus indicari voluerit, & ipse scilicet indicari, argumēto sanè est altas in eo radices Christianam humilitatē egisse, & studio illum arsisse in summum perfectionis apicem euadendi: eaque significatione animos amplius illi additos ad præclara aggreddi facinora, atque ad plurima, Dei, animorumque causâ, fortiter toleranda. Affirmari potest & illud, insignem hanc Baltasaris sanctimoniam illo repræsentatam fuisse diademate lucis immentæ, quo redimitum ipsum sacris operantem sanctissima hæc Virgo conspexit: quod capite sexto memoratum à nobis est. Quantum etiam suo huic Confessario illa tribueret, potuit & illine intelligi, quod diuinum hoc visum, ad sui solatium ahi mi, in secretiora, carioraque sibi aduersaria retulit, quæ in Tarraconensi Episcopi Didaci Yepesij manus deuenire; isque illinc edoctus, id nobis postea affirmauit. Suffragatur his denique luculenter & illud, quod ab eadem Virgine Matronæ prænobili dictum, auditumque ex ea referente deinceps est: de nulla nempe orandi forma contulisse se cum Baltasare, in qua ipse non anteiret. Mirum profectò plurima enim, mirandaque Teresa largè Deus impertijt. Id verò muneris non nisi in eos ferre, qui magnos in virtute progressus habuerint, collocatur. At enim videndum mox est, quantis hæc à Teresa dicta fundamentis innitantur.

*D. Anna
Erinquez
ea est,*

CAPVT DVODECIMVM.

*Methymnam Campi mittitur: ubi salutis Anno 1567.
quatuor Votorum professionem emittit; eamque
per integrè custodit.*

Gesta per Baltasarem Abbatem cum de singulari ipsius ad iuandos in virtutum adeptione animos facultate liquidò testarentur, visum Præpositis e re fuit Rectorem illum, Tyronumque Institutorem iubere Methymnæ, vt auxilio ibi foret & nostris. Illò igitur, post diem sacrorum Regum aduentu solemnem, profectus

est salutis anno 1566. Verum antequam aggrediamur in opera praestita ibi cum proximis, ab insigni te gemina ordiri satius erit, quae acta cum illo ibidem est anno 1567. Primo enim Maij die, solemnem, quam in Societate quatuor votorum dicimus, Professionem emisit: qui graduum nostri Ordinis summus est in eumq, proventus Societas consummatos pronunciat litteris, & virtutibus. Quemadmodum enim duplex in Orthodoxa Ecclesia status est perfectionis; eam addiscentium alter, alter verò docentium; primus est Religiosorum hominum, qui ex D. Thomae sententia, de hoc utroque statu disceptantis, non illicò in fastigio perfectionis esse tenentur, sed in illud eam eniti viâ, quam ipsorum Instituti ratio decernit: alter verò Episcoporum est, quibus perfectio debet inesse. Ut enim profiteri scientiam nemo potest magister, in qua non se ipse ante profecerit: ita qui muneris sui gradu perfectionem docere tenetur, perfectus ille sit oportet. Iam verò siquidem huius doctrinae munda omnia per se ipsi obire nō possunt Antistites, Curiones sacros, aliosque Beneficiarios adiutores subrogant sibi. Haud secus Vir Sanctissimus Ignatius divina luce perfusus, proportionem aliqua, consimiles horum gradus in Societate constituit. Tempore enim probationis exacto tria vota, quae viæ sunt Religiosae essentia, nuncupantur: ijsque editis in Religiosos verè homines Novitij transcribuntur: atque ad perfectionem eniti eam tenentur viâ, quae Societatis legibus definitur. Status hic verò studiorum tempus omne, septenos annos fermè complectitur, quibus litteraturâ nostris opportunè muneribus Scholastici imbuuntur. Tum tertio rursus anno probantur, quo renouantur in spiritu; ac more Tyronum operam impensè navât exercitationi virtutum; sacrisque initiati quædam obeunt aliquandiu munera, propriæ perfectioni, pro Societatis instituto, vacantes. Interea Praepositi notionem, periculumque sumunt, quæ quisque facultate sit præditus in virtutibus, litteris, prudentia, consuetudineque cum proximis. Vbi verò de ijs satisfactū Moderatoribus est, quos hi perfectos nēpē, & consummatos existimant, eos ad professionem quatuor votorum admittunt: in qua præter consueta Paupertatis, Castitatis & Obedientiæ vota, quartum etiam præcipuè erga Summum Pontificem Obedientiæ emittunt, Missionum; quòquò gentium fidelium, aut infidelium profecturi, ad fidem orthodoxam propagandam, animorumque salutem, per varia docendi, concionandi, administrandi sacra, cæteraque Instituti nostri munera procurandam. Quam in rem, heroicâ planè nullam in partem inclinatione, virtuteque præstantissima opus est. Tempus adeò Professionis huius edendæ certum statumque non est, ex Societatis nostræ

noſtræ Conſtitutionibus per ſummos Pontifices approbatis: maxime verò per XIV. Gregorium, Pontificio diplomate, in quo ſic habetur: *Tempus promotionis ad huiusmodi gradus nullo modo volumus certum, ſeu determinatum eſſe: ſed ſelectos ſpiritus, & doctrinæ viros, & multum, diuque exercitatos, ac in varijs probationibus virtutis, & abnegationis ſui ipſorum, cum omnium edificatione ſatis cognitos, ad profeſſionem eſſe admittendos.* At enimverò cuiusmodi hominum ſpiritu, litteriſque præſtantium vis permulta eſſe non poteſt: gradum itaque Ignatius inferiore, alterum minus petitorum inſtituit, quos Coadiutores appellat; quorum ex ſiſ partes, Profeſſor in iſdem erga proximos obeundis muneribus adiuvare; atque hi quarto, quod diximus, voto minime ſe obſtringunt.

Baltazar igitur cum virtutibus, & doctrina tantum excelleret: atque ad iuvandos proximos dotibus tam idoneis eſſet inſtructus, duodecimo ab inita Societate anno, inter quatuor Votorum Profeſſos cooptatus eſt. Quod etſi honeſtum in Societate eſſe, inſiciari nemo poteſt; eo namque teſtimonium dicitur de virtute, ac litteris Proſitentis; re tamen ipſa gradus ille conſertur, non honoris cauſa, ſed oneris; quippe qui nullo munitus eſt privilegio, nulla noſtrarum legum immunitate, munerumque vacatione, quibus alij deſunguntur. Quin immo ad eum gradum promoti, arctiorem proſitentur Obedientiæ, & Pàupertatē: huiusque non laxandæ, nulliusque honoris intra, vel extra Societatem, ambiendi, extra verò neq. admittendi, niſi eius obedientiæ eoaq. qui poſſit ipſis ſub peccati pœna præcipere, votum edunt. Summa tamen honoris eſt, Profeſſionis ſuæ ſtrenuè partes omnes implere; id quod à Paulo dicitur, *Ministerium tuum imple.* Quas Baltazar egregiè quidem, quàm qui maxime peregit; quarti voti, ut de tribus alijs diſſimulatum eſt, peraccuratâ cuſtodia. Profeſſorum enim in Societate vocatus Apoſtolorum, vocatui conſimilis eſt; qui non vni affigebantur loco, ſed varias ſortiti, ad diſſeminandum Euangelium, obibant oras, atque Provincias; quanquam conſtituto alicubi diutius commorati, ibique vberiores conſecuti ſunt fructus: Ita Noſtra vocationis eſt diuerſa loca peragere, & vitam agere in quavis mundi plaga, ubi mains Dei obſequium, & animarum auxilium ſperatur; aut quocquò ſummus Pontifex, eiulue nomine, ſive alio quocumque modo Societatis Præpoſitus Generalis in eum finem proficiſci, nos iuſſerit; etſi Profeſſorum aliqui, gubernandi, vel docendi, aut aliâ diuini obſequij cauſa, alicubi hærere iubentur, dum illi ſemper Audeant fructui, de quo diuinus ait Agricola, *Ego elegi vos, & poſui vos ut eatis, & fructum afferatis, & fructus veſter maneat.* Hanc obeundi loca varietatem, alia velut in-

2. Tim. 4.
5.

Io. 15. 16.

transitu, per excursiones, missionesque, alia statim ibi domicilio; gemina similitudine Isaias mirificè exposuit, cum operarios Evangelicos *nubibus* comparauit, quæ diuersas in Cæli partes ventorum propulsæ vi circumferuntur; & *Columbis ad fenestras suas, nidosque* volantibus. Ij enim nubes verè sunt non inanes; at cælestis sapientiæ, doctrinæque plenissimæ, quæ vento diuini Spiritus, & obedienciæ incitatæ, plagas mundi omnes, humanorum cordium tellurem irrigando circumeunt, vt bonorum operum optimos fructus edant: Atque in alium certè locum diu largiter impluunt, quod ibi perseverantiùs degunt: parciùs in aliū, quod breuior illic mora est excurrentibus: tandiū tamen hærendo, quādiū fructui colligendo sit satis. Similes sunt etiam columbarum ad nidos perniter volantium; vbi pro mira, quæ illis inest fecunditate, oua deponunt; suosque, incubando, pullos excludunt: licet enim suoapte genio cubiculi secretum pronius ament, in quo precantur, gemunt, diuina mysteria meditantur, quietemque summam animi nanciscuntur; spirituales tamen filios ibi progignunt; eosque enixi, summā educant curā; præpetes verò, tanquam varios ad nidos, ad diuersa loca circumuolant, vt consimiles etiam ibi fœtus educant.

Eā planè, sed & præstantissimā quādam formā, fuit vita Baltasaris; præsertim verò à Professione iam edita. Quāquam enim suapte naturā, columbæ similis, secretum amabat, in quo meditationi, precibus, contemplationique vacaret: in quocunque tamen Collegio domicilium illi fuit, fecunditate Columbæ, spiritualium filiorum prolem edidit numerosam; quos eo studio educavit, vt in perfectos euaderent. Quò verò fructus ipsius esset vberior, ampliorque, illum priuatis Collegijs educebat Deus, vt; nubis instar, sapientiæ doctrinæque tantæ plenissimæ, irrigatum fecundatumque animos, loca huc illuc varia circumiret. Quare Methymna allegatus est Romam; indeque reuertens vices Prouincialis gerere iussus est in Castellana Prouincia. Ex Villagartienfi angulo productus est ad Aragoniæ Prouinciā lustrandam: atque illinc ad tenenda gubernacula Toletanæ. Ac summe prius est de illo Prouinciali iubendo in Prouincia Peruana; plagā nempe tam disunctā, populisque barbaris, ac superstitionis referta. Quantum verò in ipso erat, nihil contra causatus migrasset profectò, & reeriam ipsa migrasset, nisi destinationi obex intercessisset. Vnum interea opus huiusmodi absoluenti, simile illi Deus alterum præparabat, perinde in alterum alacri, atque in primum: illud sanè diuiniqum implenti, quod apud patientissimum virorum

Job. 38. 35.

Deus eloquitur, Numquid mittes fulgura; & ibunt; & reuertentia dicent

dicent tibi, adsumus? Quo voluit effato Deus, ad Gregorij mentem innuere, voluntatis suæ consilio, Euangelij Administratos varias terrarum plagas obire, fulgurum celeritate promptissimâ mortalium animis ad Auctoris sui amorem, & obsequium, lumen impertientes pariter, & ardorem. Vnoque missu perfundi, relatâ, litatâque ipsi operis vniuersi gloriâ, actisque pro percepto fructu gratijs, ad alios iterum pro Dei nutu, arbitrioque missus, paratissimi reuertuntur. Quos vbi Deus animo videt esse tam grato, novos ijs campos aperit, in quibus maiores ipsi processus habeant, fructusque colligant largiores: quos sanè Baltasar vberrimos, ex omni, quem adiit, coluitque, loco percepit; vti ex gestis per ipsum Abulæ visum iam est, erique deinceps videre ex ijs, quæ gessit & alibi,

CAPVT DECIMVM TERTIVM.

Precaationis, & Contemplationis donum duodecim fructibus insignitum hoc eodem anno Baltasari Deus impertit. Ea res ab ipso Præpositorum iussu descripta narratur.

S Vb hæc ferè tempora sexdecim exacti sunt anni, quibus Baltasarem Deus orandi vſitatâ, tritatâque viâ, ratiocinando scilicet, meditandoque continuit: quatuor ijs annis, antequam nomen Societati daret, computatis, quorum exordium, vt primo capite meminimus, cum ab anno ducatur 1551. ex eo tempore ad annum vsque 1567. quo sôlemniz; quatuor vota professus est, anni sexdecim numerantur. Tum verò ad excelsiorem quandam orandi formam euectus à Deo est, quam quietis, & coniunctionis, siue, vſitiore vocabulo, vnionis appellant: ad eam nempe tranquillâ, perfectamque contemplationem, quam secundo capite per occasionem innuimus. Sedenim arcana hæc sensa, diuinæque munera, quibus animus in intima illa cum Deo familiaritate perficitur, quandoquidem, nisi ipsius fruētis ore explicentur, assequi mente non possumus. ex alterâ verò parte Christianæ submissio- nis indoles hæc eadem amat occulere; diuinæ consilio providentiæ factum est, vt cæ Baltasar viâ geminâ patefaceret: alterâ quidem, caritate ipsa, atque amore proximorum impulsus, cum, ad eos iuuandos, oportebat vt suum aliquid aperiret: alterâ, & eâ quidem ardore, Præpositorum, eiusque præcipue, penes quem totius regimen Societatis tunc erat, iussu coactus. Perlatum enim ad huius

huius aures erat (quod fusiùs deinde capite 40. & 41. dicitur) eam orandi formam apud nonnullos audire non benè; quippe qui de fallacijs, prastigijsque metuerent veteratoris interni, sese in lucis Angelum induentis. Quamobrem, vt planè de veritate constaret, de sua precandi ratione, deque ijs, quæ in illa vel agebat ipse, vel patiebatur, scriberet, doceretque imperatum illi est. Is verò, filius nempe obsequentiissimus de re vniuersa scripto per quàm integrè Præpositum Generalem edocuit: quàm hoc loco mihi visum est narrationem attexere, quippe ad præclara beneficia cognoscenda in ipsum ab largitore summo hoc ipso anno collata pernecessariam. Verùm vt eius lectio in nostrum compendium, instamque veritat acceptorum ab eo munerum æstimationem, duodecim perpendendi sunt fructus, quos ille à precatione percepit: in quibus tota inest sanctimoniz, perfectionisque Christianæ summa, ad quàm aspirare decet omnes, qui spiritalem verè vitam inire constituunt; eos maxime, qui se Religiosis cœtibus aggregarunt; superque hos etiam, animorum curatores, quos ipsi hac orationis, diuinæque consuetudinis viâ ducunt, ac prouehunt; si constare id velint cum suo ipsorum compendio, & suorum. Temporis etiam habenda ratio est, quod in hoc munere diù expetendo consumpsit; reuocandique in memoriam adhibiti, eius obtinendi gratiâ, conatus industrij, quorum capite secundo meminimus: vt laboribus fructibusque compositis inter se, atque perpenſis, siquidem hi nobis arriserint, illorum certè non pigeat.

§. I.

De suo precandi modo Societatis IESV Præpositum Generalem edocet, commentariolo ad illum datò.

S Exdecim annos exercitus labore sum, arantis instar, & non colligentis: animo certè perpusillo tunc eram, angebarque; maxime, quòd ijs cæterorum dotibus cassus eram, quibus æstimationem mihi conciliarem ab alijs, & amorem: hac modò, modò illa cura disceptans, vacandi precationi percupidus; quiete illic, ubi oportuit, neque collocata scilicet, nec reperta, Tentationem hanc ipse pernici, meum apud animum constituto, nullum amplius orandi tempus expetere, quàm quod ab Obedientia in Societate præcipitur: abiectâ procul inquiete illâ, futilique appetitione præstandi in hoc, eaque munera capiendi, quibus alij meritis potiores ornantur. Eodem hoc tempore meas animi mendas amarori potius,

potius; quam submissioni mihi esse cognoui: ijsque videbantur mihi diuina præpediri consilia: proque animi mei angustiis, cruciabar etiam vitijs aliorum, quorum ad me cura spectabat: rebarque rationem esse regendi optimam, submissos illos, afflictosque habere, dum se ipsi corrigerent.

Quatuordecim post annis, totus in eo fui, vt coram Deo memet ipse statuerem, cgentis instar, elemosynæ causâ ab eo aliquid accepturi. Id verò temporis, quippe amantior eram mei, animo simul eram ægerrimo: videbatur enim mihi nunquam fore, vt virtutum perfectionem assequerer: idque eò, quia diuina largitas non ita mihi sese impartiebat, vt cæteris. Stultitiam sensi meam, quod auersus à Deo nequiter, viâ vellem ad eum reuerti etiam nequiore. Conuersus porro in me ipse descendi, compluresque dies me coram Deo dispudivit. Et verò cessari ne verbum quidem poteram præ pudore; multamque dumtaxat, veniam, atque remedium efflagitabam: dum ad alia demum præstantiora vocatus sum exercitia, & promotus: qua etiam cura sanati sunt alij.

Sextodecimo euoluto iam anno, cor mihi extemplo immutatum, ac dilatatum sensi, à rebus fluxis expeditum ecstasi quadam illius per simili, qua supremo mundi die dicturi sunt Iusti. Quando te, Domine, vidimus, bonum omne, omnemque satietatem vidimus. Multa hic in me collata sunt simul; Estimatio primum pretiosi, scientiaque separandi illud à vili: Vias hic ad cælum non arduas, meque in eorum cœtu conspexi, quos ad æternam, beatamque vitam destinavit Deus. Nonam hic hausi veritatum intelligentiam, quibus iucundè animus alebatur; finisque is erat illius, quies, atque tranquillitas: ita planè, vt memet in ipsum Dei, ex quo fluebant, pectus immergeret. Intercepit id deinde temporis mora brevis; redibat verò subinde: nunc verò frequentius: Deo sint laudes.

Ier. 15. 19.

Erectus ope hic etiam sum ad vitam in cruce, laboribus, ac periculis, pro Dei nutu, atque arbitrio, exigendam. Eumque metum exui, quo pusilli, angustique animi mei causâ, sapientiores homines, sanctioresque verebar: quibus antea sistere me non audebam, quod exactum, essetumque me cernerem, inter illos mente, ore, litterisque carentem: neque vitæ mûnera obire mihi posse videbar, nisi geminos inter viros medius, alium hinc virtutibus, alium inde negotijs gerendis exercitum. Nunc verò; quantum omnes magni æstimo, habeoque necessarios, non eodem tamen, quo prius modo videtur mihi res agi: illud enim habeo nunc potius, vno cum Deo, in quo nempè sunt omnia, vitâ exigere.

Data hic mihi est interioris in me, alijsque scientia spiritus; è Davidis oraculo, Quoniam respexisti humilitatem meam; saluasti de
necessi-

Is. 30. 3.

necessitatibus animam meam. Interioris itaque iam tum vitæ genus quoddam experior, à Deo mihi scilicet impertitæ, vt per ipsum, vel in minimis regar. Quæ me perurgebant prius, ea nunc in loco facilius explico, quam si de ijs dies noctesque perputarem. Illudque D. Petri experimento nunc noui, *Omnem sollicitudinem vestram projicientes in eum, quoniam ipsi est cura de vobis*. Expertus verò quàm difficile me ad me ipse retulerim, cū partibus defui meis, stimulo id mihi, cautionique fuit, vt probè meo defungar munere in agendo cum proximis, ne me aut effundam, aut inquinem.

1. Pet. 5. 7.

Onus hic alleuatum mihi est in regendo, ne me secum vnâ percelleret. Etenim liberæ cuiusdam, expeditæque voluntatis est, plurimas inter curas sine vlla cura versari. Accessit hic illud, vt seriò meipsum ingrederer; defixaque est menti meæ iugis ferè quædam Christi Domini species corporata. Hic anxitudines, tentationesque effluxere prolixioris ad preces temporis seponendi: fecique periculum, plus à Deo vnâ precationis horâ sui domitoribus impertiri, quàm cupidis, impotentibusque, permultis. Eundem mihi largiorem esse initâ, ipsius causâ, negotiorum viâ, quàm in otio, lectioneque iniussâ sanctorum Patrum. Ex eoque tempore mea me submittunt errata, non angunt: quin me quodammodo, dum submittunt, exhilarant: etenim, quid ipse sim, edocent; efficiuntque vt perparum mihi fidens, Deo tantùm innitar. Eademque veluti fenestræ quædam animæ esse mihi videntur, quibus sese diuina lux ingerit; erroresque non voluntarios, nec meditatò, scienterque, vt aiunt, admissos, Dei consilijs impedimento nequaquam esse, conspicio: quamobrem nec alio ea loco, nec pluris habeo, quàm vt coram Deo erubescam, intelligamque, deseri à nobis oportere nos ipsos. Ad aliena verò vitia, misericordiâ commoueor: sentioque intolerantiæ meæ fuisse, illos accepisse tam asperè, quos ferre sit opus; obtutu minimùm in illos, plurimùm in Deum defixo. Tunc verò illos nostræ subiectos potestati, nobis Deus efficit obsequentes: *Qui subdit populum meum sub me*.

1. 143. 2.

Ex quo largitatem hanc tantam in me Deus effudit, hæc meæ precationis est forma. Diuinæ illius præsentis sisto me, quam mihi intimè, extimèque spectandam, *Per modum habitus permanenter*, ipse mihi tunc obtulit, cū semel ipsius suauitate cum ipso perfruerer. Consulatur D. Thomas 2. 2. qu. 24. ar. 9. ad 3. vbi discrimen inter incipientes, proficientes, atque perfectos exequitur: atque horum omnium illud esse studium ait, *Ad hoc principaliter intendere, vt Deo inhæreant*. Ad tertium deinde respondens: *Quantum, inquit, perfecti quotidie in caritate proficiunt, non tamen id præcipuè moliantur, sed vt Deo inhærentes, eo perfruantur: quod*

quod etsi Incipientes, Proficientesq; perquirunt, curant tamen illi magis exuere vitia, hi virtutes induere. Id verò in ipso articuli corpore cōfirmat exēplo motus corporei, in quo mobile primū à termino recedit, in quo est, deinde ad terminū accedit, in quem fertur: tertio demū in quæsito, inuentoq; termino cōquiescit. Idem ipse sanctissimus Doctor in opusculo sexagesimo tertio, de Beatitudine, sub finē tertij præcipui argumenti, docens quo pacto beatissimi Cæli ciues Deo sint in immortalī gloria fruituri, ait, ratione cōsimili, Deo nos in hac vita frui assiduò oportere; quippe quòd nostrum ille, præcipuum; ac proprium bonum est, ac dignissimum, quo per sua ipsius dona fruamur: in quibus, cæterisq; rebus omnibus hoc spectandū à nobis est vnicè, ex oraculo Isaie dicentis, *Dei filium nobis nostri causā datum esse*, ut illo in hac etiam mortalitate fruamur.

Isa. 9. 6.

Ex quo profunda cæcitas, egregiaque stultitia eorum apparet, qui Deum anxie semper quærunt, suspirantque ut inueniant; ut audiantur ab eo scilicet, inter orandum exclamant: seque viua Tempia (quod docet Apostolus) esse non intelligunt: quare bonum hoc summum in nobis verè ipsis inhabitat: intraque nos ipsos diuini maiestas Numinis conquiescit: & tamen illi, fruendæ animi non conferunt. An verò manifestus infanti non est, qui quædomi habeat, vestiget foris? siue, quis quempiam vsquam vidit inuentis, aut obuijs, sed non gustatis tamen dapibus innutriti? aut instrumento vti, quod nactus ante non fuerit? Atqui ea vitæ ratio est Deum inquirentis semper, nunquam verò gustantis, cuius idcirco opera à perfectione plus distant. Doctor idem Angelicus 2. 2. q. 182. a. 2. ad 1. ait: Etsi diuini amoris argumentum est, Dei causā, libente animo perpeti: expressiùs tamen eundem euinci, cum ab se procul habitā mortalium rerum curā, cum Deo quisquam in oratione quiescit. Hiuc verò conficitur, Deo perfrui, & beatis in Cælo ciuibus, & iustis terrarum incolis, fructum esse communem.

Inter orandum alias, diuinorum ē sacris paginis verborum significata, sensusque arcanos animo mecum ipse commentor: taceo aliàs, & quiesco: at hoc coram Deo cum quiete silentium, thesaurus est ingens. Deo enim loquuntur omnia; eiusque oculis res nulla non patet; meum cor, mea vota, meus animus, conatus mei, quicquid intra me ipsum est, quæ scio, quæ valeo, diuini Numinis oculi sunt, qui mea possunt euellere vitia, cupiditates meas incendere; alas sufficere ad volandum; mei boni, sui que obsequij appetentiori ipso, quàm me. Hinc verò animus colligit, dicente illo, & gradiente per angustias, esse illac enitendum & ipsi: ideo enim ille anteijt, ut nos quieto, pacatoque animo

subsequamur ; atque innixus fidei veritati, solatio habet , si res ex voto non cesserit, grandius tamen ab ipso aliquid obtineri ; voluntatis nempe suæ cum diuina consensum ; quæ scilicet ipsi vitæ fons est . Neque porro sciendum vitra , quàm velit , neque properantius , neque alio , quàm quo ille constituerit, tramite incedendum : quod in libello de contemptu mundi docemur : Si affectus, inquit, id fueris , vt non te ipse , sed me quæras , tua tunc vita , & mihi percara , & tibi periucunda erit . Animi verò imbecillitati, gementi sæpe sub onere , respondendum ; In te vno ne id , quod Deum habet auctorem , expedire iam desinet ? siue quia tibi non probatur , quod volet ille , non fiet ? Id verò illud est , quod in præsentia primùm specto , recreorque profectò , quòd præ ipsius oculis , proque ipsius voluntate acceptum me , exercitumque contem-
plor.

§. I I.

IAm verò quandoquidem hanc precandi rationem ingressus obiurgantem intra me sensi , si ab ea ad vsus alios ratiocinandi deflecterem , contuli animum ad Auctores , rationesque peruestigandas , quibus eam scilicet effulcirem . Auctores sunt S. Dionysius Areopagita c. 1. de mystica Theologia : S. August. epist. 119. S. Thom. & loco citato , & in ea Apocalypsis verba c. 8. *Facile est silentium in Calo quasi media hora* : Et in eadem verba S. Greg. 1. 3. Moral. c. 16. sub finem , & c. 24. in illa verba Iob. c. 39. 6. *Cui dedi in solitudine domum* . Et hom. 14. in Ezechielem ad illa verba c. 40. 5. *Et in manu viri calamus mensura sex cubitorum & palmi* . S. Bernardus serm. 55. in Cant. Albertus Magnus de adhærendo Deo c. 20. S. Ioannes Climacus gradu 27. Et diuinus ipse Spiritus Eccles. 32. 9. ijs verbis : *Audi tacens , & pro reuerentia accedet tibi bona gratia* . Quasi dicat , Audi tacens , quod te Deus edocet ; & reuerentiæ causâ , quâ illi commodas aures , suâ te gratiâ , & familiaritate dignabitur . Quies hæc sopor ille videtur esse , quem custodiri Deus iubet in Cant. c. 2. 7. *Adiuvo vos , filia Hierusalem , ne suscitetis , neque enigilare faciatis dilectam , quò ad usque ipsa velit* . Sponsa verò respondet , *Vox dilecti mei* . Hoc enim ferculum tam dulce , vacuæque periculo , aliâ mitti , quàm ipsius , manu non potest . Requies hæc est promissa exantlati in Deo perquirendo laboribus . *Inveni quem diligit anima mea : tenui eum , nec dimittam* : ait sponsa Cant. c. 3. 4. Animæ enim illud complexæ gaudium , quo constant auctore res omnes , vnde possit angor accidere ? Anxietudines nostrâ nos ipsi manu colligimus ; earum nempe rerum aucupes , quæ ijs sunt per-

perlit, ac refert: easque per neglectum procul habentes, in quibus vita inest, & gaudium. Quare cupiditates nostræ carnifices nostri sunt. Finis votorum deterrimi cuiusque mortalium, felicitas est: laboribus iuventutem exercent, ut senectuti sit quies. Eorum verò vita, quæ omni parte per labores, nulla per quietem exigitur, inter miserrimas numeranda est. Quare S. Thom. opusc. 63. eos redarguit, qui suam vitam omnem, in quærendo Deo, nunquam in fruendo, consumunt: quorum opera minus perfecta esse affirmat. Finis agentis aliquid, est, illo frui; serentisque vineam, velsi fructu. *Quis pascit gregem* 1. Cor. 9. 7. inquit Apostolus, & de lacte gregis non manducat? Et ipse apud Lucam. c. 9. Assessor hominum Christus lachrymabundus ait, *Hierusalem, si cognovisses & tu, quæ ad pacem tibi, nunc autem abscondita sunt ab oculis tuis!* Ac si diceret. Hierusalem, si bonum quo potiris, nec tamen vides, agnosceres! Nescientem quippe in quo bonum hoc habeat, sua ipsius cupiditas inquietat: fugit enim ipsum, apud se esse, quod quærit. At ubi compertum à se illud intelligit, conquiescit. Quemadmodum si quempiam aliquis, quem ipse affatur, inquirat; eumque, cum coram aspiciat, non tamen agnoscit, animo adhuc anxius est, sui enim nequaquam voti potitur. Quod Magdalenz accidit rediuium Dominum alloquenti, nec tamen fruenti, donec indicio sese manifestum exhibuit; eumque tunc ipsa palam agnovit. Quis verò epulas perpetuò instruit, instructusque aliquando non velcitur? *Est aliud malum* (ait Eccles. c. 6. 1.) *quod vidi sub Sole, Vir cui dedit Deus diuitias, & substantiam, & honorem, & nihil deest animæ suæ ex omnibus, quæ desiderat; nec tribuit ei potestatem Deus, ut comedit ex eo.* Interest verò inter erroris huius participem, & exortem; inter laborantem auidè, ut fami quærat obsonium; eumque qui comedit iam paratum: quòd hic edendo quiescit, præsertim verò si epulis per quàm lautis accipitur. Labore in quærendo Deo pertundis, ubi illum inuenerint, illud superest, ut fruantur. *Gustate & videte quoniam suavis est Dominus*: sententia Davidis est Psal. 33. Huiusce viæ sublimitas compluribus notis à diuino Spiritu Sap. 8. describitur. Cum primùm verò spiritus hic sapientiæ in animam influit, tantum illi accedit pretij, ut nihil æquè mortaliū oculos suo fulgore defigat, quocum possit illa conferri: non aurum, non argentum, non formā, non vires. Omnia, cum illa, bona subeunt: atque ita vnus est spiritus, ut sint vnā permulti: suavis est enim Dominus, benignus, locuples &c. cuius gustum ubi quis ceperit, dimittit ab se omnia, quibus ante seruierat; siquē incipit esse iuris, ac liber.

Rationes, quæ huic precandi formæ suffragantur, hæ sunt. Pri-

ma: licet enim absit ab ea fermè ratiocinatio, petitio tamen adest: in eaque, quam Deus animæ impertit, quiete, virtutum plena exercitatio est: ibidem petitio intercedit, *non in actu signato*, veluti Theologi loquuntur in Scholis, *sed in actu exercito*. Quid enim anima silens coram Deo non petit, ea nimirum fide, qua persuasum habet, advenire se Dei conspectum, sua illi vota omnia esse perspecta? Vota namque apud Deum, perinde, atque voces apud homines sunt, è Davidis oraculo, *Desiderium pauperum exaudivit Dominus*. Psal. 9. 17. Non voces modò, sed & vota, inquit, pauperum iustorum. Quisquis hac fide fretus ad Dei fores adit, credit inde sua bona omnia processura; amat, seque submittit, & exercet: ac diuinam, relicta suâ, viam insilens, bonum omne nanciscitur. Altera ratio est, quòd ea est forma, quâ sentitur de Deo præstantius; hoc verò excessu illius Maiestati par est. Tertia: oratur hoc modo prolixius: compluriumque sanctissimorum virorum preces eiusmodi fuisse probatur: mentis enim agitatio defatigat; illorum verò assidua erat precatio. Quarta: quod emendare in anima, ratiocinando, connitimur, compendiosius à Deo fieri apparet, hac via: atque eiusmodi homines studiosiores virtutum sunt, subiectiores Præpositis, suis cupiditatibus maiores, efficacioresque cum proximis.

At enim hæc utique via nequaquam omnes admittit: admittit quidem illa, quam sanctissimus Pater Ignatius in Societate constituit. Hæc verò communis certè ijs est omnibus, quibuscum eam Deus cõmunicare voluerit; seu quos ab diuturno precationis, ac ratiocinationis usu, Præposito, cuius est de hac causa ferre iudicium, in paratam hanc viam vocare videbitur Deus. Id verò cum exemplo constat Ignatij: is enim quanquam eâ sub initium ingressus est viâ, quam ipse in Exercitiorum libro descripsit, in hanc deinde alteram proutus est; quod ex ipsius vita cognovimus, in qua sic legitur, *Postea erat patiens diutna*. Quòd si cuiuscumque scientiæ initium est, medium, ac finis; in hac quoque profectò sic habet. Hos autem in Societate gradus, processusque haberi, videtur id evidens; cum in hoc Ordine Socios tantus gratificandi Deo ardat incendat. Jam verò, quos in hunc orandi modum Deus crexerit, eos cum detrimento corporis, animique, ab ijs argui, & vetari, qui nempe illius periculum ipsi non sumpserint, id verò ritum conscientiæ non videtur. Scitum hoc Osunt est in suo Abecedario; Nequaquam illos vacare culpa, qui quemquam à Dei via seducunt. Aliusque nonnemo inquit; Præpositis id molentibus vitam à Deo contractum iri, nisi destiterint; secus tamen, cum id causâ vel exquirendi, vel experiundi tentatur: hoc enim cõ-

sen.

sentaneum & rationi est, & muneri Præpositorum. Atque hæc mea sententia est de ijs, quæ aguntur, & acta sunt in eum; deque orandi forma, & vacatione subinde ratiocinationis, diuinæ causæ præsentis. Quorum omnium eâ, quæ subiectum Parenti filium decet, animi submissione, etiam atque etiam rogo, ut Paternitas tua sola sit conscia.

Hæc in hunc modum Baltasar suo commentariolo exposuit: quibus sanè singularis ipsius virtus, & sanctimonia commostrarunt. Ibi enim perquam submisit de suis primò vitijs, tenuibusque ad auctoritatem, æstimationemque sibi adiungendam dotibus, deque finis vitæ explorata sibi ratione miseranda, ac inope confitetur. Deinde verò bonorum ingentem vim subiicit, quam in ipsum Deus effudit; ut hinc & tantulum illud, quod suum ipsius erat, & profusa Dei largitas appareat; cuius vi tam mira exitit in ipsius corde mutatio: quæ sanè tam multa, ingentiaque dona complectitur, ut si singulatum omnia pensanda sint, iusto largius effundatur stylus oporteat.

Postremò, ait, præcelsam illam, in quam euectus est à Deo, precationem, ex altissimis fuisse gradibus diuinæ contemplationis: munus nempe, quo ornari rarò consuevere perpauci. Porro hæc ipsa exaravit, postquam dierum quindecim secessu ad spiritualia exercitia collegit sese. Pridie verò quàm scripta hæc mitteret Romam, ea graui Societatis viro recognoscenda dedit ipse sub vesperam. At hic clam sibi illa exscripsit, habuitque apud se complures annos occulta: quæ deinde protulit, ac vulgavit; eaque demum viâ nostras deuenit in manus. Sedenim cum complura in ijs sint in hoc precationis studio permagni sanè momenti, in quibus discrepari posset à mente Baltasaris; ea, nullo ab historia deflecti, in sequentibus capitibus euoluemus.

CAPVT DECIMVMQVARTVM.

Modus hic orandi plenius explicatur, Quorsum illum Baltasari Deus impertijt; & cur annos aliquot distulit.

Omnium ferè vitæ Sanctorum multiplici rerum varietate miscetur: eæque propositæ omnibus sunt, aliæ quidem ad imitandum, aliæ ad demirandum, Deumque illarum largitorem laudibus efferendum. Quandoquidem verò non est, abbreviata ma-

nus eius, (& nunc enim ea munera solet alijs clargiri) hi qua in illis ratione se gerant, sanctorum hominum, in quibus ea effulserit, vestigijs inhaerentes; ex ijs, quæ legunt, poterunt erudiri. Hoc idem exempli intueri licet in vita Baltasaris, atque in ijs, quæ ad illam superiori iam capite expositam, iuitamque ab ipso precandi formam pertinent. Enucleatius verò inclusa illic exponere longè fructuosum erit. Quorsum nempe munus hoc tantum sanctissimo huic Viro Deus impertijt; alijsque piè ipsum colentibus clarigitur: Rationes, quibus prolatum hoc idem est, ad sexdecim vsque annos: Fructus, atque charismata, quibus illum auxit, augetque eos, qui vitam per bona opera exigunt: diuinum impulsus, quo ad hunc orandi modum vocatus est, necessarium eum quidem omnibus viam hanc tutò, atque vtiliter ingressuris: securitatem, & commodum vsitatæ precandi formæ, quâ diu se Baltasar exercuit, erogataque sibi munera exorauit: reliqua demum omnia, quæ e re fuerint, vt recensita à Baltasare faciliora sint captu, nostræque hystoriæ seriem prosequamur.

§. I.

Modi huius orandi naturam, & quæ ad hunc pertinent, suscipiunt Baltasar ipse, in alio huius argumenti opusculo, obiectas contra diluens rationes, explicuit. Quorum meminisse, & responsa vtrique grauissima proferre sui etiam erit loci. In præsentia verò distinctius, breuiusque interpretationem hanc e nominibus eliciemus, quibus hoc precatationis genus animarum Institutores, & ipsæmet Baltasar appellant; ijs enim, quid illa sit, & quæ sint ipsius, effectus eiusdem, & causa, significantur. Ea verò etsi permulta sunt, vsitatiora tamen sunt hæc, ad quæ & cætera referuntur.

Primo huic precatationi nomen est, *Præsentia Dei*. Quamquam enim, quacunque quiuis ratione precari rectè, mente, vel ore voluerit, necesse profectò est fidei obrutu Deum sibi præsentem aspiciat, audientem, intelligentemque quæ dicit (nemo enim quempiam alloquitur, quem absentem, atque ab se prolata minimè audientem, atque intelligentem existimat) hic tamen orandi modus, *Præsentia Dei*, peculiari nomine appellatur, quòd in illa mens diuino lumine, sine vlla ratiocinatione, imbuitur: Deumque ita præsentem aspicit, sibi que aut propinquum, aut intimum, vt videatur ipsa sibi sensu eum percipere, quem affatur, & cui tunc adest: quod de Moyse Paulus affirmat: *Inuisibilem*, inquit, *tantum videns sustinuit*. Ex quo, naturæ veluti ductu, ita subeunt reueren-

uerentia, & admiratio, prona voluntas, voluptas, & gaudium sistendi se coram ipso, quasi quisquam vultum aliquem hominis, aut imaginem forma præstantem aspiciat; quam cum admiratione simul, ac voluptate tantæ pulchritudinis contemplantur.

Hinc alio etiam vocabulo dicitur hæc *Precatio*, *Quietis*, aut *Vacationis interna*: cessat enim imaginum, & cogitationum multitudo, varietas, atque tumultus: superioresque animi facultates, Memoria, Intelligentia, & Voluntas in Deum, diuinorumque mysteriorum contemplationem, summa suorum actuum requiete, ac tranquillitate coeunt, & figuntur. Hæc verò ea est, quæ proprio magis nomine, *Contemplatio* appellatur: atque (ex D. Thomæ, aliorumque Doctorem sententia; & ut nos ipsi in libro, cui titulus est, *Dux spiritualis*, exposuimus) à Meditatione discrepat: hæc enim, ex vna in rem aliam excursu, veritatem delitescentem indagat; eamque sensim detegens, permulta euoluit, ut capiat. At verò Contemplatio, vno statim intuitu, veritatem summam peruidet; eiusque magnitudine admirabunda suspenditur, delectatur, & fruïtur. Hinc illud est Psalms, *Vacate & videte, quoniam ego sum Deus*: *Psal. 45. 11*
& *Gustate, & videte, quoniam suavis est Dominus.* *Psal. 33. 5*

Rursum *Oratio fletus* nominatur: In ea namque loquitur Deus, & anima flet; eaque excipit perattentè, quæ ipsius intimè cordi diuinus Præceptor eloquitur; quæque de se suisque mysterijs ipsi indicat, & explanat. Neque verò, ut rudes arbitrantur aliqui, exilissimum est, conticere animum, & silentio expectare, vacationem esse omnium omnino actuum in intimis animi facultatibus: id enim, nisi per somnum, fieri minimè potest: resque proinde, molesta esset, ac noxia: Immo tempus perinde atque inani otio tereretur: periculo sanè quàm proximo, ne mens aut cogitationibus vltro fruticet alienis; aut absurdas, prauasque ab nefario iniectas hoste suscipiat. Quamobrem quandiu Deus nihil ipse agit in animo, ipse profectò aliquid intelligentiæ, ac voluntate agat oportet. Atque tunc etiam, cum agit Deus, agit aliquid & ipse cum illo. Quemadmodum discipulus lectionem ex Præceptore silenter excipiens, agit intus: ea enim, quæ Magister edocet, & ipse audit, aduertit, intelligit. At verò hæc precatio non ideo Silentij nuncupatur, quòd lingua tantummodò conticescat; sit hoc enim quotiescunque mente precamur: neque rursum, quòd silent penitus internæ animi facultates: sed quòd, quicquid illæ tunc agunt, à Deo nimirum accipiunt: quòd & David aiebat: *Audiam quid loquatur in me Dominus Deus*: Qui Præceptoris munere fungi, & ad cor loqui, eique & sua effata veritatis euoluere, & amorem intumum illorum, nullo ipsius, ut aliis inter enixè orandum

dum, exorandumque conatu, gaudet ingigere. In hanc sententiam de diuino Hierotheo Dionysius dixit, *Erat patiens diuina*: In diuina nempe consuetudine Discipulum potius agens doctrina imbutum ab alio, quam hominem sua sagacitate, atque solertiâ veritatis arcana, quæ non eruit, vestigantem. Rursum, hoc ipsum audire, *silentium* idcirco vocatur; quia tunc res omnes procreatae in animo conticescunt, neque quicquam est, quod illi quietem adimat, molestiamque facessat. Idcirco etiam *Somnus*; sacris in Canticis appellatur: ita enim cor vigilat, atque ad cognoscendum, amandum, complexandumque Deum erigitur, ut animus quodammodo ad extranea dormitet; neque ea, quæ loquuntur alij, extraque aguntur, audiat, videat, intelligat. Huic proinde precatiōi meritō etiam *Coniunctionis*, siue, ut aiunt, *Vnionis* nomen est: Etenim animus, ex cognitionis, amorisque amplitudine, Deo perquam arctē coniungitur, estque (ut Paulus inquit) *vnus spiritus cum eo*, nesciens inde auocari tunc alio ad rem vspiciam vllam, optandam, querendam, amandam; illud cum Dauide pronuncians, *Quid mihi est in Cælo, & à se quid volui super terram?* Et cum Sponsa: *Inueni quem diligit anima mea; tenui eum, nec dimittam.*

Hæc visitatoria sunt nomina Precationis adeo excellentis: in qua permultæ insunt mentis illustrationes, atque affectus erga diuina mysteria admirandi; imaginarijs quandoque symbolis, quæ Deus effingit in animo; aliàs verò lumine duntaxat intelligentiæ multo præstantiore: quo in fastigium mysticæ Theologiæ solet euehere: quodque à Dionysio appellatur *ingredi in diuinam caliginem*; lucem nimirum inaccessiblei; & cæco quodam impetu in intimam Maiestatis eius coniunctionem efferri; quæ omni natura, intelligentiæque maior est. Etenim diuinæ naturæ cognitio est illa tam alta, complexusque tam intimus, ac diuinus, ut vnus ad id Deus; & singulari quidem munere, ac prærogatiua possit attolle: cumque tam immensum sit, quod ibi cognoscitur, adhuc infinitæ cuiusdam profunditatis speciem exhibens, quod ignoratur.

Hinc inusitata subinde quædam in hoc genere precationis eueniunt; è quibus alia illi nomina accedunt. Cum enim diuinæ visitationes, illustrationes, visiones internæ, ardentesque affectus, cum Dei amore, atque complexu tanto impetu insistant, ut animus externis abalienetur à sensibus, motusque corporis cessent, *Suspensio* hæc appellatur & *Ecstasis*. Quod si hæc magna cum vi repente se ingerit, *Raptus* vocatur; seque ita inquit Apostolus, *Raptum esse usque ad tertium Cælum, & in Paradisum*. Sin maiori interna suauitate sese insinuat, *Spiritualis volatus* dicitur, quem Dauid cupiebat sibi cum diceret, *Quis dabit mihi pennas, sicut columba, & volabo*

1. Cor. 6. 17

Psalm. 73. 25

Cant. 3. 4.

L. de myst.
Theol. &
Bonau. in
li eiusdem
titulij.

2. Cor. 12.

3.

Psalm. 54. 7.

B. T. 20

volabō, requiescam? Ipsum verò corpus in aëre quandoque à tellure suspenditur, profectum nempe impetum spiritus in altum ad contemplanda cælestia euolantis. At enim in his omnibus Suspensionibus, Raptibusque, cum ex Deo sunt, neque oriatur spiritus, neque dormitat, sed aliquid semper videt, audit, intelligit, admiratur, gaudet, amat: cum verò nihil agit, aut patitur, stupor dicendus magis est; evanescentis, ac somniculosæ mentis inertia; siue ludibrium, Dæmonisque præstigiæ. Hæc verò insueta quandoquidem snapte naturâ sunt plena periculi; neque optanda porro sunt, neque postulanda: quin fugienda potius, dum ad ea excipienda Deus ipse compellat; eaque sentienti indicia faciat, suæ voluntatis esse, hanc ab ipso viam insili.

§. II.

Atque hæc illa sunt, quæ genus eiusmodi precationis, contemplationisque complectitur; quam permultis nominibus Baltasari Deus impertijt. Primum verò, quod cum illum spiritalis doctrinæ Magistrum, plurimisque de precatione cum eo acturis destinasset Ducem; in hoc propterea voluit ipsum cum primis excellere: atque varietatem hanc viarum, quibus divini providentia Numinis percaros sibi deducit, suo ipsius experimento callere. Ratio hæc comperta Baltasari fuit; eamque in eo, cuius meminimus, „Opusculo, accuratè perpendit. Ait enim primò; Qui Græcè „nunquam didicit, is neque Græca volumina legere, neque Græcè loquentem intelligere, multòque minus etiam eo sermone „alios poterit Magister imbuere. Deinde in hac potius, quàm in „quavis alia facultate decet Institutorem, Causæ instar esse superioris, atque vniuersalis, qui iuvare vniuersos possit in suo „quemque gradu, atque progressu, viisque omnibus, permultis „quidem illis, etsi eodem conspiratò ducentibus. quas eos diuinum Numen inire voluerit. Eò verò plurimum refert, earum „omnium in ipso se fecisse periculum. Etenim vltus ille est, quo „fit, vt Præceptores excellent. Quanquam enim commentatio, & „Sanctorum Patrum, mysticorumque Doctorum lectio plurimum „in id confert, ipsa tamen experientia longè præstat, ac proficit. „Ingentique solatio (velut animorum nonnemo Institutor sapienter asseruit) discipulo est, à suo Duce didicari; Præteruectus „hæc ego sum: atque, hoc mihi, & illud obvenit: eumque dirigere vadentem; quòque tendat prospicere, atque ex illius semine „sciat, illum liquidò edocere. Quod sanè discipulorum processui „conducibile cum primis est: utque ipsius auctoritati plurimòq;

M

„ illi

„ illi tribuant; atq; ea, quæ docet momentum habeant apud illos :
 „ quod Christo confitebantur Apostoli, *Nunc scimus, quia scis om-*
 „ *nia; & non est tibi opus, ut quis te interroget. In hoc credimus, quia à*
 „ *Deo existi.* Fortiusque illos exemplum Magistri incitat ita sen-
 „ tientis, & loquentis, suaque ijs arcana intima retegents (quo
 „ Christus cum Samaritana præiit exemplo) quam quæcumque
 „ illi de ijs, qui iam fuere, legendo cognorint. Quare Doctor idem
 „ affirmat, e te etiam esse, ut Institutores hi præpandant sese;
 „ cumque ijs, quos intruunt, sese ipsi communiscunt, neque, ut
 „ à nonnullis fit, subtrahant sese penitus, includantque; et si in
 „ quantum, & quo seipsos modo prudenter aperire fas sit, decori
 „ ratio est habenda; ne Magistrum totum hauriat, exhaustatque
 „ discipulus. Hæ rationes Baltasaris sunt, suo ab ipsius experimen-
 „ to depromptæ: quo mirificè prouexit animos, in eorumque inti-
 „ ma altè pertinuit; magnâque apud omnes famâ, præcellens, uti di-
 „ cendum suo loco erit, audiit Institutor. Et verò de Baltasaris in
 „ quacumque via spiritus vsu, testimonium dixit sanè grauissimum
 „ sanctissima Virgo, ut meminimus, Teresa IESV, cum ait, In omni
 „ precandi genere, quod cum Magistro ipsa suo Baltasare confere-
 „ bat, eum scilicet præiuisse. Cui & illud adstipulatur, quod in
 „ Superiore commentariolo confessus est ipse, cum dixit, scientiam
 „ spiritus à Deo fuisse sibi, & sui, & aliorum gratiâ impertitam :
 „ quo Magister dictus, factusque est interiorum scientiâ rerum ex-
 „ perientissimus.

Atque hinc alteram licet rationem elicere, cur Deus in hunc
 suum Administrum, Euangelicumque Operarium munus hoc con-
 tulit: Ne scilicet ex consuetudine ac familiaritate cum proximis
 quicquam detrimenti, immò magna potius perfectionis incremēta
 caperet, eius congeminatione spiritus, quem duplicari sibi Elifæus
 expetiit, & quo ipsius Magister imbutus erat, Elias; precationis
 excelatatem, intimamque cū Deo consuetudinem asscctus Baltasar
 est eâ quiete, quasi zeum in solitudine agigaret; solertiamque item in
 hominū procuranda salute; diuina interim neq; consuetudine, neq;
 præsentia ab se dimissis, aut remissis in sese. Quanquam verò,
 auctore Cassiano, hæc in re utraque perfectio rara admodum est;
 perpaucique illâ sunt præditi; quemadmodum magni illi Antonius,
 & Macarius; in modicum ramen horum numerum diuini consilij
 fuit & Baltasarem cooptare: qui & consueceret assiduò suo cum
 Conditore, per preces; & insinuaret simul sese in hominum vsus,
 quos ad Deum, cum ijs agendo, traduceret: concentu sanè mi-
 rando, studio altero alterum adiuuante. Adstruam dicto fidem:
 Ipso enim anno, quo Baltasar solemnia professus vota, procuran-

de animorum salutē deuouit se, hoc decoratus munere à Deo est: ut intelligeret, non idcirco collatum in se illud esse, ut se in solitudinem abderet; sed ut consuetudinem Dei, hominumque coniungeret; quod facilius multo est, cum in precibus non laboriosa connixi remigatione, sed diuini Spiritus secundâ impulsu aurâ prouehimur.

Tertia hinc etiam consequitur ratio collatæ huius in Baltasarem prærogatiuæ: præmio nimirum afficiendæ gratiâ illius industriæ, quam, ut capite secundo meminimus, in orando per ratiocinationem, diuinorumque mysteriorum commemorationem adhibuit. Intuitus enim Deus eius conatus, animique vota, ac fidelitatem simul in sua proximis opera commodanda, hæc omnia remunerari largè constituit; ita nempe, ut fructum, quem expetebat omnem, uberiorēque etiam, negotio faciliore perciperet. Quanquam enim præstātes ex utroque orandi & contemplandi genere fructus edūtur, interest tamen in eo discrimen: Etenim qui ratiocinatione, ac meditatione mentē exercet, rem conatu, ac fatigatione molitur, eius instar, qui fune, ac situla aquam haurit ex puteo; siue haultam antlia, infusamque canalibus, irrigatum plantas, in hortum, areasque deriuat. At verò genus alterum quietæ contemplationis labore caret, atque molestia; pluuiæque instar est labentis è Cælo, quam infusam tellus imbibit; de qua Psaltes cecinit; *Riuos inebria, multiplica genimina eius, in stillicidijs eius latabitur germinans.* Suius verò summi Regis providentia sua munera munificè diuidentis, voluntarios suos alienare mancipēs amat: adeoque ad contemplationem idoneis, ubi ad eam sese, cordis munditiâ, cupiditatum fræno, atque victoriâ, diuturnoque meditationum vsu comparauerint, abundè simul, & placidè solet id muneris impertiri; tunc verò maximè cum in proximorum salutem sua sunt studia collaturi. Itâ & Ignatium insigniuit hoc munere, eâ progressum antea commentationum viâ, quam ipse nos suo in libello Exercitiorum edocuit: eodemque etiam ornavit Baltasarem, & eos omnes ornabit, qui ad illud habendum consimili seipsi studio aptarint: dum id & ipsorum perfectioni sit congruens, & animum perseveranter humilem, obsequentemque retineant, in ijs, quæ precatōis usitatæ sunt, accuratè præstandis: siquidem illa ad excelsiorem est gradus.

Psal. 64. 11

§. III.

HÆc verò perseverantia, nullo diuinæ visitationi tempore præstituto, ad sua obtinenda vota pernecessaria cuique est.

Etenim sexdecim, vt positum est, annos Baltasarem Deus, quem-
admodum etiam sanctissimam Tereſam IESV, affirmante ipsius
vitæ auctore Francisco Ribera, annos duodeuiginti consuetae pre-
cationis formâ continuât: alijque etiam sanctitate præsignes diu-
turna, patienter expectando, tempora extraxere. Neque verò mi-
rum: si enim quatuordecim annos laboriosissimam seruitutem
fetuinit Jacob, vt sibi daretur nupta, quam deperibat, Rachel,
adumbrata nimirum vitæ contemplatricis imago, quid habet mo-
menti futuros olim in ea vita præstantes, sibi que diuinam Sapien-
tiam animo desponsuros, complures in ea spectanda, expectanda-
que annos per labores, ac sudores exigere? Cum primis verò, quod
hisce conatibus, bonis interim aliis ingentibus augentur: modò
hi in summa animi submissione nitantur. Tanti enim muneris cū
intelligent in sese desiderari promerita, mundiores efficere se etiā,
atque etiam student; ne indigni planè sint, qui illo donentur: vo-
ta, industriasque ad rem tanti pretij adipiscendam accumulante;
tolerantia ipsorum, atque fiducia probatur, consummaturque;
quippe qui in tanta expectandi mora animum non despondent.
Hisce, alijque virtutibus dignos ipsi sese diuino munere contem-
plationis efficiunt. Quo potiti, vt cum maximè sunt & in largi-
torem suum grati, & in tuendo, excolendoque ad fructum desti-
natum munere studiosi. Denique suo exemplo simul, atque pericu-
lo animos nobis addunt ad retinendam in precatione constan-
tiam; permulta licet anxietudo, & ariditas intercedat. Quisquis
enim perseverante fide ad Dei fores pulsat, auditur; inque emi-
nentiam, ac dulcedinem diuinæ familiaritatis admittitur.

Id verò Baltasar sexdecim exactis annis suo ipse usu cognouit;
ijs, quos diximus, fructibus ex hac Dei probatione, moraque
perceptis. Atque expertus ipse nos ad perseverandum in precibus
„verbis hisce grauissimis hortabatur. Accedamus, fratres, ad Dei
„ostium perseveranter: patet enim; aut, si ad illud clamabimus,
„nobis utique recludetur: fidem enim suam obstrinxit ipse cum
„dixit: *Petite, & accipietis; pulsate, & aperietur vobis.* Sur igitur
„tantum solatii ex hac pollicitatione non capimus, vt nihil nos
„obiecta mora commoveat, quamobrem à clamando cessemus;
„reputemusque nihil omnem animi nostri glaciem obstituram,
„quò minus promissa diuini Principis impleantur, modò illius
„fidei submissè, reuerenterque credamus? Atquē, si uti ratione
„velimus, nulla certè vis ad asperum quemque, quantò magis ad
„facilem demulcendum efficacior est, quàm ad eius limen præ-
„frigore tremere, ac torpere, vt recludi iubeat fores. Perseveremus
„itaque, fratres, tanti Regis ad ianuam, licet ibi à glacie vapu-
lemus;

Matth. 7. 7
Luc. 11. 9.

„lemus; nobis enim minime cogitantibus, iubebit *Affuerus Mar-* *Eph. 6. 10.*
 „*dochaum intrare, & faciem Regis uidere:* suæque demum fortis *Ch. 3. 1.*
 „accessione tanta proficiet, vt memoriam omnem sit deleturus
 „incommodi, quo tandiu lapidis instar durus, ac gelidus ad eam
 „ianuam expectauit. Etenim de Iusto scriptum est; *Audiuit Deus*
 „*vocem ipsius, & induxit illam in nubem.* Ex qua incommodi, ex *Ecc. 45. 5.*
 „pectando, clamandoque, deuorati perseverantia, præmia quam
 „amplissima reportauit.

Quæ confirmaturus effata de se ipse testatus est, multâ sibi opus fuisse constantiâ in tam diuturna Dei mora perferenda, dum ipsum miseraret denique, suæque thesauris misericordiæ locupletaret. Ad hæc, alterutro nomine Deum aiebat sero se animis exhibere; siue quòd illi vitiis altè infossi eruerè ex eo se cæno supersedent: quodcumque verò vitium perdensæ instar est nebulæ, quæ conspectum Dei præpedit: siue, vt quantum sit illud quod perquirunt bonum, intelligant, cuius assequendi gratiâ tam multa patiuntur, & tandiu. Interim verò & angoribus intus, & vexationibus extra multifariam illos exercet, quò suatum, persuasumque sit, ingens illud esse bonum, quod per tot aspera quæritur.

Ex his demum omnibus precatationis excellitas, donorumque amplitudo colligitur, quibus diuinus hic Vir auctus est. Etenim si ferè messis sementi respondet; eâdemque mensurâ, quâ dolores, solacia erogat, & præmia laboribus æquat Deus; qui sexdecim annos in satù, cultuque per euram, anxitudinem, solertiamque summam, muneris huius frugi colligendæ consumpsit, quo cumulo in meritißimum illû nõ effuderit hanc Deus, qui supra quam petere, aut comminisci possimus, exhibet sese in largiendo munificum? quàm præstans, eximiumque donum hoc Baltasar accepit, cum messe promeritorum vberissima, cum cælestium affluentia deliciarum, cumq; cæteris diuinorum charismatum prærogatiuis, præmijs eorum nempe, qui virtutum studio incenduntur. Si bonam arborem bonus indicat fructus, quàm excellens illa fuit præcatio, ex qua ij, quos meminimus, tam egregij, suscepti sunt fructus? Quinam verò præstantiores alij fructus sunt, quàm duodecim hi, quos in suo ipse commentariolo percensuit: quique tanquam duodecim lectißimi fructus sunt huius Vitæ Arboris, quam in suæ Ecclesiæ, ac Societatis Paradiso diuinus fecit Agricola? Atque veluti Ioannes ait, *Ligna illa Paradisi ferè fructus novos per* *Apoc. 22. 2.*
mensēs singulos, ita illos Baltasar mensibus, immo diebus singulis renouabat: documento sanè intimæ cum Deo coniunctionis, quæ nimirum omnia hæc in illum munera deriuabat.

CAPVT DECIMVM QVINTVM.

*Præcipuo Dei afflatu orandi modum hunc init. Egregia dona, quibus cum maximè ad sese perficiendum, iu-
uandosque proximos instructus est, plenius
enoluntur.*

Diuinum adeò bonum est intima cum Deo cõsuetudo, quietæ, ac perfectæ contemplationis, qualem illam effinximus, donum, vt Baltasar (quod in laudato opusculo ipse testatur) in eam eniti nequiverit, sine ipsius Dei impulsu præcipuo; qui, quos vult, & quando, & quemadmodum vult, vocat; nullo ad id certo loco, anno, vel tempore; vnoque dumtaxat voluntatis suæ diuinæ consilio, cuius nempe *deliciae sunt esse cum filiis hominum*: cum hoc tamen familiariùs, quàm cum illo: atque id munere, priuilegioque præcipuo; quam Vocationem dicimus: estque iniectus à Deo, inditusque altè animo afflatus, motus, amorque perefficax, quo illum ad modum hunc adeò præcellentem orandi proclinat, idoneas in id illi cum mente vires impertiens. Neque enim ad hoc omnes vocantur, neque verò sunt apti: neque eò euadendi causâ, connitendum est arroganter, ac temerè. Quanquam, verò nonnullos à primo ipso, siue ætatis, siue conuersionis exorsu, repente, vnoque volatu in excelsam hanc precationem, atq; subinde ad insolita quædam euehit Deus; ferè tamen non nisi cum ijs hæc sua dona communicat, qui in precibus antea exercuere, sese, ratiocinationis, ac meditationis vsu; ad quem omnes ferme, plus minusue, vt aptus quisque, & capax est, diuino instinctu vocantur. Huiusce rei expressam ad viuum imaginem ad montem Sinai videre est in exemplo Moysis, ac populi. Etenim *Populus videbat voces, & lampades, & sonitum buccinae, montemque fumantem: & perterriti, ac pauore concussi, steterunt procul dicentes Moysi: Loquere tu nobis, & audiemus: non loquatur nobis Dominus, ne fortè moriamur*. Eosque Moyses confirmauit, aiens, *Nolite timere, vt enim probaret vos, venit Deus; & vt terror illius esset in vobis; & non peccaretis*. Tum verò fratrem suum Aaron, & sexaginta de Senioribus Israël propius secum deduxit. Et viderunt Deum Israël; & sub pedibus eius, quasi opus lapidis Sapphirini; & quasi Calum, cum serenum est. Cuique ascendisset Moyses, operuit nubes montem, tegens illum sex diebus; septimo autem die vocauit eum de medio caliginis: & in-



gressus

Exo. 10: 18.

Exo. 14. 10.

Exo. 24. 16

& 10: 21.



gressus medium nebula ascendit in montem: & fuit ibi quadraginta diebus, & noctibus: Loquebatur autem Dominus ad Moysen perquam familiariter, facie ad faciem, sicut solet loqui homo ad amicum suum, sumque illi ea claritate vultum exhibuit, qua cerni in hac mortalitate fas est. Exo. 33. 12.

Non secus intelligenda ea sunt, quæ cum Christiana Republica transiguntur. Etenim multitudo fidelium, turba nempe idonea, minus, & capax, aur rerum etiam plurimarum varietate multiplici occupata, ad preces vocatur, ore modò fundendas; atque ad quædam meditanda, & quasi procul aspicienda mysteria, ea præsertim, quæ castum Dei timorem, ipsiusque perseverantis Iustitiæ terrorem incutiunt: ut è flagitiis emergant, eorumque pœnas in se ultro ipsi suscipiant; moresque ac vitam emendent. Huiusmodi ea sunt, quæ tradit fides de ultimo Iudicii die; de Inferorum suppliciis pœnisque aliis, quas Deus in complures mortalium irrogavit. At verò ex Christiano populo alii, sexaginta eorum Seniorum personam gerunt, qui à Deo vocantur, ut pia mentis exercitatione, altioreque diuinarum rerum commentatione, atq; ardentioribus amoris, ac fiduciæ affectibus propius ad ipsum accedant: eumque per condita, gubernataque ab ipso opera, per Cæli, siderumque, ac Planetarum pulchritudinem intelligant: ea nempe scrutando, atque ex ijs Auctoris magnitudinem colligendo: eique propterea meritissimo, deque nobis optimè merito obsequi etiam atque etiam expetendo. Eiusmodi verò sunt religiosi homines, & communes, qui tritam meditandi viam insistant; cuius securitatem, necessitatem, fructusque ingentes, secundo & quadragesimo capite, ubi opportunior erit locus, prolixius exequemur.

Perpauci tamen alij sunt in Moyse adumbrati, quos, instinctu præcipuo, ad summum Deus evocat precationis culmen; atque ad intimam cum diuino suo Numine coniunctionem: eosque in cælestem caliginem, nebulamque admittit, quæ oculos excæcat, ne fluxa hæc terrarum aspiciant; rursumque aperit, ut in obtutu sese Conditoris sui desigant; quicum agunt familiariter, ac iucundè; largius, parciusque, pro ut cum suis ille communicare sese maluerit. Sedenim eos antequam summum cuebant in verticem sex dies in humilioribus gradibus demoratur; quò de illorum patientia, tentando, cognoscat; seque ipsi exerceant, comparentque ad altiores alios obtinendos. Huiusmodi esse oportet, ut diximus, animorum Institutores; qui Moysis instar, Christiano populo, ijsque, qui viam hanc ingrediuntur orandi, moderaturi sunt. Talisque Baltasar profectò fuit; in quem Deus, electum nempe animorum Duccin

Ducem, vt in Moyſen, & hoc, & cætera, quæ percenſita ſunt, munera collocauit: quæ tam egregia, ingentiaque cum ſint, operæ pretium erit, ex ijs, quæ locis alijs Baltasar aſſeruit, ea cumulatius explicare.

S. I.

HOrum verò ſtatuumus initio fundamentum, primum, cui cætera innituntur, munus. Ipſum nempe Deum habere in præcatione Magiſtrum; non eo dumtaxat communi modo, quo Magiſter omnium nuncupatur, & eſt; & quo ad orandum, vt c. 3. diximus, vnumquemque inſtruit, ac excitat: ſed ſingulari alio, ac præſtantiore, inſtitutibus, aſſatibusque præcipuis, imbre ſanctarum cogitationum, ardentiumque affectuum ſuperfuſo: ſecuro interim, immunique laboris animo, in hoc diuino pabulo per mentis actus, & commentationes, multarumque induſtriarum pretium conquirendo. Quare aiebat vulgò Baltasar, cum inter precandum Deus animi ratiocinationem intercipit, argumento eſſe, ipſummet velle cum eo fungi munere Præceptoris. Animum enim clauſis inire ianuis, prærogatiua ſingularis, ac propria eius ſummi Molitoris eſt, quæ cum bono, maloque ſpiritu communicari non poteſt. Quare tutiſſimum hoc eſt, falſiſque ab imaginibus alienum: pax verò ipſa, & gaudium, quibus animus tunc perfunditur, diuini præſentiam Numinis aſſeuerant. Planius id ſuo in libello tradit, hiſ verbis. Die quinta Februarij, ſalutis „ anno 1569. matutinas inter preces, cum apud meum animum „ reputarem, quantum in me deriuarat incommodi Vir vitæ ſpi- „ ritualis experiens, qui ſuam mihi pollicitus operam, ipſe dein- „ de ſeſe à meâ ſocietate ſeiunxerat; præcipuum hunc hauſi ſen- „ ſum à Deo: Iniurius Deo eſt, qui cum Deo agens incommoda- „ ri ſibi ab hominibus exiſtimat; ſicubi ab ijs, modò propria abſit „ culpa, deferitur. Eodemque die, cum rem diuinam facienti ea- „ dem mihi cogitatio obuereſcitur animo, eodem ſenſu id rurſum „ obuenerit. Atqui, ſi idem ille, qui præſtò erat tibi per hominem, „ Magiſtrum tuum agere, teque docere velit ipſe per ſe, quam „ tibi imponit iniuriam? Immò verò ſingulare beneficium hoc „ eſt, ingentiumque bonorum ſons. Deus enim vnicâ, ac breui „ ratione colligit, edocetque permulta. Huiuſmodi verò præcatio, „ aſſiduus quidam eſt confidens ſimul, reuerenſque Dei conſpe- „ ctus; placidus item, atque veritatum intelligentiâ, ſuanibuſ- „ que libris, reliquijs nempe diuini feruli, colloquiſque cum ipſo „ familiaribus reſperſus vndique, ac reſertus.

Hinc

Hinc alterum munus extitit, quo, vt inquit Dauid, *occulra illi diuinitatis, ac profunda sua sapientia manifestauit*: ea ratione, quam de scientia mystica sacrarum rerum Magistri tradunt. Relatum ab ipso in eadem aduersaria legitur, hoc pacto. Die 1. Martij 1576. per illatum sub vesperam cum viro perquam Religioso huius argumenti sermonem, Quid sit intelligens Dei, diuinorumq; mysteriorum visio; eorum, quæ ille protulit, quoddam mihi cum liquidæ voluptatis sensu vestigium lucis affulsit. Preces deinde ingressus, Deum ibi ita præsentem sensi, vt neque oculorum obtutu, neque mentis attingeretur imagine; sentiebatur tamen: certiusque & clariùs, quàm quod vel spectatur oculis, vel mente fingitur, noscebatur. Huius verò argumenta rei hæc sunt. *Primum*: Id quod ita spectatur, plus in animo efficit, quàm id, quod imagine mentis effingitur, siue obtutu cernitur corporato. *Alterum*: Pacem, quietemque animo tantam parit, vt in sui possessionem Regni animum Deus videatur admittere. Cumque ille se tanti compotem boni conspiciat, quod neq; assequi cogitatu poterat, nec mereri, ijs Deum Dauidis verbis appellat; *Quid es homo, quod memor es eius?* ijsque rursus, quæ supremo Mundi die, ab Iustis dicenda Christus affirmat, cum ipse, quo nomine cum illis suum regnum participet, respondebit: *Domine quando te vidimus hospitem, & collegimus te?* &c. Hac inquam ratione animum Deum alloquitur. Domine, ecquæ tibi obsequia præstiti? vbi loci, ac temporis tantum promeritus sum boni? *Tertium*: Exit inde animus, nec suus iam amplius est, neque vllius vsipiam rei, sed eius totus vnus, qui omnia vnus est: è Dauidis oraculo: *Vnam petij à Domino, hanc requiram, vt inabitem in domo Domini; quoniam abscondit me in tabernaculo suo.* Prouectio illuc animo illucescere incipit, seseque Deus ostendere; eumque diuina suauitate perfundit, vt dulcissimum, tenerrimumq; propterea illi sit, ijs sese lauitijs acceptum aspiciere, eosq; mortales in cogitationem accipere, quos Dei causâ plus amat, quàm si eos, aut vellet sibi aut numeraret in suis. *Quartum*: Quod secum ipse perputans animum, num tantum doni bonique, veteratoris inferni laruas possit induere, rem, tantæ quietis fontem, quæq; adeò in Deum ipsum immergit, à malo spiritu esse, persuadere sibi non potest. *Quintum*: Quod animum idem cum Petro tunc dicit, *Domine bonum est nos hic esse*: soporem ab se omnem, oscitationemque abstinet; nec fastidio, laboriue sunt preces. *Sextum*: Quod suo sibi videtur experimento cognoscere, quod c. 1. de Mystica Theologia Dionysius ait, hoc est, nihil intelligentem, intelligentiam omnem exuperare. Hinc enim videtur sibi nihil intelligere, rur-

Psal. 26.4.

Math. 17.
4.

„sumque inde aliò mentem nequit auertere : neque potest eo, quo
 „potitur, non esse vsque contentus : quanquam illud non intue-
 „tur, aut tractat, eius tamen clariùs, euidentiùsque certus, quàm
 „rerum omnium quas aspicit, & contrectat.

Ex his verbis apparet, quanto illum Deus inter precandum lumine collustraret : quo nempe Baltasar in ipsum Dei Regnum pertinebat (qui Paradisus est caelestium deliciarum) *Iustitiam, Pacem, & Gaudium in Spiritu sancto*. Talem verò inde se referebat, ut iam non suus, aut aliorum, sed Dei totus esset, quicum tam arctè coniunctus erat ; ut *unus esset cum eo spiritus*. Quare nonnemini à curis quandoque per anxio, per opportunitatem in colloca- tione de precibus, diu iam se alia in regione vivere, affirmavit ; illud Pauli, ut opinor, intelligens : *Nostra autem conuersatio in Cælis est*.

Rom. 14. 17

1. Cor. 6.

17.

Philip. 3.
10.

Muneri huic aliud proximè adiectum est longè præstātissimum, promissa certò illi à Deo felicitatis æternæ possessio. Indicauit id ipse Baltasar P. Egidio de Mata, qui ad Iapones deinde profectus, inde ad Societatis nostræ Præpositum Generalem cum earum procuratore Prouinciarum bis allegatus est. Huic verò in familiari sermone disserenti quandoque cum ipso de illius animi felicitate, cui in tam multa sese pericula, per tot obita munera, inferenti, de sua immortalī salute compertum esset ; At mihi, Baltasar inquit, mea saltem disertis, expressisque verbis affirmata certò salus est. Atque hoc singulare in nonnullos diuinæ benignitatis beneficium est ; quo ij tanquam à stimulo incitantur, ut currant ; non tanquam à fræno cohibentur, ut sistant. Inter precandum aliàs Beatorum Ciuium cateruam supplicantium ordine incedentem, seq ; ijs insertum vidit. Quo de viso, inter aperiendam conscientiam, Præpositum Baltasar edocuit ; rescitumque de illo est, duorum testificatione grauissimorum in Societate Patrum. Quin ipsemet in suis aduersarijs eius meminisse videtur, cum inquit, Aggregatum se illic eorum fuisse cætui, quibus decreta erat æterna beatitas : conuenitque cum eo, quod vti memoratum est cap. 10. sanctissimæ Parenti Teresæ IESV diuinitus innouit.

Quid igitur mirum, si visis hisce mirificè recreatus, suspensio subinde sensuum vsu in ecstasim raperetur ? Methymnæ aliquando, cum in suo cubiculo flexis genibus precaretur, nonnemo ex Patribus intridit illuc sese ; eumque vidit miro lumine circumfusus : eius cæcè lucis indicio, quâ radiabat in animo. Curator item ipsius cubiculi laicus ingressus est aliàs : suspensumque illum, atque à sensibus auocatum inuenit : ita planè, ut inobseruatus ab illo intrauerit ; extiteritque. Porro, ut rem Baltasar sibi redditus

in-

intelligeret, linteolo eius vultum obnupsit; eoque sic relicto, discessit. Quæfuit deinde ex eodem Baltasar; sciretne quempiam illuc introgressum; eique se scilicet fuisse illum aienti, imperavit, ne ea, quæ vidisset, cuiuspiam indicaret. Studiis aliàs litterarum intentus Salmanticæ oculos in aduersam sibi imaginem Dei pendentis à Cruce defixit, hæsitque in secessu mentis à corpore: aliorum laico, idipsum quod diximus, circa illum agente.

Gaspar Alfesius nominis in hac Prouincia peruagati, agrotasse Baltasarem, inquit, Ministro se in Domo Professorum Vallisolerana: cumque illum remisisset satis, & commodè à vi morbi habentem in nocturno digressu Valetudinarius venæ numerum explorando sensisset, sub lucem deinde sensibus destitutum, exanimique similem inuenit. Accieis extemplo medentibus, nihil id interpretari aliud, nisi deliquium animi, venit in mentem. At ille hoc habitu perseverauit in vespem. Sacra diuinæ Crucis, aliorumque Sanctorum, quæ in ea domo custodiuntur, Lipsana comportata ad illum sunt: quorum ipse contactu restitutus est sibi; sermonemque, vti consueuerat, intulit; quasi nihil in eo passus incommodi. Inde porro argumento res fuit, non defectum illum fuisse animi, at secessum: quales nimirum illi crebrò inter præces, altissimas euenirent. Idemque rursus accidit eidem etiam agrotanti: quem, vt renocarent scilicet, torfere diù qui aderant. Verùm tentatis in cassum omnibus, Methymnam Campi, vnde recens illuc aduenerat, missus ex familiaribus actutum est, qui quæreret, quale illud morbi genus esset; atque, fuissetne illi aliàs Baltasar obnoxius. Responsum quærenti redditum: Abstinerent ab omni planè remedio; eas enim mentis esse alienationes à corpore Baltasari persequentes, inque dies aliquando integros perferentes.

Ex eo deinde tempore confidentius Baltasar incedere coram Deo; ad eumque in rebus suis omnibus tanquam ad Magistrum super ijs consulendum, implorata ipsius ope, ductumque confugere. Id verò pars magna illius est, quam dicimus intimam cum Deo, consuetudinem, præcationemque perpetuam. Quamobrem, orare, acbat ipse, est animum in Deum attollere; suasque cum eo, res omnes familiariter, reuerenterque, ac maiori cum fiducia, quam suauissimi cuiusvis erga suam Genitricem filij, communicare: atque tunc omnia, summa, ima, diuina, humana, maxima, minima, suo cum Magistro, Dominoque transigere; animum illi explicare totum, nullaque retentâ re prorsus cessare; ærumnas illi suas, sua errata, sua vota, reliqua demum, omnia aperire: cum illo æquè recreari, oblectarique, atque

amicus cum amico, cui fides; quem suarum rerum omnium con-
scium efficit, bonarum item, & malarum.

Thren. 2.
19.

Atque hoc illud ex diuinis oraculis est, *effundere sicut aquam cor ante conspectum Domini*: non ut oleum, quod vasi aliqua sui parte adhæret; sed ut aquam, quæ tota in totum effunditur: ante Deum scilicet non grauioris modò, sed & leuioris momenti rebus vsquequaque prolatis. Etenim cum omnimodis Prouidentia diuina nos regat; neque boni quicquam agere, magnum æquè, ac pusillum sine illius opè possimus, sapientis animi est, res ad vnum omnes expedire cum Deo; quo ex vno secundi illorum pendent euentus.

§. II.

Matth. 7. 7.

EX hac frequenti cum Deo consuetudine alia etiam in eum deuota sunt dona, rebus in salutem animorum benè gerendis maxime opportuna. Inter hæc verò præcellit fiducia, efficacitasque summa in petendo, obtinendoque à Deo quicquid sibi item ac proximis conducere: quod ipsemet suo in libello sic asserit; Me, ditantem se nonnumquam in precibus ea Christi Seruatoris verba, *Petite, & accipietis*, didicisse ex alto, nolle Deum in petendis muneribus parcos nos esse; quin paritatem hanc instinctu Dæmonis suaderi. Cumque aliquando aliquid peteret pro quo, piam indigente, admonentem audiret. *Cur tu parcus in petendo es, si Deus est in largiendo munificus?* quasi ipsi auctor is esset, ut pro egentibus etiam alijs flagitaret. Successum aliàs in re quadam exposcens, in hæc verba responsum accepit: *Ego tibi tanquam Rex adero*. Quod & tunc, & aliàs illi persæpe sic accidit: Ardore nimirum tanto in rebus quibusdam arctioribus orabat, ut ante quàm à precando surgeret, prouisum ijs esse remedio certò sciret: siue ex manifesta Dei significatione; siue ex aliquo interiore afflatu, rem illi certissimè affirmante; qui auctore Cassiano, index est auditiæ precatationis à Deo. Cuius deinceps rei perplura subiiciuntur exempla.

Id etiam temporis quicquid illi doctrinæ scientiæque deerat, quam assequi nempe suo ipse conatu nequiuera, à Deo Baltasar accepit. Hoc & ipse in suo sæpius laudato commentariolo innuit: & planè etiam affirmavit Ioanni Pinedæ, qui ex Ouertensis Collegij Salmanticæ Sodali nomen Societati dedit; donatusque laurea Iuris vtriusque, ad Philosophiæ, Theologiæque studia aggredi exhorrebat; ratus ibi conatus suos carituros esse successu. Illum verò confirmaturus Baltasar, adfore Deum, defectumque industriæ sup.

suppleturum affirmans, clam illi, tacitèque narrauit, anxium se, tristemque aliquando fuisse, quòd affatim inter studia, ac multariam occupatus, sacrisque deinde initiatus, quantum oportuit operæ rei literariæ non nauarat. Quare ad Societatis ministeria, concionandi, Confessionesque excipiendi, Scholasticarum artium exislimabat sibi defutura præsidia: cum sese tamen diù multumque exercuisset in precibus, insolita repente luce quodam die mentem sibi imbui persequisse; qua Scholastica effata, thesesque Theologicas clarè, dilucidèque ita perspexit, ac si complures diù annos curam, operamque summam in earum studia contulisset: ex eoque tempore infixas eas sibi hæsisse menti tam altè, ut nunquam deinceps senserit sibi se, velut ante, deficere. Graui etiam alij ex Societate viro affirmauit, donatum se à Deo fuisse intelligentiâ diuinarum Scripturarum, facultatumque Moralium; ab eoque, quotali munere auctus est, die, metu illo vacuum se fuisse, quo agebatur, nisi perdocti viri parata sibi copia esset, quem posset illico inter obiectas, obortasque sibi difficultates pro re nata consulere. Cumque id ipsum aliàs in sermonem incideret, In me quidem, aiebat, neque ingenij multum est, neque studij; verum piorum hominum consuetudine, lectione Sanctorum Patrum, assiduoque precum vsu, factorum Codicum sensus intelligere, beneficium mihi Numen indulsit.

His porro verbis triplicem complexus est fontem, vnde scientiam spiritus hausit, ad intima, spiritaliaque pernoscentia: Sanctorum nempe lectionem, qui ea experti, scripto alijs tradidere: communicationem cum ijs, qui eadem sentiunt, atque experiuntur: precationem denique, & consuetudinem cum Deo; quæ præcipua cum primis fuit, cum illud fastigium tenuit, in quod id temporis euectus est; non ex huiusmodi rerum, quanquam præsignium, facto solum periculo, sed ex eo lumine, quo ad cognoscendas, discernendasque illas, à Deo fuit imbutus. Ea porro lux Prophetici luminis instar fuit, quæ, affirmante Gregorio, cui Thomas ad stipulatur, duo, quæ diuina, Deique vnus sunt, palam facit, arcana cordium, & futura. Vtræque muneris huius parte suum hunc Deus famulum decorauit: Eorum nempe, quibuscumque Baltasar agebat, ad eos tutius dirigendos, arcana interdum illi animorum aperiens: (diuina verò vaticinia, cum soleant enunciari per Angelos, Tutelares hi quædam Baltasari, quæ illorum intererant, indicabant:) Interdum & futura eidem, & à nostra voluntate pendentia deuelans; quorum euentus certissimò Baltasar affirmabat ijs, ad quos res ipsæ spectarent. Horum exempla capite insequenti dabuntur.

*Hier. 1. in
Ezech. 2.
1. Cor. 14.
Isa. 41. 23.
D Th 2. 2.
q. 172. a.
Dionys. c. 4
de celest.
Hier.*

CAPVT DECIMVMSEXTVM.

*Mira quaedam Methymna, & alibi per Baltasarem gesta
cum proximis, præcationis vi, & notione arcanorum
pariter, ac futurorum.*

Q Vanquam Baltasaris dimissio Abulâ Methymnam, atque in alia subinde Collegia, nostrorum primò openi, frugemque speñabat; Viri tamen caritas nequaquam continebat sese intra domum, interque domesticos; verùm ad extrarios etiam, excurrerebat: in ijsque egregios edebat fructus, præsidio gemino, precum, allocutionumque de Deo: ea etiam ad frugem animorum adijciens, quæ ipsi fuerant indicata diuinitus. Horum hic omnium egregia quædam proferemus exempla; ijs antea commemoratis, quæ cum multiplici hominum genere gessit, quibus planè ipsius animi decora ostenduntur.

§. I.

A Tque ut exordium à præcatione ducatur, telum hoc erat præcipuum, quo contumaces oppugnabat, expugnabatque animos; sicubi haud satis valerent colloquia, & rationes: quibus tamen vim ipse mutuabatur à Deo. Memorabilia enim quæ cum proximis Religiosis item, & communibus egit, cæpta ab illo, perfectæque sunt, precibus: vna quandoque illarum ope, suis aliàs industrijs, conatibusque collatis; ut exempla docebunt.

Methymnense Societatis nostræ Collegium extrarius adierat diuinis Ignatij meditationibus vacaturus; eoque consilio, nomen ut Societati daret. Veterator tamen infernus, quem insomnem scilicet ea cura coquebat, quarto die tanta liberioris vitæ cupiditate illius animum impulit, perpulitque, ut manus ille dederit: tradentique sibi pias illas exercitationes, velle se abire, denunciauerit. Rationibus hic agere cum eo cœpit, suafurus impulsione illam, ad ipsum euertendum, hostis esse vaserim. Multis, tamen profecit apud illum nihil. Rem proinde omnem Baltasarem eius Collegij Rectorem edocuit. Hic verò orauit hominem, vellet ibi, rogatur nimirum suo, ea nocte in insequentem lucem persistere. Restitit verò ille, reuerentiæ causâ, qua summa Vir sanctissimus colebatur ab omnibus; veritus nempe, ne pœnas Deo daret ultiori,

nus Baltasaris postulatis annueret. At hic restā confugit ad preces; corpore tamen antea asperimis diū flagellis strenuē onerato: tota deinde nocte Deum obsecrans, vt impulso illi, lapsoq; opem suā lucis afferret; eamque tenebrionis inferni caliginem ab eius mente diffaret. Audiuit orantem Deus, ardore motus, fiduciaque perentis: sui que vigilantis famuli causā, remedium constrato illi attulit dormienti. Efferatorum enim sicariorum par per speciem ille vidit in somnis, ad Collegij ianuam opperientium sese; pugionibusq; strictis in iugulum, rem se confecturos affirmantium, si pedem ex eo vestibulo extulisset. Somnium hoc à Deo, tutelarique hominis Angelo immissum fuisse, euentus palam ostendit: solutus enim somno est, à metu sic trepidans, tamque à se diuersus, & alius, vt impatienter, & anxie diluculum expectaret, supplicem sese ad Baltasaris genua aduoluturus: aduoluitque porrò; cooptationem in Societate precibus perquam enixis efflagitans: & cooptatus post exacta exercitia est, permulto animi sui fructu; perlititque deinceps alijs etiam plurimis per sua ministeria fructuosus. Hæc ipse deinde narrauit; ac rei euentum acceptum reculit precationi perefficaci Baltasaris.

Neque verò minori miraculo fuit res in eodem acta Collegio cum Tyrone. Is enim malo adactus impulsu, vt ad Carthusianum Ordinem ab Societate discederet, consilium perducere decreuit in exitum; facilem sternente, monstranteque viam præstigiatore inferno, vt vtrumque illi bonum eriperet. Etenim per ætatem, cum, statò tempore sub noctem, domus ostia clauderentur, abdidit ille sese in hortum; perque parietem enixus, euasit: vespertinus, vt in Societate sit, cubiculorū Visitor sensit nempe desiderari Nouitium; remque adeò suspicatus, Baltasarem adiit naui Pastoris instar, in gregem suum, precibus agentem excubias. Hic verò audita re, in Ædem eius Collegij diuinæ Genitrici sacram adiuit, flagellisq; vt solebat, corpore primū cæso, noctem deinde omnem precibus dedit: Deum, Deiparamque etiam, atq; etiam rogans, errantem eam ouiculam, cui scygius inhiaret lupo, ab eo secum pertrahendam in tartara miserarent. Tantum rogatu valuit, vt non exorauerit modò, sed indicatum amplius illi fuerit, ex eo illum periculo, & verò perquam formidabili euasurum. Deuius enim tyro, præproprio incedens gradu peranxius (videbatur enim sibi instantes à tergo, iam iamque comprehensuros hostes aspicere) mediā speratā iam viā, diuisam huc illuc mentem, graui cogitatione suspendere, secumque perputare cocepit, in Anagi, quò tendebat, Cœnobio à Carthusianis fidem sibi nequaquam habitum iri. Quæsitura enim, vnde profectus ē

in-

intellecturi erant, transfugam se esse Societatis : eoque nomine ipsum neutiquam admissuros . Religiosas alias adire familias , difficile ; redire verò ad liberam , communemque vitam , turpe scilicet videbatur . Progrediebatur interim , donec ad impositum flumini pontem in ipsa via deuenit . Hic verò miserum perditurus erupit prædo tartareus ; viam menti suggerens paratam & facilem , ad sese in loco ex tam multis ambagibus explicandum : ageret porrò , seque fluuij præcipitem è ponte daret , ac mergeret : vnoque iactu omnia mitteret in compendium . Cum hæc desperandi tentatio animum magis magisque fluctuantis impelleret , Pastoris sanctissimi præcibus , eas inter tenebras , exorata à clementissimo Numine rimula diuinæ lucis est , quæ reditum illi ad Societatis Collegium , vt persuadebat properum , ita facilem monstrabat . Id enim noctis cognitam fuisse nemini suam domo absentiam ; reditum patere in hortum , eandem , quâ exitum quæsiuerat , viâ , antequam cætera domus ostia panderentur : ijs verò parentibus , domum clam inire se posse , nullo spectante , ac teste . Res hæc , vt illi ante perardua , ita tunc adeò visa facilis est , vt eam exequi certo , continuoque decreuerit . Et verò suo ipsius , immo Custodis Angeli , à quo iniectum illi fuerat , consilio respondit euentus . Mane idem ille , qui abesse eum senserat , vbi præsentem vidit , rem Baltasari nunciavit . Eam verò ille compertam sibi iam esse respondit : summasque Deo egit idcirco gratias . Paucis post diebus Tyrone[m] accersijt : atque hic disertè , planèque seriem rei omnem exposuit : animoque deinceps tranquillo perinde fuit , ac si nihil ipsi tale vspiam euenisset . Argumento sanè diuinæ erga Baltasarem beneuolentiæ , eius postulatis non annuentis modò , sed ad omnem animo anxitudinem citiùs depellendam , exorata vota , liquidò indicantis .

Et adhuc mirum magis illud est , quod Francisco Abulensi accidit , viro nostræ Societatis egregio , qui in Hiberniam cum Claffis Præfeto Martino Padillio profectus , Clunij , vulgò Corunniæ , decessit in reditu . Operam hic litterarum studijs Salmanticæ nans , eleganti sanè forma , aptoque , ac vigenti corporis habitu adulescens , per solemnisi ieiunij dies in nostras secessit ædes , vt , quod ibi consuecte complures , animum otiosè , consideratèque , & à noxijs expiaret , & pijs aliquandiu meditationibus exerceret . Nullum illi tunc Religiosæ vitæ ineundæ consilium : post paucos verò , quàm se collegerat , dies , lumine collustratus ingenti à Deo est , quo , pluribus argumentis , sanè conficiendis , suarum interesse partium explicatè vidit , rebus humanis omnibus valere iussis , vni se Deo totum in Societate permittere . Ex verò rationes

tiones licet animum vehementer impellerent, obnitebatur tamen
 tam obſtinatè voluntas, vt inter hæc trucibus ipſe curis, angori-
 buſque conficeretur: ita planè vt è cubiculo, in quo intercludi
 ſibi ſpiritus ſentiebat, reſpirandi cauſâ, in aërem ſeſe apertum
 eiſceret. In eas adductum anguſtias Baltazar conuenit in tem-
 pore; animauitque ſcilicet, ac recreauit; ſuas illi, domeſtico-
 rumque deprecationes pollicitus apud Deum. Orantis ea vis fuit,
 vt breui exanimato illi animos Deus ad diſſicilates, quæ adper-
 ſabantur, omnes peruincendas addiderit; magnoque ardore ſi-
 mul, ac ſletu Socijs ſe decrerit adiungere; & omnem cum ijs, quæ-
 cunque deuoranda demum eſſent) vitam perieueranter exigere.
 Ergo cum primùm ad pedes ſeſe Chriſti Seruatoris abiecit, eique
 torum ſe viam hoſtiam dedicauit, adeò ſibi immutari animum
 ſenſit, vt diuini Numinis opus illud eſſe planè cognoceret. Iam-
 que non anxijſ torqueri curis, ſed liquidiffima voluptate perfun-
 di; inſolitaque, ac intima cupiditate ineundæ Societatis ardere.
 Redijt viſitatum Baltazar Iuuenem: reque ab hoc tota, vt geſta
 erat, expoſitâ, vultu ille perſereno, Immortales, inquit, muneris
 tanti nomine, Deo gratias agamus. Noram equidem ita fore:
 Quemadmodum Elias dixit ad puerum ſuum, vt aſcenderet, & pro-
 ſpiceret contra mare, an aliqua inde nubes exurgeret; iuſſitque illum
 reuerti ſeptem vicibus; in ſeptima autem vice dixit puer: Ecce nube-
 cula parua quaſi veſtigium hominis aſcendit de mari: aitque tum Elias:
 Aſcende & dic Achab: iunge currum tuum, & deſcende, ne occupet te
 pluuia. Et ita factum eſt: nam cum ille ſe verteret huc atque illuc, ecce
 celi contenebrati ſunt, & facta eſt pluuia grandis: Non ſecus ipſe fu-
 turum ita & hoc eſſe præſenſeram. Hoc tu interim tuum apud ani-
 mum cæla. Quæ ſanè verba, id à Baltazare precibus exoratum, ip-
 ſique diuinitùs indicatum docent. Rem porrò Franciſcus idem,
 ſcripto teſtatus eſt: ſuoq; ex Socijs cuiſpiam familiari iterum adie-
 cit, eſſlagitatâ iam à ſe cooptatione in Socios, eâque à Baltazare
 impetratâ, mali Genij inſtigatione ſæuiſſima, voti ſe, poſtulatique
 poenitiſſe: meditantemque ſe ab eo ſeceſſu abitum non puden-
 dum, cauſatum cognatos, & quædam cum ijs negotia explican-
 da, veniam à Baltazare petiſſe: At illum reſponſiſſe contra: So-
 pitet tibi viam Deus: atque velut ipſe, quid acturus ſis, delibe-
 rando ſpatium queris, ita & nos, quid è re noſtra ſit interea, conſul-
 tabimus. Suam innotuiſſe Baltazari mentem ex hoc ille reſponſo
 intellexit, adeoque reſiſtere ibi conſtituit, donec in Societatem de-
 nique admiſſus eſt.

§. II.

HOC ex ijs fuit alterum, quibus mirificos cum proximis Baltasar edidit fructus; arcana cordium eruere; nullo sibi eorum facto ante à quoquam indicio; sed Deo scilicet ad destinata providentia suæ consilia commoſtrante: quorum hic illustria subiiciemus exempla. Primum esto Francisci Reynosij Cordubensis Antistitis laudatissimi; qui ab vrbe redux; sacerdotiis ibi auctus amplissimis, dies aliquot sententia nostras fecessit in aedes, daturus operam spiritualibus Societatis Exercitiis, quò & suæ ordine, & seipsum vitæ perquam emendata componeret. Petenti-que virum, quo ad id iuuaretur, idoneum, Baltasar attributus est, eiusce pij muneris experientissimus item, ac solertissimus. Hic verò die quodam à prandio, remotis arbitris, quasi ipsius animum introspiceret, legeretque, cogitationes omnes, & consilia, quæ ab Vrbe secum abstulerat, quicquid demum ipse secum versabat, distinctè ac singulatim exponere. Ea res tanta perculit admiratione Franciscū (quod ipse deinde affirmavit) vt lachrymis largè perfusus, totum se illi permiserit, quò de omni vitæ suæ serie, eâ, quæ in maius Dei obsequium verteret, formâ, arbitrato suo decerneret. Ab exercitijs tantum studio orandi profecit, vixitque deinde moribus, sumptibusque ac pompis adeò castigatis, vt probi, probatique exempli odore notos omnes afflauerit: complurium etiam egenorum emolumento, in quos, cum stipe, suam etiam opem largiter erogabat. Deinceps verò Palentiâ, vbi sedes illi erat, Villagartiam, in qua domicilium erat Baltasari subinde ad eadem repetenda exercitia proficisci: vberimos semper efficiens in virtute processus, ingentiaque diuinæ largitatis dona in Baltasare maximoperè suspiciens.

Iam verò, in ijs, quorum & confessionem excepit, & consuetudine multa vsus est Methymnæ, Helena Quirogiæ fuit Gasparis Cardinalis Quirogij Toletani Archiepiscopi ex fratre neptis; quæ inter Discalceatas Moniales adscripta, vitam cum ijs egit, peregitque sanctissimè. Hæc verò duo secum acta per Baltasarem, vtrumque certè memorabile retulit. Alterum: eius, inquit, verba suo cordi altius, quàm cæterorum insigi, ijsque accendi se, lacrymarumque vi vberiore moliri consuevisse. Et me, semel, inquit, ad mea collacrymanda crimina plus centies impulit, quàm eadem aliàs in omni vita deflessem. Hic verò sensus in dies aliquot perduravit, dum ille ad me redijt, remque mecum gestam à me fuit edoctus. At ille, collaudato Numine, benè est, inquit, de petra
aquam

aquam eduximus; meumque illico animum recreauit. Alterum, experiri se, quæ suæ salutis conducere, perinde se ab illo doceri, ac si, quorum maxime ipsa indigeret, plane suo in animo ille perspicere; quibus quandoque nondum à me indicatis, opportunum ipse remedium præmonstrabat. Præcipue verò adeunte me illum semel cum graui mole curarum, id ipse antequam effari quicquam inciperem, in ipso sensit accessu; eiusque prima vox „fuit; Agedum, Domina, bonus vertitur annus: larga messis „erit: aduersa cum patientia grandia comportant bona. Ariditatem aliàs in orando conquesta, nondum eloqui aggressam occupauit, aitque: si bonum siccitas affert annum, annum agicamus „bonum; quo respirauit illa non parum.

Simile quid accidit alij cuidam fœminæ per quàm pia: cui, pro singulari ipsius virtute, sacri conuiuii facta quotidie potestas erat. Hanc expiare animum noxijs cupientem, geminas Baltasar expectare iussit horas. Vbi verò ad sacri fori sedem contulit se, quæ secum animo id omne temporis illa versauerat, omnia singulatim exposuit. Ex quo non ingentem solum admirationem, sed pares etiam animos pia fœmina cepit; eoque fructu benè collocatam duxit longam illam expectandi molestiam.

Hæc enim suis Administris diuinâ vi cognoscenda dat Deus, non vt illis modò auctoritatem adiungat; sed vt, quorum ipsi vel animis moderantur, vel consuetudinem ineunt, eos per hæc mira confirmet; quò largiores in ijs, suorum ipsi ministeriorum operâ, fructus edant.

Anna Henriquia Marchionis Alcanicij Soror, maxime studiosa Baltasaris, in aduersarijs ab ipsa nobis deinde permissis complura descripsit, quæ sibi cum illo mutuo intercessere. In ijs illud est rescitum ab ipsa, relatu Baltasaris: Ab eo nempe Methymnæ degente, atque à se alibi tum commorante disuncto, ægritudine, qua ipsa conficiebatur animi, intellectam fuisse diuinitus; eumque enixis, quàm potuit, precibus apud Deum egisse, vt suæ prouidentię nutu locus ipsis congregiendi daretur; quo posset opportunum mœrenti solatium impertiri. Annuit oranti Deus, itineris oblatâ causâ Henriquiæ Viro, vt cum Coniuge Methymnâ trajiceret, quanquam deuic, accessionemque viæ Henriquiâ detrectante. Difficultates tamen omnes Baltasar precibus vicit: eamque simul peccata consistentē audiuit, simul ijs allocutus est verbis, vt insolitum aliquid in illa peregerit: eius animo cælestibus delicijs delibuto tam largè, vt rogatus demum ab illa fuerit, Parceret ultra verbis: se enim capere tanta non posse. Complura etiâ aliàs prænotata sibi à Baltasare affirmavit, quibus consensit semper euentus.

§. III

Hoc verò genus præfagiendi futura alterum illud fuit, quo admirationem peperit in alijs, nobilesq; fructus effecit. Cuius multa etiam suppetunt exempla præclara, alijs alia in locis edita. Primum Abulæ cum quadam ex ijs femina, quæ apud Baltasarem animum expiabant. Ea vero ægerrima ab sui absentis viri desiderio, de quo diu iam nullus ad ipsam nuncius perferēbatur (colebat verò is etiam impensè Baltasarem) anxietudinem suam ad Confessarium detulit, ut aliquid ab eo solatium reportaret. Commodauit hic aures, utque persusam lachrymis vidit, piæ sensu generitatis inflexus, illacrymatus & ipse est: rem deinde, seque ipse respiciens, ecquod, inquit, solatij genus hoc est, lacrymis pariter indulgere? Cessemus à luctu: aduersi nihil eueniet: aderit enim certò tuus Vir intra hebdomadam. Constitit dicto fides: reuertit enim ille, quo à Baltasare affirmatum est tempore: testatque mulier est, id sibi ante fuisse à Baltasare indicatum: Indeque diuini obsequij desideria deinceps ardentiora concepit; gratiasque simul egit immortalis Deo, quòd sibi tam sanctum animi sui Parentem, & Confessarium obtulisset. Ipsi etiam eiusdem feminae viro simile quiddam euenit; ab illo nonneminis ex Societate narratum; apud quem, Abulæ profecto Baltasare, sacram exhomologesim obibat: de quo cum esset sermò, sic inquit: O virum illum! quàm Sanctus erat! eiusque verba quanto ardore animum, incendebant! illum ego mœrens aliquando conueni, quòd mea locutus diem, ut ego rebar, obierat; atque ab acceffito pollinēdore tunc aderam! angēbar verò maximè, quòd ab ea quadam plurimū momentū explicata non fuerant. Erexit ille me, eam nondum decessisse, ipsique declarandis copiam temporis adfuturam, affirmās. Secura res est: confidentior enim ab eo colloquio domini redij; vitam comperi; tum illa singula, quæ optabam exposuit; animam deinde placidissimè, columbæ instar, efflauit. Hæc ab utroque narrata sunt coniuge: eorumque solatio illa patefecit Baltasari Deus, quæ ipsorum animos eas inter anxietudines permulcerent!

Aliud non minus profectò mirum de se retulit Sacerdos in Sacerdotio gratissimus. Tacitatus hic animo, quòd se prouectum iam ætate doctibus, ad proximos pro Institutū nostri ratione inuadendos, cassum aspiceret: fluctuationem hanc indicauit sæpe Baltasari. Perstante tamen illa, nec ipse ea super re Baltasarem affari ultra iam audens, obuius aliquando illi in ambulatione Collegij, tristis atque expēs ait: Pater, hæc cura vsque me coquit. Cui Baltasar:

Præ-

Pro filia ne haberi in Societate existimas ad salutem? Affirmante illo, sanctissimus vir intulit; Atqui non te solum, sed & plurimos adscribes tua ope saluti: tibi in Societate ex animo, ac bene erit. His anxietudo depulsa; & quæ Baltasar diuino impulsu præstigijs, habuerunt euentus: strenue enim defunctus ille suis muneribus est in nostro Salmanticensi Collegio: ubi regimen obtinenti Baltasari alia horum similia, quæ suum in locum consulto reijciamus, euenere.

CAPVT DECIMVM SEPTIMVM.

Piarum allocutionum vi in plurimis mortalibus tum Religiosis, tum communibus fructus edit amplissimos.

Alterum, quo, ad quæstum animorum; Baltasar utebatur, præsidium, vis ipsius erag, ac spiritus in pijs cohortationibus. Quamquam sanè diuini prouidentia Numinis, cuius consilia in diuidendis animi bonis, donisque celestibus, arcana sunt admodum, eâ dicendi è superiore loco facultate, ac suadâ illum minimè exornarat, qua Concionatores permulti sunt præditi: ut esset nimirum, quo etiam nomine se ipse submitteret, alios æstimaret: adeoque pro sui animi modestiâ à concionibus ad frequentiorum populum habendis abstinuit. Vacuitatem tamen hanc dotis suppleuit Deus, laudatissimos Concionatores, eoque munere fructuosissimè defungentes subinde illi submittebat; qui cæteris hominum, quibus Baltasar innotesceret; ad Collegium mira celebritate pertraherent. Regimen igitur capeffente illo Collegij Methymnensis, eò ad concionandum missus est Ioannes Sancius, præcationis adeò excelsæ suauisque munere decoratus à Deo, ut affirmantem quandoque illum Baltasar audierit; si quicquid volupratum, & gaudiorum Deus in terris protulit, ac diuisit, in vnum colligeret, efficeretque perpetuum, vtrò se cum impertitis è Cælo sibi horario quadrante delicijs permutaturum. Rursum, si mortem se oppetiturum non esse ad diem vnū integrum certò sciret, satis hoc fore, ut dolore enecaretur. Hinc verò magnitudo appareret amoris quo æstuebat in Deum: tot enim ac tantis in vita è Cælo recreatus illecebris, adhuc eius, in quem tanto ferebatur affectu, videndi fruendique desiderio sic ardebat, ut cruciatui tanto futura ipsi esset illius ad diem vnum certa prolatio. Quamquam deinde Deus cariorum sibi animos in ijs gaudens cohibere magis, ac frangere, quæ etiam cariora sunt illis; quorum proinde sensus est

est acrior; amarulentam hanc curam dedit Sancio exorbendam; diem illi horamque supremam explicare scilicet longè ante denūcians. Adnotatumque ipsius manu in suo statarum precum codice compertum est: Hoc die, hac hora è vita discedes: vide què, admodum eam nunc exigas. Atqui sic illam exegit, vt preciosa morte concluderet. Vir hic longè sanctissimus summa vsus est familiaritate Baltasaris: deque diuino illius spiritu tam altè existimauit, vt Tyrocinium sub illo ponentibus discitaret, Magistrum non præditum virtute, sed virtutem ipsam habetis. Congressi quandoque ambo, in pijs de Deo sermonibus tantas in se amoris diuini flammās mutuò excitabant, vt extrario Lègum peritò, qui colloquentibus nonnunquam interfuit, in Séraphycas mentes flammatis euasisse vultibus viderentur. Hoc ardore mutuam sibi opem in animorum procuratione ferebant: Sancio quidem ardentissimis concionibus, confertissimum ad audiendum populum pelliciebat; insolitos, egregiosque fructus edebat in plurimis; aliosq; abnormibus à vitijs, atque illicitis à consuetudinibus auulsos mirificè sanè vi adiungebat Deo; alijs verò perfectioris vitæ studio: sis ad progressum calcaria admovebat. Horum verò præcipue arctiorem necessitudinem Baltasar inibat; piisque de Deo colloquutionibus ijs animos, & animis flammās addebat: coëuntibus quandoque permultis, vt differentem ipsum audirent in Templo; ipso quandoque priuatim singulos alloquente; eo tamen seruore semper ac spiritu, vt eos penitus immutaret: atque, vt superiùs affirmatum est, veluti cælatura ignis ac mallei in virtutibus elaboraret, atque perficeret. Lucem veritas ab exemplis accipiet.

Ab Societatis nostræ grauiori Patre dictum accepimus, curæ vir nobilis ægrotaret ab infano amore mulieris, quam adeò efflammam, ac miserè deperibat, vt maligna ea cura vitam illi denique obstinato morsu perederit; diuinæ providentiæ nutu factum esse, vt per hanc ægritudinem egerit cum illo Baltasar, verborum, argumentorumque vi tanta hominem allocutus, vt ea in illius cor altè defixa, quādiu vixit, vices ibi mucronum gesserint, ac tormentorum. Cum enim eā turpi flammā deflagraret, affirmareturque illi certò vitæ incolumitas, modò furiam illam cupiditatem expleret, præmori maluit, quàm admissio scelere offensos habere Deum, & homines. Ratum profectò, mirumque; eiusque ardoris index, quo Deus verba imbuebat illius, qui viro illi nobili tantum è Cælo indidit ignem, vt eo impuri amoris tantum inhiberetur incendium. Hinc quoque fit palam, quàm verè omnis fortis est vt mors dilectio: ac casta piaque, ne spirituales gratiæ vitam amittat, mortem ipsam admittit, & mauult.

Eadē

Eadem vi Methymnæ aliorum etiam puberum opibus viribusque pollentissimè in tantum animos immutauit, ut se in nostræ Societatis Ordinem aggregarint; alieni tunc adeo ab hac mente, ut in hastiludia magis, & equestres alias exercitationes sua studia curasque conferrent, quam ullam animo imaginem religiosæ obedi-
 dæ vitæ susciperent. Ex eo campo, viaque Gabriel Duennius vocatus à Deo est; ac deinde germanus eius Bernardus Duennius: quorum inexpectata vitæ mutatio, & in Societatem ingressus exem-
 plo longè optimo oppidum illud vniuersum exciuit. Quo in Ordine vitam ambo duxere, ac Deo reddidere, præstanti patientiæ, & Christianæ humilitatis exemplo, per valetudinem utrique semper incommodam: sic ut permulti, fonticique morbi, quibus Bernardus præcipuè ab vsque Tyrocinio affectus, confectusque est, illius labefactare animum, aut proclinare nequiuissent ad abdicas-
 semel delicias repetendas: malueritque in domo Dei per dolores, & cruciatus, cum contemptu sui, iacturaque vitæ perire, quam inter voluptates, & commoda in ædibus degere opulenti, & claris.

Complures etiam inibi mercaturam, aliaque negotia luculenter, ac prosperè exercentes lucratus est, & adiuit: quibus, tot inter exteriores curas; curare intus animum, precibusque, & consuetudini cum Deo vacare per diem aliquandiu persuasit. In his Ascensius Gallianus fuit prædiues ille cum primis, ac præpotens; quem in præclaræ virtutis exemplum suo Baltasar vsu perduxit: tantumque in precum studio, ac diuina familiaritate promouit, ut affirmaret ille, se quidem IESV Socijs non precationem, sed obedientiam inuidere. Cum primùm enim se à negotijs explicuerat, in domesticum Oratorium renocabat sese, aiebatque Deo; Adsum hic, ut tecum, Domine, conquiescam. Contra Deus affluentem illum, cælestibus delicijs immergebat. Sed cum parcius tamen adhuc frueretur thesauro Religiosorum hominum, quibus agere licet omnia nutu, ac ductu sui Præpositi, Institutoriisque tam prompti, id ille, qua poterat ratione, diligentissimè compensabat: Confessario nimirum obtemperans, largamque stipem erogans in egentes: atque ita, opibus amicos sibi conscribens, qui, cum deficeret, ipsum in beatas Cæli sedes exciperent. Inter cætera, quæ in piam eleemosynam elargitus est, causâ Baltasaris, Societatis Collegium pretioso pariter, elegantique Eucharistiæ tabernaculo donauit, ad eius sacrosancti mysterij, quod amore summo, cultuque prosequeretur, solemniores dies splendide recolendos. Annumerari & aliæ possent hic in meliorem frugem eius generis hominum immutationes: sed consimiles cum sint huic, abstineo. Vnum ramen pro-

proferre libet, qui cum animum osiduario, secessu ad spiritualia exercitia contulisset, tantum lucis haurit à Deo, ut, quo vivendum modo sit, ad eum diem ignorasse, atque tunc id primò intelligere sibi videretur. Negotia enim antehac implicatum, confusumque ipsum habuerant: animum deinde à precatione hauserat expeditum & liberum, ita planè, ut in ipsa negotiorum turba quietem otij retineret.

Hoc spiritu, atque hac consuetudine planè caelesti plurimos variorum ordinum homines lucrabatur: ijque ad habenda cū ipso colloquia, nostras ferè ventitabant in ædes: ipse verò eos subinde semel in hebdomada modò hunc, modò illum conueniebat, visebatque domi: atque ita, exeunte annò, partibus suis cum vnoquoque non deerat. Itabat ad eos præterea omnes, qui cum ipso communicare quicquam de conscientia vellent; seu vbi ipsorum animi ac salutis intererat. Mirum sanè hac super re illud est, quod Baltasari accidit cum honesta, piaque muliere, quæ causâ sui in virtute processus, cuius erat appetentissima, nostrum frequentare Templum auebat, ut ibi apud statum Confessarium animum expiaret. Experimentum enim ex hoc aliquoties ante iam sumperat, sui se pij voti cumulatè ibi potiri, Eius tamen vir, & cognati Societatis interim aut osores, aut certè parum amantes, repugnare illi: quam si quandoque eò se contulisse reserient, contumeliosè illam verbis item, ac rebus accipere. His ut obuiam piâ mulier iret, diuino certè afflatu Baltasarem adiit, rogauitque, suum ut Coniugem domi semel inuiseret. Annuit Pater: at illa conditio die, aduersantes sibi cognatos omnes conciuuit in domum: mox factò iam cœtu, Baltasar intervenit: consalutatisque primùm omnibus, sermonem deinde intulit de Deo, usque argumentis, quibus per quàm dignissimus Deus est, cui nos impensè ac feridò obsequamur: tamque ea de re aliè, tanto cum ardore, ac vi verba fecit, ut lacrymas ex omnibus sibi circumfusus expresserit; eorumque animos immutavit; ac Societati eorum volùtates peramanter adiunxerit: itâ planè, ut deinceps non solùm religiosæ seminæ votis aduersati minimè sint; verùm ejus exemplum secuti, sacram exhomologesim, diuinumque coniugium crebrò deinceps obire decreuerint.

Et adhuc prodigiosius religiosam familiam, cuius norat ipse nonnullos, per occasionem, in itinere, mutauit. Rogatus enim ab ijs, ut pia cohortatione simul omnes alloqueretur, allocutus pro votis est: & verò vi tanta, ut ad vnum omnibus osiduarum secessum ad spiritualia Societatis exercitia, meditandi, legendi, seseque introspectiendi persuaserit. Substitit verò ipse, annuente Provinciali Præposito, ut eos dirigeret interim, ac iuuaret. Quibus

ab exercitationibus, pijsque Baltasaris per eos dies cohortationibus tantos illi habuere progressus, vt qui Prouinciæ ipsorum præerat, vir spectatissimus, rei famâ permotus, ad eos visendos, quæque ibi agitabantur visu cognoscenda, confessim sese contulerit. Tantum verò secessum omnium, silentium, legum ac disciplinæ custodiam intuitus, veluti prodigio percussus obstupuit: quos vt cœpta promouere pergerent adhortatus, Baltasarem deinde conuenit, eique se ac suos quàm obsequenter obtulit, ipsius discipulis annumerari se cupiens.

Hæc verò prodigia sunt, quæ summam præpotentis Dei vim, eorumque sanctimoniam, per quos hæc ille præstat, indicant planè, mirificæque commendant. Hæc illa sunt, Cassianus inquit, in quibus Deus verè magnus apparet, cum cor aliquis aut suum, aut aliorum aspicit immutari, fierique ex superbo submissum, ex auaro munificum, ex molli seuerum, ex languido, tepidoque vicens, ac feruidum. Quin etiam maiori quodammodo miraculo est, tepido cuiuspiam ardorem injicere, quàm ad bonam frugem nequam hominem reuocare. Nequam enim improbari omnibus suam improbitatem intelligit: persuasumque habet, nisi resipiscat, perditum iri se: at verò tepidus tutò se, etsi lentè, ingredi arbitratur: quare „pensi nihil habet retinere teporem. Id certè Bernardus Religiosis „quibusdam viris in hunc modum immutatis asseruit: Dignus, „inquit, Dei est iste, subtiliter operans, suauiter renouans, salubriter mutans; non quidem de malis bonos, sed de bonis facies „meliores. Quis dabit mihi vt transeam, & videam visionem „hanc magnam? Nec enim minus mirum, minusue iucunda ista „promotio est, quàm illa mutatio; nisi quòd multò facilius reperiatis multos seculares conuerti ad bonum, quàm vnum quēpiam de religiosis transire ad melius. Rarissima auis in terris „est, qui de gradu, quem fortè in Religione semel attigerit, vel parum ascendat. Hæc ita Bernardus. Atque hoc singulari munere Baltasarem Deus ornauit; vt sua dicendi vi non tam ex malis bonos, quàm ex bonis efficeret meliores: eos ex languido, in quo hæserant, gradu, ad citatiorem, ardentiorēque alium incitando.

Hunc eundem legebat fructum ex domesticis cohortationibus, quas, vt in Societate singulis sit hebdomadis, habebat, feriâ sextâ. In quarum prima ab initio Rectoris munere in Methymensi Collegio, tanto dixit ardore spiritus, vt visus sit vrentissimas flamas in omnium pectora iaculari. Tantusque inde perceptus est calor ab omnibus, vt ad complures menses viguerit; quem ipse similibus subinde allocutionibus suscitabat. In ijs, quibus domicilium illic erat, vir auctoritate gravis, sententiæ tamen suæ non

Coll. 1. 1.
c. 12.

nihil tenax, vna tantum aiebat allocutione, seu pia collatione, Baltasaris ita se instrui, ac moneri, vt alius planè, quàm venisset, abiret. Aliusque nonnemo par huic dedit illi sese, aitque, Pareamus huic, scilicet; multum enim vacat ipse precibus, & ipsi Deus. De actis hic Methymnæ, testificari quod ipsemet possum, illud est; primam cohortationem in Societate audiuisse me ex Patre Baltasare, sextâ ante diem Christi natalem feriâ, cum illac itineris causâ transirem. Tanta allocutus est vi, vt me admiratione defixiti aliquas verò effatus est ardore tanto sententias, vt in hodiernum vsq; diem ex mihi profuerint. Christi deinde nascêtis nocte sollemnibus operatus est sacris: vbi verò vultum ab ara conuertit ad populum, prætentam manibus diuinam frugem domesticis, extrariisque plurimis largiturus, breui sermone, sed perquàm tenerimæ pietatis sensu plenissimo, ad eius, quem ostentabat, Dei cultum amoremque cohortatus est. Id motis tunc increbuerat: visum verò deinde opportunius est in aliud tempus allocutiones hæc reijcere: atque ipse cohortationes, quas ad Tyrones Baltasar habebat, ex hoc etiam in præcipuum caput destinat reijcio.

Ad perturbatos etiam animos sedandos verbis plurimum, mirificæque valebat: ac pro auctoritate, qua erat, vna non amplius ratio ijs tranquillandis vtique erat satis: quod exemplis, quæ subijciam, alibi editis palam fiet. Accidit Methymnæ vt extrarius vir apud nos pijs D. Ignatij meditationibus animum diligenter exercens, inter æterna inferorum supplicia contemplanda, horridis demonum vultus imaginibus adeò viuus lymphata mente, conceperit, vt inter somnum species illi oblata sit cubiculi sui à monstroso illo grege prorsus infesti: inque furorem similis deliranti actus, stricto, quem secum attulerat, gladio, concubia nocte surrexerit; egressusque cubiculum, immanissimis affatim icibus obstantes vndique parietes, tanquam terrificos lemuress cæca & manu, & mente pertunderet. Cumque in Baltasaris cubiculum semiapertis forte foribus obuennisset; irrupit nempe, punctim, ac cæsum quaquauersum feriens. Agnouit hominem ex loquela Baltasar; ingressusque rem illicò, sistere illum iussit; qua voce audita simul & cognita, inhibuit se ille protinus, & quieuit. Surrexit Baltasar; prehensumque lacerto asfidere sibi iussit, eumque paucis affatus demulsi; sedatumque in conclaue dimisit.

Eius denique sanctimonix, efficacisque sermonis famâ, perplurimi tum cômunes, tum religiosi mortales exciti, Methymnam, ad capiendam ab ipso de animorum salute consilia, ventitabant. Alij quidem, quod alibi cum illo egerant: in quibus Magister Daza, Abulâ Methymnam profectus, vt ardorem in sese spiritus viri hu-

ius sanctissimi colloquijs excitaret: Alij ex ijs, quæ de illo ferebantur, adducti: atque in his Alphousus Roblius vir in sacra Carthusianorum familia longè grauissimus: qui, Pallantiâ cum traiceret, non neminem ex nostra Societate memorantem audiuit, quantum diuino spiritui, quo Deus Baltasarem imbuebat, tribueretur ab omnibus; quanta in illo facultas, & vis esset in tradendis pijs nostræ Societatis commentationibus: quibus ipse cum vacare percuferet, Methymnam ad Baltasarem conueniendum adiuit. Et verò, Me, inquit, tanquam ex beatitatis sede Angelum, negotijs occupatus licet, atque districtus excepit. Eius institutioni dies ibi sexaginta me tradidi: idque certò affirmare non dubito, etli complurium spiritu, atque virtute præsignum consuetudine sum vsus, mihi tamen à nemine factum ita satis esse, vt à Baltasare: summâ in illo, quod sensi, in Deum fiduciâ cum ingenti ardore spiritus coeunte: subiiciebatque in eam rem plura, quæ ipsi per alios aliâs cum eo sermones euenerant; eaque nos suo loco reddemus.

Æquum tamen haud fuerit tacitam hîc præterire diuinæ mentis curam in afficienda temporarijs etiam præmijs ea Baltasaris solertia, quam in Dei obsequium, proximorumque salutem sedulò conferebat; quò in id operis liberiùs, ac sine tricis incumberet. Industriam enim ad Collegium sustinendum adhibeti mediocrem necessaria illi Deus omnia suppeditabat; integrâ promissi sui fide, quo dixit, *Nolite solliciti esse dicentes, quid manducabimus, aut quid bibemus, aut quo operiemur? scit enim Pater vester quia his omnibus indigitis.* *Quarite ergo primùm regnum Dei, & iustitiam eius, & hæc omnia adjicientur vobis.* Et verò quemadmodum Baltasar Dei regnum, eiusque iustitiam, ac sanctimoniam, non sibi modò, sed & suis, ac Methymnensibus vniuersis primo loco diligentissimè conquirebat; ita, temperante res Deo, sexcentis vijs, per pias eleemosynas, xeniaque, & dona nec quæsita scilicet, nec spectata, ipsius Collegio prouidebatur abundè: vbi, in paucis tunc redditibus, nullo ære alieno conflato, sexaginta, ac septuaginta etiam Socij, multò sanè plures, quàm antea, posteaque aliâs alebantur. In rebus verò arctis diuina prouidentia, quæ vna fiducia erat tota Baltasaris, opè illi aderat tam præsentî, vt illam ignarus quâ viâ adesse tamen aspiceret.

Matth 6.
31.

CAPVT DECIMVM OCTAVVM.

Labores & pericula, in quæ, animorum causâ, sese coniecit. Tum insignia quedam, quibus plurimam suam caritatem exhibuit.

*Apoç. 11. 2.
1. Cor. 15.
31.*

2. Cor. 11.

Spiritualis soboles vnis precibus, cohortationibus, ac pijs epistolis nec gignitur, nec nutritur. Ad eam Christo adiungendam, conseruandam, inque omni virtutum genere prouehendam, plurimum subeundum est laborum, ærumnarum, atque discriminum. Quare de mystica illa muliere Apocalypsis, typum Ecclesiæ, eiusque Adinistrorum gerente sic legitur: *Et in utero habens clamabat parturiens, & oruciabatur, ut pariat.* Et Paulus; *Quotidie, inquit, morior per vestram gloriam.* Quotidianam verò mortem appellat labores, ac dimicationes assiduas, quibus ipsorum causâ exercebatur: quas & Corinthiis iisdem enumerans ait: defunctum se esse periculis in mari atque fluminibus, in vinis ab latronibus, salisque fratribus, ærumnisque aliis in fame & siti, in ieiunijs multis, in frigore & in nuditate, morbisque & infestationibus varijs. Atque in hunc modum, precibus, sermonibusque mortalium multitudinem infinitam Christi fidei, professionique Euangelicæ aggregauit. Idem & viro huic Apostolicæ sanctitatis enenit; cuius vita omnis, vnum in animorum melle negotium fuit; eam enim non colligebat precando solum, piæque alloquendo; verum etiam laboribus sese, periculisque plurimis obiectando; calcatis, vbi res poscerent, suis vltro commodis, quiete, honore, salure, ac vita quâ & destitutis openi, & merentibus solatium, & ob virtutem & agitatæ patrociniū impertiret: aduersa interim dicta sinul, & facta plurima exorbens, quod apud ipsum aduocatio esset ijs, quos erroribus abduci suspicarentur alii; serentes propterea multa ipsius nomini indecora: illum tamen nihil horum acceptis, partibusque sui muneris omnibus obeundis integrè abstergebat: quin eo nomine excitabatur hinc maxime, quod sua vi operâ Deum intelligeret, quando illi humani generis hostis tanròpere aduersabatur.

§. I.

Auspiciatum sanè horum duxit exordium ab infestis ijs, quæ plurima in tuenda sanctissima Virgine Teresa IESV, Abulæ per-

pertulit: id verò ipsamets ijs confessa verbis est, quæ nos undecimol
capite retulimus. Eaque notâ hominis in fallaciam inducî, quâ
tunc fuit iustus, non sine gravi deinde, ut suo dicendum est loco,
molestia regerminavit. Atque hic Mœthymna tempestates in illum
irruere occupationum, itinerum, ceptorumque perdifficilium,
ac laboris in Tyronum institutione tam lûgis, ac tanti, ut in de-
scriptum à se munusq̃ diuinorum cleuchum id inter alia quoque
reclerit, quòd exantlato in ea Prouincia oneri minimè succubue-
rit: cum id oppidò sit tam graue, ut, in eâ quidem sententiâ, vix
tria præterea munia, prout geri à nobis assolent, nostro in Ordine
graviora numerentur. Et verò graues licet hic morbos, lan-
guoresque perpeffus, nihil tamen vnquam de penso resequit, quan-
diu, inuioletudinis vi, illi absoluendo impar omnino non fuit. Ve-
rùm quandoquidem reliqua hæc omnis hystoria plurimis consper-
getur ætumnis, quibus salutis alienæ, suique inuneris ob eum li-
causâ exercitus est, hoc loco, veluti prologo, quadam proferam
memoratu dignissimâ; quibus ingentis suæ in proximos caritatis
excelsique animi, quo eorum gratiâ sua commoda posthabebat,
egregia prorsus argumenta. 117

Et verò insigne fuit illud, quod Salmanticæ dedit tertianâ labo-
rans, missioque bis sanguine. Accessit enim à discalceata qua-
dam Moniali proximè moriturâ, ac moriente insuper maxime,
quòd è vita, Balthasre Confessario tuo non viso, decederet, per
quem compluribus à Deo audita muneribus, eadem sibi in summo
illo rerum discrimine per eundem salua, integraque fore sperabat;
vir longè p̃s, quâquam tibi se committeret periculo provide-
bat, allaturus illi solatium surrexit è lecto; atque affirmanti va-
letudinario id plurimum ipsi obfuturum, respondit. Plurima præ-
standa sunt ad vnus animi salutem; atque solationis. Cum aures
deinde confitenti daret, ab detracto capite sanguine debilis, ani-
mo defectus est, quâ diuina illi comes valetudinarius præstò tunc
fuit, ut ille reuocato animo Virginem perire audire vsque confi-
tentem, reororororque in tantum, ut mox supremum spiritum sum-
ma cum quiete, ac serenitate mentis efflaueret. Peragrè domum
reclit Balthasar, sed, decubuit, duplicataque febris est. Atque h. c
valetudinario, in eam equidem incommodaturum tibi, Pater,
huc itum. Cui ille per placidè. Atqui ob vnus leuamen animi leuiter
omnia perferuntur. Et hinc quidem optimo: etenim si congemi-
nata febris est, con duplicata est & caritas actu amoris gemitu, Dei
simul, & proximi. Tanti verò est eâ gratiâ agere, ac pati; animis-
que proximorum seruandis sui salutem corporis posthabere.

Inique verò facerem si silentio illud inuoluertem, quod Anna

IESU narrauit eius Parthenonis Antistita, sanctissimæque Parenti Teresæ cum primis cara. Ea tunc, aliæque cum ipsa sacræ Virgines ægrotantis huius cubiculum iniere: atque id, quod animi defectio videbatur, raptum verò fuisse elati, immeritque in Deum spiritus, argumentis optimis intellexeret; non ideo duntaxat, quia tunc vultu Seraphicæ mentis imaginem præferebat; quare spectantes ipsas mirifice recreabat; sed vel maxime, quod, animo ad corporis munia reuocato, affirmauit ipsis, comparatam illi ægrotanti esse gloriam singularem; qua paucis post diebus erat vtrique fructura. Per octo enim menses, quibus eam læto morbus affixerat, Baltasar affirmauit, se magis ipsa, perfecit, quam integrâ valetudine, compluribus annis aliæ permultæ religiosam vitam professæ mulieres. Et verò credibile admodum est, ecstasim hanc fuisse, earumque consimilem, quarum capite quæto decimo meminimus: Deo scilicet obsequium ab suo ægrotante famulo sibi præstitum munerante; cuius animum liquidâ illâ voluptate perfudit, etsi corpus interea aduersa valetudine laborabat.

Quamquam verò eximie caritatis est, ad animi alieni solatium, periculosam ingrauescendi ansam suo morbo præbere; huic tamen eam arbitror præhabendam, qua quis inferni lanistæ cruciatibus obiectare sese non dubitet; vt alium quempiam ijs diriter affectum eripiat. Præstitit hoc Baltasar Methymæ erga Nouitium, qui sibi quidem, etsi bene in religiosa vita esse Baltasari affirmauit, vnum tamen adiecit esse sibi toleratu perasperum: quod tamen præ pudore eloqui non auderet. Baltasar veritus, ne malè res caderet, si eam ille rectam haberet, effari iussit. At ille obsecuturus imperio, Nihil, inquit, vllam mihi faceffit in hac domo molestiam, nisi quod tu ipse, mi Pater, in noctes singulas, postquam decubui, domesticisque omnibus quies est, meum adis cubiculum, meque tam immaniter, vt factitali hætenus, cædis. His auditis, rem Baltasar, vt erat, confestim odoratus est; eum nempe stygium esse carnificem, qui se in ipsius vultum indueret, vt ita in Nouitium efferatè deszuens illum ab religiosa domo, in qua tam quietè, ac iucundè illi erat, extruderet. Consolatus morientem est, affirmauitque certò, illum se neutiquam esse, qui talia faceret: monuitque vt infesto illi redeunti, ostiumque pro more pulsanti, responderet. Si per veniam tibi licet, ingredere; sin autem ad cubiculum abi Reddoris. In hunc modum edocùs; reddidit sese, conclau Nouitiuss noctu deinde per consuetam horam, ad suam nempe rem, virgator tartareus remeazit: pulsantique ad ianuam, alio, quàm à Baltasare acceperat, verborum ordine, Ingredere, inquit Tyro, si per veniam tibi licet. At enim Dæmon acutissime callidus, primum vbi

verbum accepit, Ingredere, antequam conditionem audiret, Si per veniam tibi licet, irrupit, Nouitiumque solito, hoc est, immanissimo mort cecidit. Mœore tunc ille, vt cum maxime profligatus, Rectorem postdie adit; remque vti gesta erat, quàmque irritum ipsius cessasset remedium, afflicus refert. Verum is vbi verborum ordinem ab illo inuersum agnouit, confirmatum monuit iterum, vt, si per noctem proximam laruatus ille rediret, ordinem etiam, retineret in verbis, ac diceret, Si per veniam tibi licet, ingredere: sin autem ad cubiculum abi Rectoris. Adfuit nempe verbero mastigophorus: verum Tyro percautus, seruata verborum serie pulsanti respondit. Quare lorarius & abstinuit ab ingressu, & ad Rectoris cubiculum ruit; suamque in illum iram omnino euomens, sauisissimam quàm potuit plagis Nouitij præstem affecit: horrifico deinde remugitu proripuit se, omnemque secum abstulit, nunquam deinceps redeundo, molestiam. Pro caritatem ingenuo spiritualium filiorum Parente, Christi Crucis amatore, eiusque cruciatuum, & dolore imitatore dignissimam! etsi enim pœnas in illum cudere homines immanissimi, artifices eorum tamen fuisse primò furæ inferorum, quibus illi tunc carnifices agebantur: quod ipse prius Seruator edixerat, *Hæc est hora vestra, & potestas tenebrarum*: quibus tradere ipse vltro se voluit, vt ab eorum nos vi, furoreque vindex assereret. Similem in modum vir hic perquam probus, ac sanctus, vt, quorum cura ipsum attingeret, ab ijs pœnas auerteret, eas pertrahebat in se. Non inferni lanistæ furorem, non eius verborum immanitatem extimuit, quæ libenter ijs cruciatum se maluit, quàm, cui moderabatur ipse, Nouitium innocentem. Atque etsi optimis etiam vijs aliis nequitæ Demonis potuisset occurrere; aut eiusmodi imperare responsum, Abesto, si tibi facultas deest; recusauit hoc tamen, & congredi cum hoste maluit, quicum Tyro congrediebatur; vt, quæ ille perpetiebatur, expertus, pugna eadem, ac tolerantia, palmam sibi eandem pareret, & coronam.

§. II.

A Cecidit & Villagartz aliquid, in quo suæ caritatis documentum exhibuit: suis nimirum rebus incommodans, vt alterius commoditati vacaret. Dominico die, ante meridiem, nostro in Templo dicturus erat ad populum: (in eiusmodi enim Oppidis id obire muneris minimè detrectabat:) fortè Cœnobiarcha S. Isidori Legionensis, cui nomen Castellano fuit, traiecit illac, Salmaticam petens. Habebat hic quæ de animi sui rebus cum Baltasæ

com-

communicaret; quem & amabat, & colebat impensè: perque illum in pijs Exercitiorum commentationibus plurimum animo emolumenti perceperat. Properabat tamen ita, ut ibi ab aduentus sui septima, ad decimam] usque non plus horam, vacaret sibi subsistere. Pependit anceps animi Baltasar; nondum enim præmeditatus erat, quæ ad populum in eius diei Euangelium de caritate dissereret. Quòd si accersentis necessitatibus aures daret, necessario sibi ad studium temporis interuallo careret: sin autem negaret, moerentissimum illum dimitteret, voto nempe tam enixò frapdatum. Re igitur Deo precibus commendata, sic statuit, ad sermonem de caritate, studium, ac præmeditationem longè optimam esse, eam primo cum egente sui consilij, ac solatij exercere: Dei verò interesse, suo tempore, menti, ac linguæ suppeditare apta, quæ diceret. Et verò euenit: tempus enim omne cum Cœnobiarcha consumpsit, ad usque semihoram, antequam diceret; & hanc extraxit in precibus: tùm de caritate in proximis aptiùs, altiusque dixit, quàm si concionem diebus plurimis, elucubratam attulisset: fides enim Ecclesiastici effato constat indubia: *Nullus sperauit in Domino, & confusus est: & quæ Dei, vel proximorum causâ dimittuntur, referunt suo commodum tempore ipsa sese cum scœnore.*

Ecc. 2. 11.

Rom. 15. 1.

Ps. 68. 19.

Denique Baltasari, Euangelij nimirum integerrimo Administro, cordi cum primis erat illud Pauli consilium aientis: *Debemus nos firmiores imbecillitates infirmorum suslinere; & non nobis placere: unusquisque vestrum proximo suo placeat in bonum, ad edificationem.* Etenim Christus non sibi placuit, sed sicut scriptum est, *Improperia impropertium tibi ceciderunt super me:* quasi diceret, Christi nauum administrum suis commodis, optatque indulgere non decet, sed illum ea spectare solum oportet, quæ proximorum salutis conducunt, quæ in imbecillibus infirma sunt, ac mendosa, ut ut molestiam facessant, conuenientius perferendo. Indulgentia hæc tamen sit oportet in bonum; neque sibi humanum aliquid, sed incitamentum virtutis, fructumque animorum proponat; Christi Seruatoris exemplo, non naturalis suæ voluntatis cupiditatibus obsecuti; sed labores, ac tormenta perpessi; pœnisque in se confectis, quæ nostris olim sceleribus debebantur. Eò ut hic sanctissimus sese ipse in labores, qui in proximorum leuamen verterent, immergebat; cœlestibus licet deliciis frandaturus esset se; quas illi frundas secessus dabat; illud Pauli usurpans: *Per omnia omnibus placeo, non querens quod mihi utile est, sed quod multis, ut salui fiant:* Quemadmodum & suis Monachis Bernardus aiebat: *Rara fatis mihi ad offerendum à superuenientibus conceditur hora.* Verùm ego scrup-

*1. Cor. 10.
33.
Serm. 52.
in Cant.
sub finem.*

pu-

„pulosius moueo istiusmodi querelas, neque vtar hac potestate;
 „(colligendi scilicet mei) magis autem ipsi me vtantur, vt liber;
 „tantum, vt salui fiant; Geram eis morem, quò ad potuero in;
 „caritate non ficta, non quæram quæ mea sunt, nec quod mihi
 „est vtile, sed quod multis, id mihi vtile iudicabo. Quanquam
 verò id consilij Baltasari, quo dictum est prudentiæ modo, propo-
 situm erat vniuersè cum proximis, eius tamen cum Tyronibus, cæ-
 terisque qui ipsius concrediti erant curæ, multò obseruantissimus
 erat: in eos enim diligentiore, vt deinde exponetur, operam
 conferebat.

Quò verò exploratius sit, quàm cumulatè Deo gratum accadat,
 proximorum causâ incommodare sibi operarios suos, quamuis id
 ipsorum consilia interpellet, historiolum hic iucundam attexam
 rei, quæ Baltasari accidit, tale aliquid præstare causanti; non, mole-
 stiam vt vitaret, sed vt operi apud ipsius animum potiori vaca-
 ret: At enim illum vi Deus adegit. Vallisoletò aliquando traiecit,
 Burgos in rem profectus, in qua momenti erat plurimum; & se-
 stinato opus erat: ea res vigesimo septimo capite veniet in sermo-
 nem. Vallisoleti tunc in domestico Mariæ Acunniæ Buendij Co-
 mitissæ seruitio habebatur dedita Deo, diuinisq; rebus ancilla,
 Stephanía nomine; gente rusticana quidem, & simplex; cælestibus
 tamen à Deo charismatibus, egregijsque inter precandum muneri-
 bus perornata. Res illa suas non semel aliàs cum Baltasare illac
 transeunte contulerat: consciaque quantum ipse apud sanctissimam
 Parentem Terefam IESV valeret, in cuius conscisci familiam
 peroptabat, obsecratum eum voluit, vt indotata (quod aliquibus
 ibi annuebatur initio) per ipsum in Parthenonem admitteretur.
 Dum inter sacrarum Virginum ministras, Baltasar inquit, ad-
 scribi vellet, & hoc porro humilitati magis consentaneum erat) suâ
 pollicitus operam est. Annuit illa: prouinciâque Baltasar rei
 gerendæ suscepit. Eam tamen permultis districtus muneris sui ne-
 gotijs, complures in dies distulit. Nunc verò de illius Vallisolet-
 o aduentu Stephanía rescituit; eique per suum Confessarium ex-
 posuit; animum aduerteret, sua res enim plusculum proferebatur.
 Cui Baltasar, festinare se tunc, ait, & iam instare discessum; ad
 eam proinde rem, carere se in præsens temporis opportunitate;
 breui tamen in reditu eam ab se transactû iri. Longiores tamen illa
 metuens moras ab recentibus, quæ suboriri poterant, fortè ne-
 gotijs, Confessario ingenuè, explicatèque dixit: Atqui aures Bal-
 tasar opponit mihi difficiles; exorabo faciles apud Deum. Tem-
 plum adit, & coram diuinissima Eucharistia supplex precibus ram-
 enixis egit, vt paratum iam iam equum incensurus Baltasar, su-

bita febris, ardentissimaque correptus lecto decumbere sit adactus; atque, unde id morbi fluxisset, intelligens, Stephaniam rogatum misit, exoraret sibi febris immunitatem à Deo; seq; ad ipsius transgenda vota è vestigio concessurum. Orauit illa, exorauitque: Baltasar verò sub eius diei vesperam egit, peregitque rem totam: postmodum verò mane iter profectus est Burgos.

Providentia hinc diuini Numinis perquam suavis apparet, diuersa, sed pia tamen suorum inter se studia concilians. Hinc enim huic suæ lauit ancillæ, eiusq; rogatus suas in aures confestim ac diligenter admisit: illinc mora non obfuit, quò minus adeò festinatum Baltasaris iter, successum, ut suo loco dicitur, haberet.

CAPVT DECIMVMNONVM.

Probationis ordinem Methymnæ per quam absolutum constituit. Ipsius in Tyronibus instituendis dotes: eorumque ardor in spiritu.

Quod ad præcipuum pertinet Baltasaris decus Methymnæ degentis, quodque ipsius nomen in Societate maxime protulit, extulitque, illud fuit, Probationis domus in hac Castellæ Provincia, postquam à Toletana disuncta est, Methymnæ Campi ab ipso constituta: utroque illi imposito munere Magistri, atque Re-ctoris; ut Tyrocinij perfectam ex omni parte formam effingeret. Effinxit verò ita, ut requiri supra nil possit, pro ijs animi bonis, quibus in id erat à Deo luculenter instructus. Ac veluti Magistrum tantum mens diuina parauerat, ita & discipulos eadem prouidit, qui forent doctrinæ tantæ capaces. Quare Tyronum numerus fuit illi lætissimus: in quibus adulescentes alios nobilitas, naturæque dona præcipua; alios adultos egregiæ prærogatiuæ, litteræ etiam, & clara apud homines fama commendabant. Puerorum tamen instat reuerentiam vniuersi perquam submissè Baltasari exhibebant; in quo animorum magisterij celsitudinem mirabantur. Ipso enim, ut diximus, referente Baltasare, scientiam illi Deus ad interiorum facultatem spiritus, sibi que & alijs dignoscendam imperij; eaque in eorum, quibuscum agebat Spiritum, virtutem, gradusque perfectionis omnes, suæ mentis intuitu pertingebat, quibus quisque instructus esset præsidij ad processum in eo, quem affectus erat, gradu habendos; quibus item destitueretur; quam cuique viam Deus decreuisset, illico peruidebat. Inde totam ex vno verbo

verbo rem ingredi, aliorumque animos audire quodammodo, quæque in ijs agebantur, tanquam oculis subiecta perlegere.

Ratio in vniuersum, qua Nouitios ad perfectionem prouehabat, hæc erat. Primò, sanctissimo illos precum, diuinæque consuetudinis studio incendebat; fontem enim hunc esse diuinorum bonorum expertus norat. Quare erga ineuntes primò Societatem, constitutam legem religiosissimè custodiebat, integro nec interrupto mense, in cubiculi priuati seculu pijs commentationibus illos exercens; ijsque interea omnibus inbuens, quæ consentanea sunt intimæ familiaritati cum Deo: zunique iam prouecti viris, ubi celestis huius necessitudinis habere gultum occurrerant, sexaginta, pluresque etiam dies, in spiritalia exercitia indulgebat; quò se & arctius Deo coniungerent, & testarum lordes, ac nidorem prorsus exnerent; assuescerent solitudini, precationisque secessui; secumque viuere, piarumque suarum cogitationum societate frui condiscerent; vitæque antea memoriam omnem, & simulacra abraderent penitus, ac delerent. In orationibus illi erat, magnis orandi cupiditatibus inflammari Nouitios: si cuius non statim, communique piæ rei veniam peterent, eam esse malebat precationis longius protrahendæ; quò feruorem corde conciperent, Deique ac virtutum omnium amore flagrarent. Quanquam verò pia vota nequaquam fructus sunt orandi præcipuus, ea tamen tanquam bonorum operum fontem, plurimi faciebat; iis incensos erigens hortabatur hoc sensu, quem in hunc modum hausit à Deo. Si quæ „vota concipimus, à Deo sunt, ea qui seuit, prouocabit ut gerant, inque culmum assurgant; ipsius est triticum; sua illi dabit ipse incrementa; *Dei enim perfecta sunt opera*. Lapidem ab illo vides in fundamento locari? euge, perficiet. Auctor proinde Tyronibus erat precum, non ut finis, in quo postremò quiescerent; sed tanquam potioris viæ ad corrigendos mores, prauasque cupiditates forsitus coercendas.

Arque hæc Mortificatio alterum erat, quod ijs persuadere conitebatur, & in quo illos strenuè exercebat: præsertim verò in sui met contemptu, quò Christianæ humilitatis solida iacerent fundamenta. Tantus verò Nouitiis seruator inerat, ut apertas, occultasque artes, ac non inas, quibus possent despiciatui esse, certatim ac studiose conquirerent. Simulatis nunc defectibus prærogatiuarum, prudentiæ, litterarum, aut ijs minimè dissimulatis dotibus, quibus ornabantur; iisque, unde submitti possent, expositis; unde extolli, suppressis. Lapsi, de culpa confessim in triclinio, siue in communi cœtu, per animi remissionem à prandio, cœnaque, publicè confitebantur. Clam, palamque redargui, vul-

garique omnium auribus deprehensa in ipsis vitia; mitti item ad publicum fontem, aut macellum, ad comportandas domum aquâ, aut carnes efflagitabant; similibusque horum alijs, quorum ipsos puderet magis, cœu viri consueuere sanctissimi, exercebant sese. Vestes maximè viles, ac detritas, cibos omnium deterrimos occupare; in labore quisque alios antecellere: nemo immodicè grauatum se conqueri; sensus sub fræno modestiæ sic habere, vt ad oculorum, animi causâ, indulgentiorem vltum adigendi essent imperio: pœnis verò vexare membra tam asperè, vt, ne salutem ipsi euerterent, in ipsos aduertere oporteret. Ea denique probationis domus humanarum rerum typo erat planè, penitusq; difformis: in qua, quicquid odio profanis est, amorì erat & quæstui: contra, verò honores, atque deliciæ, quibus illi tantum tribuunt, & indulgent, non erant modò contemptui, sed horrori. Quanquam insolitas, singularesque vias ingredi prohibebantur: seruioris enim ingenui argumentum & character est, non noua comminisci, sed veterem, non deerrando, callem insistere.

Foueant hæc mirificè piz, quas diebus habebat alternis, ad virtutem cohortationes: quæque interiecto die instituebantur collationes, in idem earum, siue aliud aliarum virtutum, ac perfectionis argumentum. Tantaque in alloquente vis erat ac spiritus, vt pro voluntate animos inmutaret; eosque, quò res tunc ferret, impelleret. Abibant porrò inde Nouitij taciti, atque elingues; tremefacti quandoque, submissi, ac tristes; confidentiores aliàs, alacres, & erecti: certi tamen semper auscultare dicenti; quibus ille & ardua nempe lenierat, & eisdem sui vi spiritus ad obnitendum, irrumpendumque perpulerat. Adhæc in pijs hisce allocutionibus ea docere propositum illi erat, ex quibus intelligerent Tyrones, quid ab ipsis susceptæ vitæ, Institutique ratio postularet; quâ formâ intimâ, extimâque ad eas leges sese ipsi componerent. At hæc nos interim in præcipuum caput explicanda reiciimus.

Neque minori cum viffructuque priuatim Nouitios alloquebatur: semel in hebdomada, statâ die ac hora singulis in sermonem accitis, quò illi quidem, vitæ animique sui rationem exponerent; ipse verò quæ vniuersè docuerat, in peculiarem actum, ac rem cuiusque referret. Has verò priuatas colloctiones, munus aiebat Institutoris esse præcipuum; quibus demulceat ægros, iacentes erigat, iactatis, arctatisque sit præstò; omnesque præseas adiuvet ad virtutem; quæ ipse omnia per quàm scitè, concinnèque præstabat. Quin ad morbos animi exponendos aduentibus illum Nouitij, respondentis verba quandoque remedium præuertebat: dinino certè numine, vt plurimum apud ipsos sui Magistri vale-

ret

ret auctoritas; afficeretque sic præmio (quod Cassianus in Anachoretis aduertit) fidem, ac perspicuitatem, qua Moderatoribus suum penitus animum ostendebant. Eisdem aliàs voculâ tantum vnâ curabat. Ijs enim loquentibus, orabat ipse defixo in pendentem è cruce Christum obtutu; eumque interea suo Deus lumine responsa docebat, quibus illos mirum in modum immutabat. Et verò Tyroni semel accidit, homini quondam gerendis rebus implicito, qui & perhonestas nuptias oblatas sibi respuerat, accidit huic inquam, vt ab importunissima corporis impugnatione labem prope facturus Institutorem suum adierit, explicateque dixerit, suum se apud animum constituisse libertati suæ se reddere, in qua immunis pugnæ tam improbæ, matrimonio iunctus, vacare posset & Deo. Aures illi dedit vultu perfereno Baltasar: quo deinde ad illum conuerso, submissa voce respondit; Religiosus, & Coniux: hoccine decet? Apage sis. Abijt ille tentatione depulsa, neque illâ vnquam deinde pulsatus.

Libet in hanc rem hoc loco proferre de me ipso aliquid, quod mihi alloquenti primò Baltasarem contigit, cum, tertio anno, sub ipso Institutore Tyrocinium ponerem. Mihi enim languorem, mēdasque omnes animi mei sanè per plurimas indicanti, silentissimè, oculisque, vt solebat, in affixum Cruci Deum intentis, aures adiecit. Postquam verò fari desij, hæc ille dumtaxat verba respondit: Virtus nimirum isthæc infans est, futura quondam adultior: eam alere, & confirmare fas est. Sub hæc verba contieuit, & ipse discessi: confuso quidem animo, atque submisso; quippe conscius meam ab illo tactam fuisse rem ac: sed certo tamen inde cōsilio eam virtutis infantiam exuendi; & quicquid in me profectui oberat, strenuè contundendi: admiratus sanè quàm rectâ meum in animum descenderat; & quàm paucis remedium complexus erat; ratus sapienter, id loci submisso me magis, quàm victo rationibus opus esse.

Persuasum etiam planè habeo, quemadmodum aliorum aliàs, ita suorum etiam quandoque Tyronum animos à Deo illi fuisse ostensos; à cuius luce discebat, quæ responsa daret, quando etiam dimitteret inauditos. Talia enim eorum subinde pericula sumebat; iustosque primùm expectare, verbo deinde nec audito, nec dicto, dimittebat; eos nimirum, quos ea præditos virtute uorat, quæ asperioribus hisce ferendis, vorandisque par esset. Duo pro re, memoratu dignissima, idem qui supra Ægidius de Mata narrabat. Alterum, profectum se Methymnam secundum ibi annum Tyrocinii exacturum, fruiturumque tanti Magistrî doctrina pariter, & exemplo, conditâ sibi, velut etiam cæteris, die ac hora consciētiæ

tiā aperiendā, per septuaginta dies, quibus illic fuit, ex constituto semper adfuisse, atque ne semel quidem accersitum se fuisse à Baltasare, nec auditum; licet is & expectantē aduhereret, & eò protectum Methymnam intelligeret, vt sui de animi rebus cum ipso conferret. Ad septuagesimum diem Prouinciæ Præpositus Egidium acciuit: cui sub discessum apud Baltasarem exposulanti, quòd ne vnā quidem horā aures sibi commodasset, cum alios per tot horas audiret, illud in causa fuisse Baltasar respondit, quòd ipsius animum nulla sciret molesta tentatione vexari; secus verò eorum, quos acciperet in sermonem. Demiratus hinc est, quòd nullo à se cuiquam facto animi sui indicio, in eum tamen ille peruiderat: quæ res ipsum demulsit patier, & erexit. Rursum, Valisoleti cum degeret, matutinis horis Baltasarem adiit, vt sua cum illo vota de expeditione ad Iaponas, Euangelij disseminandi causā, conferret. Duas illum, sciens, demoratus est horas; neque deinde, patientiam nempe submiſionemque hominis exerciturus, audiuit. Rediit ille sub vesperam: postque tantundem moræ pia ipsius vota Baltasar excepit, atque: Ne te coquat hæc cura; etenim si expeditionem hanc tibi Deus annuerit, à Generali Præposito eius tibi potestas cum imperio mittetur ab Vrbe. Res cum, effato consentit: aliquot enim post annos eam dimissus in Prouinciā est; atque tunc præſagitionem optimi sui Magistri commemorat.

Hinc etiam quandoque erat, quòd deferentibus ad ipsum Nouitijs tentationes animi, & mætores, ne verbo quidem respondebat in præſens: sed commendari ab ipsis rem Deo iubebat: idem se interea præstiturum affirmans. Communi deinde cohortatione verba faciens vniuersis, singulorum vnice animo, sic inibat, vt, quos indicauerant ante, morbis consultum suo esset ibi remedio. Sicubi res verò in eas redigerentur angustias, vt ad eas explicandas minus verba valerent, vi precum, vi exemplis sexto decimo capite docuimus, opem præſentissimam afferbat.

Multò demum maxime exemplo proderat vitæ sanctissimæ; omnes in stadio virtutum omnium antecedens; nihil aut dicens, aut indicens, quod moribus in ipso non videretur expressum. Quare in ea Probationis domo tantus & ordo erat, & ardor, vt ipsius nomen magnā, clarāque famā in omnem Prouinciā peruulgaretur. Grauium auctoritate Patrum complures Methymnam pij secessus gratiā ventitabant: suarum vt virtutum accessionem facerent: nō vt Magistri n. odò tam egregij documentis & ductu, sed vt ipsius etiam Tyronum exemplo tam spectabili fruerentur. Et verò præclarus ille Concionator, cuius supra meminimus, Ioan-

nes Baptista Sancier, Salmanticæ degens, quæque in hoc Tyrocinio gerebantur, memoria repetens, discitabat; O si cui tubæ vox esset, quæ in loca Societatis omnia pertineret, ac diceret, Methymna, Methymna, Methymna! Quasi diceret, o si darentur omnibus videnda, fruenda, inque suos usus fructumque perducenda, quæ Methymnæ nunc sunt! Ardoris proinde rumor Romam usque perlatus est: ac Generalis tunc Societatis Præpositus Franciscus Borgia Baltasarem, uti postmodum exponemus, Magistrum in Vrbe dare Tyronibus agitabat: id verò cum res impediores abnuerent, geminam in hac Prouincia constitutam Probationis domum, Methymnæ alteram, alteram Vallisoleri, per alternas semestrium vices, ad feruorem spiritûs excitandum, ipsius curæ committere destinarat: quanquam ferentibus aliter rebus, ac tempore, deliberationem res consecuta non est.

Et, ne de tanto pietatis accessu locutus videar intemperanter, ac nimidè, rem meo ipse experimento confirmatam volo; quod nimirum cepi cum primò Societatem ingressus sum, paucis post mensibus, à Baltasaris discessu Methymnâ Salmanticam ad eius Collegii gubernacula capeffenda. Ex vno enim tanti in eâ domo feruoris aspectu, eâdem gliscentis flammâ, quâ illum superiore anno Baltasar excitarat, mei animi tempestas sedata terribilis est; quâ, postquam de ineunda Societate constitui, sex ad disatum ingressum menses iactatus ideo sum, quia ingenti ferebar affectu in alium Religiosum Ordinem, quem plurimi duxi semper, & dilectio. Cumque ab Dei vocatu argumentis, afflatibusque plurimis ad Societatem impellerer, tanto pugnantium inter sese cogitationum æstu iactabar, ut excruciarer animo; ac, ne disrumper, in liberum aërem, & agros, respiratum ibi, exclamatumque propellerer; ratus, alterutri familiæ nomen darem, perinde me curis per æuum omne confectum iri. Alteri enim adscriberer, eâ me cogitatio foderet, exerrasse me scilicet, inque altera melius mihi futurum fuisse. At enim quandoquidem oranti, quieto, astantique coram Deo illud mihi perpetuò obuersabatur, diuinæ voluntatis esse, ut IESV Socijs aggregarer, ijs me non sine multa animi cōtentione perdifficulter adiunxi. Verim in hoc Methymnense Tyrocinium admissus, paucos intra dies, postquam Tyrōnes aduertri, quàm serio verè humana calcarent, seque ipsi contemnerent, subigerentque; quantoque ardore vestigijs Christi Seruatoris, consilijsq; illius sanctissimis inhærerent; tantam ex mea deliberatione voluptatem cepi, ut, quod inter summa Dei beneficia resecro, neque probationis, neque alio deinceps tempore, ob eam me seu mœstitia, seu pœnitentia vnquam habuerit. Quin immò illud,

quæ

qua ratione vel vnde nescio, meæ infixum menti est, si vitam ad eam normam octo annos exigerem, in summam sanctimoniam esse me euasurum. Et enimuero: depulso enim illa errorum ex animo, feruorque spiritus, quibus à Deo nostrorum Tyronum per plures imbuuntur, si pares haberent processus, neque illi deinde inter studia, muniaque resisterent, aut resilirent, non in quemcunq; sanctitatis gradum, sed in apicem eius summum omnino perducerent. Atque hæc, ut ipse me oculatum testem de gliscente tunc in ea Probationis domo ardore producam.

CAPVT VIGESIMVM.

Tyrones nonnulli Methymnæ id temporis insignes, ac seruidi. Francisci Godij, & Antonij Padillij quædam memoratu dignissima.

RECTORE, ac Tyronum Magistro Methymnæ Baltasare, Martinus Guttierius vir sanctissimus, de quo suo loco, Rectoris item & Concionatoris munere Salmanticæ defungebatur. Hunc precationis excellæ munere Deus ornat, vimque illi adiunxerat dicendi efficacissimam; sic, ut eius vi animos vinceret, ac vinciret. Expertus id ipse sum Theologicis studijs, antequam inter Socios cooptarer, operam Vallisoleti nauans. Ingressus enim aliquando Professorum Societatis Templum, concionantem auditurus, illum tamen quis esset, aut qui vocaretur ignorans (erat is verò Guttierius) miratus sum adeò spiritum, ardoremque loquentis, ut animo mecum ipse, forsan & verbis, intimo nimirum, ac vehementi actus impulsu dixerim, Orator hic non est ex aliorum typo: hic præstantius quicquam est. Auditisque florentissimis omnibus ex vniuersis Religiosis familijs ea in Vrbe Concionatoribus, longè mihi visus est antecellere ille, cui tunc intereram. Eadem hæc sententia erat grauissimorum in Vrbe Salmanticensi virorum. Illum adeò auditum Magistri, Scholasticique ex omnibus Collegijs agminatim, & ordine confluebant. Quorum ille per multos doctibus præclaris instructos, valida rationum vi salute multa rebus humanis dicta, ad complexum vitæ religiosæ perduxit: quorum non pauci Societati nostræ sese adiunxere. Ægro tamen animo aliquando cum esset, quod ex nobilioribus Collegijs nemini eam iniici mentem videbat, vocem audijt admonentem; Bono esset animo, breui enim sex ex ijs Collegijs nomen Societati

rati duros . Secura res est : ac bini mox ex singulis nobilioribus ijs tribus Collegijs inter Socios adscripti fuere : atque Methymnam profecti sunt , vt ibi doctrinâ , spirituque Baltasaris fruere-
tur : per quem Deus plurimis illos , maximisque muneribus cum-
mulauit . In horum paucis præstare Ioannes Orthonus, Francis-
cus Cordubensis, & Doctor Franciscus Ribera Sodalit ex clariori-
bus , quæ memorauimus , Collegijs . Verum hi cum Salmanticæ illu-
striora dederint suæ virtutis exempla , Rectore ibi Baltasare , tri-
gesimo capite venient in sermonem . Nunc duos alios nihilo sanè
minus laudandos expediā .

§. I.

De Francisco Godio .

Primo scribatur loco clarissimus vir Franciscus Perefus Go-
doijs Turigijs natus, in Oppido Archiepiscopatus Toletani .
Hic in studia litterarum incumbens, ad pias animi exercitationes ,
nostrum in Collegium secessit ; inter quæ iniecta illi à Deo mens
est iubendi valere mortalia , sequæ in nostram familiam aggregan-
di . Difficultates tamen illum plurimæ morabantur : ea verò in-
ter cætera maximè, re quidem ipsa futilis, perleuisque ; ipsius ta-
men iudicio grauiissima ; nempe quod barba præcidenda esset libe-
ralius in superioriore labro perculta : quo velut argumento roboris ,
ac elegantix summopere lætabatur . Vis tamen diuina præpotuit,
inuolansque in forficem , eam ipse sibi detondit ; ratus , eo facto ,
reditum sibi ad suas ædes obstructum : tantoque tunc ardore sui-
cooptationem in Societatem efflagitauit , vt admissus illico sit ,
dimissusque ad Tyrocinium Methymnense , vbi , seruido excitante
Magistro , magnos habuit, pari semper ardore, processus .

Quicquid illic ageret , per quam diligenter accurabat : culinæ
ministerium vacuus , sartagine , tripodes , ac lebetes , vt vt multo
esset opus labore , detergebat scilicet in splendorem ; aientique
locio , quorsum in ijs tam curiosè perficandis adeò delassaret se-
se , mox iterum sordidandis ? respondit , quicquid per diem egis-
set , à se sub noctem Virgini dedicari : pudere se porro aliquid illi
malè ablutum , aut minus nitidum , aut cerè perperam factita-
tum offerre . Ex his , eius in Deiparam Virginem pietas , quan-
tumque ex illa boni consequeretur , apparet . Subigendi sui nul-
lam sibi opportunitatem sinebat eripi : quique alijs omnia tam-
munda splendidaque curabat , sibi in triclinio vescuenti , tum verò
maximè , cum cibum aliquo , vt in Societate sit , poenæ genere con-
dicbat ,

diebat, illum quandoque sub mensa sumendo, aut genibus flexis, aut stando, pro mappa sordidissimum deligebat è culina peniculum; coque manus, & labra, ad horrorem stomachi excutendum, contundendūque, abstergebat. Peregrinationem semel obiens cum Godoio Ioannes Sà, præclarus deinde Euangelij Præco, genarum alteram æstuantem in illo, & sanguine manantem aspexit, à crabronis nimirum aculeo cruentè Godoium fodientis: quem nisi Sà confestim abegisset, infestum illum diutius multò Godoio pertulisset. Vir enim pietatis studiosissimus modico illo cruciatu exercebat sese, vt totum deinde sanguinem, vitæque (quod præstitit) Auctoris Assertorisque sui causâ profunderet. Huic ipsius ardori flammam cohortationes Baltasaris adijciebāt; quibus ille memorabiles sententias, diuque secum pensatas, vi præcipua, interserēbat, ijsque veluti columnis ipsius animi spirituale ædificium innitebatur. Eæ verò, quippe tantâ spiritus vi depromptæ, Tyronum animis penitus inhegebantur: ita planè, vt in maius rerum vsus seruatas illas in omni vita, præsentelque, semper haberent. In his erat illa, *Nemo degeneret ab excelsis cogitationibus filiorum Dei*. Qua illos ad perseuerantiam in diuino vocatu, atque ad iniecta ipsis à Deo sanctissima vota implenda strenue hortabatur. Godoij menti tam altè sententia hæc hæsit, vt illi in rerum omnium arctissimâ longè opportuna ceciderit. Cum enim in Tyrocinio probaretur, alijs adiunxit se Socijs quadraginta, quos ad Brasilas in Euangelicam expeditionem ducebat cum Prouinciæ munere Ignatius Azebedus.

Atque, vt diuersæ in hisce destinationibus diuinæ prouidentie viæ palam fiant, eam ipsam, quam Deus cum Godoio in præsentia iniuit, edisseram. Hærebat hic aliquando Baltasaris lateri; ab eoque porrectum aliquid fuit ipsi, quod caperet. At Godoius moram, donec vultum omnem planè conuerteret, interiecit: fuitque id argumento Baltasari, eius oculi, qui fortè (vt ab euentu coniectari licet) sinister erat, aciem esse prorsus extinctam. Percontatus hominem, habere ita rem didicit: quam ille confessus est habitam à se occultè in examine ad Societatis ingressum, veritus ne id sibi impedimentum inferret. Perculit ea res altè Baltasarem, vt qui rebatur illum, Nouitium nepe à Præpositis dimissum iri ob id vitis, & verò læuo in oculo, quem dicunt, Canonis, permagni momenti in ijs, qui sacris sunt initiandi. Rem diserte illum Baltasar edocuit; vnâque subiecit, si retinere complexum Societatis vellet, eam vnice viam ipsi relinquî, si cum alijs quadraginta Brasilas peteret, dum ipse in id animus præsens esset; si ita constitueret, de ipso acturum se cum Azebedo. At enim perquam optatissimum

Amum mihi est, Godoius statim inquit, in opus aded inclytum expediri. De singulari igitur Godoiij virtute, quanquam id illi inerat vitij à natura, edocuit Baltasar Ignatium; adiectumque fortè, atque obiter est, ludere illum egregie trigona testudine, quod cōmodo foret vsui ad immanitatem gentis barbaræ demulcendam. Audita probauit Ignatius, sibi que socium Godoium adsciuit, naturæ vitio in nomen verso felicitatis æternæ. Numinis enim diuini consilio, inter nauigandum, in Luthericorum hæreticorum manus delati, ab ijs, odio Romanæ fidei, ad vnum omnes multiplici mortis genere, per cruciatus immanissimos, trucidati sunt. Meminit id Franciscus Ribera in vita Francisci Borgia Societatis IESV Præpositi Generalis Tertij, quem ea expeditio habuit auctiorem. In media igitur efferatorum cæde carnicum, magno spiritus æstu Godoius Sodalibus suis animos auditis à suo Instituto verbis addebat: *Euge, eia, fratres, nemo degeneret ab excelsis cogitationibus filiorum Dei.* Quo tantum illis virium adiecit, vt mortem inclytam fortissimè omnes oppetierint; cælestis honorem, gloriamque Parentis tanquam fidelissima proles, suo ipso interitu, asserentes; eique quadraginta holocausta in odorem suauitatis, per toridem suorum corporum lanienam litantes. Quorum in partem Baltasar etiam eā venit ignis scintillā, quam vni ex illis iniecit.

§. II.

De Antonio Padillio.

Nouitijs alter, cuius intima familiaritate, consuetudineque sum vsus, Antonius Padillius fuit, Patre natus Ioanne Padillio, Castellana Prouinciæ cum imperio præfuturo, nisi mors anteuerisset; Matre verò Maria Acunnia Buendij Comite. Splendor vtrique ab auita gente clarissimus; & amor in Societatem præcipuus: quo præstabat etiam multò Maria, nulla non virtutum laude spectata. Vices ijs Deus & in hac mortalitate reposuit, concessa prole, mare vno, geminaque sæmina, pietatis adeo studiis, tantæque diuinæ gratiæ largitate cum benedictionis dulcedine cumulatis, vt vix vnus ex ijs aliquis hæreditatem, ac iura primogenitorum adire voluerit. Omnes quippe in religiosæ vitæ portum velis votorum omnibus ferebantur. Filiarumque alteram Aloysiani Padilliam, quæ in patria domo Genitrici addicta, voto se perpetuæ castitatis obstrinxerat, adigere necesse fuit ad solu-

tionem ab eo nexu petendam, ut data nuptui, daret prolem posterofque familiae. Atqui voto semper, ac vita religiosa cum primis fuit. Orbataque viro, ac rebus domi compositis in Parthenonem Discalceatarum Virginum sese coniecit: diemque nuper obiit Cœnobij Lermenfis Antistita. Et nisi ab instituto defecissem, præclara sanè de parentibus, filijsque commemoranda supererent. In rem igitur: Antonius Padilius destinatam Genitori Præfecturam ab eius obitu subiturus, paterni funeris memor, peripatansque secum, quam minimum fiduciæ sit in hac vita tam dubia, quam diuturniorem sibi, quam Genitori fuerat, polliceri certò non poterat; diuino actus impulsu ab humanis rebus seiungere se postremo, penitusque diuinis adiungere in religiosa vita constituit. Adamauitque cum maxime Societatem idcirco, quòd compertam ipsi erat de Sociorum spiritu, ardoreque virtutum. Id consilij ad aures perlatum est ipsius Patruj Petri Manriqueij, in Æde Principe Toletana Canonici. Is verò litteras ad Antonium dedit: in quibus diligenter exposuit spem patriæ domus, cuius omnia essent penes ipsum iura, opum incrementa; & accessionem honorum, quamque multa in retenta vitæ libertate præstiturus esset; aliaque in hanc sententiam plurima, quibus profani homines, profanoque amore propinquos amplexi, primas facile deferunt: subiecitque, si vellet persuasum sibi eam mentem pueriliter susceptam ab ipso non esse, rationes ad se mitteret, huiusce noui consilij. Rationes Antonius, quibus ad suum ab humanis repetendum, dandumque Societati nomen adducebatur, benè prolixas, chartæ nimirum folijs octo integris sua manu exaratas misit. Tantum in ijs erat salis, & ponderis, ut Doctor Velazquius primarij eiusdem Templi Tolerani Canonicus, cui delatæ deinde sunt Insulæ Compustellanæ, quicum litteras communicauit Manriqueius, tanti viri ea super re sententiam exploraturus, inducere se animum non posse responderit, ut rationes illas nepotis esse crederet adolescentis: à quopiam magis ex Societate, aliaue religiosa familia, aut litteratissimo certè viro cõceptas fuisse scilicet, ac dictatas. Quòd si ipsæ ipsius erant, existimare se oppidò rem illic agi diuinitus: neque proinde fas ipsi esse vocantis Dei astatui aduersari. Secundum hæc rescripsit nepoti Manriqueius, atq; intellexisse se liquidò rationum illarum aliū quempiam auctorē esse, non ipsum: quas vbi tabellas perlegit Antonius, Patrum Dominicanorum Collegium à nomine D. Gregorij adiit, ibique Professores Theologiæ consuluit; Liceretne aliquid aliquando iureiurando confirmare? responsum est, vbi adiuncta congruant, id non licere modò, sed cum accessione gratiæ vsurpari. Quam sententiam postquam, rogatu suo,

papy-

papyro descriptam accepit, obitis ante piacularis confessionis; diuinæque Eucharistiæ Sacramentis, hæc illi verba subscripsit: Depositis modò apud Confessarium noxijs, sumptoque ab Sacerdote cælesti ferculo, testor Deum, eumque, quo refectus sum, Dominum, rationes à me tuæ Amplitudini missas, à nemine mihi dictatas esse; sed ex me ipso depromptas. Scripta hæc ad Patruū misit alteri inclusa epistolæ, in qua illum de hac ipsa schedula edocebat. Eam verò Manriquius ad Velazquium rursus detulit: At ille nec fidem negari tam sanctè affirmanti, neque susceptum ab nepote consilium auerti, aut impediri posse respondit. Patruus tamen rem omnem satius cogniturus, coram agere cum Padillio Toletum accito, suasque in ædes excepto voluit: dies deinde aliquot in eius cognoscendo, tentandoque instinctu illo contriuit; eumque deinde vsque adeò approbavit, vt ipsemet Manriquius, diu quippe multùmque magnis à Deo actus impulsibus, vt Religiosam in Societate vitam iniret, anceps interim semper, nec quicquam certò constituens, nepotis consilium intuitus, atque constantiam, in deliberationem denique venerit; diuinique vocem afflatù respicere animo diutius nolle decreuerit: erubescens nempe, quòd ipse tantæ adolescens præfentior animo esset ad humana calcanda, quàm ipse in ætate tam graui. Rem adeò perduxit in exitum: interque præclara Padillii facinora numerari & hoc meritò potest, quòd iam tum alios ad Deum, suarum rationum vi; suoque exemplo traduceret. Ab hac sui Patruï approbatione cõtulit sese ad Emmanuelem Lopium eius Prouincie Præpositum, ac tum in Toletana domo degentem; ab eoque conscisci in Societatem efflagitauit. Sed proferente rem illo, complexus ipse quodam die columnam ad ostia nostrarum ædium stantem, inde se neutiquam abiturum esse etiam affirmauit: Cui Prouincialis, & ipsum, inquit, denique relaturus esset in Socios, in Castellanam Prouinciam, quod ita è re foret, à se dimissum iri. Visum est de re illico Generalem Borgia edocere, in Aula tunc Regis cum Pij V. Legato Pontificio commorantem: à quo litteræ datæ sunt ad Hieronymum Ripaldam Domus Vallisoletanæ Præpositum, vt Padillium in Societatem admitteret. Sub hæc Antonius Vallisoletum venit, hæreditario antea iure ditionis suæ, auitorumque bonorum legitimè abdicato: ac cæteris, quibus ad hunc aditum sternaenda via erat, omnibus expeditis, coram domesticis prouolutus in genua, Gratias, inquit, tibi ago Domine, immortales, quòd liberior mihi nunc est tibi obsequendi facultas. Genitrix deinde ipsius, & Auiā Aloysia Padillia superstes adhuc, & Domina ditioris, ad Præfessorum Societatis Templum Antonium deduxerunt,

ad-

adscriptusque ibi est Societati perhonorificè, cum incredibili omnium voluptate pariter & exemplo; anno post Christum natum 1572. ætatis suæ duodeuigesimo. Inde verò dimissum in Methymnensem domum Probationis, Baltasar omni studio strenuè eudere illum, ac sculperè, ob hominis tum naturæ prærogatiuas egregias, ac biennio post vota Professionis solennia edituri; tum etiam quòd peridoneum illum, ac proum maximè senserat ad efficiendos summos in virtute processus: quam certè spem voluntatis ardor in diuinò vocaturam æstuans meritò faciebat. Honores, & commoda, quibus nobilium adolescentium animi primò pulsantur, duo illa erant, in quibus Tyronem hunc suum studiosè cohibebat. Cibis illum iubebat vesci non communibus modò cum cæteris, sed & ijs quos præcipuo quodam odio respuebat. Si quo verò illum oblectari obsonio reiciebat, vix libatum amoueri quandoque per administrum de mensa, cibos etiam ad ianuam sumere eum egenis, detritas, laceraque vestes induere, & quibus maximè animi edomantur, cum cæteris illum Tyronibus exercitia obire despiciata iubebat. Et verò vbique in omnia ille paratus, & alacer, à nemine vinci velle, studere potius omnibus anteire: quantoque natalium fulgore præcelleret, tantò seipsum magis in religiosa vita submittere. Cumque Nouitij per vltimum hebdomadz diem in obsoleta lacerna, quasi de seruitio mediastinorum essent, obsonatorem ad macellum comitari consuescerent; serutoque humeris iniecto, dorso carnes, & exta manibus conuectarent; eadem præstabat Antoniùs; hac sui nempe despicientia pompas in se inanissimas calcanti mundi triumphans. Quem cum ego Vallisoleti famulorum turbâ stipatum in cœtu nobilium Virorum, ac Dynastarum conspexissem, Deo laudes cum ingenti admiratione persolui, vbi deinde accepi, tanta cum voluptate, illum Methymnæ vias, & fora, ea onustum humili sarcina obsoniorum obire. In domesticorum consuetudine imbutus à Deo fuisse humilitatis Christianæ spiritu videbatur. Commendante, enim sæpe Baltasare consuetam in Societate equabilitatem in omnes, cum in ea tamen tam multi sint sanguine, literis, cæterisque dotibus inæquales, ipse se vniuersis communi in vsu iuxta æquabat, ac si postremas omnium teneret. Hunc verò morem non Tyro dumtaxat, sed & Scholasticus, & Concionator, & Rector in omni vita custodijt.

Præstanti, acutoque ingenio præditus à Deo est: tantumque in studijs litterarum excelluit, vt complures annos in hoc, in quo hæc scribo, D. Ambrosij Collegio Theologiam cum summa nominis celebritate docuerit. Neque minus concionando præstitit, quam

quàm docendo. Atque in his tamen tanta illi modestia, tam nulla honorum cupiditas, ut non persuaderet minùs exemplo quàm verbis. Dictumquè audiui post habitam ab ipso concionem in Regio sacello ad Philippum Secundum, illo audito dixisse Optimatum aliquibus Regem; Perfficax concio est, virum hunc aspiciere in suggestu. Mihi quidem huius Collegij regimen obtinenti ipsius in omnibus submissio, & obsequela singulari erat exemplo æquè, atque admirationi.

Hausit à Balthare spiritum; amoreque precum, atque seculis ad pias subinde spiritualium exercitiorum commentationes. Eò propterea Collegium Villagartienſe petere in quo Tyrones instituuntur; diesque ibi octo, vel quindecim instar Nouitij cohortationibus interesse, & aliique mûnera pietatis obire. Et verò persæpe sub Christi Natiuitate, per sanctiorem hebdomadam, diesque Domini rediuiui, & quibus cessatur à studijs, aut certe per vacationum saltem ferias solenniores, aut postquam longiore ab itinere reuertisset, hisce prædictis illum in se suscitans calorem spiritûs, qui fortè ab studijs, ingruentibusque negotijs intepeſcit, Munere defunctus est Rectoris in hoc S. Ambrosij, & in Salmanticensi Collegio. Et verò tam integrè, custodiâque religiosæ disciplinæ tam vigili, ut perseverans ideò, difficilisque apud suos audierit. At enim, quandoquidem à primi hominis corruptela institum posteris est, ubi Reges, ac Principes, Iudices, Præfules, ac Præfecti subiectos sibi plusculum premunt, tribuere id vitio iniquioris animi impotentis, & asperi; non ardori, quo ij eorum, quibus præſunt, bono perquàm sollicitè student; visum ea propter est Radissio, ab suo prope obitu, in hoc ipso Collegio, palam, saum apud omnes animum expurgare. Extremo enim Christi corporis viatico muniendus, circumfusus omnibus, qui diuinissimam Eucharistiam affectati fuerant, Scholasticis, Patribusque coram eo, quem sumpturus erat, Domino affirmavit, nihil se per sui regiminis tempus vnquam egisse, quod in maiorem Dei gloriam vertere non intelligeret. Quo mihi persuasum altius idem illud est, quod animo mihi ante semper insederat. Et tamen mors erat illi formidini ab diuino Iudice rationes animi ipsius seuerissimè cognituro. Quem inter metum aiebat: si æquè, atque ipse in te fui, tu vicissim, Domine, futurus in me esses illiberalis, ac parcus, ingentibus sanè laborarem angustiis. Patrum aliquis expauescentem intuitus, quæsiuit ex eo, num lethalis fortè cuiuspiam culpæ intra religiosæ vitæ quadraginta annos admixtæ conscientia vexaretur. Cui ille, IESV, inquit, bone, quid hoc monstri esset? Vir religiosus, & culpa lethalis? Hac super re nihil. Iacobo Sar-

mien.

miento Acunio apud Regem Angliæ Legato nunc pro Rege Catholico, ægrotanti illum inuisenti, ac metus, quem præferebat, ex eo causam percontanti respondit: De sua se salute immortalis metuere: At ille, Hoc verò; inquit, est, quod tibi metuendum sit, Pater? Equid, Padillius inquit, præter hoc metum? Sed illi tamen benignè Deus, & hunc metum excussit, & beatitudinis æternæ spem certissimam dedit. Postquam enim diuinum ultinò pænem sumpsit, vacare sibi remotis arbitris voluit: viribusque licet adeò profligatis à morbo, ut in suo se cubili mouere loco vix posset, medio tamen corpore tenus, atque à fulcro puluinarium procul erectus, duas ferè horas precibus dedit ante piâ Christi è cruce pendentis imaginem: quocum tanto teneritatis, amorisque sensu collocutus est, ut Patrum aliquem per ostij rimulas obseruantem admiratione summa compleuerit. Ab hisce precibus horâ ante meridianâ septimâ suo Confessario sic inquit: Proxima nocte in Cælum ad matutinas Deo canendas laudes accersar. Cui cum Confessarius tam breuem ipsi terminum minimè designari à Medico affirmarer, eadem iterauit. Secum deinde sensim immurmurans, hæc audiebatur effari: Quid mihi, Domine, timendum iam est, si, quod mihi affirmasti, me tuo geris in corde? Illic se sum, quolibet canius, nil iam potest esse, quod timeam. Sub vesperæ crepusculum, petente ipso, sacro inunctus est oleo, omnesque pro eiusdè optatis, adfuere domestici. Cumque effari voce clariore non posset, submisit Patri dixit opitulanti sibi, veniam suâ nomine efflagitaret ab omnibus, ob plurima crimina, quibus in omni vita nequiora exempla præbuerat. Huic item ipsum roganti, ut sui memoriâ retineret in Cælo, eius patriæ veluti iam securus, Etiam, inquit, ibi enim ingrati non sunt. Tum lentè incepit dicere, *Letatus sum in his, quæ dicta sunt mihi, in domum Domini ibimus.* Atque hæc inter, aliaque eiusmodi verba spiritum Deo reddidit, vndecimâ noctis horâ, eo ipso die, quo se accessitum iri in Cælo ad matutinas laudes Deo canendas prædixerat: ingenti nobis relicta spe, fore, ut nocte reliqua stotiam suam ad purum ablueret, ut eas nitido cum fulgore concineret, eâ gloriæ palmâ donandus, & laureâ, quam sibi tam multis in vtraque vita & profana spretis, atque abdicatis, & religiosa gestis ac toleratis, Christi obsequiæ, honorisque causâ, commeruit.

CAPVT VIGESIMVMPRIMVM.

Ratio, qua se ad pias cohortationes Baltasar præparabat : studiumque ipsius, vt ex ijs Tyrones noticiam; æstimationem, amoremque summum Instituti nostri conciperent.

Q Vanquam de singulari Baltasaris vi in cohortandis piæ No-
uitijs expositum iam est, tanti tamen erit de præparationis
in hoc ipsum forma, deque ijs dicere, de quibus sermonem ferme
miscbat; vt virtutem illos religiosæ vitæ absolutissimam edoce-
ret. Præparatio quidem non tam multo studio, quàm longa præ-
catione constabat. Has enim allocutiones habendas esse rebatur,
effata potiùs necessaria, cū vi, ac spiritu p̄sitando, quàm acuta cu-
riosaq; quibus minimè afficiuntur animi, proferendo. Duas igitur,
tresue dumtaxat sententias statuebat, de quibus commentabatur
in precibus: eaque pensitando, ac ruminando, diuinorum codi-
cum, Sanctorumque Patrum oraculis, quæ Deus illi tunc ex plu-
rimis ante perlectis reuocabat in mentem, fulciebat: atque ea
præcipuâ Dei ope, præsentius tunc animo complectebatur. Con-
fessus id ipse est in suo quodam indiculo collatorum in se mune-
rum diuinorum. Ad ea verò quæ ipsius erant muneris, hæc in-
„quit. Experimentum cepi intelligentiæ, rerum elocutionis mo-
„dique dicendi: Deo mihi pro loco, ac tempore aptissima sug-
„gerente, quæ mihi nunquam aliàs obuenerint in mentem: serua-
„to tamen prouidentia diuinæ consilio, vt aliquid studij in id
„etiam ipse conferrem; non tamen immodicè: id enim magis
„operat. Hoc inde colligo quòd ea mihi, nisi quo tempore sunt
„adhibenda, non suppetunt, & quòd ab experientia perfrequen-
„ti, fiduciæ in hac re mihi multum accessit. Hinc illud erat, quod
equidem aduerti creberrimè, eum in piis collationibus, quibus
responfa dabat ex tempore, maiori spiritu, ac vi, quàm in qui-
busdam cohortationibus effari. Nobis enim ea super re, quæ nobis
occurrerent, respondentibus, cum Deo interim ipse de respon-
sis, quæ redderet, consultabat; eaque illius menti Deus afflabat.
Quamobrem ex Sociis nonnemini, qui hoc ipsum aduerterat, rei
causam ex Baltasare querenti; Causa, inquit, ea opinor erit, quod
in cohortationibus loquor ipse, at in collationibus Deus. Illud
innuens, Collationibus, quæ studio minimè inniterentur, suo sup-
pleatam numine Deum adesse: cohortationibus verò aliquod de

suo, studij nempe solertiam admisceri. Quamobrem hæc ad docendum sæpenuerò magis, quàm ad mouendum collinabant; re-
tamen ipsa ita poscente.

S. I.

QUæ magis ut liqueant, intelligendum illud est, pias, quæ ad Tyrones habentur, cohortationes, collationesque triplicem in finem alterum alteri coniunctum referri. Primus est, omnia illos integrè edocere, quæ ad perfectionem attinent Euangelicam, quam pro Instituti sui ratione, atque ut ea continetur in legibus, profitentur. Hac enim via ingressuros, viam ipsam ignorare, culpa certè distringeret: eiusque rationem reddituris, rudes illius esse, probrosum id foret. Id enim & regula Iuris habet, *Turpe est Patrio, & nobili viro ius, in quo versatur, ignorare*. Verùm quia intelligentiam veritate, quam ipsa colat, & æstimer, imbuiere, pervincereque non sufficit, Alter finis est, permouere voluntatem, eamque ad perfectionem, quam spectat, vi tanta pellicere, ut verè mutetur, constituatque certò, omnia quæ ipsi possint in id esse & impedimento, conuellere, & adiumento, conquirere. Hinc verò tertium in finem fiet gradus; præsidia nempe, ac modos exequendo, quibus perfectio re, actuque ipsò pareatur. Triplicem hunc in finem suas cohortationes referebat coniunctè Baltasar: etiam primum quandoque magis, minus alterum; secus verò aliàs, alterum premebat magis, tertiumque quàm primum. Atque in hunc modum Tyrones suos studiosè iunabat: duo nobis, hac super re plurimi sanè momenti perquam enixè commendans; Alterum, ut Instituti nostri callem ingredi studeremus, *Spiritu, corde, & prædicte: Spiritu* quidem illud maximi facientes, tanquam rem à Deo traditam, opusque diuinum: *Corde*, summopere idem amantes, veluti bonum, in quo nostra tanta res agitur: *Prædicte*, vitæ nostræ rationem ad eius exemplum in rebus vniuersim omnibus exigere connitentes. Alterum, ut in eadem Instituti nostri via hoc ubique propositum nostræ mentis oculis haberemus, tribus ijs, quos nobis Superiores agnoscimus, semper esse subiectos, Deo, Præposito, & Rationi: quanquam posteriores hi duo referuntur ad primum, ad Deum nempe, cuius consiliis nutibusque acquiescere nos oportet in humanis omnibus, politicis, ac diuinis. Eam in rem dictum pensitabat, quod à Ioanne Ximenio, de quo deinde prolixiùs, Laico Societatis audierat; qui rudiusculè, ut erat, de tribus hæc imperantibus sic dicebat, Deus in Cælo, Capi-
tum.

lum in Templo, Ratio domi: atque hæc tria vnum sunt: Deus enim is est, qui per se, perque alios moderatur.

Eam igitur ob rem ab Societatis Regulis ingenti spiritu explanatis suarum cohortationum argumentum sumere conseruit. Ex ijs libabo tantum hæc paucula, quæ ab ipso per tertium annum probationis accepi. Quanquam verò ille cohortationes in aduersaria referri suis à Tyronibus non probabat, eò, quia id ansam re-batur præbere, minus illas cordibus insigendi; quas nempe consignare paginis duceretur satis; ipse tamen citra, vt mihi videbatur, contumaciam, memoriæ causâ, eorum summam in autographo conscribebam. Eo itaque anno, vt Instituti sui rationem plurimi ducerent, amarentque Nouitij, à præstantissimis eius notis ag-gressus est dicere, quas ipse prærogatiuas, siue excellentias nuncu-pabat. Cuius enim Religioso Ordini propria quædam sunt, qui-bus ab alijs distat, & in alijs præstat. Notas has quatuordecim in Societate percensuit, quas & per diligerter explicuit; eæque & vi-guere tunc maximè, & nullâ, quantum in ipso fuit, ex parte desflo-ruere. E re visum mihi est eas hoc loco proferre, quendam velut indiculum ipsius virtutum, eadem nimirum suadentis alijs, quæ ipse præstaret. Quanquam verò pro sua imbecillitate nonnulli ad indicatum, indidumque legibus perfectionis apicem minimè eni-tuntur, quod idem & in Evangelica ipsa lege contingit; ipsarum tamen prærogatiua nihil inde sit decolor; neque porrò eadem à compluribus non effulget.

§. II.

Prærogatiua Prima est, Animi ab Rebus, Locis, atque Personis auulsio. Ab rebus, in vestitu, cubiculo, ac supellectile; sic vt cuique necessaria modò sint satis; nihil apud quemque sit clau-sum, aut suum. Ab locis, nec alia, nec meliora loca spectando; aditu ambitioni præcluso. A personis, Priuatas necessitudines, pa-cis in Republica perturbatrices abstinendo. Quisquis verò suum ab his animum expedierit, is verè pauper erit spiritu, plurimaque pace fruetur. Hinc Altera prærogatiua consequitur, Mutua inter sese coniunctio; amore planè germano, discrepent licet ad eò gente, gradu, litteris, bonis animi, dotibusque: seruata in his omnibus, quò ad eius in hoc discrimine fieri potest, æqualitate. Vix enim priuilegio vilo, siue immunitate nostro in Ordine quisquam orna-tur, vno muneris, doctrinæ, aut dignitatis nomine; sed necessitate dumtaxat, aut cuiuspiam inualetudine postulante. Tertia, Virtu-tis est æstimatio: sic, vt ea vbi absit, quodcunque naturæ decus,

2. Cor. 5. 14

egregium licet, ac summum, nullo sit loco: res nimirum diuinas omnes, Dei, quanti apud Deum sunt, non hominum modò iudicio æstimando. Perpendebat itaque accuratè Baltasar, quantum haberet momenti scitum illud Apostolicum custodire: *Christus pro omnibus mortuus est; ergo omnes mortui sunt; ut qui viuunt, iam non sibi uiuant, sed ei qui pro ipsis mortuus est.* Itaque nos ex hoc neminem nominamus secundum carnem. *Quarta est: Præcipuum Obedientiæ votum summo Christi Vicario in rebus sanè perarduis; quòcunque nos ille expedire voluerit; ad fideles, aut ethnicos; ad hæreticos, ac perduelles, per ipsa vitæ, mortisque discrimina.* Hoc verò votum à diuini Numinis fuit astatu, vtpote temporibus hisce maximè consentaneum. Tunc enim exorta Societas est, cum Lutherus ab Romanæ Ecclesiæ obsequela descuerat. Quāobrem conducibile tunc erat, ut noster Ordo se illi totum addiceret, quò eam, quantum is poterat, pro virili fulciret. Rursum, vbi subiectus Præposito alacre, paratumque obsequendi studium proficetur, gaudet illi imperare, qui præest. *Quinta, facultas est ab se præcidendi malè de virtute promeritos, ne in alios ipsorum corruptela pertineat: atque ut admissi vitam quietè traducant.* Id verò, quod cæteros metu cohibet, corpori huic mystico salutem suam, perfectionemque conseruat. *Sexta: Prudentia est in extimis corporis afflictationibus decernendis; ne ijs permodicè validi, aut inuvalidi vtantur immodicè.* Quarum etsi minimè stata lex est; at viuā tamen consulitur lege, Præposito, quid quisque valeat, & quo egeat, spectante; vsuque, ut sit, earum assiduum commendante: quare fræna in hoc hæcenus adhibenda potius fuere, quàm stimuli: Sociorum enim salus nimio plus conterebatur: cum primis verò, quod exquisitissimus omnium cruciatus, propriæ voluntatis occisione, semper floret. *Septima: Quotidianus in triclinio, ob leuissima nomina, variarum, molestarumque pœnarum vsus; suas palam confiteri culpas, & vitia; aliosque ea sibi coram exponentes audire: res sanè perardua; sed quam, cum diuinæ gratiæ ope, effecit iam consuetudo procliuiem.* *Octaua: Conscientiæ perspicuitas erga Præpositos, Præfectosque animorum, ut nos ducant, & doceant; neque nostro iudicio nos ipsi regamus, vel in ijs certè, quæ boni speciem, pietatemque præferunt; nec ea, quæ praua sint, patetacere pudori ducamus, quò ad ea peruincenda, opportuna nobis auxilia coniungamus.* *Nona: A propinquis auulsio, sic ut in patriam mitti nonnulli in pœnis annumerent.* Quamuis enim vbi spiritus intepuerit, amor sanguinis recalescit, huic tamen Societatis nostræ ratio sic obiuit, ut omnem eius cupiditatem planè conuellat. *Decima: Suffragiorum, creationumque vacuitas*

cuitas in Magistratibus, muneribusque Societatis: honorum tum intra, tum extra nostrum Ordinem ambitio interdicta; quò nostrę vitę ratio submissior sit, atque tranquillior; similitudinem, atque superbę radicibus extirpatis; vt in virtutum processum nostrum omne studium conferamus. In honoribus verò Ecclesiasticis id cauetur impensius; quos admittere sine Pontificis Summi imperato non possumus: idque, tum vt altiores in nobis radices agat humilitas; tum ne à nobis, qui sunt inter nos optimi, & quorum adeò iuuari doctrinā, & exemplo possumus, disiungantur.

Vndecima: Societatis in Tyronum institutione libertas; eos peregrinatum, aut ad pias expeditiones alias dimittentis; factā, experienti ergo, potestate agendi cum proximis. Vocatos enim à Deo nequaquam existimat parietibus custodiri. Idcirco Apostolis Christus ait, *Vultis & vos abire?* Quòd si à Deo vocati non fuerint, abeant, licet, antequàm diutius inter nos viuant; atque vt cum minori detrimento discedant. Libertas hæc tamen non sua caret Præpositorum, aliorumque animaduersorum perquam solerti custodia; præter intimas alias inspectionis animi, atque precationis excubias.

Duodecima: Vocationis nostrę finis excelsus; locusque, & fama, quę vbique terrarum apud omne genus hominum Societas nostra in præsentia obtinet: quę omnium postrema cum sit, non tamen in postremis habetur. Præsidia in id item aptissima: quibus tamen consistet vitę integritas, confugiumque ad Deum per sacra, precesque; vt nos cum tot hominum classis piam, sanctamque agendi rationem edoceat. Fouet enim Societas Optimates, atque eruditos litteris; populares, ac pios, illos Sacramentorum, hos precationis vsu: difficiles, morososque, filiorum castā, doctrinęque institutione; ipsos denique pueros, cum ijs repuerascens quodammodo, catechesi. *Tertiadecima*: Obedientia, quatuor his adiunctis in Societate munita: vt nempe obtemperetur in rebus licitis omnibus vniuersè, leuibus, arduisque; spectabilibus, atque despectis. Præpositis omnibus, superioribus, inferioribusque; doctis instructis, aut cassis; omnimodè, cum voluntatis affectu, iudicijque consensu: opere ipso, perintegre, quò ad rem item, ac modum, rationemque illius peragendę, suauiter licet imperetur, aut asperè: ac denique vt omnes, excepto nemine, pareant, nulla immunitate ab sanguine, ingenio, litteris, & cæteris, prærogatiuis quibus qui subiecti sūt amplius, neuiquam qui Præpositi, decorentur. *Quartadecima*: Simulacra; quas pleriq; mortalium in Societatem susceperunt, atque suscipiunt, impugnando, insectandoque: fructuosę illę quidem, quippe quę humilitatem adseruant, confugiumque ad Deum, fiduciamque in
eius

eius providentia, ex qua profectum, perfectumque est, ut illi propagandæ, augendæque, quemadmodum & surgenti Ecclesiæ aduersa ipsa profuerint. Metuenda magis est arcana insectatio, & laruata, per oblatos honores, & commoda; plena sanè periculi, si animus sese illi permittat. Atque hæc quatuordecim prærogatiue sunt, de quibus singulatim enucleatis Baltasar ab ineunte hoc anno disseruit. Quanquam verò ornamenta ijs aspexit à diuinorum oraculorum, Sanctorumque Patrum sententijs, primæ tamen spiritui, ardori, diuinæque ipsius, vi in harum explicatione tribuebantur: quo nobis ad non desciscendum ab Instituti nostri præstantia, atque ab ea, quam primæui Societatis nostræ Parentes sectati sunt, perfectione, animos adiungebat.

CAPVT VIGESIMVM SECVNDVM.

Alia complura cohortationum ipsius ad imbuendos integrè, perfectèque Nouiti os argumenta.

Coloss. 3. 28

INfantium similes cum sint in virtute Tyrones, quos proinde, necesse sit in omnibus erudire, quæ ad Christianam, religionemque vitam pertinent, ipsosque se tum intimè, quò Deus vnus introspicit, tum extimè, quò spectant & homines, formâ deniq; meliorem fingendos; ab ijs omnibus Baltasar cohortandi materiam capessabat; illud præstans Apostoli: *Docentes omnem hominem in omni sapientia, et exhibeamus omnem hominem perfectum in Christo IESV.* Quamobrem Tyrones, quicquid illis opus esset scitu, diligentissimè edocebat; atque in id tantum sapientiæ, doctrinæ, industriæque conferebat, quantum à Deo acciperet: quò interior iuxta, exteriorque homo nihil in ijs à perfectione discederet: Christi nimirum Seruatoris exemplo; de quo duodenni (ætas hæc respondet aptè Tyronibus) illud habetur: *Et Iesus proficiebat sapientia, & gratia, apud Deum, & homines:* Non quòd interiorum illi fieret donorum accessio; sed quòd magis illa, magisque deprimebat: ut suo doceret exemplo Nouitios, pro ætatis in ipsis accessu, debere etiam incrementa virtutum, diuinæ sapientiæ, gratiæ, eiusque donorum accedere: non coram Deo modò, clam, intus; sed & coram hominibus, palam, extimè: sic ut virtute, atque modestiâ omnibus sint exemplo.

Luc. 2. 52.

S. I.

DOcebit id omne nos index, in quem res ipse digesserat, & quibus ad cohorrandum defumeret argumenta: & verò ex his modò, modò ex illis, vt fastidio simul occurreret, simul vt variatati pro ratione personarum, ac temporum indulgeret. Quatuor supra quadraginta capita plurimi sanè momenti elenchus hic numerabat. Ea tamen breuiore numero comprehensa exequar hic hand frustra: Nomina enim quædam, ac documenta sunt rerum, quibus ad obtinendam integrè perfectionem egemus.

Primum caput erat; De ratione fructuose orandi, consumendique vtiliter, quicquid est temporis succisui: cum primis verò, de præsentia Dei. *Secundum*; De modo frugiferè absolueudi imperatum precum diuinarum pensum, quatuor communes Ecclesiæ, aliasque vocales preces; piosque libros cum spiritali quæstu legendi. *Tertium*; De duplici conscientie examine, generali altero totius diei, altero peculiari de vno singulatim vitio: de lapsibus in leuiiores culpas perquam studiosè vitandis: deque animo ob imbecillitatem minimè despondendo; cum eas tamen abstinere, atque conuellere pro virili cōnitimur: deque temperando angore, cum in eas fortè prolabimur: in Deum erectâ, collocatâque fiducia, fore vt in ijs ipse remedio tandem occurrat. *Quartum*; De sacra Exhomologesi ritè, ac vtiliter obeunda: de cordis compunctione: de quacunque poena, quò ad eius fieri poterit, minimè detrectanda, dum seueritas tamen modo non careat. De spiritu, pioque animi sensu extimis corporis afflictationibus adiungendo. *Quintum*; De præparatione ad diuinum Eucharistie conuiuium: deque eodem celesti cibo spiritaliter frequentando. *Sextum*; De sui met, ac prauarum naturæ cupiditatem, & affectionum mortificatione, deque sensuum solerti custodia. *Septimum*; De modo, quose quisque gerat in resiciendo corpore in animo remittendo, & in agendo cum extraneis: atque vniuersim, qua ratione nos in miscendis colloquiis temperemus. *Octauum*; De submissione animi, sui que cognitione. *Nonum*; De amore in Deum; de caritate in omnes: de mutua inter nos nostri tolerantia; de nihil temerè, iniuriæque de alijs suspicando. *Decimum*; De Paupertate, Castitate, & Obedientia: De Legum custodia, animique nullam in partem propensione: Vnde nam Dei affecta suorum operum primos ducat exorsus: ab intelligendo nimirum probè, atque ipso statim initio, quæ sit voluntas Dei. *Vndeimur*; De tribus intimis Christi Domini Socijs, Egestate, Dolo, Contem-
ptu

ptu. Ea materies aprè cadit in posteriores solemnibus ieiunij dies. *Duodecimum*; De spiritali processu, eiusque efficiendi fiducia, non tam nostros in conatus, quam in diuinæ gratiæ opem conferenda: quam sperare fas est, vbi pro nostris moderatè viribus cōniti fuerimus. *Tertiumdecimum*; De iustorum solatijs, & erumpnis: de tentationibus: de ratione iniurias temporum perferendi: de diuina in his omnibus, inque electis puniendis prouidentia. *Quartumdecimum*; De animi pace, & tranquillitate: deque multiplicibus eius adipiscendæ præsidij. *Decimumquintum*; De seruorum Dei consuetudine perquam vtili; deque vno ex ijs certo legendo, qui nos regat, habeaturque pro lege; cuius nos vel memoria sola cōtineat: De eo, quantum in exemplo momenti sit, quantamque vim habeat. *Decimumsextum*; De octo Beatitatis nominibus: de partibus virtutis: de prudentia, & scientia Sanctorum.

Hæc summa rerum est, ex qua Baltasar suarum cohortationum argumenta legebat: quibus in perfectionem euasuri suam omnem nauent oportet operam, atque solertiam. In primis verò maiore vi de ijs omnibus, quæ ad suimet, suæque voluntatis, ac iudicij abnegationem attinent, accuratè ac singulatim agebat. Idque studij persuadere Nouitijs conabatur rationibus sanè mirandis, quas ipsis hinc ipsius verbis exponam. Fugiamus, inquit, artes cōfundere, alioquin in nulla præstabimus. Si Grammaticæ artem suo quis tempore sese probè non instruat, semper inter litterarios lixas erit, & calones: & nisi per opportunum etiam tempus animum erudiat cognitricibus disciplinis, rudem illum earum semper habebit. Non secus, si quo tempore vitam è Tyronum disciplina fingitis, exuendo, abnegandoque vos ipsos, ijsque parandis omnibus non studueritis, vnde vester in virtutibus quæstus possit existerè, & ornatus, nunquam non eritis inter triobolares, & vernas. Si enim cum expeditior vobis est animus, perfectionisque cupidior, cum temporis opportunitas suppetit, adsunt auxilia, & exempla multorum, diuitem vobis censum in sanctimonix cultu non cogitis; vbi postea impedita, & multifariam huc illuc vobis diuina mens fuerit, tot cassa præsidij, pluribusque offensis obnoxia, quid tum fiet? erit id profectò, perfectionem per miracula quærere. Atque vti litterarum spiritus, proba vita est, ita si hæc absit, colluuiæ influet vitiarum: ac simulacrum confimilis, vt vt oculos quispiam habeat, non videbit. Ab suæ voluntatis funere vitam virtus orditur. *Qui vult venire post me*, Christus ait, *abneget semetipsum*. Constituite hoc, fratres, aut vos ad perfectionem conuerti nolle fatemini; aut hinc, ex vitæ Auctoris oraculo, capeienda sunt vobis initia. *Abscindite*

Mat. 16.
24.

Ps 118. 11.

„ nunc, vt cecinit Psaltes, *eloquia eius in cordibus vestris, vt postea*
 „ *non peccetis ei*. Per hanc copiae largitatem, sterilitatis, famisque
 „ temporibus consulamus. Si suos Aegyptij oculos coniecissent in
 „ Iosephum, mente praeditum tam diuina, vt, quod ipsorum sa-
 „ pientissimi nequiuere, ratiocinando, somnia explicarit; eum-
 „ que fruges condentem sedulo aduertissent, quas interim ipsi
 „ profunderent, idem & ipsi, quod vir ille diuino afflatus numi-
 „ ne, vtrique peregissent. Ita & vobis nunc commixti sunt viri,
 „ quorum pectora Dei spiritus imbuir; neque in congregando ces-
 „ sant, aut torpent; itote vos in eorum exempla: neque enim,
 „ quae coegistis haecenus, animi bona superfluunt. Quod si illi
 „ tanto lumine à Deo collustrati omni in hoc studio collaborant,
 „ enimuero, quid agendum sit, peruident. Nolite vos, vbi cur-
 „ runt alij, confidere. Ne combustum male tempus in Probatio-
 „ ne putetis, quanquam à studendo vacatis; tempus enim male
 „ non teritur, siue cum ponitur fundamentum domui editissimum
 „ in culmen ituræ; siue cum vectori equo pabulum dat viator; siue
 „ cum calamus scriba concinnat. Studere, intelligere est, peni-
 „ tusque cognoscere: id verò fieri sine luce non potest, qua Deus
 „ largiùs eos donat, qui & se illi arctiore amoris nexu coniungit,
 „ & cum illo ingrediuntur in fide; rebusque omnibus, suum cui-
 „ que tempus attribuunt; neque eas, ad sua perurgenda vota, ob-
 „ ruunt, aut confundunt. Nostra cum Deo tempora partiamur
 „ in omni vniuersè re tum priuata, tum publica; suamque nobis
 „ lucem diuina largitas impertietur. Scientiam nunc accurare,
 „ mittamus, cum Deus vacare nos vult vnice sanctitati; eamque
 „ nobis ipse cumulationem postmodum largietur.

Haec viri huius sanctissimi erat oratio, qua Tyronibus, iisque,
 qui, tempore studiorum exacto, tertio anno probantur, persua-
 debat vt vnam in virtutem studium tunc omne conferrent; ne ho-
 rum quidem tam pretiosi temporis per incuriam, desidiemus
 contrita.

§. II.

Neque tamen satis illi erat interiori homini nouam, meliorem-
 que formam inducere, arctèque, atque contentè illum ha-
 bere: verum exteriorem etiam alterum eadem ratione Nouitios
 renouare docebat; religiosam ijs modestiam diligentissimè com-
 mendans, quam triplici praesertim nomine requiri aiebat in Sociis.
 Primò, quod ex Instituto ipsorum esset consuetudo cum proximis:
 quamobrem bono sint ijs exemplo, benèque apud illos audiant

T

opor-

1. Cor. 4. 9.
2. Cor. 8. 2. 1.
Rom. 12. 1.

oportet. Huic verò nomini magnum accedit ab oculorum totiusque corporis modestia, non putida, ac fucata, sed vera religiosaeque suffragium. At enim quandoquidem qui nomen Societati dedimus, *Speclaculum*, vt inquit Apostolus, *falsi sumus mundo, Angelis, & hominibus*; oportet, vt idem ait Apostolus, *Providere bona non solum coram Deo, sed etiam coram hominibus*. Deinde, alij aliorum Ordinum Religiosi viri, habitu, cucullo & bonum produnt exemplum, & aliquam, si eueniat, immodestiam tegunt: at è Societate homines, qui exposito incedunt ore, nulloque vtuntur peculiari cucullo, vel habitu, horum loco modestiam necesse est induant; ex qua suum ijs accedat ornamentum ac decus. Quemadmodum Romanæ Matronæ facie cum ingrediantur inoperta, modestiâ magis egent, quàm gentium aliarum mulieres, quæ vultum obnubunt. Tertiò: quòd Societas precibus, internæque cum Deo consuetudini ex Instituto vacat; iunatque in id maximè modestia, vt quæ sensus coercet, per quos pietatis affectus effluit, & euanesceat. Quamobrem ipsius modestiam perquam religiosam, esse fas est, atque ex restructa hominis interni forma, iugique Dei præsentis obtutu profecta: quod monuit Apostolus cum dixit, *Modestia vestra nota sit omnibus hominibus, Dominus enim prope est*.

Philipp. 4.
5.

Eam in rem indiculo ipse descripsérat omnes ferè immodestiarum actus, quibus peccare religioso viro sit pronum; quos profani homines vitia vrbauitatis appellant. Nominatim verò lapsus immodestiarum percensuit omnes in vsu, motuque capitis, frontis, oculorum, aurium, nariumque, oris & linguæ, brachiorum & manuum, genuum atque pedum, cæterorumque membrorum, & in ipsa ratione vestium gerendarum. Ea item quæ aduersus modestiam committi possunt in Templo, in Odæo, in Triclinio, in ipso cubiculo, muniisque vniuersis, vt cum diuinis operamur, aut ijs intersumus; cum discedimus cubitum, surgimusque; cum, cibo corpus reficimus, animum colloquendo remittimus; & vbiuis denique aut cum socijs sumus, aut soli. Rursum, quæ ratione subiectis erga suum Præpositum immodestè sese habere contingat; aut Religiosis erga extrarios; seu cum vias obambulant, aut alter alterum comitatur: aut agendo cum proximis, modo ipso loquendi, ridendi, expuendi, tussendi, manus ac membra mouendi; motibus hisce omnibus castigatis, curatoque, vt (quod tunc in legibus Augustinus iubet) nihil in ijs sit, quod professionis nostræ grauitati, sanctitati que non congruat. Hunc ipse indicem euolui, in quo immodestiarum actus, vitiaque vrbauitatis, quibus religiosus vir esse possit obnoxius, plusquàm ducenta recensentur. Ea parò tam multa cum sint, pleraque etiam leuiuscula, domesticaque,

non

non proferam. Id verò eâ gratiâ hic memini, vt studium ipsius solers, atque exquisitum appareat in erudiendis, formandisque Tyronibus, in reculis etiam vel tenuissimis. Inde porrò tantus in ijs fulgor modestiæ emicabat, vt extrarios admiratione defigeret: qui temperare sibi non poterant, quò minus palam, & nostris in oculis (quod ipseme audiui Tyro non semel) suum animum, profiterentur; laudesque Deo persoluerent, eius modestiæ nomine, quo suos ipse affectas decorabat.

Denique cum viuentium Præceptorum, qui suis cohortationibus animos cupiditate perfectionis inflamment, præsens, parataque semper copia esse non possit, piorum librorum lectionem, pro statâ Societatis lege, Tyronibus suis etiam commendabat. Ijs enim, vt vt mortuis ex sese Magistris, at ille tamen Magister vitam impertit, qui naturâ suâ vita est; corda, animosque per eos alloquens, ac docens: Aureum in primis libellū probabat ijs Thomæ de Kempis, cui à Contemptu mundi vulgò nomen est inditum. Cuius sententijs cohortationes suas ideò aspergebat, quòd ex nimium altè in animos descenderent; quas ibi Deus cupide legentibus peramanter infigit. Quin Aragoniæ Prouinciâ cum Visitator lustrauit, libelli huius notionem in eam intulit, vsumque disseminauit. Cuius vtilitatem experimento illi sensere; ea inde, vbi vbi ad legendum codicem aperirent, singuli depromentes, quæ suorum animorum quæsito in præsens bono congruerent.

CAPVT VIGESIMVM TERTIVM.

In Methymnensi, alijsque Collegijs Rectoris munus præclarè gerit; eiusque ad gubernandum dotes.

Q Vanquam Baltasar Abulense Collegium Ministri, seu Protectoris nomine annis aliquot gubernauit, Methymnæ tamen, primò, atque in alijs deinde Collegijs agere suo nomine Rectorem occœpit: dotesque ad regendum aptissimas vbique, ac semper exhibuit. Quo vt munere tutissimò fungeretur, fundamenta scilicet in altissima sui submissione locauit. Cuius ergo id muneris obire, principio quidem magnopere formidabat; gnarus nempe ab dnuino Iudice, de ijs, qui præsumunt, reguntque perseuere cognitum iri: eòque etiam quòd munus Præpositorum perquam attentè perpenderat: quare oportere dicebat, maximè illos, quod

corporis erat, à delicijs abhorreere, seque in omnibus duriter supra omnes accipere: quod vero animi, sollicitos esse, anxios, curisque omnium planè confectos. Rursum quod atinet ad subiectos, si suo, ceu decet, munere Præpositi defunguntur, perfectè necesse est querelas, alienationesque multorum; quod verò spectat ad Deum, referendæ in ipsos sunt suorum culpæ omnes, ac vitia; desidia, languor in virtute, & quicquid denique peccatur in Ordine: ita planè ut non quid modò malè ibi sit gestum, sed quid non profectum, perfectumque, ad ipsorum nomina, rationesque pertineat. Hæc secum ille sic perputans, cupidus uti erat maximè, studiosusque perfectionis, nec minus alios cupiebat esse perfectos, sui regiminis initia severitate consperxit; atque ob suorum culpas maximè angebatur; quod ij quandoque solent, qui cum regimine nondum satis experientiæ coniungere. Diuino postmodum lumine collustratus, ab sua intolerantia, pectorisque angustiis id esse cognouit, adeoque laxandum illud esse, atque assuescendum, ferre magis alios, ac miserari, quàm irasci; Dei, quò ad eius fieri potest, regimen imitando. In hanc rem dictum sibi à viro sanctissimo Martino Guttierio, cum suam illi aliquando conscientiam aperiret, notatu dignissimum annotarat: sub initia enim capessiti regiminis anxerant & illum errata suorum. Cum igitur apud Deum in precibus suam hanc aliquando animi molestiam quæreretur, exhibitum illi est in argentea lance corculum perpusillum, inque gemina gutta sanguinis penè submersum, adiecta voce, Tuum cor hoc est, in aqua tantula naufragum. Tum illi cor alterum comonstratum est per amplum, explicatumque, cum voce item aiente: Cor Dei hoc est, quod à tot mortalium superstitionibus, hæresibus, flagitijsque non angitur; sed longà diu tolerantiâ expectat, dum vberes fructus opportunè legat ex ijs, qui sceleribus inquinantur in præsens. Et tu cor tuum huius habeto consimile. Ab hoc viso immutauit ille animum, explicuitque ab angustiis: cumque præterea solatio ingenti perfudit, affirmans illi, eos, quibus tunc ipse præseset, omnes certò esse ad immortalem gloriam destinatos. Ex hoc familiaris sui optimi exemplo animum sumere didicit ampliorem: precantemque Deus consimili illum solatio impertiuit; (quod & ipse confessus est, & nos ex commentario lo superiore docuimus) illum nempe in regimine alleuans, depulsis animo curis, quæ ipsum constringerent, mergerentque. Excelsam etiam opinionem, ac sensum hoc de munere diuinum illi Numen iniecit, die Dominico, quo memoria Pastoris boni, ouiumque recolitur, sic. Grex hic est sanè magnus, eiusque magna felicitas. Probe à probo Pastore sunt oues. Præclare

clare adeo cum ijs agitur, vbi à tali custode reguntur. Dei certe populus quandiu bonos Principes, Reges, sacrosque Vates obtinuit, & ipse coluit probitatem. Onus in sese Pastores grande recipiunt: scopus enim sunt, in, què suos oculos oues intendunt: seq; in illorum mores, veluti Iacobi oues in colores virgarum induunt. Hoc Baltasar spiritu studebat sese suo gregi exemplar perfectionis effingere: sui que muneris partes, legesque tam accuratè, ac diligenter impleuit, vt affirmari de ipso constanter possit, Præpositum eum fuisse, qualem sanctissimus Parens Ignatius suis in Constitutionibus perquam absolutè descripsit. Quod etsi ex hisce iam dictis, de ipsius ratione regendi Nouitios intelligi satis queat, alia nunc tamen super adiiciam, quæ ad omnes vniuersè gubernandos attinent: è quibus non Religiosi modò Præpositi, sed & Christiani Optimates, Patresque familias rationem edoceri possunt, quâ suis domibus rectè præsent.

§. I.

PRimò Collegium omne, tum in diuinis, tum in humanis rebus, precibus sustinebat: omnia, quæ & quanti erant singulatim æstimans, virtutem, religionem, ac sanctimoniam cæteris omnibus præhabebat: subiectosque sibi pietate præstantes multò pluris, quàm eruditos ac nobiles, naturæque dotibus luculenter, parcius verò virtutis bonis instructos, habebat. Vbi verò in illiteratum quidem, sed virtutibus perornatum incideret, diu illi, noctuque vacabat; quò iuuaret illum, proucheretque, vti postmodum apparebit. Hinc illud erat, vt spiritualis boni tantillum, pluris duceret, quàm humanum, ac temporarium omne, licet amplissimum: neque committebat, vt eâ gratiâ, parandi nimirum, humana, adimeret sibi quispiam spiritualia bona, vel demeret. Collegium aliquando cum regeret gentissimum, Administro illic sollicitò vtebatur; isque ipsum adibat, ea indicans, quæ desiderabantur; & quibus confestim paratis opus esset. Cui vir sanctissimus, Quibus, inquit; curis Minister accedit huc anxius? numne cum Deo rem contulit? At ille: Per tempus adhuc orare non licuit. Tum pertranquillè hominem dimisit, atque: Auspicandum hinc primò est; redi ad cubiculum, precibus ibi vaca, atque huc deinde reuertere. An Domino carere putas hunc gregem? Dominum sanè habet, cui non tam paruo stetit, vt perire ipsum sinat. Abi fauste; atque id tua ab industria minimè pendere fac credas. Imperata facturus Administer abibat: reuertensque deinde, prouisum iam per sepe necessitatibus, & quidem miris planè modis, agno.

agnoscebat: id nempe Rectoris, vt sextodecimo capite dictum est, fideliter, atque fiducia commerente.

Piebat hinc etiam, vt, quemadmodum plurimum interesse cognorat, subiectis sibi Præpositum humana largiter impertiri, quò liberius illi queant vacare diuinis, ità quæ ad cibatum, vestiumque necessaria essent, liberaliter omnibus suppeditanda curaret. Eo in menses singulos cubacula viâ cum Vestuario intulsebat, discēs ab vnoquoque quarum rerum copia illi non esset, vt ea opportunè scilicet pararentur. Has verò excipi scripto iubebat. Deinde, quo pacto consultum ijs esset, sedulo cognoscebat. In triclinio item cibatum sodalibus omnibus commodum imperabat; sui que magis incurios ipse maxime accurabat. Miserabatur plurimum, & refocillabat ægros; ne quæ re frandarētur, cauens: in quo si quid forte peccaretur in id acriter animaduvertebat. Eos visebat sæpissimè: grauius verò periclitantes à morbo per etiam noctem, postquam alii quieti se dederant, adibat.

In ijs, quæ pertinerent ad omnes, primus ipse cæteros anteibat: in preccatione, in examine, in adeunda mensa, in remissione animi terminanda; in purganda domo, cæterisque cuiusmodi munijs, in quæ coeunt vniuersi. Quoniam verò Societatis mos est, vnumquemque; vno in singulos menses die, per redeuntis in orbem vices; colluere in cõlinâ lances, aut tergere; primo quolibet die mensis, ordine licet nondum aliorum, euoluto, in integrum tamen eo ipse ministerioungebatur: quo scilicet exemplo ad idem solerter obeundum cæteros incitabat. Plurimis efferebat laudibus bonum, quod ex communis vitæ ratione percipitur; affirmans, id Deo pergratum accidere; ab eoque, suæ largitatis thesauro beneuolentissimo, consecrari. Penæ verò cuiuspiam insolite veniam ab ipso petentibus, auctor erat, vt sese communi cõtui sine præcipua vlla immunitate, ac priuilegio aggregarent: ea verò omnia per virtutem, spiritumque gerere magis magisque condiscerent. Id verò sibi ipse præcipuè munus efflagitabat à Deo, vt gratiâ ab ipso instrueretur, & viribus, quibus, eadem posset præstare, quæ omnes. Eumque vòti compotem fecit Deus: etenim valentudinarius licet, diu mullabat se tamen, ne muneri omnium communi deesset: expertus nempe his sua ope Deum adesse, darique incrementa spiritus, copiamque temporis ad pias exercitationes, suæque munia nauiter peragenda. Distirabat verò præstare multò, breuiorem cum tenuiori valitudine vitam exigere, communis formæ vestigijs inhærendo, quàm diutius viuere, fortiusque valere, singularibus indulgendo, è quibus in alios deriuatur offensio, vel grauamen. Cumque Franciscus Ribera, de quo dicturi deinde sumus

sumus, potestatem sibi fieri semel ab eo petiisset vacandi tempore primæ mentis Thesium aliquarum studio, quæ ipsum scilicet perurgebant, respondit: è re magis est ingredi, & esse cum omnibus; idque in studij maius compendium vertet. Patuit ille, rectèque censuisse Baltasarem, ab successu cognouit.

Eadem illi semper æquabilis animi temperies. Ad eum proinde affandum tempora non erant spectanda vel opportuna, vel mollia. Vultus extimus religiosa gravitate perplacidus: vnde omnium in illum, qualis filiorum, amor, ac reuerentia. Et si verò ad exercendos sibi subiectos vultum quandoque induebat asperæ severitatis, suam tamen serenitatem confectum illi reddebat. Atqui antiquum illi erat, palam, & coram exteris honorem ijs habere, cum dignitate verborum, & laude, parique omnibus, pro cuiusque gradu, observantia. Iam verò suorum etiam observare ora: neque diù ingredi quempiam tristem, consternatumque ferre. In Dei quippe domo apud neminem aiebat fas esse moestitiam hospitari, sed gaudium. Si quid verò modum exiret, dissimulare id in læticia citius, quàm in mœrore. Labentium ex imbecillitate, naturaque ferocium misereri: quos vt corrigeret, permulcebat: quin eos suum in Collegium sibi à Pronincialibus mitti subinde petere, quò sua illos lenitate, ductuque refingeret: & verò eâ caritate scilicet, ac dexteritate viduos aliquos immutavit: cuius sanè verbis poterant cicurari vel feræ.

Quæ sui muneris erant, omnia, etsi minima constantissimè custodiebat: neque ad ultimum usque diem, horamque à magistratu abeundi, gerere illum sedulo negligebat. Id porro ex hac recula planum fiet, documento nempe, quid ille in granioribus consuesceret. Servandæ Rectoris legi, qua is vacantes precibus visitare quandoque iubetur, sextum hebdomadæ constituerat diem; nullum vnquam eorum omisit, occupatissimus licet, aut molestius superiore nocte vexatus: ita planè, vt sextâ ipsâ feriâ, qua Villagartiâ profectus est ad gerendam Proninciam Toletanam, mox à precibus abiturus, cubacula omnium, vt consueuerat, inspexerit. Quisquis enim rectè præest, muneris nomine mox deponendi, nulli se debet languori permittere; sed eâ illud obire forinâ, supremo die, quâ primo.

§. II.

QUæ omnia, multòque adhuc plura compertiora fient ex summa, in quam ea retulit, quæ magistratui rectè gerendo sunt opus. Quæ quidem, omnium, qui Baltasarem nouère, iudicio, eorum

eorum quæ ipse ageret, exemplar quoddam est; quippe qui se ipsum in ea magis effingit, quàm alios docet. Et verò sic ille. Præpositi munus est animis deseruire, quorum causâ mortem. Christus oppetijt; ijsque, Seruatoris eiusdem gratiâ, tanquam Domino mancipium famulari. Id verò, quantulumcumque officij ijs impenderit, suæ adscribat felicitati, si illi aut neutiquam aduertant, aut minimè inter grata reponant; vt eò puriores Deo se sistant, quò minus ab alijs humanæ laudis, ac voluntatis acceperint. Primum igitur hoc ipse sibi persuadeat, Regimen sibi committi, haud quaquam esse, creari Dominum; nec populum ipsi designari, quem iubeat: sed morum formatorem Principibus, Deique filiis famulum dari; quibus ipse dat operam, & quos ceruicibus suis imponit. Atqui eâ Christus præfuit ratione, qui dixit,

*Matth. 20.
28.
Eccl. 32. 1.*

Non veni ministrari, sed ministrare. Et Ecclesiasticus monet: *Rectorem te posuerunt, noli extolli, sed esto in illis, quasi vnus ex ipsis.* Deinde subiectos sibi eo loco habeat, vt ijs aperiendi sese accedat fiducia, & voluptas: exploratumque sit omnibus, nihil ab ipsis præstari sibi posse iucundius, quàm si ad se confugiant; suæque mentis arcana, vt vt imbecilles sint, sibi præpandant: detrimenti certè nihil inde passuri. Neque enim par est, vt, ex quo cuiquam largius pandit, impenditque se Cælum, isque maiorem init gratiam apud Deum, hac ipsa apud Dei Administrum fraudeatur. Sapius argumentum hoc tractet, nempe vtilissimum: idque Confessarijs, atque Concionatoribus admodum, diligenterque commendent. Cateruz enim animorum innumeræ perditum eunt eò, quia fiducia ijs non est arcani vlcis detegendi.

*Ps. 143. 2.
Ps. 17. 35.*

Tertiò: illud etiam ob oculos sibi proponat, (quò modestè, ac submissè se habeat) benè magistratum gerere, suosque habere morigeros, opus id non tam industriæ suæ fore, quàm Dei: res enim tanta, acclinare homines, soloque prorlus consternere, non hominum est, sed eius, de quo cecinit Psaltes: *Et in ipso speravi, qui subdit populum meum sub me.* Cedros excisuro ferreis opus est brachijs: atqui ea Deus robusta sic donat, *sicut arcum arcum*: quisquis igitur in frequentiore actionemque consuetudinem Dei se dederit, is lignator erit, operariusque præstantior, sit licet elinguis, aut infans, neque de ipsius rationibus, ac vijs humanæ mentes intelligant.

Quartò: Domesticorum voluntates magistratum inundo confectum sibi deuinciat; significatione facta, sese ipsorum contubernio magnoperè oblectari: caueat tamen, ne peculiaris in quenquam beneuolentiæ conipertus sit; qui domus vniuersæ sit scopolus. Aliquot etiam dies initio ab decretis edicendis absteineat,

ne amorem ijs aspergat, forensis nimirum specie Quæstitoris, aut Iudicis aggredientis ab edictis. Superbè nunquam, ac tumidè, leniter potius ac demissè, ac veluti consultando præcipiat, Exempli causa, Vide sis, an rectè sic fiat. Hæc enim consultationis ratio ad perturbatos animos vincendos, permulcendosque plus valet.

Quintò: eos priuato alloquio frequenter excipiat, atq; in ipso-
rum cubiculis nonnunquam inuisit. Suum verò ipsius conclaue
adeuntes affatum, impeditus licet, ingredi iubeat, quò videant
copiam sibi tunc audiendi non esse: comi tamen verborum vrbani-
tate dimittat: alloquentibus verò, ne legendo, aut aliud quip-
piam agendo det aures: ne ij parui se fieri existiment. ex D. B. 1. 1. 2.

Sextò: Tricas alias, ac negotia abstineat, quæ impedimento
esse queant muneri benè gerendo, accurandisque domesticis: cõ-
ferat tempus in regimen; ac studium in acuum, opusque referat.
In omnibus enim pijs exercitationibus atque præsidijs ad frugem
suam item, atque Collegij id erit longè efficacissimum. Ea pro-
pter perplura ab se negotia extrariorum auertat: commodior
enim, viliorque populo erit, si viros illi Religiosos, suisque nu-
meris absolutos suppeditet, quàm si eius ipse res agat.

Septimò: in omni re alios anteciat, quò vim cum verbo ipse
coniungat; subiecti verò vbi deficiunt, causari nil possint. Ita
Euangelicum illud in se boni Pastoris effinget, *Cum proprias oves di-
miserit, ante eas vadit*. Norit etiam meliorem suorum formam ex
sua pendere: quippe regularum, ac disciplinæ custodiam ex viuâ
Præpositorum lege illi condiscunt: quòd si hi rebus alijs vacaturi
ab ijs, quæ sui sunt muneris, eximunt se, ipsorum suadela vi
caret: non enim ea præstant ipsi, quæ dicunt. 1. 10. 3.

Octauò: Quæcunque sibi à quopiam dicantur, ea boni consuli-
to: beneuolentis animi indicio facto per vultum. Ita non raro
fiet, vt nonnullos demulceat, inque rebus plurimis habeat sibi
præsto permultos; quo vel vno omnium sibi poterit animos de-
seneri.

Nonò: Forti sit animò, ne omnibus insolescendi det anam:
viscera tamen caritatis exhibeat, quò suauitatem cum formidine
coniungat: Dei nimirum exemplo, quem *Dulcem & reſſum* Regius 17. 24. 3.
Vates appellat: etsi quandoque, ne communis pax in Republicâ
perturbetur, satius est conuiuere, vbi suis partibus quicquam
deest; patienterque ferre, quem sustinet Deus; dum illum ipse
amanter inuisit; detque illi profectus sui cognoscenda præsidia:
nulli tamen parcat interim viz, qua lucrari scilicet illum queat.

Decimò: Nullâ, instissimâ licet ex causâ, quempiam vnquam
iratus

iratus obiurgat : se prius ipse tranquillet ; summique deinde fratrem poterit demulcere : quem interea magis lucrabitur perferendo : ipsemet postmodum suam intelliget contumaciam , & dampnabit ; accideretque submissè proholutus ad genua . Ratio verò abstinendi ab increpando , per iram , ea est ; quòd præcepta Dei ad caritatem , cordisque munditiem omnia referuntur ; quarum iactura tunc fit , cum rapi quis iræ impotentis æstu se sinat . In ipsis suorum erratis , ac vitijs plusculum indignari caueto ; neque animum offensum , aut perturbatum expromito . Paucissimis in rebus perseverus ne fuerit , quasi sit ipse persanctus : neque sæpius increpet ; id enim asperat regimen , vsuque contemnitur , & vane scit .

Vndecimò : Cum , commota quiscquam mente repugnat ; sibi Præpositus temperet memor eum suum esse fratrem , Christi mēbrum , Deique imaginem : interea loci ab hoste hominum vāterrimo irritari ; si minus illum ipse sustineat , eius animum fortasse dabit exitio , pro quo vitam Christus profudit . Benignitatem , atque misericordiam id temporis adhibeto , gnatus & ipsum se imbecillitati obnoxium esse naturā lapsantis . Gratias verò diuino Numini agito , quòd hoc ipsi contulerit , vt possit ignoscere ; cui ille maiora fortasse multò errata donabit . Quòd si suā clementiā molitarum se illi ruinam existimet , Apostoli essatum meminerit , *Noli vinci à malo , sed vince in bono malum* .

Rom. 12. 21

Dnòdecimò : Circumspectione vti cum subiectis , modestā tamen prodest , obest immodicā : hæc enim eorum animos contrahit , & contristat : fiducia contra , eos sibi deuincit inprimis . Estimari ab se illos , eorumque res probari sibi , loco , ac tempore , argumentis ostendat : suauiter inde magistratum geret .

His , aliisque compluribus documentis Præpositos instruebat , quæ ipse ex suæ experientiz codice , atque ex ijs hauserat sensibus , quibus inter precandū imbutus à Deo fuerat , vt suis in regendo , quā decet formā , partibus fungeretur .

CAPVT VIGESIMVMQVARTVM.

Eius in promouendis humanioribus litteris , Iuuentute formanda , tradendaque catechesi , ardor , ac studium .

IN muneribus , quibus in hoc Methymnensi Collegio , aliisque permultis Societas nostra exerceat sese , illud est , humanioribus litte-

litteris cupidam earum Iuuentutem in Republica erudire : id primò spectans vt, eâ cum litteraturâ, pueros atque adolescentes vnâ ad pietatem informet ; quò ab illa tenerâ tunc ætate (quod ingenuos, perfectosque Christi assclas decet), seriam feruire Deo seruitutem addiscant. Quanquam verò Baltasar, quæ suæ Rectoris erant partes, vt cætera etiam omnia Societatis munera, nauiter perfectæque obirentur, studiosissimè accurabat ; nempe conaciones habere, confessiones excipere, præstò esse proximè morituris, exercitiorum pias commentationes tradere, constrictos in carcere, ægros in Nosocomijs inuiscere, & quæ superiorum disciplinarum sunt, Philosophiam ac Theologiam docere, vbi harum facultatum Licea suo in Collegio habebantur (quemadmodum de actis ab ipso Salmanticæ, deinde demonstrabimus) munus tamen Iuuentutis humanioribus litteris inbuendæ curabat impensius ; præ oculis quidem hominum haud sanè spectabile ; at in clypeum certè præ Dei, Ecclesiæque, atque vniuersæ Christianæ Reipublicæ eâ, quâ illud Societas obit formâ, maximè fructuosam.

§. I.

Ardoris huius ac studij argumenta triplici in re potissimum proferebat. In huius primò muneri æstimatione perplurima ; quam & cæteris omnibus ingignere conabatur ; vt cum voluptate illud obirent, obeuntesque iuuarent. Et si verò permulce sunt in hanc rem prolata rationes ab ijs, qui tradunt hanc artem, ea dumtaxat hic tamen exponam, quæ Baltasar ipse censebat, aiebatque de re momenti certè perplurimi, pietatis nempe per ætatem teneram coniungendæ cum litteris ; ad frugem sanè, bonumque tum puerorum ipsorum, tum parentum, vniuersæque Reipublicæ. Puerorum quidem interest ; bonum enim ipsorum omne præsens, atque futurum hinc pendet ; cum ea tunc ætas certè sit instar mollis, lævis tabulæ, mundeque papyri ; quorum in animis inculcata faciliè imprimuntur tum in litteris, cum in virtute : eaque etiam curâ deinde leuiore custodiunt. Carmen decantatum est Vatis, *Quo semel est imbuta recens, seruabit odorem Testa diu.* Et *Adolescens*, (diuini Spiritus oraculum est) *iuxta viam suam, etiam cum senueris, non recedet ab ea.* Corporis etiam habitudine aptiore sunt ad eiusmodi studiorum labores, pœnasque, vbi peccent, cæ gratiâ luendas : suntque immoti soli consimiles, cum id primò profcinditur, primos fructus yberiores multò, & grandiores edentis ; etsi verò deinde sit, vt curam quandoque virtutis abii-

Prou. 20.6.

ciant, rursus illi postmodum resipiscunt. Eorumque sæpe memoria, quæ castè per pueritiam gessète, pudorem ijs excutit, mentemque bonam iniicit, ut probè per adultam ætatem vivant.

¶ Parenthim quoque interest, cum virtute filios educari, senectuti præsidium solatiumque futuros: quam in operam optandi ab ipsis erant, parandique Magistri. Turpe verò est, tantum ab ijs in eo studij collocari, ut gnatos lautè alant, ac vestiant, politicis moribus, atque humanioribus litteris imbuant, exaggeratis etiam opibus locuplerent; adeò interim sapinè consuli, ut iidem Christianis virtutibus excolantur: ex quo & suorum filiorum interitus & senectutis ipsorum calamitas metui iure possit. Atqui nostratè circumfertur adagio, Panis in furnum cum inditur, ducitur, flectiturque; coctus ubi fuerit, non formatur. Et scitum Sapientis est: *Qui delicatè à pueritia nutrit filium suum, postea sentiet eum contumacem.*

Hoc denique ad rationes Reip. pertinet: prædicti enim virtutibus litterati viri Ciuitatum fermentum sunt, atque sal, quo illæ corruptelæ atque periculorū immunes fiunt. *Vir pauper & sapiens*, Ecclesiastes docet, *liberabit urbem per sapientiam suam hostium*, obsidione cinctam. Eaque propter Ecclesiæ tum vnuerſæ, tum peculiaris cuiusque bono Sacrosancta Synodus Tridentina præcepit (quod & alia præstitère Concilia) ut in Episcopi ac Metropolitæ quacunque Sede Seminarium constituitur, in quo duodennæ minimum pueri virtutem ac litteras doceantur, quos optimis Præceptoribus formandos tradant. Id etiam suarum Rempubliarum bono auctores fuere Plato, Aristoteles, alique ex Ethnica superstitione Philosophi. Plutarchus verò egregium de puerorum educatione scripsit opusculum, ubi hæc habet: *Quemadmodum ab ipso statim exortu, puerorum membra scitè formare, aptèque oportet, ut æquæ, rectæque proportionè adoleſcant, ita etiam, necesse est eorundem regere mores ac fingere, ut in optimos ciues euadant.*

Atque hæc summa ratiohū est, quibus Baltasar diuigentissimè commendabat hoc munus, quod diuino spiritu afflatus Socijs filijs suis vehementer inculcauit Ignatius. Quod ut suauius gereretur, alterum ex ijs, quæ diximus adijciebat; his alijsque similibus harum rationibus animos Magistris addens, qui vel suā omnem operam huic muneri deuouerant, vel eo intereaungebantur; ipsorum commoda diligenter curans, ijsque honorem, ubique, ac palam habens. Licet verò classium inferiorum Magistrōs Nouitij fortè agerent, quos proinde domi coërceret, ac frangeret: ijs tamen in ipsorum classibus coram discipulis tribuebat hono-

Prov. 29. 11

Prov. 29. 12.

Leff. 23. c.

18. Conc.

Lateran.

sub Leone

X. sess. 9. de

reform.

Colonienſe,

Moguntin-

um, &

alia.

honorem; eorumque æstimationem, vt par est, ac reuerentiam ab alijs reposcebat: labore quippe funguntur cum minore hominum plausu, sed maiore cum fructu; plures enim ipsi persæpe ad sequenda Christi vestigia, rectè docendo, quam alij concionando traducunt. Ad hæc præcipua illis præcepta tradebat, vt fructuose suum munus obirent: Societatis nostræ sine proposito, propinandi nempe Christianam virtutem cum lacte probæ doctrinæ. Quamobrem discipulis præfici Magistros optabat, qui illos tam spectati instruant, quam auditi: hoc est, non minus illos doceant exemplo vitæ, quam litteris. Pueri enim cidentur ad sequenda oculis potius data, quam auribus. Quòd si aliud Præceptor ait, aliud agit; bonè illud, hoc malè, ij malè gesta magis, quam bonè dicta sequuntur. Huc illud Plinij spectat: *Filium tuum trade præceptori, à quo mores primum, mox eloquentiam discas; quæ malè sine moribus discitur.* Deq; D. Malachia D. Bernardus refert, Puerum illum adduci nunquā potuisse, vt magistri cuspis litterarium ludum ingrederetur, idcirco quia illum semel aspexerat committentem aliquid indecorum. Eò etiam Balthasar Magistris commendabat impensè, vt morum leges, quæ dicuntur à Societate Scholasticis, diligentissime ab ijs custodiendas curarent; quæ ijs ferè consentiunt, quæ à Tridentino Concilio Seminarianis adolescentibus latè sunt. In id verò profuturum ipsis aiebat opusculum D. Bernardi euoluere, de ordine vitæ, seu de doctrina puërorum: siue alterum Gersonis, de trahendis pueris ad Christum. Ingens denique præmium ijs ostentabat, cuius à Deo obtinendi, laboris causâ tam boni, & in hac vita, & in immortalis spēs esset. Si enim temporaria infantium educatio grata illi accidit, affectuque præmijs *obstetrices Aegyptias*, quòd Hebræis infantibus pepercerant; eosque ab imperata à Pharaone cæde seruauerant: quantò magis illorum studia munerabitur, qui Christianis puëris nauante operam; eosque ad virtutem informant; ab iisque interitum, animi conantur auertere; ad quem nempe designantur ab Ianitta tartareo?

*Epist. ad
Corinthios
Hispallâ.*

Exod. 1. 20

Adstipulabor dictis, prolata hic epistolâ ab ipso datâ ad Ioannem Bonifacium, qui huic muneri suam operam in Societate deuouerat; in eoque quadraginta & amplius annos sese perseueranter exercuit: etsi illum Generalis Præpositus ad Theologiæ studia, quippe ijs peridoneum initio inuitarat. Oblatum id sibi tamen habuit quidem ille pergratum; sed admittere recusauit. Quæ sunt per hæc illi Balthasar. Sollicitum habebat me optio tibi, R.P., data ab nostro Generali Præposito: verum solatio mihi fuit, quòd tuum retinere munus elegeris: in eo enim tutius, & tuæ

sa-

saluti consules, & multorum: quibus ipse magis eges, quam
 Theologiâ Societas: Ad quam si te cupiditas famæ clarioris im-
 pulerit, memineris te bona iam frui, neque eam porro ab reli-
 giosis viris aucupandam esse, sed humilitati studendum. Vbi
 verò illâ sit opus, ea tibi à Deo humiles attollente donabitur.
 Atqui is in Societate tu semper habebis, qui, quod à multis ex-
 petitur, illud ipse permissum tibi respueris. Ad locum verò
 quod attinet, Præposito indicare de illo, nil vetat; multo ta-
 men maxime præstat, silere, equabilique animo tandiu perlat-
 tare, dum Angelum è Cælo Deus alleget, qui sui famuli migra-
 tionem aliò imperet: modò tuâ vitâ vitam Christi Seruatoris
 gaudeas approbare; qui quòquò Patris mitteretur imperio,
 parebat, dum ex eodem audiret ore, *Revertere*, ex quo accepe-
 rat, *Fuge*. Habeas id, oro, persuasum ab homine tui in Domino
 amantissimo; quique, tui ergo boni, tuâ præsentia, eâque opi-
 nione, atque ope, quæ à te in Collegium hoc Methymnense
 manaret, fraudari se patitur. Hæc à Baltasare, ideò dicta sunt,
 quod Bonifacius Abulæ tunc docebat, expetebatque Methymnam
 mitti, ut Baltasari ibi Præpositi regimine frueretur. At verò præ-
 stans fidē Consiliarius consulenti potius prospexit bono, quam
 suo: gaudens Socios omnes suis libenter munijs ibi loci defungi,
 ubi eos Obedientia collocasset.
 Verum, ut ad rem redeam, non satis Baltasar habebat animos
 humanioris literaturæ Magistris adiungere; sed & discipulos
 ipsos præcipuâ curâ foueri: neque curabat modò ut illi piis cohort-
 rationibus, sextâ feriâ, ex legum præscripto ad pietatem excitaren-
 tur; sed & ipsemet illos subinde hortabatur, propt̃ certè illo-
 rum animi capiebant, sed eodem tamen ardore, quos reliquos:
 uti persuasum haberent, ad obtinenda, quæ cuperent, non satis
 esse uâuos Præceptores, eorumque tolerantiam, nisi curam & ipsi
 suam adicerent: ad quam eos incitabat, hoc pacto: Si vos ij, quos
 delect esse, fueritis, formosa minus erunt in Cælo sidera, quam
 vos humi: aliorum similes eritis meridie ipso fulgentium: quo-
 rum vnum si quis in Cælo spectatur, mortales omnes admiratione
 suspendit. Etas isthæc vestra tenera, amabilis, innocens, ac
 bonis affectibus conferta, seminis instar est, quod arborum magni-
 tudinem continet in sese, virtute. Proinde condiscite hunc ea, ex
 quibus ingens manabit in vos honor, lucrum, & quies. Conspicite
 oculos in pueros vetustæ legis, ac nouæ, qui viti deinde, sanctitate
 præcipua offulsere. *Tobias enim esset iunior, nihil tamen puerile gessit in opere.* Adeòque, inter prementia undique mala, Dei timorem,
 amoremque custodit. Sanctissimi Nicolaus, & Thomas ab
 ipsis

Matth. 2.

23. 20.

quodlibet

Matth. 2.

cap. 1. v. 2.

Tob. 1. 4.

ipsis matrum vberibus ad aliquem aggressi sunt vsam poenæ voluntariae, ac virtutis: atque illum porro eodem modo aggredi ab isthac vestra ætacula fas est. Timotheo Magister ipseus Paulus ait, *ea viuito grauitate, vt nemo adolescentiam tuam conemnat, sed fidem seruam, caritatemq; cum Deo; castitatem tecum atque mundiciam: lenitatem, integritatemq; in verbis, & conuersatione cum proximis, Eos à vobis conuellite socios, à quibus irritatur ira, impatentia, tarpitudo. Improborum consuetudines, fugitote. bonorum morum tabem scilicet, ac venenum.*

1. Tim. 4.
11.

His Baltasar consiliis discipulos excitabat: quos vt sibi ipsis attentiores, Deiparæque Virginis amantioresefficeret, Parthenicas Sodalitates, quæ tunc in hac Prorincia cœptæ sunt institui, sonit mirificè. Villagartiæ verò vbi iam litterarum studia, efflorescebant, Sodalibus vnum ex nostri Templi sacellis attribuit, cuius in fronte illud ex Prouerbiis Salomonis inscripsit, *Multe filie congregauerunt sibi diuitias, tu supergressus es vniuersas.* Et verò mirabar equidem tantum studii ac pietatis hoc in opus ab illo impendi, cum grauissimis alioquin negotiis distringeretur.

Prou. 31. 29

§. II.

Ardorè eodem, & curâ in catechismi traditionem pueris, rudibusque promouendam incubuit. Quod inunus tanti fecit sanctissimus vir Ignatius, vt, ne in obliuionem iret, aut contemptû, eius mentionem inter solemnia Professionis vota vsurpari voluerit. Regimenque ineuntibus præcepit, vt primo illius anno, quadraginta dies catechesim tradant: quò & exemplo sint sibi subiectis, & opus hoc persanctum excitent, animentque. Totidem etiam dies, primo editæ Professionis anno, idem obiri munus à Professis iussit: vt, quæ polliciti sunt, iam tum inde præstare confestim incipiant. Atque id, eò, quia plurimum in Christianæ doctrinæ traditione momentum inest; cuius ergo sanctissima etiam Tridentina Synodus Episcopis seriò commendauit, vt suis in Parrocæiis, diebus omnibus Dominicis, festisque per annum, pueros fidei nostræ elementa docendos cûrent.

Hoc igitur studio Baltasar incensus, in eo plurimum nîuere gloriabatur. Ipsemet Villagartiæ præsertim degens cum quartanis pueris, studiosisque Collegii prodibat ad vespertinam, catechismum per vias emodulans, eorumq; agmen, & ordinem ducens. In foro deinde, siue pro Templi foribus perquam scitè illos de Fidei mysteriis interrogabat: occasionemque captabat inde piæ cohortationis habendæ ad reliquum, qui sese adiunxerat, cœtum. Et verò

verò illud ipse animaduerti; quoties obeunti munus hoc aderam, aliquid ab illo semper de diuino amore, atque virtutum perfectione interferi; eorum gratiâ, qui huic studio vacabant: quorum aliqui in concione semper intererant. Id ipsum in itinere peragebat, cum alicubi aliquandiu fortè subsisteret. Ab Aragoniæ Prouincia lustrata reuertens, perque natale solum, Ceruerâ traiciens, per paucos, quibus ibi demoratus est, dies, vias, plateasque cum tintinnabulo concitum ad catechesim pueros circuibat. Res eo in oppido sanè noua: notis interea demirantibus, virum tantum munere tam submisso defungi: quod excelsum tamen ipse rebatur: adeoque suam in eo collocare operam minimè indecorum sibi ducebat: quo liberiùs maiorem in modum petebat ab alijs, vt idem quàm diligentissimè persequerentur, semel in hebdomada classes puerorum inuisens. At verò Villagartiæ, propinquos in pagos binos nos pedites idcirco mittere consuebat, vt veterani simul, atque tyrones exercitationis tam sanctæ amorem, susciperent.

CAPVT VIGESIMVMQVINTVM

Romam proficiscitur, Deique se fiducia munit. Diuinæ item prouidentia, Angelorumque custodiæ in Baltasarem argumenta.

Methymnensis Collegij gubernacula tenens anno ab ortu Christi 1571., Baltasar huius Prouinciæ Procurator Prouincialibus comitijs dictus est: quem Societas singulis triennijs morem tenet, vno ex eorum ordine nuncupato, qui solemnia, quatuor vota professi sunt: in quem ex coeant prærogatiuæ religionis, prudentiæ, experientiæq; ob quas illi Prouincia omnis sua possit negotia credere, quæ cum Generali Præposito coram gerat: decernatque num è re Societatis vniuersæ sit generalia comitia cogere. Cumque renunciatum iri suspicatus esset Baltasar, aliquot diebus ante, pertimuit; tum quòd minus idoneum ipse se rebatur ad munus, quod virum posceret dotibus permagnis instructum; tum quòd verebatur, ne ab itinere effunderetur animus, calorque spiritus intepesceret. Quare sollicitus confugit ad Deum; seque illi totum permisit omnimodè, atque in hoc præsertim itinere. Id oneris fixerat ipse sibi ingentissimæ instar arboris, cui conuectandæ suos obtulit humeros; ne ramusculo quidem, aut foliolo

foliolo detracto, vel detrectato. Tum verò (vti sua ipse in aduersaria retulit) suo illum Deus lumine collustrauit, quo offusas ante tenebras, metumque disiecit; eumque rerum, quas hic subijciam, veritatem edocuit.

„ Iubente Deo, ac ducente, quid tibi metuis à via, vel hosti-
 „ bus? ingentis beneficii loco habendum est, quod tuâ vti operâ
 „ velit Deus. Quid læuum accidit Moyfi, quòd diuina imperata,
 „ quibus tantopere terrebatur, fecit? Detrectare verò, quid aliud
 „ est, nisi eam in ignauiam offendere, quam Deus in Moyse red-
 „ arguit? quid nisi diuinos iussus abnuere? quid, nisi illa, quam
 „ Ieremias prodidit, imbecillitas animi, cum dixit, *A, a, a, Domi-*
 „ *ne Deus, ecce nescio loqui, quia puer ego sum?* Cui Deus; Ego te
 „ ad loquendum eligo, & loqui tu nescies? Quòd si Deus cuiquam
 „ à se aliquod in opus adhibito, vbi peritia desit, eam illi ipse
 „ largitur, is virtute si careat, non hanc illi sufficiet? Deprecanti
 „ munus Moyfi Deus inquit: *Quis fecit os hominis? aut quis fabri-*
 „ *catus est mutum, aut surdum, videntem, aut cecum? nonne ego?* Ma-
 „ gno fuit Moyfi compendio, mandata sibi à Deo egisse: consue-
 „ tudinem inde consecutus est, coniunctionemque cum Deo. ar-
 „ tissimam, quâ benè, beatèque illi fuit in terris: multòque ipse
 „ fuit, quàm terrarum Reges, illustrior, sapientior, sanctiorque.
 „ Diuina legatio omnem illi Pharaonis, eiusque Optimatum,
 „ gratiam conciliauit: comesque Deus in omni vbique peregrin-
 „ natione salus illi fuit, atque securitas. Hic verò arcana mihi
 „ animo adiuncta vis est, summaque fiducia, eundem & mihi ad-
 „ fore, si professionem illam, ex obedientia, cum amore suscipe-
 „ rem: eam verò sic iam tum inde suscepi; Deoque ac Deiparæ,
 „ Sanctissimisque Apostolis Petro, Paulo, & Iacobo ac D. Antoli-
 „ no illicò commendaui: Spiritumque à Deo Societatis nostræ ef-
 „ flagitaui. Itionis auctor viam periculi dabit immunem. Iaco-
 „ bo, in medio itinere, incommodissimèque habenti sese Deus
 „ ostendit: referatoque Cælo suum illi studium, beneuolentiàmque
 „ recepit. Quique amore tanto complexus fuit euntem, redeuntē
 „ cum comitum cetera scilicet, qui solus exierat, iterum se red-
 „ didit in aspectum Deus: eique nomen immutans, securitatem
 „ etiam à vi, quam metuebat, fratris impertit. Quid detrimenti
 „ cepit Abraham, quòd obsecutus Deo de patria tellure migrauit?
 „ Quid Ioseph, quòd à fratribus venundatus, atque in Ægypto
 „ abiectus, obtritulusque est? Verba hæc Balasaris omnia sunt, di-
 „ uino afflatu concepta, maiorem vt animum, plurimamque de
 „ Dei prouidentia fiduciam sumeret, si iter, ac munus ex obedi-
 „ entia capesseret. Quamobrem perquam seriò discitabat, nostrarum

Ier. 1. 6.

Exod. 4. 11.

necessitatum summum, compendiariumque remedium esse, Deum amore prosequi, eiusque obsequi voluntati: eoque tunc posse nos illi tutò committere. Iustos enim sic amat Deus, ut eorum, quibus egent, curâ anxie illos occupari non sinat; mauult verò ut ea conijciatur in amorem, quo ipse illos accurat: id ijs verbis explicatè pollicitus, *Quarite primum regnum Dei, & hæc omnia adiicientur vobis*. Si copia vobis esset amici, qui, vestri causâ, sericis vestibus vestros famulos amiciret; eosque epulis perquam lautis exciperet, animisne penderetis ancipites, an eâdem vos ratione accepturus ille esset egentes? Minimè verò: Atqui salutaris humanæ Assertor hoc inquit, si *Pater vester celestis lilia agri pulchritudine tanta vestit, ut nec Salomon in omni gloria sua coopertus sit, sicut vult ex istis*; si aues alit hominis obsequio destinatas, an idem præstaturus vobiscum sit, ubi eo sit opus, quisquam possit ambigere? Prò modicæ fidei homines! Egestas hæc animorum infidelium magis est, quàm Christianorum; *Scit enim Pater vester celestis, quia his omnibus indigetis*.

Diuinæ huius prouidentiae plura sumpserat experimenta Baltasar, ex quibus fiducia illi robustior. Quare in sermone de suo itinere sic habet; Sensimus Deum curam nostri minimè abieccisse; quotidianâ sui Numinis itineri nostro præsentia. Ingrediebamur enim, ductu veluti celestis Accensi, nullâ quidem re ante prouisâ, nulloque rursus iustæ commoditatis, aut cibi defectu: et si aliqua Christi crucis particulâ fraudati non sumus, in laboribus, diuersorij, rerumque vsu perpaupere.

Hanc Dei tamen prouidentiam in omnibus tum corporis, cum animi rebus, hoc in Romano itinere expertus est maximè, Deo nempe, quæ pollicitus fuerat, persolvente. Iter enim per Gallias habentem, ubi tum hæresum gliscebatur foror; ibique, quod postmodum demonstrabimus, tres deinde alij Prouinciæ huius Patres auctoritate grauissimi, ab hæreticis capri, acceptique fuerunt immaniter; ab hisce periculis omnibus Baltasarem Deus eripuit: diuinæque rei quotidie faciendæ, pro ipsius voto, copiam fecit. In rebus animi spiritualibus suum semper ordinem tenere nouit, & potuit; partemque diei plurimam, aut ipsum diem totum precibus in itinere extrahebat. Et verò Franciscus Vasquez in hac Prouincia ob religionem, prudentiam, egregiamque facultatem dicendi laudatissimus, comes Baltasari tunc additus, Bæticæ Prouinciæ Procurator, illum aduertit, quoties sermonem misceret, interiore cum animi secessu, Deique præsentis aspectu semper effari. Hoc idem Romæ retinuit: atque à visendis ibi curiosis, vetustisque monumentis abstinuit; tempore ab alijs in id colla-

to, ante Sanctorum, quos uidebat, corpora, pia, prolixaque, precatione consumpto. Quo tanto sanctimonie exemplo honorem illi Deus, reuerentiamque conciliauit ab omnibus. Tyronum expetitus est ibi Rector, atque Magister: ut in Vrbe Orbis uniuersi principe, quod iure meritoque fieri putabatur, Nouitios is institueret, qui inter alios tunc omnes Tyronum in Societate Magistrum facile Princeps erat. Vir sanctissimus ab loco tam spectabili alienus, reuerenter excusauit suae Prouinciae detrimentum. Dimisit proinde illum Franciscus Borgia Societatis Praepositus Generalis, cuius de spiritu, ac sanctimonia longè, latèque peruagata fama est: quem adeò tanti fecit, ut de rebus cum eo egerit compluribus, quae non modò bonum Societatis uniuersae spectarent, verum etiam de ijs, quae sui erant animi, intimae, ac diuinæ; cognoscendi cupidus, quantum luminis in ijs à Deo Baltasar hausisset.

At etiam in reditu tentauit hominem Iacobus Mironus Generalis eiusdem Borgiae Assistent; qui Pij V. iussu cum Cardine Alexandrino ipsius ex Sorore Pronepote ad grauissima Ecclesiae negotia in Hispania proficiscebatur. Cumque Prouincias Hispaniae omnes Alexandrinus lustrare per se ipse non posset, Mirono Lusitanam, quam ante Prouincialis rexerat, inspiciendam attribuit. Praesse hic Sociis tunc in Hispaniam redentibus iussus erat. In cæteris verò omnibus, spectatae virtutis nomine, amore summo Baltasarem complexus est: ab eoque petiuit admodum, ut eam in Prouinciam socium sibi se vellet adiungere. Abnuuit tamen ipse modestè: suumque Methymnensis quietis & otij, bonique odoris ab ardore ibi Nouitiorum afflati desiderium causatus est. Id porrò ad excitandum animum valere quamplurimum: Tyronum verò Magistri munus aliorum omnium in Societate aptissimum esse ad sanctimoniam homini comparandam. Ab hoc responso Mironus, tentare illum, eiusque virtutem educere in apertum voluit, atque; aduerteret etiam; quisquis enim id temporis socium se ipsi adiungeret, eius rem agi momenti sanè per plurimi: ab eo nempe plures Prouincias cognitum iri, quatum Praepositus, ac Visitator in reditu deinde iuberetur à Borgia. Cui tunc subridens Baltasar, Mi Pater, inquit, scires ab spectatis hisce muniis quam alieno sim animo: quantoque pluris habeam vitam omnem in angulo ad Tyrocini odorè exigere; eorum illicio me sanè non scalpèrè. Acquieuit huic responso Mironus; &, quod ab illo expectabat, petere ultra tunc destitit.

Libet hic verò rem proferre, quae mirifica sanè Baltasari euenit redeunti per Galliam; argumentum utique, quo ad propul-

sandas ab illo xumnas, & pericula, suam Deus providentiam palam fecit. Pomeridiano itinere proficiscentem cum Socijs ad urbem quatuor leucis ab ea, in quam diuerterant, disiunctam, admonuere, caneret à capessendo mōtano calle, grassatoribus nimirum infesto; ingrederentur verò per campum aquis ibi stagnantibus paludosum: iter illac tutum fore. Eò postquam loci venēre, intuleruntque sese in aquas, vectores equi in vterum altè se mergere: ratique eum in modum confici tantum viæ non posse, aquā præsertim initio tam altā; lacunamque, ac cœnum, in quod se infoderent, veriti, quid consilij caperent, addubitabant. Vox interim audita pueri euocantis ad ripam, aientisque: diuersos agi ipsos à via; ad ripam flecterent, callemque montem versus, arriperent. Pensitare tunc illi, an à Deo adesset hic monitor, eique, parendum: an potius ad ipsos capiendos (vt erat) à grassatoribus submissus esset. Pergere proinde, diuino afflatu, decreuere. Sed ecce tibi nouus, & grauior ab lentre per lacum visio metus; quo perplures rubricati remiges vehebantur aduersi. Metuere scilicet, ne facinorosi iidem homines essent, qui ab semita montana abstinuissē ipsos intuiti, media in aqua tutius ad spoliandum obirent. Pulsus extemplo tamen hic metus; excendentibus ijs in ripam, suumque aliò iter conuertentibus. Metuendum id modò restabat, an ipsos fessellisset via; timorque processu augebatur: quare mediā ferè leucā per aquam ingressi, progredi temerarium esse putarunt. Consilium proinde retexendi itineris iniere. Interea verò loci fulgidum retrò equitem, eādem, quā ipsi carpsērant, viā aduentantem, perque aquas, vt solida tellure currentem aspiciunt; isque ipsos assecutus, salute plurima perhumaniter dicta, subsequi se securos iubet, viā callidum, sospitesque ducturum. Auscultauere scilicet, ingressique fuere tam properè, vt ex ijs paludibus emersi ante se ipsi eiecerint, quā Sol se mergeret in Occasum. Confestim verò à paludibus eques viam ipsis passuum, quingentorum periculis atque erroris immunem, ad oppidum, in quod moliebantur, ostendit: ac tum omnium & ex oculis, & in oculis euauit, nequò, vt ipsi planè videre, aut prorsum inuectus, aut retrorsum; ad dexteram aut laeuam ingressus. Eam porò demissā à Deo sibi opem in loco omnes intellexere, gratiasque acturi subsistere tantisper. Fuere, qui Mironi sanctimoniarum singulari munus hoc collatum à Deo tribuerunt: auctorque ipse potissimum erat pergendi per stagnum. Alii verò id Baltasari, iugibusque ipsius precibus referebant acceptum. Simile tamen, veri est diuinam hanc opem vtrique fuisse impensam; quorum vtpote tam iustorum precatio valebat abundè gratiā apud Deum:

pre-

precibus tamen suffragantibus etiam cæterorum: è Christi enim oraculo, *Si duo vel tres consenserint super terram, de omni re quamcumque petierint, fiet illis à Patre meo, qui in Cælis est.* Neutiquam verò dubitandum est, quin plurimum hic locum habuerint Baltasaris preces, eiusque in Dei providentiam fiducia; cuius id loci, ut aliàs etiam in re persimili, à visitata Aragoniæ Prouincia redeunte Baltasare, quod suo loco dicemus, adeò liquidum Deus præbuit argumentum. Neque addubitandum est, eum ex Dei Statoribus Angelum indutum humano vultu, ac veste fuisse. Id enim munus tutelarium Angelorum est, ut apud Regium Vatem habetur, *Quoniam Angelis suis mandauit de te, ut custodiant te in omnibus vijs tuis. In manibus portabunt te, ne fortè offendas ad lapidem pedem tuum.* His verò assentior etiam eâ pietate adductus, quâ summâ id temporis beatissimas Cælimentes Baltasar colebat: cui adscipulatur sensus quem ipse hoc eodem anno die Decembris vigesima secunda hausit à Deo: eiusque hæcæ verbis ipse commemorat. Matutinâs inter preces hoc à Deo munus accepi, à me quidem inter summa relatum, quod animum mihi ad sanctissimos Angelos præcipue deuenerandos incitauit; Legatum nempe, cælestem ad Virginem, Christi consolatorem in hortu, Deoque sacrâm ab altari hostiam perferentem; qui sensus fomes esset, ac reuerentiæ cælestium horum Administorum, habendæ. Tum mihi erga triplicem aliam eorum cateruam infecit amorem; hoc est eorum, qui Christo oranti, pugnant, iterque habenti quondam assiterant; & nunc in his ipsis præsto sunt Iustis: erga Præsides etiam mei muneris, animique; priorisque singulorum Patrum, Fratrumque, quorum mihi credata est cura. Atque iam tum inde cultum à me illis deberi maximum diuino admonitu intellexi, quod à Deo studio ipsius, iussuque præcipuo, ijs commendatum me fuisse cognoueram. In tanta igitur sanctissimi huius viri religione erga mentes Cæli beatissimas, quæ in itineribus & Christo olim, & nunc Iustis assistunt, nil sanè mirum, eorum aliquem illi se Duce[m] huius, aliorumque itinerum obtulisse; quæ prosperè ita peregit, atque si ab Angelo, vti demonstrauimus, duceretur. Minimè verò par est geminam rationem inobseruatam præterire, à Baltasare hic perpen[s]am, quare Sanctissimis Angelis cultum hunc, amoremque debemus. Altera est, quod ita vult Deus, & iubet. Atqui quemadmodum suis Administ[r]is Deus imperat, ut Rectores ipsi nostros agant, ac Præsides; eiusque obsequela gratiâ ipsi perquam amanter, ac diligenter id præstant, ita & nobis eorum, veluti nostrorum Præsidium, Rectorumque amorem, cul-

Matth. 18.
19,

Ps. 90. 11.

Matth. 18.

Matth. 18.

Matth. 18.

tum

tum, & obsequium præcipit: quorum ductus affatusque sequamur, nostra dumtaxat commoda molientium: non secus ac Princeps, qui Rectorem filij iubet suam in illum curam; studiumque conferre: filio item mandat, suum ut Rectorem reuereatur, & audiat. Altera ratio est, vis illa bonorum, quæ per diuinos hosce Admistratos in nos manant; supra quàm cogitatione assequi possit quisquam, ingentia: quare ingrati ne simus, veluti de nobis tam bene meritos amare illos tenemur, & colere: Præsidi que nostro Angelo, quisque suo, quod & suo Tobias, Raphaëli nempe, itineris comiti, ducique tam prospero, affirmare nos possumus: *Si me ipsum tradam tibi in seruum, non ero condignus prouidentie tue.* Quid verò mirum, si mancipium se Cæli Principi dedat coeno compactus homo, quando humillimo huic ille tam celsus regendo, tuendoque operam suam addicit?

CAPVT VIGESIMVMSEXTVM.

Lauretanam Deiparæ Domum inuisit: Sacra illius Imaginis secum aufert exemplar. Eiusdem pietas in Cælium Reginam, & Calites.

PER hoc Romanum iter duo Baltasar præstitit, quibus religio ipsius plurima in Deiparam effulsit; per quam egregijs sanè muneribus auctus à Deo est; velut etiam sanctissimi alij viri, qui eam summa pietate coluere. Quia nempe Virgo hæc diuinissima in hoc mystico Ecclesiæ corpore, colli locum obtinet, per quod, ipsa scilicet deprecante, caput eiusdem Christus ingentia bona, donaque in fidelium membra demittit, ac diuidit; atque in eos maxime, in quibus vitæ integritas, doctrina, scientiaque spiritus, ardor ac studium salutis animorum excellunt: *Qui quasi stelle firmamenti fulgent in perpetuas æternitates.* Stellis hisce cælestis Reginæ sertum contextitur; in ea Apocalypsis muliere adumbratæ, quam Ioannes aspexit duodecim sideribus redimitam. Etenim quemadmodum naui discipuli, docente Paulo, sui Magistri sunt gaudium & corona; ita etiam cælestes hi viri corona Desparæ sunt; omnium utique Magistræ; ab eaque mirandis planè affatibus, sensibusque ad ea, quæ in ipsius vertunt obsequium, excitantur. Licet verò Draco ille magnus habens capita septem, candâ suâ traxerit tertiam partem stellarum: ipsaque etiam Virgineæ coronæ sidera trahere connitatur: ea tamen strenuè virgo tuetur: quæ nimirum altas

Sancti. 10.
A.

Tob. 11.4.

Dan. 12.3.

Apoc.

Phil. 4. 1.

Apoc. 12.4.

altas in electis suis mittit radices. Ij verò, qui in eam tenerâ, solidâ, constantique pietate sunt præditi, pignus, vt Anselmus ait, obtinent egregium destinatz sibi gloriæ immortalis; de quibus hominum Vindex asseruit, *Non rapiet eos quisquam de manu eius, & de manu Patris eius:* adeoque nec de ipsius seruo dulcissimæ Genitricis. In his sideribus Baltasar fuit, ab sui Tyrocinij primordijs, summo in Deiparam ardore pietatis exæstuans: cui horarias preces tenerrimæ pietatis sensu tam liquido persoluebat, vt Gaspar Asterius, eius in eadem Probationis arena commilito, eique ad sacram illam precationem peragendam adiutor, miraretur in illo summoperè insignem adeo ad versiculos aliquot suauitatem, excelsitatemque spiritus. Quo in Deiparæ cultu tantus habuit deinde processus, vt anguis tartareus rabidâ idcirco irâ despumans, vires,neruosque omnes ad eum profligandum intenderit; horrendis sanè tentationibus à Dei, Deiparæque consuetudine illum diuellere commolitus. Et verò Baltasari hunc hostis vaserrimi conatum intet precandum aduertenti, disertè explicatæque in aures ingessit sycophanta nequissimus, Remitte tu, & remittam ego: atque istam præcipuè dimitte religionem, qua fœminam illam colis, quam vocant MARIAM. Apparet hinc certè, quàm gratz Deo illius preces acciderent, quantusque eiusdem esset in Deiparam cultus, quem stygius veterator tantoperè exhorrebat. Atquæ Baltasari calcar id erat ad retinendum eum mordicus, augendumque cum maximè, incrementi tam pij qnærenti semper vndecumque materiem.

Eâ igitur gratiâ, Romam profectus, sacrisque sanctissimæ eius Urbis, alijsque, per iter, alibi sanctissimis monumentis, cælestibus animi delicijs delibutus inuisis, Lauretanum etiam Sanctuarium visere percipiuit; vbi ea colitur ipsa Nazarena domuncula, in qua Gabriel legatione defunctus fuit ad Virginem: eiusque castissimo in vtero ibi se in humanos artus induit Deus; ibidemque diu ipsa, & ipsius Sponsus sanctissimus Ioseph, ac Filius diuinissimus, post suum Bethlemica sub rupe exortum, tantæ dedicationem in Templo, ante etiam, ac post fugam Ægyptiam, vitam agitarunt. Ea domus illuc, vbi nunc perstat, prodigioso Angelorum ministerio comportata, inter sanctissima cum primis in Orbe vniuerso monumenta merito habetur: eamque Deiparæ studiosi persfréquenter adeunt: ac plurimis illic ab ea muneribus exornantur: & exornatus Baltasar fuit eo die, quem illic exegit, eâ, qua solebat, precum perseverantia, & ardore. Quæ quanquam recta ipse tunc habuit, vt alia quoque permulta, conicere tamen ea ex ijs licet, quæ graui morbo, ac prope ab letho Vallisolei de-

Eccle. 24. 13
Lib. de excels. Virginit. c. 4.
Ioan. 10. 28.

cumbens paucis post annis elocutus est. Patri enim cuiuspiam vacanti sibi, Deiparæque Virginis, eiusque Sponsi Sanctissimi Iosephi imaginem ostentanti, ac suadenti, ut ijs se etiam commendaret; Omnino, admodum, respondit ægrotus: id enim mihi hæc Domina imperavit: atque indice, Deiparæ imaginem designavit. At Pater genus hoc responsi miratus, comitem eius Romæ Ioannem Sanciū convenit, hominē plurimæ religionis, intentumque maximè precibus; quarū vsum ab assidua Baltasaris consuetudine, tum eo in itinere, tum deinde etiam diu hauserat; isque tunc curabat ægrotum. Quare locus illi querendi ex eo fuit, compertumne quicquam haberet, de Baltasaris erga D. Iosephum pietate: cui ille, cum, inquit, post effusas ante Lauretanam Virginem preces, exeuntem sibi dixisset; Iniecit mihi multæ pietatis in sanctissimum Iosephum cupiditatem ingentem. Hinc verò ex ipsa sponsi huius ratione colligitur Deiparam plurimo illum studio fuisse, complexam; ex qua didicisset, quæ suæ salutis, atque perfectionis interessent: in alijs verò, fuisse ab ea illi Sponsi sui sanctissimi cultum ut cum maximè commendatum: argumento sanè, quanto huic erga Sponsum amor amor adversus Virginem ipsam, religionique præstaret. Quemadmodum enim Dei filius diligentibus ipsum, amorem suæ Genitricis insinuat, quo illi documentum, præbeant caritatis in sese; simulque vberiores in virtute processus efficiant, ita & Deipara valentes apud se gratiâ, sui Sponsi efficit amatores, quò & animum sibi benevolentissimum approbent; & utriusque cultu maiora capiant incrementa virtutum.

Alterum etiam Baltasar secum ab vrbe fomitem exportavit ad excitandam in Virginem pietatem; cuius Imaginem, suum Deique Filium vlnis amplexæ, ipsius cultor eximius egregiè Lucas effinxit; eaque in Romano D. MARLÆ maiori Templo nunc colitur. Borgia verò supremum in Societate magistratum obtinens, ob suam in Cælitum Reginam religionem plurimam, gratiâ vsus, quâ multâ apud summum Pontificem valebat, cum eo tranlegit, impetravitque, ut eo ex autographo quàm accuratissimè depingeretur effigies; cuius deinde impressa exemplaria, ad incrementa cultus ubique tam pij, in Christianam Rempublicam longè, latèque disseminarentur. Horum vnum perquàm elegans secum Baltasar abstulit, præsidium sibi ad pericula omnia propulsanda. Postquam verò Methymnam Campi se retulit, cuius ipsè Collegio moderabatur, pulchrè illud, vti decebat ornatum, in apto, amploque Sacello proposuit; quò Nouritij ad spirituales cohortationes, piæque alia obeunda exercitia coibant, ut studia pietatis in Virginem impensè magis magisque susciperent; per eamque ad
con-

consentaneam Societatis nostræ spiritui perfectionem prouehentur. Sacellum hoc frequens ipse visebat, ante Virginem diu, ac solidas etiam noctes cum ijs, quorum meminimus, euentis, effusus in preces. Nec eo contentus, paruulam eiusdem Virginis secum gestabat icunculam, futuram & indicem amoris, quo in eam summo exultuabat, & clypeum ad tentationes strenuè retundendas: quod & tunc sentit, cum septem, vt dictum est, horas oculos in eam defixit, ne mulieres sibi aduersas aspiceret.

At verò solemnes Deiparæ dies impensiore studio recolebat; multò scilicet precum apparatu. Quare diuinos tunc afflatus celestiaque munera largiùs capiebat: quorum vnum dumtaxat prorsus, feram ab ipso in aduersaria relatum, his verbis. Sacro concepte, Virginis die geminos sensus hausit; alterum enixè à Deo efflagitans, vt, post exactæ vitæ tot annos, cor mihi in ipsum ita conuersum, atque immersum annueret, vt Genitrici suæ, quo primo concepta est puncto temporis, impertinuit. Alterum, vt quandoquidem Dei Filius nobis ipse se donans suum nobis Genitorem, suamque Genitricem dulcissimam condonauit, addat benedictionem suam cumulum, vt nempe nos eisdem largiatur, quod ipsius & diuinissimum Genitorem & suauissimam Genitricem eo, quo decet, amore prosequamur, & cultu: atque veluti dixit, ipse Ioanni, *Eccè mater tua*, deinde Matri, *Eccè filius tuus*, & ex illa hora accepit eam discipulus in sua, ita & nobis illam eandem, ratione nunc donet. Sensem hunc vtrumque animo Baltasar infixit; atque vt erat ingenuus Parentis huius amantissimæ filius, non ipse modò summo illam obsequio coluit & honore, sed stimulos etiam, opemque aliis ad eam pari obseruantiam colendam, adiunxit.

Contulit in id illi plurimum ipsius intimus Martinus Gutterius, Deiparæ studiosissimus; adeoque sidus in Virgineo sero fulgentissimum; eius aspectu persæpe recreatus; atque tunc maximè, cum gratias Virgo illi egit ob quæstionem sibi perhonorificam, tractari ab ipso iussam: in qua re illi adiutorem sese Baltasar etiam præbuit, rei in exitum perducendæ percupidus. Cum enim Ioannes de Auila, auctor opusculi in Psalterii versiculũ *Audi filia*, in Bætica pro concione dixisset, Deiparæ Virginis gratiam ampliorem fuisse, quàm vniuersè Cælitum simul omnium, cum beatarum mentium, cum hominum, qui & fuerunt & erunt; cumque ex hoc videretur, & quidem meritò, incrementum ingens accedere laudi, æstimationiq; Deiparæ, egere cum Francisco Suario, Theologica tum studia priuatim recolente, ingenij perrari viro, neque minus Deiparæ studioso, vt ea super re quæstionem conscriberet; qua pro-

habile id esse, & Patrum sententijs, & rationi consentaneum com-
monstraret. Conscripsit quaestionem Suarius, & quidem ex ani-
mo utriusque Viri sanctissimi: quam deinde auctam, & locuple-
tatam in suum alterum volumen retulit in 3. partem D. Thomæ:
ubi sua vela ingenij, ac pietatis explicuit, Deiparæ gratiam, &
prærogativas explanans, roborans, & attollens.

E re etiam fuerit Baltasaris pietatem advertere in hoc itinere
susceptam non modò in D. Iosephum, ut nuper, atque Dei Sta-
tores Angelos, ut extremo superiore capite sermo fuit, sed & in
beatissimos alios Cæli ciues, quorum monumenta sanctissima,
imploratâ per preces ipsorum ope visit, & coluit. Eadem erat
eiusdem obseruantia in Sanctum sibi cog nominem, in Regni, loci-
que in quo morabatur Præsides; in eosque demum omnes, quo-
rum sibi amor ingigraetur à Deo. Quibuscum duplicem statue-
bat rationem agendi, veluti cum intimis Principis cuiuspiam,
Administris: vel eos alloquendo, rogandoque, ut interpretes ipsi
nostri, nobis ab summo Rege id, quod flagitamus, exorent: vel ijs
libellos supplices, & postulata deferendo, in quibus non quidem
ipsos, sed Cæli, terrarumque Principem appellet oratio: quos
proinde libentiùs, benigniùsque Deus admittet ipsorum oblatos
manu, quàm nostrâ. Hac porrò ratione ijs nos precationem
Dominicam, Angelicamque salutationem offerimus; ut eas ipsi,
tanquam libellos supplices Deo reddant. Vtrâque verò ratione,
cum Cælitibus Baltasar egit: quorum beneficentiam expertus est
in sese largissimam; ut ipsius docent sensuum piorum autographa:
in quibus extremis tam ingens, subitumque animi sui bonum
vehementer admirans, non suis id certè promeritis, sed Cælitum,
quorum memoria eo die recolitur, aut quorum in Templo, vel
in loco illud acciperet, referebat acceptum: gratesque tunc ijs
tam bene de se meritis optimas persolvebat. Vnicum in hanc rem
exemplum hîc ex eo repetam, quod illi anno salutis 1574. ad
xviii. Kalendas Octobris euenit, inter euigilandum mane, cum
cogitatu sensuque, suprà quàm aliàs, animi liquidissimè delibuti:
quippe qui tunc intellexit, quid sit animus, cum illi Deus adest;
quid cum abest: explicatoque ibi quod senserat (id verò nos in
„ capite de humilitate reddemus.) confestim intulit; Cogitanti
„ verò mihi cui nam deberem hoc munus, S. Millanus in mentem
„ venit, cui dies ille sacer erat: quique pastorem exercens, per
„ speciem ipsi obiectam in somnis, in virum alium, eumque san-
„ ctissimum commutatus est: cuius amore à pluribus iam annis
„ diuinum me Numen affecerat. Matrem etiam memini Mariam
„ Diariam, egregiam Dei ancillulam, cognitam mihi Abulæ,
inque

„ inque illius Templo conditam: gratiasque confestim egi Deo;
 „ Diuisque, quod tam bene de me vsque immerito mere-
 „ rentur.

Denique summa pietate Baltasarem Deus imbuat erga omnia;
 quæ ad Cælites pertinent, ipsorumque Sacraria. Ea enim Psal-
 tis verba, *Honorabile nomen eorum coram illo*, secum animo aliquã-
 „ do commentans, somnus menti, inquit, irrepfit, ab animo ni-
 „ mirum ingenti admiratione suspensio, cum aduertens honorem
 „ (si ita loqui fas est) quem suis habet famulis diuina Maiestas,
 „ tunc etiam, cum eos ob vitia, culpasque redarguit: eosque à
 „ Deo didici obseruantissimè colere. Rursum, Cælicolæ, ait, plu-
 „ rimorum instar luminarium sunt diuinissimam ante frugem, ra-
 „ dij sunt veri lustris Solis, supremi Cæli sunt sidera, riuus in-
 „ gentis fluiui ex Dei sede fluentis, Seruatoris, Christi vitis pal-
 „ mites; de quibus sine lacrymis non decet effari: ijs enim, hac
 „ vitæ nostræ ratione, ab illa ipsorum tam degenerere, probro su-
 „ mus; ducendumque pudori nobis esset, quod tenellulæ virgines
 „ adeo strenuè connixæ fuerunt in salutem; nos verò contra tam
 „ languidè, tam ab ijs procul ingredimur.

Ps. 71. 14.

CAPVT VIGESIMVM SEPTIMVM.

*Prouincialis cum duorum Patrum comitatu Romam pro-
 secti Baltasar vicem gerit. Illi capiuntur ab He-
 reticis; ipse in ijs redimendis strenuè
 allaborat.*

Cum in Collegio Methymnensi Baltasar expetito sibi tanto-
 per otio fueretur, nuncius de Francisci Borgiæ viri sanctis-
 simè memorandi obitu perlatus est. Prouincialia porrò indicta
 fuere Comitia; in quibus, pro Societatis more tres iuberentur
 Romam, ad nouum dicendum Generalem Præpositum, profecturi.
 Habita ea sunt Burgis; Patrique Ægidio Gonzalez Abulensi Ca-
 stellanz Prouinciali adiuncti sunt in id muneris alij duo peranti-
 qui, per integri, pij, prudentes, animorumque regendorum ex-
 perientissimi Patres; Professorum domuum, Martinus Guttierius
 Vallisoletanz, & Ioannes Suarius Burgenfis Præpositi (domus
 hæc altera in Collegium deinde commutata est eò, quia sine re-
 ditibus sustineri non poterat.) Prouincialis interea vices datæ
 sunt gerendæ Baltasari; gaudente oppidò vniuersa Prouincia: in

qua nimirum ille percognitus plurimam sibi æstimationem, beneuolentiamque omnium conciliarat. Eo muneri pro communi spe, atque expectatione defunctus est: vnumque votum erat omnium, ut ipsorum Collegia lustraret, quod de suis animi rebus cum ipso conferrent; ab eiusque ingenti pietate ac spiritu solatium simul, fructumque perciperent. Mox tamen acerbissimus vniuersæ illi Prouinciæ delatus est nuncius; tres illos Romam profectos Patres cum Laico, (nomen filii Iacobo Delrio) in ipso per Galliam itinere, ab hæreticorum transfugarum manu Cardellaci captos esse. De sinistro hoc euentu certior factus est Baltasar epistolâ geminâ; quarum alteram Ioannes Soarius illi dedit, dicendi charactere vltus semper graui, conciso, conspersoque sententijs: alteram Prouincialis Gonzalius; eam verò, quippe saucius, breuiorem; qui & reliqua ab Socij tabellis ediscenda reliquit. Martinus Guttierius epistolam dare non potuit letho sublatu in carcere. Visum est re fuit utrasque litteras hîc proferre, tum ut diuinæ prouidentis multiplex ratio in destinatione suorum appareat, hunc periculum permittens, illum eripiens; tum quia intra Baltasaris historiam sunt, ad quem litteras illi dedere.

Ioannis Soarij ad Baltasarem Alvarez Epistola.

A Micorum consilia mercatorum, iter per Galliam suadentium, tu quidem R. P. probè nosti. Eadem confirmata fuere Victoriæ, aduentu Francisci Reynosij: tum etiam Gallericij, ex occurso Gabrielis Fonscij: postremò quoque Sangerij, postquam in Galliam nos leucis iam quinquaginta intuleramus, ab discessu Francisci Retanij; quibus omnibus iter per Gallos fuit. Dei tamen factum est nutu ut Socijs Patribus promerendi, mihi verò ærumnas eorum spectanti, perpetiendi nomen, & materia præberetur. Admoniti Luthericorum Castrum propter viam situm esse, quatuor leucas ab illo defleximus. At illi Religiosos quatuor Hispanos aduentare per exploratores edocti, seni numero, armis validè muniti equites, viam nobis obuij interceptere. Constringunt nos primò, & atque à calle seducunt in montem; tum pecuniam eam perpaucam auferunt, qua Lugdunum vsque eramus instructi: inde in propinquum amicorum castrum pettrahunt, quæstionemque redintegrant: vestibusque, & libris & autographis nudant, quæ nobis ante permiserant. Tum in equitabiles belluas adorti, habenas illis, ephippia, cæterumque detrahunt vectorium apparatus: in sacrarum precum codices, crucis, imagines, fersa piacularia, sacrasque reliquias inuadunt: eaque

eaque omnia indignissime, pro suo ipsorum more, non pro illorum merito contrectant. Ne mihi mei diem animi Deus unquam nocte cæcitatibus extinxerit. Quam confuse, perturbatæque caligo illa æstimat, & contemnit, amat, & odit, sequitur atque infestatur, pro malo bonum, pro bono malum! Errores ab ijs Deus euellat; forent enim ipsi ad Fidem orthodoxam idonei: & verò in huius amplexu obsequenter viuere conducibilis ipsis foret. Inde nos suum in castrum præpropere compulere. Anteibat eorum vnus, sequebantur alij, alij medij comitabantur, maledictis probisque nos ipsos, vectarias mulas, vectosque quandoque stimulis, ac verberibus incessentes. Animum interea confessione peccatorum in itinere expiauius; Deo nos valde commendauimus; ærumnasque illi nostras, & vitam obtulimus. Agebant inter se illi, audientibus nobis, mortene nos afficerent, an nobiscum de redemptione transigerent. Alij quidem alterum hoc affirmabant; negabant alij: nam & Hispani sunt, aiebant, & Sacerdotes: Ipsorum Rex auctor fuit Gallorum Regi, per nuptias, nostros vt antesignanos, ducesque dekeret. Nisi genus hoc Clericorum aduersaretur, nostra religio (eo nomine suos appellant errores) præpolleret. Si nos Hispanorum Quasitorum manibus dederemur, nullâ nos illi pecuniâ redimi paterentur. Equidem, aiebat alius, aureos viginti persoluerem, vt horum vnus daretur mihi mactandus: At ego, subiecit alius, ducentos in hoc ipsum impenderem. In castrum denique perductos, magni, medij, parui, viri simul, atque mulieres, sciscitabantur singuli, an Sacerdotes, an Monachi, an Beneficiarij essemus; an quisquam inter nos esset Antistes. Vera omnibus responsa, captiuorum habitu, toleranter dedimus, & submisit. Coniugia tunc in nos quisque, & contumelias, ex diuini consilij permissu, coniecere. Et tamen par geminum virorum, atque mulierum nostri misertum est: aiebant quippe caritatem à Deo imperatam esse in peregrinos, amicos item, ac hostes. Eorum inter primores de nostra cæde constitutum est, nisi vitam grandi pecunia redimeremus. Id nuntiaturi clanculum ad nos aliqui aduenere; mox idem edicturi palam alij nos accersunt: se quidem ingentis modò pretij spe ab nostra cæde manus continuisse. Centussum quatuor millia petebantur: quadringentos obtulit Prouincialis. Tunc eorum vnus, qui adorti nos erant, vbi spem vidit pecuniæ tam modicam, Guttierium, ac me editam in turrim abduxit, præcipites nos ex ea se daturum affirmans: alius verò vesano furore percitus stringit gladium, & prouincialem Gonzalem semel cæsum, bis punctum ferit; Dei tamen benigna factum est ope, vt vulnera non altè descenderint;

corumque postremum sese per extremum latus eiecerit: ita confossum eam in turrim pertrahunt, alio percussus similes in itinere minitante. Delirius miseratus hominem adiunxit illi sese: eoque simul in turrim adacto, nos ad stramineum ignem, cum agrestium paupere, captiuoque item turba horas quinque circiter reliquere. Solatio sanè fuit socios illos habere, atque illorum, coniunctam cum fide tolerantiam, constantiamque spectare. Deo nos, ac Deiparae, sanctissimis Angelis, Cælitibusque omnibus enixè commendauimus. Consulimus deinde in medium, quid agendum. Dissuadebat alius de redemptione transigere: satius esse tanquam Orthodoxæ Fidei affectas, Sacerdotes, hæresumque osiores mortem oppetere. Subijciebat alius: decessuri aliquando sumus, & fortè quàm mox; neque vnquam per vitæ quicquid est reliquum, talis sese fortasse dabit occasio; atque vtinam conditionem pecuniæ minimè obtulissent; nobis certè res bellè ceciderat: at equidem dignus haud eram, qui tam dulci, honestaque morte defungerer. Constitutum denique sic est: æquum redemptioni pretium paciscamur; ne, ob curam, anoremue pecuniæ miserum, vita spoliemur: post hæc, restat animam pro Christo effundere; hanc nos illi deuoueamus. Multis igitur verbis vtrò citròque habitis, in redemptionis pretium, connumeratis viæ sumptibus, alijsque, decreti sunt mille minimum coronati. Tunc coronæ loco, quæ ab obita pro Christo morte decorare nos poterat, ad hospitium ducimur: in eoque nobis cubiculum, stratum, Chirurgus, & vicus attribuntur. At ijs non satis esse videbatur ea pecunia quatuor hominum capitibus, scriptis, quatuorque vectariis belluis redimendis. Mercator enim ijs in popularibus quispiam, pro capitis vnus sui pretio, aureos mille, & amplius persoluebat. Verùm prima iam ira resederat; fructuosius verò arbitrati sunt sibi, oblatâ nostrâ pecuniâ, quàm suo expleto furore potiri. Neque porro nobis id pretium pro libertate, vitæque nostræ pergrauæ visum est fore isti Prouinciæ: pijs præsertim amantibusque istic nostri compluribus opem in hoc suam, parte multa suppeditata pecuniæ, collaturis. Sed aliud hic accidit, quod nos altius vulnerauit; & mihi vberiore quam ante alias stetum expressit: vtinam verò Deo gratus effluerit. Cuiusmodi dolore lateris ictus, ab eo post quinque nec integros dies occubuit. Non illum Sacramentis munire, non funus, ac tumulum eius expiare sacris, ac ritu precum solemnibus potuimus. Prouincialis in abiecto humi lectulo perægrè habens à vulnere proximè decumbebat. Frater Delirius, vnâque ipsè operam illi nostram, non quidem vt erant vota, sed vt ferebat locus, impendimus. Subuen-

uentum est terna sanguinis emissionem, atque elegmatis, seu mitigatorij: ipse quidem expuebat commodè, quanquam multum, atrumque. Quarto deinde die recreatus à morbo sic est, vt dixerit, videri sibi ex decem ægritudinis partibus, vnā sibi in modō restare. Ab hac morbi imminutione serenior, multāque spe conceptā salutis, voluit ea, quæ expuerat, purgamenta conspiciere: quæ vbi atra animaduertit, actum iam de sua vita illico affirmavit. Paucis ante diebus hunc illi sensum Deum immiserat; Bonum nihil esse, nisi quod æternum; neque malum, nisi perpetuū duraturum. Statimque tanto perfusus est gaudio, vt palam illud expromeret, diceretque; Scire, & quantum velis haurire, ah, quid hoc erit! Hic illi intumescere pectus, oculique rigescere: ex ijsque fluere lachrymula: noctis deinde horā decimā, quinto die à decubitu ineunte, supremam efflauit animam, Deoque reddidit, recta, vt quidem opinio mihi, & spes est, inuectam cælo, ob singularem, quā præditus erat virtutem; ob egregiam doctrinam, exemplumque clarissimum, quod tum Ecclesiæ, tum Societati nostræ præbuerat; ob fidem, tolerantiam, constantiamque, id loci seruata. Discessit enim ab humanis obedientiæ peragens imperata; post suam vitam omnem ritè expositam Sacerdoti; profususque sese inter hæreticos, hostesque fidei Orthodoxæ, eiusdem filium & Sacerdotem: cuius ab osoribus, atque insectatoribus captus, & confectus occubuit. Sequar ego vtinam quò illum præiussisse non dubito. Solatio mihi erat ipsius Societas; cuius ergo immunem me malorum fore considerem. Post eius verò ægritudinem vehementer angebar, veritus ne meorum nomine, multāque flagitiorum Deus illum vobis eriperet. Aliqua ei subinde de Deo, immortalique vita, opportuna temporis suggereram; non sine multo pudore simul meo, sensuque pertenero. Cruciculam è cera confinxeram: eā illi opitulabar, vt migraret è terris cruce munitus, & cereo. Supremas animo commendando preces ex horario codice recitavi, clam ab spoliatione subducto: eiusque lateri me adiunxi; atque ibi ad vsque diluculum hæsi, non sine metu modō, sed cum animi securitate multa pariter, & iucunditate. Propter Templum, præ quo salutiferæ Crucis signum erat, cum lacrymis, secretisque precibus illum humauimus: nil fieri supra, tunc poterat, nec illi ferebant. Cætera tu ipse R. P. ac reliqui præstare, supplebitis, sacris hostijs, precibusque atque aliquo Salmanticæ, seu Vallisoleti exequiarum honore. Dignus enim ijs est quā qui maximè. Postquam verò ad Catholicæ Fidei locum deuenimus, meas qualescumque preces, & quæ potui, sacra illi per-

persolui. Hic ego de illius morte Socios docui; certioresque hinc feci Societatem Romæ, ac Moderatores Prouinciarum Belgij, & Galliæ; vt eadem illi pia officia erogent. Quibus etsi haud illi opus esse confido, muneri tamen nostro nos deesse non decet: neque ipse ibi est, vbi impensæ sibi ab omnibus voluntati habere gratias, & referre non possit. Ego profectus inde sic fui. In commentarijs syngrapham ij creditæ pecuniæ inuenere, Gutierrezio, aut mihi, seu Prouinciali soluendæ: è duobus alter decesserat; vulnera curabat alter: vnus ipse supereram, cui numeranda pecunia esset. Eam proinde tradendam ipsis recepturum me dimisere. Abeunti mihi viæ ducem ex suorum numero adiunxere, persecutum ad Luthericorum castra duo, vel tria; altero quarta leucæ parte; altero parte etiam minore disiunctis. Duo exinde orthodoxorum militum turmis obsessâ loca traieci, ob egestatem, pecuniâ, & ob metum indicij, vitâ spoliantium. Fauentis tamen Dei nutu, tuæque Reuerentiæ precibus actum est, vt captiuitatis nostræ, pactique pro redemptione pretij, ad quod curandum ego proficiscer, peruagatâ iam famâ, dimitterent me, dum, pecuniâ comportatâ, redirem. Galliæ Prouincialem Edmundum, & Rectorem Rotomagensem offendi ab Cardellaco, vbi in grassatores incidimus, decem leucis. Per hos, Dei ope, tuâque redemptionis conflatâ pecunia est. Et me quidem illi ad id negotij minus idoneum arbitrati sūt. Quare Rotomagensis Rector, superiorem die, armatus & eques, virique nobilis habitu, cum multa voluntatis optimæ significatione discessit: eumque nempe popularem, propinquum, ac locorum, linguæ, morumque peritum, remtuto ac prosperè transacturum, exactâque captiuitate, suo reditu, diem nobis rediuiui Christi lætissimum apportaturum esse confidimus. Ac tum, adsit modò Deus, tuisque sacris ipse nos adiuues, inire Romam, viginti, vt fertur, dierum itinere, tempestiue poterimus. Faxit id Deus, quod in maiorem vertat ipsius gloriam. Amen. Datum Lugduni die 10. Maij Anno Saturni 1573.

Aegidij Gonzalis ad Baltasarem Alvarez Epistola.

DE exerciti in nos latrocinij euentu docebo strictim his litteris. Nihil est, ab eius exorsu cur scribam: id enim perferiptum ab Ioanne Soario probè noui. Ad vsque Gutierrez agritudinem, quicquid erat ærumnæ, tanta fuit dulcedine conspersum, vt gulam propè saperet extima calamitas, tanta intus suauitate ani-


animi delibuta. Morbus, cui à primo statim die visum mihi est multum inesse periculi, solitudine nos ac mœrore cœpit afficere. Et verò, quanquam occubiturum se mihi æger ipse liquidò affirmabat, assentiebatque vis morbi, persuadere tamen mihi non poteram tantum luctus à Deo nobis ægerimis adiungendum; malumquid omne in vnũ, vt aiebam, congestum, à nobis esse denotandum. Haud equidem scio quicquã à me prolixius intra viginti annos, nec eius salute expetitur, nec eiusdem morte defletum. Fortior multò ipso me dolor exitit: nam mihi planè me abstulit. Neque verò spectaculo quisquam præsens, siccis oculis nostras, opinor, lacrymas potuisset aspicere; quæ commiserationem vel in hostibus excitarent. Intra horas quinquaginta, siue amplius paulò, animam Deus ab illo repetijt, postquam vniuersæ vitæ conscientiam apud Sacerdotem ritè deposuit. Cardellaci humo datus est, modo, quo ibi potuit, vbi nullum religionis vestigium apparebat. Postridie Lugdunum discessit Ioannes Soarius: hic verò nos hæsimus: & ego quidem decumbens à vulnere: militis verò causã malè faucij, qui perpatro nostro in cubiculo curabatur, grauitèrque olebat, aucta mihi febris est, cum alui proluiue; vnde vires mihi plurimum defluxere. Per sanctiorem hebdomadam ab stragulo surrexi: nobisque leuamen erat in solariũ ascendere: ibique pio secessu nobis aliquandiu vacare; ac spirituum eorum dierum sacris ceremonijs ac precibus, pietatiquæ orthodoxorum fidelium interesse: cùm, eo in diuersorio, ab diluculo in noctem carnis vefcentes, perpotantesque conspiceremus; nullã temporis tam sacrosancti memoriã, vel respectu. In hunc modum ij à nobis exacti sunt dies, ad noctem vsque post diem alterum à Christo rediuiuo; mente in tempus defixa pietatis Christianæ tam plenum: dum interim distinebamur ab omnibus. Noctẽ deinde à die Paschatis altera cœpta est augeri nostra calamitas. Timebatur enim obsidium castrò ab inimicis: quæque transacta per eam noctem fuere, supremi diei imaginem referebant: nobis interim mortem spectantibus, capto scilicet loco, certissimo euenturam. In his, curatores & hospitij, & mei vulneris profugere. Cibus nobis castaneæ, & caseus, atque ab his diebus, bubula salita. Noui deinde quotidie metus, & angustię ad insequentem vsque diem Dominicum, à Christo resurgente primum, quo quietum est: vulnusque mihi à conflato pure vlcerosum, ad redintegrandam curam, apertum est denuò. Ineunte Aprili eius gregis primoribus nullus quæstus visus est accessurus ex nobis. Efferatis proinde vultibus ad indicendam nobis eadem aduentat: de qua consilia inter ipsos plura: quæ dum vitrò, citròque feruntur,

Hæ sunt gemini huius sanctissimi viri litteræ, quos hisce ærum-
nis Deus primum exercuit, mox & ab ijs eripuit; alijs à se alijs
nihilò minoribus exercendos. Martinum tamen Guttierium egre-
giæ sanctimonix virum id loci præmio afficere voluit, assertum
ex carcere non ferreæ tantum compedis, sed & humanæ compa-
gis, laudes diuino ipsius nomini modulaturum; ipsiusque tandiu,
ac tantoperè expetito aspectu dulcissimo fruiturum. Et verò ge-
nus mortis accidit sanè illi pro votis, specie, formæque marty-
rij, teste Ioanne Soario, ab hæreticorum, Fidei, quam ipse pa-
lam, disertèque profitebatur, hostium vulneribus, cæterisque
damnis illatæ. Vt enim Martino Guttierio habitudo virium fuit
magis imbecilla, quàm cæteris, ita plus ipse damni suscepit.
Cumque Deiparæ cum primis amantissimus esset, hæc illi suppe-
tias in hunc exitum prærogauit. Prope enim ab loco carceris cum
abessent, desiluire ad sacellum Virginis obuium oraturi; didicit-
que ab illa, se intra octiduum obiturum. Neque verò cum Virgo
oblita est, neglexitue post funus. Ipso enim ad secundam matu-
tinam horam extincto, paucis post horis, Gallico habitu, perho-
nesto tamen, in cubiculum intulit sese mulier per Hugonotorum
custodias palam iagressa: affataque Soarium (cuius narratu re-
scitum id est) linguâ ipsi probè cognitâ percontata est, num quod
ibi funus haberent, & an cadaueri linteum esset iniectum: quod
cum consideraretur, syndonem ipsa mundissimam protulit ab vi-
nis; castèque, ac per otium illud inuoluit, signoque salutis im-
pertijt: ac Soario gratias agenti, & aliquid etiam pecuniæ offe-
renti respondit; non eò profecta huc sum: statimque euasit, ac
videri desijt. Senferuntque omnes eam fuisse Deiparam, aut sub-
missam ab ipsa sui Vicariam, suorum assecularum amantium, & vi-
uorum angustijs, & extincti necessitati humanissimè subuenturam.
Contectus humo est propter crucē stantem pro Templo: factum-
que diuino consilio fuit, vt sepulcri locus è memoria penitus non
abiret. Triginta enim post annis Iacobus Turrianus, pro suo
plurimo in sanctissimum hunc virum amore, cultuque, Romam
petens Peruanæ suæ Prouinciæ Procurator, Galliamque trajiciēs,
Sociis in Collegio Cardellaco prioribus persuasit, vt quæren-
do, recipiendoque tam sancto corpori studium omne conferrent.
Contulere verò tam diligenter, vt indicijs, testibusque certissimis
ipsummet verè compererint. Quod reuertenti ex Vrbe Turriano
tradidere, secumque id ille in Hispaniam aduexit, Salutis anno
1603., deditque Alphonso Ferrerio Castellanz huius Prouinciæ
Moderatori. Quanquam verò id Salmanticense Collegium po-
stulabat, cuius gubernacula Guttierius multos diu annos obti-
nuit;

nuit; adiudicatum tamen est Vallisoletanae Professorum domui, cui tunc praeerat, cum decreta est illi, suffragiis, Romana profectio: plumbeoque loculo inclusum super Aræ maximæ gradus collocatum est in cornu Euangelij, iniecito lapide sic inscripto latine. *Patri Martino Gutierrez Almodovar, huius domus Praeposito, singulari pietate, virtute, ac doctrina viro, in carcere apud Haereticos Cardellaci in Gallia Narbonensi vita functio anno 1572. aetatis 49. atque huc inde translato, anno 1603. amoris ergo Patres D.D.*

§. I.

IAm verò ut cursum repetamus historiae, litteris his acceptis, iussit Baltasar illicò pecuniam redemptioni conquiri. Quod etsi quicunque gubernacula tunc Prouinciæ obtineret, omni sanè sua opera, studioque accurasset; ea enim Societatis est caritas, ut non Patribus modò tam grauibus, in quorum vita ipsius boni tantum erat, sed & fratri cuius laico, eandem curæ pietatem impenderet; alienum licet æs confluendum esset ab vniuersa Prouincia: facilius tamen fuit promptè id præstare Baltasari, notorum causâ, amicorumque Methymnae, ac Burgis præpollentium fide, ac opibus mercatorum; quibus ob negotiorum Societatem, communionemque Lugduni expeditum erat opportunam redemptioni suppeditare pecuniam. Et verò Dei mens prouida huic necessitati non defuit: superiore enim anno Tyrones duo spectabiles Societatem inierant; qui ex hæreditarijs obuinentibus sibi legitimè bonis, tria centussium millia, quantum illi pro redemptionis pretio peterent, addixere. His actis Baltasar præproperè ad rem perficiendam profectus est Burgos: indeque confestim fratrem nostrum Bartolomæum de Baeza tyrocinium tunc ponentem, scientemque Gallicè misit, veste indutum populari, ut hæreticorum & falleret oculos, & manus effugeret, cum credita pecuniæ syngrapha Lugduni recipiendæ, vbi persolutum est ex pacto, quod debuit; prouisumque Patribus de reliquis Romanæ viæ præsidij.



CAPVT VIGESIMVM OCTAVVM.

*Morbi ipsius graues, aliaque id temporis inualetudines.
Eiusdem in ijs tolerantia, ac virtus plurima.*

C Vni Baltasar summum præ se ferret in omnibus cum diuina voluntate consensum, illius periculum sumi in aduersis oportuit; cumque alia perpeti pro dignitate vilia, despectaque; alia pro sensu aspera, & molesta. Vt enim auctor est Bernardus, *Non sariatur animus vanitate, neque corpus voluptate*. In culmen verò perfectionis euasuro, vtroque victo opus est: ad quæ funditus profliganda, opprobria Deus annuit, quibus animo afflatur humilitas, vanitas efflatur: morbos ingerit, ac dolores, qui tolerantiam probant, atque perficiunt: appetitas verò sensim voluptates amouent, & exculcant. Eò proinde contemptibus Baltasarem, Deus exercuit, vt absoluta vndique, quod deinde docebimus, humilitate illum imbueret; morbis verò, cruciatibusque, vt numeros patientiæ omnes impleret. Ab his verò exorsus est prius, materiem vt illi præberet, qua in omni virtute proficeret. Pauli enim oraculo, *Virtus in infirmitate perficitur*. Virtutem verò cum dicit, nullius peculiari nomine vsurpato, à morbis docet opportunitatem iustis offerri in virtutibus omnibus efficiendi processus, seseque perficiendi. Quæ, cum maximè tunc effulgeant, dignoscuntur scilicet, ipsæque se produnt ad Conditoris diuini gloriam, & proximorum exemplum. Plurimum verò in id conferunt duò morborum genera, quibus sanctissimi viri perquam solidè, ac diligenter expoliuntur: alij ferè assidui sunt, valetudinis instar incommoda; vnde cruciatus, & dolor; sed non lecto tamen assurgunt, neque suo defungi munere, rebusque cæteris quenquam ventant; licet hæc perincommodè obeantur: alij grauiores subinde, vehementioresque contingunt; perdurantque aliquandiu; per quos ægrotantis tolerantia, lenitasque, æquabilitas animi, obsequela, ac fulgor caritatis excolitur, expolitur, exponitur: cum primis verò, incidentibus in ea tempora morbis, quæ seu munera, susceptaque in ijs consilia præpediunt; seu vitæ, & quidem florentissimæ spebus optimis interitum minitantur. Vtrumque cepit Deus ex Baltasare periculum; illo in omnibus æquum, ac diuinæ voluntati consentientem animum mirificè custodiente.

In fonticis primùm morbis ea illi tolerantia erat, quæ Medicos

cos, ac Valetudinarios admiratione defigeret. Et quemadmodum Iob dolori dolorem addebat, sanicem testa radens, ita & Baltasar suis cruciatibus alios adiciebat in cumulum. Namque vti supra docuimus, os, inter hauriendum, pharmaco colluebat; cibum, verò fastidiens, ad sese frangendum, tunc magis illum fumere, connebatur: atque vbi licere putant alij (& verò licet) annuere sibi aliquid ad leuamen, nouam ipse venabatur ibi materiem patiendi: illud cum Iobo item affirmans; *Quis det vt qui capit, ipse me conterat? soluat manum suam, & succidat me? & hæc sit mihi consolatio, vt affligens me dolore non parcat, nec contradicam sermonibus Sancti?*

Iob. 6. 9.

In angustias cæterarum maximas, summumque virtutis suæ periculum adductus Baltasar est à morbo, quo id ferè temporis Vallisoleti laborauit; post rem, quam superiore capite exposuimus, confectam Burgis: quem ipse morbum visus est aliquibus indicijis præsensisse. Eius enim comes narrauit in reditu ad hanc Vrbem, eâ procul visâ, verba illa multo cum sensu pronunciasse Baltasarem, quæ Hierosolymam subiens effatus est Seruator Christus Apostolis, *Ecce ascendimus Hierosolymam, & filius hominis tradetur &c.* Et enimverò eam in vitæ crepidinem adductus est, vt iam decessisse sit creditus; eiusque vultui linteum sit iniectum: adito etiam ædituo, vt campano ære funebre signum ederet. Vitæ tamen, cum miraculo penè reddidit illum Deus; plurimis, enixisque precibus impulsus, non domi tantum nostræ, sed & in reliquis Religiosorum Ordinum Cœnobijs in hac vrbe, pro postulatu nostrorum, effusus: suam etiam conferentibus opem pijs popularibus; communi cum omnium commiseratione, ob iacturam, quam vnica tunc Prouincia ab sui Moderatoris, viri tanti, tantisque animi bonis ornati obitu pateretur. Postremæ sacri olei vinctiõni successum hunc aliqui retulerunt acceptum: quo nempe cum religione ipsius multa inunctus est; in eoque ad salutem ac vitam, cum expedit, impertiendam naturâ licet defectâ, vis inest. Diuina tamen prouidentia humanis congruisque prædijs præstò esse non desistit. Præpositus etiam domus, ægrotantis vitâ in spem minimam iam adductâ, Valetudinarium, socium Baltasaris fidelissimum, Ioannem Sancium, discedere iussit ad aliquid somni, quietisque capiendum, pro multo, quo defunctus diu erat incommodo, & labore. Cumque ille decumberet, vehementissimis incitari se sensit impulsibus id ipsum imperantibus, Surge, & cibo refice ægrotantem. Cumque interiori stimulo obluari non posset, surrexit, vt cibo illum aliquo recrearet. Repugnabant verò, qui aderant, eo vitam datum iri præcipitem affirman-

Luz. 18. 31.

mantes. At ille tanto intus adigebatur instinctu, vt Præpositum adierit, veniamque tandem exorauerit ægroti aliquantulo cibi succo in præsens reficiendi: quo sumpto, animum ille recipere, ac meliusculè cœpit habere; donec sensim illum à periculo Deus asseruit. In quo tamen cum versaretur vir hic longè sanctissimus plurimum præfuit gaudium; ex consensu nempe cum Dei voluntate, suæque salutis assermatâ ipsi à Deo fiducia, & securitate profectum. Quare procul se dixit à metu mortis esse; neque se ob eam angere, neque humanum esse aliquid, cuius compede animus vinciretur: immò persuasum habere se, res suas esse iam collocatas in tuto. Diuinum tamen Numen hac ipsa tunc fuit æquabili voluntate contentum; vitâ illi productâ ad res plurimas ex maiori sua gloria moliendas. Neque molestiam item vllam ex iactura, qua Prouinciam afficeret, capiebat: id enim curæ, vt cætera, referebat in Deum, Dominum nempe vineæ, qui, vinitore illam accurante sublato, cultorem eiusdem alium submittere nouit, & potest.

Ex hoc tam graui, quo Vallisoleti afflictatus est, morbo, suborta Salmantica est quartana febris, quæ præterquam quod diuturna, infesta etiam ferè accidit, ab intimo mœtore, ac ægritudine animi, quam atra bilis excit, & creat. At eam ille adeò non grauatè pertulit, vt cum, die quodam, febris vrentissima torqueretur, Patrum aliquis illum inuisens, eius oris serenitate conspecta, dixerit, Profectò, fieri minimè potest, quin tu Pater aliquanto dolore vexeris. Cui ille, quasi nihil ipsius præsens molestia interesset, Perinde est, inquit: ac si diceret; pati, nec ne, quartana laborare, vel contra, eodem mihi loco sunt; nihil enim malo aliud, quàm quod Deus velit; ab vnaque ipsius voluntate, meum fuit omne solatium. Nihilo tamen minus, cum prudentiæ tantæ vir esset, atque tantoperè bono proximorum exemplo stunderet, ne quippiam diceret, ageretue, quod ijs esse posset offensæ, in ipso quartanæ febris ardore, abstinere volebat alios ab accessu; ne sibi fortè solito minus lene, suaueque verbum efflueret: eo in æstu, vno cupiens & cum Deo tum colloqui, & à Deo tunc refici.

Rursum grauiores morbi, obitque itinerum, ac muneris sui labores, quadam illi pepererunt incommoda vrinæ difficilis, renum, podagræ, aliaque horum similia ab ipsa etiam diuturnitate molesta: quæ tamen ipse non patienter modò ferebat, sed & dissimulare sic norat, vt ea domestici vel nescirent, vel perpauci quidem aduerterent. Nam & rebus omnibus gregatim cum cæteris aderat, & suo muneri iuxta vacabat, ac si nulla inualetudi-

ne laboraret: virtutis certè non tenuis argumento; quæ qui pusilli sunt, gratis etiam valetudinem tactam produnt, humani solatij causâ, commodi, aut honoris: uti nempe ab aliis animum commiserationem, eduliorum lautitias, decora obsequiorum, eo nomine, quòd malè valent, eliciant. Quæ si minus voto respondent, tum ipsi querelas ferunt, & murmura; domumque totam moroso præcipuarum rerum studio inquietant. At verò virtutis solidæ, limatæque viri, ægritudines suas tandiu tectas habent, dum ipsæ se exerant, exeantque in vultum; seu cum remedij, aut imbecilli cuiuspiam suo exemplo confirmandi causâ, indicare illas oportet. Aliàs verò suæ patientiæ testem neminem expetunt, præter Deum: quo ex vno suas omnes delicias, atque solatia expectant: honorique sibi ducunt eâ, quâ mauult ille ratione, exerceri.

Præterea, spiritalis crux, cum, contemptibus, doloribusque confletur, eorum aliquibus continenter affici, referebat in gloriam: aiebatque, si ligneam crucem, cui affixus est Christus, tantoperè ideo colimus, quòd membra ipsius pretiosissima contigit, quid ni viuam laborum crucem veneremur impensè, quæ in ipsius cor altè pertinuit? Cumque crucis eius tantula quæuis ascula summo habeatur in pretio, ita quilibet etiam dolor inflicus à Deo magnus æquè, paruusque faciendus est plurimi. Ægros proinde quoscunque, ac morèntes aspiceret, his passim verbis compellabat; De crucis arbore ne folium quidem fas est solo decidere.

Adhæc, cum studium, operaque Baltasaris tantum valerent in proximos, illum etiam cumulum, ex quo mirificè sanctitas talia obeuntis augetur, his Deus adiecit, ut præclara nimirum ageret, simulque peraspera pateretur. Mirifica profectò est vita iustorum, affixis iugiter læso membris, instar Lazari, dolores, vulnera, morbosque molestissimos patientissimè perferentium. Eæ tamen damna, incommodaque valetudinis expetenda sunt magis, quæ corporis membra assiduò sic affigunt, & cruciant, ut vires vnâ relinquant, quibus in Christianæ Religionis obsequium, proximorumque salutem possimus adniti. Quod & insignes sanctimoniam viri præstiterè permulti: in quibus Timotheus martyr, quem Magister ipsius Paulus *frequentibus infirmitatibus* vexatum affirmat, neque porrò labori in Euangelio disseminando parcebat. Sancti verò Gregorius, Bernardus, & Franciscus in hoc adeò præstitère, ut incertus planè sim, utrum magis admiretur; id ne plurimum, quod pertulere inter labores proximorum causâ susceptos, an labores ipsos inter tam multa, quæ perpeffi sunt, eos-

rundem gratiâ exantlatos . Atque ex his vnâ coëuntibus ; pro-
 merita quidem ingentia , coronasque longè pulcherrimas adepti
 sunt . Geminam enim pertulere crucem, siue integram vnâ parte
 gemina coagmentatam ; morborum nempe, dolorumque perpes-
 sione ; & molitione operum grandium, & arduorum; quibus ærū-
 nâ comites semper accedunt à peregrinationibus, itineribus, fa-
 tigationibus, laboribus, insectationibus, casuminiis ; incommodis-
 que alijs atque molestijs : præterquàm quòd perpurgatæ caritati,
 ac proximorum amorì exhibendo dant locum, suâ ipsorum salute
 contemptâ, vocatâque in discrimen vitâ, ne ipsorum illi curam,
 opemque desiderent . Etenim ex D. Thomæ sententia, optimo
 quidem iure spiritualis proximorum vita, suæ corporatæ, animi-
 que alieni laborantis solatium, corporis sui, affecti licet, quieti
 præhabenda sunt . Et hæc quidem omnia per Balsasarem gesta :
 idque ex ijs liquet, quæ de singulari ipsius erga proximos caritate
 meminimus, cum æger ipse accersentes ægrotos adiuit ; ingrahe-
 scendi, vti diximus, anam suo morbo malens offerre, quàm nu-
 mero vel vni deesse absolutissimæ caritatis.

Hinc adeo ægrotos ac valetudinarios miserabatur ex animo ;
 expertus nempe quid sit vexari morbis, ac valetudine incommo-
 da vti . Miseratio enim eiusmodi ex horum maximè experimento
 progignitur . Quare de Christo Paulus, *Non habemus*, inquit, *Pon-
 tificem, qui non possit compati infirmitatibus nostris; tentatum autem per
 omnia* . Eos proinde crebrò visebat, verbisque perquàm lenibus
 consolabatur ; curabatque impensè vt ijs leuandis, recreandisque
 necessaria item, & opportuna omnia quàm diligentissimè para-
 rentur . Expetebat tamen eos diuinæ vsque voluntati suis in cru-
 ciatibus assentiri : aditu querelis obstructo, quas, religionis etiam
 obtentu, comminiscitur caro . Quamobrem ægrotum aliquando
 inuisens, operarium certè nauum, ac strenuum, querenti, quòd
 affixus lecto nec statas posset præces soluere, nec rem diuinam fa-
 cere, nec confitentes audire, nec cæteris, vti salute integrâ, de-
 fungi muneribus, hæc reposuit ipse : Pluris estimat Deus ita susti-
 neri per mensem, quàm isthæc omnia præstari per annum . Quo
 dicto illum simulerudijs, erexitque . Et meritò quidem ; cum
 enim religiosum hominem morbo Deus mauult affectum, diuino
 Numini gratius tunc ille præstare nil potest, quàm ea perpeti,
 quæ ipsi Deus infligit ; ampliorque in eo solet cumulus inesse me-
 ritorum, nudo quippe, ac perpurgato à propriæ voluntatis,
 humanarumque destinationum scoria, quæ operibus admiscere
 se bene valentium consuevit . Denique vnâ hæc cum diuina vo-
 luntate conspiratio, vniuersum morborum omnium erat illi so-

latium. In animi verò sensibus, quos in commentarios retulerat, etiam hic legebatur: Suo æger animo dicat; Vt vt perurat hæc febris, nolo tamen illa carere, si placet hoc Deo. Hac ille ratione verbis atque epistolis etiam, vt infra exponetur, aptissimis, solatium, animoque egrotantibus adiungebat.

CAPVT VIGESIMVM NONVM.

*Reſtoris in Salmanticenſi Collegio munus obit: ſtudetque
vt litteræ cum pietate iungantur. Ardor ab ipſo
noſtris in Scholaſticis excitatus.*

E Verardo Mercuriano Societatis dicto Præposito Generali, reſtentus Romæ, datusque illi eſt Aſſiſtens Ægidius Gonzalez huius tum Caſtellanæ Prouinciæ moderator: cui muneri ſuffectus eſt Ioannes Soarius: Collegijque Salmanticenſis Reſtor iuſſus eſt Baltasar Aluarus: quanquam deſtinatus antea fuerat regendæ Prouinciæ Toletanæ. Verum is habebat à morbo Valliſoletano tam languidè, tamque diſſicilè, improſperèq; conuaſiuit, vt impar oneri tanto ſit creditus: regimen illi tunc magis Salmanticenſis Collegij compar fore. Quo profectus eſt anno ſalutis incunte 1574. At enim comperto iam vires illi imbecilles eſſe, & ipſum adhuc in ſua membra fortiter inſæuire, patentibus iſdem regiminis demandati litteris, iuſſus explicatè eſt de vniuerſa ipſius ſui cura, ſomnò, cibo, amictu, ſententiæ obſequi Michaëlis Marci Theologiam ibi docentis, præſtantis litteratura, religione, ac prudentia viri. Eſſi verò admodum eâ cautione conſultum eſt, ne ipſe ſe ieiunijs, vigilijs, aſſiſtationibus exercuciaret immodicè; non ſatis tamen prouiſum eo eſt, ne ſupra vires, ſalutemque contunderet; ardore nimirum ſpiritus imbecillitatem corporis fulciente. Quo de ſemine ea morborum, quos diximus, in illo ſeges erupit.

Vbi verò Salmanticam deuenit, ab domeſticis ibi omnibus, qui nempe Methymnæ aut in probatione Magiſtrum, aut in ſpiritu Parentem ipſum habuerant, aut familiari conſuetudine uſi erant, ingenti cum plaufu exceptus eſt: ac regimen conſeſſim iniijt, cum communi omnium voluptate, fruſtuque: ac mutua, plurimaque inter ſe animorum coniunſtione; permulti licet eſſent numero, in principe nimirum huius Prouinciæ Collegio: vbi locus præcipue fuit ea quæ indicata ſunt præcepta regiminis exercendi. Scho-
laſti

laſticos tamen potiſſimum accurabat, vt cum litteris pietatem coniungerent. Eoque cohortationes habebat pro diuina, qua in id inſtructus erat, vi, tanto ſpiritus igne ſuccenſas, vt ij Tyro- num ingrederentur ardore præſeruidi, in omnibus vniuerſe, quæ ad ſui caſtigationem, preces, & conſenſum in pijs rebus animi pertinerent: exercitationibus interea ſtudiorum integris: eo ta- men modo, vt ſpiritus minimè exanimaretur ab litteris: quòd ſi nimium ſeſe quiſpiam in opera pietatis impenderet, moderaba- tur porrò & illi, vt in ſtudia litterarum incumberet.

S. I.

Effata igitur aliqua momenti plurimi ſuis in allocutionibus inculcabat. Præcipuum in iſis erat, Intereſſe cum primis ſpi- ritum cum litteris, virtutem cum doctrina coniungere: duo hæc aiebat geminarum earum arborum eſſe ſimilia, quas Deus in pri- mo illo felicitatis horto conſeuit; vitæ alteram, alteram ſcientiæ: duo luminaria, quæ mundum omnem colluſtrant: maius alterum, alterum minus: duplicia veſtimenta, quibus fortis illa mulier ſuos domeſticos aduerſus frigidam hyemem amicuuit, malitiæ, ſcilicet & inſcitiam: ſpiritum duplicem, quem ſibi ab abeunte Elia petijt Eliſæus; quem Bernardus intelligentiam, rectamque voluntatem appellat: geminum Eccleſiæ Inſtitutum, vetus, ac nouum, legem & gratiam: geminas rotas, quibus gloriæ diuinæ currus inuehitur; in quo vitæ ſpiritus conſidebat: duas ſorores Martham, & Mariam, quæ mutuò iuuant ſeſe, vnâque in domo cõ- ueniunt: quemadmodum verò ab ſorore Maria opem Martha, efflagitabat, ita & ſtudia quæ ſeſe in plurima ratiocinâdo diſper- tiunt, ope ſpiritus indigere, qui pluribus nominibus ipſa iuuat. Primò quidem, auctoritatem iſis adiungit: namq; vti docet Gre- gorius, vitâ contemptâ contemni doctrinam, ita etiam contrâ; eius doctrina plurimè æſtimatur, cuius vita probatur. Deinde, vitam impertit: ex oraculo enim Pauli, *Littera occidit, ſpiritus au- tem viuificat*: ſcientia ſola inflat, caritas autem adificat: Et, *væ ſciẽ- tiæ*, inquit Auguſtinus, *niſi ei dominetur caritas*. Idecirco Regius aiebat Pſaltes, *Bonitatem, & diſciplinam, & ſcientiam doce me*. Atq; alibi ſanctiſſimus idem Doctör, *Amate*, inquit, *ſcientiam, ſed anteponite caritatem*. Tertiò; vim indit ad perſuadendum fieri poſſe, quod docetur: doctrina enim auribus verbo data, non ocu- lis exemplo ſubiecta, captu difficilis eſt: facilis contra, quæ ope- ribus demonſtratur. Ideoque Timotheo Paulus, *Attende*, inquit, *tibi, & doctrina; hoc enim faciens & te ipſum ſaluum facies, & alios*.

Serm. 6. de
A ſenſu.

2. Cor. 3. 6.
Ibid. 8. 2.

ſf 118.

1 Tim. 4.
16.

Quartò; constantiam gignit in præceptis; deficiente enim spiritu, languent membra, viresque franguntur.

Hinc scitum aliud ab ipso etiam commendatum diligentissime eruebat; spiritum nempe conferre plurimum ad processus efficiendos in litteris: conscientiam maximè ab noxiis expiando: quò Deus, cuius donum scientia est, perpurgato illam animo largiatur. Religiosus vir, aiebat, qui tentare velit sacrarum penetralia litterarum, studeat magis amoliri culpas, quàm moliri commentarios; cupiditates euellere, quàm codices euoluere: munditia enim, integritasque vitæ, auctore Cassiano, oculum aperit, qui Deum videt: at oculum, cui se non occultit Deus, multò etiam minus ipsius res, eiusque historiarum arcana latebant.

Vsum item precum, tanquam doctrinæ præsidium, vehementer ijs suadebat. Non minus enim, aiebat, orando discitur, quàm studendo: utpote qui suo, uti iam diximus, experimento scientiam norat, qua imbutus fuerat à Deo per preces. Eòque Abbatem Thodorum ex Cassiano in exemplum ijs quandoq; producebat, factum munditiæ cordis, quàm lectione, ac studio doctiorem: qui cum diuini cuiuspiam effati sensum sacro in codice diu multumque comminiscendo neutiquam assequi potuisset, in preces effudit sese, in eumque penitus intropexit.

Docebat etiam cupiditatum fræno, spiritum simul, litterasque iuuari; quo suis in rebus litterarijs oportere uti, ad eas peruincendas, quæ sese ingerunt, difficultates: in his verò cum maximè. Primò ut studendi arceatur fastidium, quo tempore studium imperatur; desiderium, quo inhibetur: ut, cum vacandum est precibus, examinandæ conscientia, rebusque harum similibus. Inde verò palam fiet, neminem Christi vestigia premere sine cruce: deflexu nullo, neque ad læuam à tædio, neque ad dexteram ab desiderio; obtentu nimirum, ac nomine impugnandi theses, vel tuendi. Secundò, ut horrorem peruincant submittendi sui, ad Præceptorem & condiscipulos interrogandum; utramque in disceptatione partem obeundi, aut interrogantibus respondendi. Tertiò, ut sese ab altioribus, quàm oporteat, siue ab alijs, quàm quæ profitentur studijs, abstineant; curiositatis adducti potius amore, quàm fructus. Quartò, ut ex consilio Maiorum, Præceptorumque, non suo, animum ad hæc studia conferant, non ad illa; hic, non ibi; alieno modo, non suo; ad res hæc, non ad illas; hos ad codices, non ad alios: hoc enim pacto successus ipsis meliores existent: Augustino affirmante, siue parua scientia est scienti coniungi: ille habet oculos cognitionis, tu habeto credulitatis. Atqui inscientia est, errorque multorum, qui cum res ex

Obe-

Obedientia tractent, eas tamen constituto ab ea ordine, modoque non gerunt. Quinto, Ne cancellos exeant religiosæ modestiæ, iactando scientiam, seu commissæ poscendo: qualia sunt hæc argumenta, hi actus, hæc cathedræ; sen contra, imperata, quæ nolint, si obedientia iubeat, dimittenda: eorum enim causa si Deus est, ut ut de ijs ille decernat, ex voto res cadet: Eadem verò ratio est huius aut illius, ibi aut alibi impositi muneris obeundi: argumentum enim id est spiritûs eius boni, quo nomen religiosæ vitæ datum est, Præceptoris diuini exemplo, de quo illud est, *Exultauit ut Gigas ad currendam viam*, sui Genitoris obsequelam in omnibus persequendo.

Pf. 18. 6!

Quare nelitterarum ac spiritûs exercitamentâ sese vicissim impediunt, feciale inter vtrumque pacis est, in ea ex Dei voluntate aggredi, cuius opera sese non implicant; & qui viam sternit & expedit, ut obsequentes ipsi, ipsiusque amantes locupletet: *Ego in vijs iustitiæ ambulo, & in medio semitarum iudicij: ut ditem diligentes me, & thesauros eorum repleam*. Magnum quid est, inquit, Theologiam scire: sapientissimum in ea tamen est, vitæ suæ ita nosse rationem instruere, ut nihil ab diuina voluntate desciscat. Sciendi audius ipse sibi dicat; volatum explicare, nisi Deus hunc dederit, haud equidem valco; neque is mihi debetur: neque verò tunc id mihi deerit, quod ne ipsius voluntati desim, suffurari nunc parco. Utque volatus hic mihi aliquando contingere possit, ac profit, alio rursus præsidio vtor quo apud meum animum ita constituo; inter ipsa nimirum studia, diuinæ voluntati neutiquam refragari, summam hanc esse, quæ possim erudiri, scientiam. Huic enim quæ repugnat, non scientia, sed inscitia est; in tenebris est ingredi, non in luce: atque, ut Augustinus inquit: *Nos igitur, quod nescire nos Dominus voluit, libenter nesciamus*. Satis enim est Deum aliquid velle, ut nobis idem exequi sit iucundum.

Prou. 8. 20

Præfat. in Ps. 6.

§. II.

EO' etiam, litteris nempe cum spiritu coniungendis, documenta quædam scripto tradidit, quæ Scholasticorum manibus tenerentur: quorum summam hoc loco perstringam, vocibus, ad ea magis explicanda, nonnullis adiectis: quò litterarum studiosis compendio esse possint. Scholasticorum, inquit, in Societate vita, munusque, per se quidem ipsa perquieta sunt, ac peridonea, ut ordine consent, ac numero: modò velint, poterunt sese iugiter occupatos habere, non obrutos: quamobrem grauior

ris

ris ille piaculi reus erit, qui tanto in ordine ordinatè non vixerit.
Hæc verò in id proderunt.

Animum primò quietum, anxiaque studendi curâ, ac propere-
rantia perficiendi imperata, vacuum semper habeant: id enim,
permultos, ac studiosos maximè perturbat; efficitque ut festinata
perperam fiant; animus verò ineptus sit precibus, consuetudini-
que cum Deo. Studeant etiam, ut virtus ac pietas optimum apud
ipsorum animos cum æstimatione locum obtineant: ijs enim de-
stitutæ litteræ impediunt citius, quàm expediunt. Atque hæc So-
cietatis sententia est, uti ab ipsius regulis edocemur. Hinc fiet, ut
spiritualibus rebus plurimum tempus impertiant, easque perquam
absolutè, ac primo loco tractent: quibus nimirum persuasum est,
nihil id litterarum processui obfuturum: Bonaventura spondente,
*Scientia, quæ pro virtute despicitur, per virtutem postmodum melius
invenitur.*

*In Spec.
discip. 7.*

Recta præterea mente incumbant ad studia, in lectionem, uni-
versamque rem litterariam, ab ea enim hæc exercitia religiosa sunt.
Profani quidem homines, famam, honores, opes, bonaque alia
fluxa ijs aucupantur, & spectant: at ij, qui perfectissimum virtu-
tis cultum cum religiosa vita coniungunt, fores his omnibus oc-
cludere; suâque in studijs operâ nil nisi divinam gloriam perse-
quuntur; quibus sese instrumenta fingant aptissima, ad eius no-
tionem, amorem, atque obsequium in omne genus hominum,
per probam doctrinam, exemplumque vitæ optimum propagan-
da. Hanc à nobis scientiam Instituta nostra reposcunt: eumque
in finem dirigenda illa est, ut studijs, muniisque nostris animo-
rum quæstum faciamus: qui sanè finis cæterorum in terris omniū
excelsissimus est, atque, ut Diuus Dionysius ait, *Divinorum divi-
nissimus*: eumque salutis nostræ Vindex suo sibi aduentu propo-
suit. Quamobrem inquit, *Manifestavi nomen tuum hominibus.* Cum-
que sublimis adeò sit, suam in eum operam conferentibus per-
quam utilissimus etiam est: de quibus ita Daniel: *Fulgebunt quasi
splendor firmamenti, & quasi stellæ in perpetuas æternitates*: & Paulus
Timotheo, *Attende tibi & doctrinæ: hec enim faciens & te ipsum
saluum facies, & eos, qui te audiunt.*

Ioan. 17. 6.

Dan. 12. 3

1. Tim. 4.

16.

Ad hoc iuuerit sua sæpe studia Deo repræsentare: neque in ea
vnquam aggredi, nisi præmissa flexis genibus precatione. Deo
enim iubente nos opem ab ipso efflagitare ad proficiendum in
litteris, id submisit ac sæpe præstare fas est. Cauenda est etiam
intemperantia studiorum, quæ & processui obest, & mentem re-
ctam obliquat; adeòque præpropere quisquam ostentare se nolit.
Idcirco, uti Bonaventura docet, præcepit in Lenitico Deus,

Quan-

Quando ingressi fueritis terram promissionis, & plantaueritis in ea ligna pomifera, auferetis præputia eorum: poma quæ germinant, immunda erunt vobis: quinto autem anno comedetis fructus, & poma, quæ proferent.

*Dei form.
Nou. c. 15.
Leuit. 19.
23.*

Ad hæc, omni agant opera, ne statâ precum tempora, & quæ in eas, atque in sese melius refingendos, possint conferre alia, ipsis intercidant: nouerintque, etsi vna precationi constituta est hora, hoc ad ipsos quâ Scholasticos, non quâ superbos, alijsque animi morbi obnoxios pertinere: quibus si laborant, plus multo temporis erogandum est precibus; orandusque Deus est etiam, atque etiam, dum postulata denique exorentur, Permultum enim Societatis, & multo adhuc amplius nostra interest, nos esse perfectos.

Ab studiorum exorsu, ea cum spiritu ardentè coniungerè aggre-
diantur: serè enim primis media, vltimaque respondent; tepida tepidis, feruidis feruida. Huius verò feruoris imminutionem exhorreant, ne ipsos ea vox Christi formidanda percellat: *Habeo aduersum te pauca, quod caritatem tuam primam reliquisti.* Quod si pauca Deus aduersum nos habet, carere metu quî possumus? Quid deinde, si plura, cum in nobis obedientia, submissio, patientia, caritas, cæteræque virtutes refrixerint?

Caritatem, coniunctionemque mutuam custodire omni studio enitantur. Quamobrem vitia hæc sex perniciabilia diligenter euitent: Intimam, præcipuamque necessitudinem cum aliquo: eum primis verò, cum id in oculos aliorum incurrit: Murmura, querelæque in Præceptores, seu fusè, seu stricte legant, supernacuè vel obscurè &c. Contrarias Magistris sequi sententias, inuidiosum est: id verò profiteri palam, Magistri opinione contempta, intolerandum. Significatio quæcumque animi improbantis solutionem Magistris, exemplo est malo: multoque maxime si ea proferatur in publicum: ex quo ij angantur, ac malè de ab se dictis existiment: Parcitas in Professore aliquem benevolentia, eiusque indicium, detrimentosa res est; magisque ad quoddam pertinet factiuncularum genus, studiosius colere Magistrum hunc, quàm illum, quod cæteri etiam propalam intelligant.

Denique quod ad ipsos attinet, studijs pro virili operam dent; ac tum illorum successus diuinæ providentiæ permittant: pace animi, euentu licet improspere, custodita: quod haud arduum fuerit, si vnum in ijs Deum spectent. Si ego (Deus inquit) querendi sum causa, vtenique feret euentus, ex animo tibi erit: sibi-
que vacare præstat, quàm, ipso se neglecto, patrare mira-
cula.

*De cõtem-
tu mundi.*

Hæc documenta sunt à Balthasare perscripta, traditaque Scho-
lasti-

lalicis . Quibus in vsum perducendis , suauia , apta , efficaciaque præsidia adiungebat ; peruigili semper cura , vt suæ leges quàm diligentissimè seruarentur ab omnibus ; statumque tempus in exercitationes omnes , non precum modò , ac gemini conscientiae examinis , cæterarumque piarum rerum , sed & in Scholasticas integrè , exactèque nullo temporis effusi hiatu conferrent : pœnis in Magistros æquè , atque in discipulos , sicubi peccassent , irrogatis . Cumque materiatis corporis rebus res etiam spirituales animi adiunentur , curabat sedulò , ne cuiquam necessaria , opportunaque decssent ; quò ipsi curam sui omnem abicerent : atque vt constituto vacationi studiorum die , rus animi causâ peterent ; bonamque valetudinem , ac vires ad repetenda impigrè studia tuerentur , atque reficerent .

Rationem ab ijs vitæ in menses singulos repetebat ; eosque alloquebatur sæpius , vbi id res priuatæ cuiuspiam postularent ; excitabatque ad pietatem iuxta , atque ad studia : eorum conatus ac labores magni à se fieri docens . Paternum animum vbique semper ita singulis exhibebat , vt communis omnium erga ipsum amor esset , ac reuerentia : ipsumque fidenter omnes adirent in omnibus , quorum aut corpori indigerent , aut animo . Ijs in Scholasticis aliquis (quod ipsemet sacris admotus deinde narrauit) cum ad desperationem adigi se , discruciarique sentiret , opportunius , expeditiusq; nil duxit , quàm vestigio ipso temporis Reçtoris cubiculū , silentio licet noctis , adire . Irrupit ille repente , obscuro ; eumq; lacertis prehensum excussit . Excitatus Baltasar , quis sit , rogat . Sed ille ab animi tentationibus perturbatus , responsum aliquandiu distulit , nomen deinde edidit . Tum perquietè Baltasar , Quorsum huc , mi frater , id horæ ? O Pater , inquit ille , pereò , & rectâ feror in tartarum . His auditis iussit illum sedere Baltasar , diùq; detinuit , donec blando , efficacique sermone eam penitus tempestatem animi tranquillauit . Hæc eadem eiusdem erat ratio , ac vis , vt de Tyronibus expositum est , in æstuantibus aliorum animi fluctibus demulcendis .

Allocutionibus denique publicis , ac priuatis , cæterisque præfidijs suauiter adhibitis , ac fortiter , solidum Tyrocini Methymnensis ardorem , cum litterarum studijs Salmanticæ pro loci ratione coniunxit . Testimonium veritatis huius locuples illud est , quòd Indiæ ad Orientem , & Iaponicarum Insularum Procuratore illuc aduëto , cum Generalis Præpositi facultate secum ex ijs aliquos abducendi , qui vltro sese expeditioni tam inclytæ , tamq; arduæ deuouerent , in ea sibi deprecanda mirum illis omnibus ardorem Deus iniecit , cum patriæ , propinquorum , amicorum ,
om-

omnium, commodorumque contemptu; cumque innumerorum contra periculorum anplexu, terra marique in disiunctis adeo locis, Ethnicos inter, populosque ferociâ immanissimos. Quod si cautum constituto numero non fuisset, viduandum erat Socijs Salmanticense Collegium: adeo ardentem, importunèque omnes rationibus, pro se quisque, inculcatis agebant, ut in delectu cæteris præhaberentur. In tam multis verò vocatis, electi modò sunt eam in expeditionem quinque: cæteris ea spe delinitis, illuc & ipsos, alio commodius tempore diuissum iri. His illi acquievere dictis, Obedientiæ nimirum filij, & quo ingressi antea fuerant, eodem ardore spiritûs processere.

CAPVT TRIGESIMVM.

Egregia duorum Scholasticorum, Ioannis Ortunij, & Francisci Cordubensis exempla.

IN ijs, qui ardorem spiritus hausere præcipuum, ope atque exemplo Baltasaris, Philosophiæ studiosi fuere, quos Salmanticense Collegium à Tyrocinio nuper exceperat, vnâ cum Stephano Oiedio ipsorum in maiori Conchenli Collegio olim Magistro, qui cum suis omnibus ferè discipulis conspiratò nomen, Societati dederat, salutis anno 1571. Quanquam verò nobilem in cumulum eorum omnium virtus excreuit, duo in ijs tamen altius multò, exemplo sanè optimo, sese supra cæteros extulere. Quorum virtutes veluti sibi probè cognitæ, ita diligenter adnotauit Oiedius, retulitque mihi non semel; ac scripto deinde tradidit: quas & hac historia existimaui dignissimas: non eò dumtaxat, quia in Baltasaris laudem vertunt, quem illi in rebus animi habuere Magistrum: sed ut exempla tam illustria, sui memoriâ, illud nunc idem in Scholasticis religiosis efficiant, quod eadem in aspicientibus effecere, dum viuerent.

Ioannes Ortunius.

IOannem Ortunium primo loco dicamûs, de quo Baltasarem audij quodam in sermone affirmantem, se in Sanctorum Ascetarum vitis nequaquam grandiora legisse, quàm quæ in Ortunio vidisset, tam Methymnæ, cum eius Institutum erat Tyrocinium ibi ponentis, tum Salmanticæ, cum Rector eidem præfuit in studia

incumbenti . Societatem iniit annum ætatis agens vigesimum ; in caterua complurium , qui septuagesimo primo quintidecimi seculi anno religiosam vitam eodem in Ordine complexi sunt : præque cæteris miro sanctitatis exemplo per omne Tyrocinijs tempus effulsit : & multo adhuc magis breui , quo superuixit , tempore , Salmantica studijs Philosophiæ dans operam . Præstanti erat ingenio , curamque in studia plurimam conferebat ; nihil tamen à pretiosa virtutum exercitatione remittens ; re ipsa doceus , quanto plus illis tribueret , quam litteris . Obedientiâ , ac sui castigatione , tum intima animi , tum extrema corporis cum primis excelluit : accedebatque modestia , morumque forma tam exacta , tam constans , ut mirificum eius animum , quietum , compositum , domitoremque sui perspicue indicaret . Subministrum ibi tunc agebat Ioannes Rodriguez , vir sanè persanctus , silentij tenax , ac pœnarum amans , Rectorisque , ad suum integrè munus obeundum , imperatis quàm qui maxime obsequentiissimus . Huic Rector mandarat , ut Scholasticos tum Theologos , tum Philosophos , sed hos præcipue Tyronibus nempe propiores , cohibendo , munisq ; humillimis occupando , haberet exercitos . Et verò Rodriguez suopte genio in eiusmodi exercitia cum amore propensus , adnoto sibi præterea ab obedientia stimulo , nihil in eo diligentia suæ desiderari patiebatur ; multifariam illos continenter exercens ; Ortunium verò maxime probatum sibi cum primis , sæpe illum , ac exquisitè perterritans . Lycei ostium , dum dimitterentur Scholæ , obseruabat ; statimque Ortunium , ac Franciscum Cordubensem , de quo deinde , accersitos in culinam collutum ollas , lancesque , aliæque eiusmodi fasciatum , consulto ipsis quotidie reservata , mittebat : quibus illi vacabant animo iucundiore , quàm lectioni ; nihil conquesti , causatiue , ut excepta à Magistro recognoscere liceret . Quæ quamquam Præceptoris animum vellicabant , proque ijs ille instabat interpret , ne à studijs auocarentur id temporis : at illi nil pensi habere , nisi vnum hoc , obsequi , seque ipsos ex animo cum voluptate contundere .

Hæc verò Ortunius in tantum excelluit , ut ipsius obsequia prope abesse à prodigio videretur : tam sincere , accurate , absoluteque patebat , veluti subiecta exempla statim euincunt . Vesperâ per hyemem ab niuib ; venisque perhorridâ , Ioannes Rodriguez Ortunium sub crepusculum ipsum noctis offendit propter ambulantiunculæ balaustrâ modicum in impluvium exeuntis , atque hic me , Ioannes , expectato , dum redeam ; est enim vbi tua opera mihi sit opus . Abijt Pater , eique res deinde , quæ incruenerant , aliæ dicti memoriam abstulere . At religiosissimus frater , simulâ-

mulacro persimilis, ne uestigio quidem inde loci se mouit; tempestate perfrigida; ventoque perfurente, admissâ per hypetrum niue eius pedibus incumbente. Noctis hora iam nona erat elapsa, neque in prima, neque in secunda mensa cœnarat Ortunius: illum desiderari ex ipsius condiscipulis non nemo aduertit, admonuitque Magistrum. Perquisitus tota domo Ioannes est: verum, irreperito, de illo quæritur ex Ioanne Rodriguez: at hic oblitus nempe quod iusserat, scire se de illo negauit. Quæritur iterum; ac dum per eam ambulatiunculam itur, in ipsum obitur torpentem frigore, pedibusque à niuibus penè iam obrutis. Obiurgantique fortè Magistro, & quid id loci, id temporis ageret percontanti, placidè inquit, Ioannes Rodriguez iussit me hic expectare, dum redeat; neque verò rediuit adhuc. Miraculo fuit omnibus hæc obedientia: quem etiam nisi tum comperissent, ille ibidem profectò in insequentem lucem hilarè perstitisset.

In huius Collegij atrio consistæ tunc areolæ florum erant: eę distributæ in Scholasticos Administri iussu sic erant, vt in suam quisque tres aquæ situlas singulos in dies infunderet; quò, per æstatem nempe, viror custodiretur in floribus. Per quandam tamen hebdomadam decidit è cœlo pluuiæ plus satis: atquæ perinde Ortunius tribus aquæ situlis suam tunc etiam areolam aspergebat: spectantibus id compluribus: eumque increpanti Magistro, quòd in pluuiâ tanta conuectâ adhuc aquâ areolam irrigare non parceret, perquam modestè, submissequè respondit: Pater, iussus sum quotidie conuectare tres aquæ situlas; neque adiectum est, parcerem verò, si plueret. Integritatem discipuli, sanctamque obsequelæ cœcitatè admiratus est Pater, & contempsit.

Et adhuc is eiusedem obedientiam in aliâ re suspexit magis. Operam Philosophiæ cum Scholasticis dabat Sacerdos virtutis plurimæ, optimique exempli; rudi tamen ingenio, memoriâque tam vacuâ, vt quicquid ab docente auditum per vnâ aurium infuebat, per alteram confestim efflueret. Eam Magister prouinciam demandauit Ortunio, vt ab Schola quotidie, quæ ibi lecta fuissent, huic Sacerdoti recoleret; eiusque facultatem, quantum sua posset industriâ, adiuuaret. Id verò ipsum diligentissimè Ortunius perseveranter præstitit, & amanter: quouis tempore, quæcunque interroganti incredibili caritate explanâs; nullo prorsus edito impatientiæ signo, vel tædij: quanquam id laboris omnium casum fructu, ac spe profectus in illo esse liquidò intelligebat. Magistro verò ab se quærenti, quomodo cum socio res haberet, hæc solummodò respondebat, Iræstat, quod potest. Tantam omnes tolerantiam mirabantur: cæteri enim condiscipuli altero die,

die, vel tertio, eo docendi labore irritò fatigabantur; at ipse summum neutiqum vnquam fractus obibat.

Nec verò tacitum præteriero, quod illi tunc accidit; argumentum sanè reuerentiæ, quâ summâ colebat obedientiæ vel vmbra. Sub annua studiorum initia, festo circiter D. Lucæ die excepta à Præceptoribus recolentes Scholastici fortè considebant in lapide. Ijs Moderator semel ita conspectis, per salis vrbani speciem ait, Mensibus erratis super lapidem ne sedeatis. Summus obedientiæ cultor Ortunius dictum accepit ipse tam seriò, vt iam tum inde, dum totum se conuolueret, atque elaberetur Aprilis, sedente licet socio in lapide, staret ipse: Maio deinde ineunte, & ipse confedit. Querentibus verò, qui rem aduerterant, nonnullis, ecquod in eo esset arcanum? persyncerè respondit, Admonuisse Rectorem, ne mensibus quorum nominibus littera, r, inesset, super lapidem sederemus; ideòque se, nisi postquam Maius inierat, non sedisse.

In omnibus obedientiæ rebus etiam tantulis integritatis eiusdem solertiissimus erat custos, acciditque persapè, vt inter scribendum, seu campano ære, seu voce, Præpositi nomine, aliò euocaretur: ac tum consultò is, cui licebat, introiens, inchoatam ab illo, necdum perfectam litteram inueniebat; ne, quod nostræ imperant leges, vel minimam sereret obedientiæ morulam. Hinc exactissima illa peculiaris examinis, pro more Societatis, de singularibus vitijs accuratio: adiunctis illius ad vnum omnibus custoditis; adnotandi, conferendique errata vnius diei cum altero. Quod & extremo morbo, ad proximum vsque ab supremo vitæ die præstitit: libello ad id clanculum habito, ne obseruaretur ab alijs: exemplum in eo secutus Ignatii, de quo testatum idem accepimus. Gestiebat enim maxime Fundatoris sui, quem à Deo ducem accepisset, vestigijs insistere.

Iam verò de ipsius postremo morbo quid dicam? is enim, arcanæ, ac permolestæ vomitæ fuit, qua illi sedendi facultas adimebatur. Aliquot hæc tamen dies occuluit; tum quòd citra periculū, intra quod tamen erat, eam esse putabat; cum etiam, quòd illa, præ pudore modesto, Chirurgi oculis refugiebat exponere. Doloris denique vi compulsus morbi fecit indicium, à quo nimirum non rectè, sed oblique dumtaxat sedere poterat in Liceo. Quod vbi Præceptor aduertit, rei causam ex illo quæsiuit: ac respondenti, & tuberculum in ea, qua sedemus, parte causanti, Tuberculi, Præceptor inquit, gratiâ sic sedendum? Optimè mones, Pater, ait Ortunius, triduoque insequenti rectus egerrime sedit; sensu tamen omni doloris occulto. Sed eò vis morbi tandem excreuit,

vt,

vt, Moderatoris iussu, Medicum atque Chirurgum de illo cognoscere oportuerit: qui summo in periculo rem esse affirmarunt. Cumque iam malum aliud descendisset, eo per terribilem laniationem excruciato opus fuit. At ipse instar lapidis, nec secantis manum refugit, neque notam doloris ullam, aut questum, gemitum edidit: nemine vim tantam, atque patientiam non mirante. Viscentes omnes læto vultu excipiebat; perplacidaque responsa reddens, aiebat, In manu Dei sum: de me suo pro nutu decernat, vt liber; nec mortem ab ipsius manu formido, nec dolor absterret. Denique laborum ad metam venit; atque in remedijs nullam iam super spem esse condocessatus est. Ad mortis nuncium, perfulsus est gaudio. Labes animi omnes exorsus à principio, Magistro suo Oredio ritè confessus est, cum vi lacrymarum vberissima, ob errata tam leuia, vt, qui aures conuulgenti dedit, in eo non modo nihil capitale, aut de capitali dubium reperisse se affirmarit, sed ne veniale quidem aliquod grauius, nequiter, & cogitatio admissum: & verò ætatis ipso in flore, annum tunc illo agente tertium atque vigesimum. Post expiatum per sacram Exhomologesim animum, estlagitauit ab Rectore cum lachrymis, iuberet fimo solum internus, super quo animam exhalaret: id sanè ingenti fore sibi solatio, quod morientem sese pro meritis inquinatissimæ suæ vitæ conspiceret. Hos inter, aliosque caritatis in Deum ardentissimæ affectus, cæteris Sacramentis instructus, sinuiter, placidèque spiritum sic efflauit, vt sanctissima ipsius vita commemuruit. Quæ profectò mirifica cum primis fuit: eius enim silentium iuge, caritas in omnes præsignis; in induendis, exuendisque vestibus Angelica prorsus honestas; conscientiaque tanta integritas, atque munditia, vt Magister ipsius, & alij diligentissimè obseruarint, num vitium in eo vllum, aut labem deprehendere possent, neque porro potuerint. Ad domesticorum solatium, allocutionem Baltasar habuit, de egregijs Socij eius persancti virtutibus: de quibus illud, vt diximus, affirmauit, nihilo minus admirandas eas fuisse, quàm quæ de sanctissimi eremi cultoribus memorantur. At enimuero, cum Deus idem perpetuò sit, neque vnquam abbreviata sit *manns Domini*, nihil sanè mirum, quod ita & nunc, velut olim, suos in obsequentissimos, amantissimosque famulos thesauros suæ largitatis effundat. Etenim, si diuinæ ipsius gratiæ nostram operam velimus adiungere, in omnibus, perque omnes, qui se præstabunt idoneos, res ille perficiet admiratione omnium, suæque præpotenti maiestate dignissimas.

Isa. 56. v.

Franciscus Cordubensis.

IOannis Ortunij socius in probatione, studiisque Philosophiæ Franciscus Cordubensis fuit, Cardonæ ac Segoræ Ducis, Marchionis Comarenfis filius, qui Salmanticensem Vniuersitatem rexerat: diuinoque aëus impulsu eodem septuagesimo primo quinti decimi seculi anno sese Socijs aggregauit. Tyrocinium Methymnæ sub Baltasare posuit: eodemque sub Rectore Salmanticæ Philosophiam, ac Theologiam edoctus est. Ab ipso statim initio serio adinodum in studium perfectionis incubuit: tamque altè imbutus est spiritu Societatis, vt res illius vniuersas accommodas esse sibi, ac perconimodas distiraret. In primis ipsis piarum cōmentationum exercitationibus tanta fuit à Deo, ob inità à se vitæ rationem, voluptate delibutus, vt innisenti se Magistro Oiedio Conchenfis Collegij tunc Sodali, suoque persfamiliari, cum is persuadere sibi non posset, eo in instituto Francisci animum iuxta esse latum, ac vultum, errorem illum depulsurus ab homine, iurandi licet in vita liberà insuerus, sanctè tunc iuratus hæc dixerit: Ita mihi ex animo nunc est, adeoque persuasum habeo, hoc vitæ genus meæ maxime salutis, perfectionique conducere, vt si nunc mihi tergeminum diadema Pontificis, & quæ humana possunt impertiri omnia deferrentur, nihil moueret, mutarem nihil; quin immo ea omnia in purgamentis haberem. Hinc adeo Magister idem, cuius sam animum diuinum numen agitabat, de eadem ineunda via, vitæque constituit. A spiritalibus exercitijs triclinium iussus instruere, eo munere tanto cum ardore, ac solatio fungebatur, vt flexis genibus, cum osculis, lachrymisque pavementum euerteret; non sine plurimo in spectatōribus sensu pietatis excito. In abdicando, edomandoque sese cum primis excelluit: atque, vt altiora humilitatis Christianæ iaceret fundamenta, abhorrebat ab ijs penitus, quæ magni ab hominibus fiunt; rebus omnibus sibi honorificis studiosè cōtectis; auidèque ijs, vnde contemni posset, expositis: ac prudentiâ instructus humanā maiore, cum id ad submittendum sese conferret, dissimulabat tamén, ita vt id non à virtute, atque ex industria ab ipso fieri intelligeretur, sed, vnde despiciatior esset, quòd melius haud sciret, aut posset. Vacat hic egregia horum exempla proferre.

Sui submittendi studio suam operam non Tyro dimittaxat, sed & Scholasticus conimodare coco gaudebat; festis, festariisque à studio in hebdomada diebus, sibi culinæ ministeria, verrendi, col-luendi lances, cibosque parandi à Moderatoribus deposcebat; per vitam

vitam enim anteaquam liber plurimum, aiebat, hac in arte profecti: eamque hic bene collocare nunc peruelim; ut optimis Dei famulis boni aliquid edulij parem.

Veſtarij etiam iumentis in ſtabulo curandi veniam flagitabat; id quoque ſe plurimum callere confirmans. Ad hanc rem, ſalman ticam aduectus eſt Patrum aliquis equo tam debili, exſucco, plagoſo, defectoque, ut inutilis nempe remittendus mox eſſet in agrum. Eius ipſe in ſe curam, Miniſtro, annuente, recepit: abſtergebat vlcera, & curabat: conuenitque de campo trans pontem, in quo aliquandiu bellua curaretur. Perijt à Moderatoriſus, ut per ipſos illam eo liceret abduci; at illi annuere, ſati belluam illuc à quopiam ex domeſtico ſeruitio deductum iri: at ipſe, loco nimirum uſus, pileum, palliumque detritum, atque pannolum inſigniter ſumpſit; contum brachio prægrandem ſubiecit; funem manu, multamque vim ſupæ præſetulit: expoſitâque ſic, ut omnium pateret obtutibus, ſupelleſtile hac vniuerſa, tractam reſte belluam per urbem mediam, agitabat. Propter Collegium, iuuentute ab Scholis dimiſſis abeunte, ac ſpectante traiecit: omneſque admiratio tenuit ab ſpectu viri tam clari, cuiusque aliquando Academiz Rectoris, eo habitu, animo tam iucundo, vultuque tam hilari ingredientis. Hac ille ratione belluam perduxit in campum; triumphariſ humanâ pompâ, ſaſtuque, maiori cum gloria, quam Romani Cæſares de cæſis hoſtibus triumphos tota in Vrbe ducebant. Rem verò ubi præpoſitus reſciit, hominem, quòd illac tranſierat, increpuit: Ille geſta à ſe ſubmiſſe occulendi ſcitè percallidus, blandè, comiterque, Pater, inquit, ego nimirum egregiè piger, perputaui mecum, qua compendioſiore via illuc tendere rectâ poſſem, eaque propter illac ingreſſus ſum.

Et adhuc altius eius ſeſe prouexit humilitas. Cum enim optimi eſſet ingenij, limatique iudicij, ſtupidum, bardumque ſimulabat; deque indiſtria, ut parui fieret, palmares aliquando effutiebatur ineptias. Concionem, pro Scholaſticorum more, in triclinio ſemel habens, in controuerſiam neſcio quid adduxit de Sancti illius vita, quem laudabat; ea in re geminos codices, quibus nomen eſſet, Flos Sanctorum, pugnare inter ſe: mutuo affirmans. Vbi, quid ſentiret ipſe, ſubiſciendum fuit, ſequor, inquit, exemplar Floris Sanctorum Cæſarauguſtani, ideò, quia litteris excuſum eſt grandioribus, eaſque porro planius intelligo. Atque, hic, ſubridenſibus nempe qui aderant, ſuſpenſus ipſe aliquandiu hæſit, ſimilis neſcienti, quid in ea re aptius afferret in medium. Palæſtræ verò exercitatoris cauſâ, diuino factum eſt nutu, ut ipſe

*Iſ tunc erat
Gundiſa-
lus Abu-
lenſis.*

Scholasticis aliquem lateret spiritus, quo vir hic egregius ducebatur; eumque Minerarum tam pinguis esse putaret, quam ipse vitro se proderet. Quare hominem, ab eoque dicta, gesta, perinde atque insulsa, absurdaque ab hebere coram ipso etiam deridebat. At Franciscus opportunitate usus est submissionis item, & caritatis augendae: irrisoremque suum voluptate simul, atque honore studebat afficere. Mensae in triclinio administrans, illi ferulorum optimum defererebat. Per quotidianam à mensa domi, suae per hebdomadariam ruri, animi remissionem, adiungebat illi sese, quo aniam ipsi aliquam sui deridendi praeberet. Quod potro cum Magister ipsius Oedius animaduertisset, quæ fuit ex eo, cum Scholastico illi perpetuo assideret, professus nempe consuetudinem cum eo tam intimam, non sine peculiaris in eum animi notata: cumque illum diu, multumque versisset, ut causam exponeret (intelligebat enim id non carere arcano) illud esse inquit in causa, quod ab focio illo probe noscebatur, accipiebaturque pro meritis: Tu, Pater, ac reliqui, quasi aliquis sum, multum in me confertis honorem: id vero mihi nil proficit: at vero sodalis hic me quidem penitus introspectit; eoque habet loco, quo merui; cum irrisione nimirum mei, rerumque mearum: id vero mea plurimum interest; eumque hoc, ut consuevit, habenda mihi est consuetudo. Audiit; altissimamque sui discipuli submissionem suspexit hoc in responso Præceptor.

Accidit ambobus aliud, quo eiusdem ille submissionis socuples præbuit argumentum. Per Dominicos cineralium ieiuniorum dies, ad pias exercitationes, pedites, ac pedetentim proficiscebantur in pagum, duabus ferè leucis ab Salmantica disunctum. Concionabatur Pater, auresque consentientibus dabat: Franciscus tradebat rusticis catechismum: puerorum coetui adiungentibus sese viris, formisq; plurimis, ac pago ferè vniuerso, sub vespere. Frustruosus ijs omnibus, carasque sic ille fuit, ut insequentis anni quadragintadies serias eosdem sibi dari Patres ad se adiuuandos, quos superiore anno acceperant, flagitarint. Post paucos Dominicos dies, aliquorum sermone Scholasticorum, qui eo se Salmanticæ conferebant, Francisci vulgatum est genus summeque propterea ab omnibus coli, atque ab aliquibus ceptus est cum honore Domini appellari. Tulit id gravatè Franciscus, omnique connixus est operâ eam ab eorum mentibus opinionem expungere: eocum se tulisse, & colonum affirmans, qui de agrorum cultura posset ipsos in examen vocare. Verùm cum id non valeret satis ad infixas iam animo persuasiones, & significationes in se observantia amolendas, studio quam potuit maximo apud

Præ-

Præceptorem, Rectoremque egit, ne se eum in pagum deinceps ille duceret, hic mitteret. At illi denique, ut Ortunij angori parcerent, annuere: tantumdem enim molestiæ ex impenso sibi honore capiebat ipse, quantum ex negato vanitatis aucupes cruciantur.

Quæ quàm prodirent ex animo, testatum magis ut sit, rem referam ab ipso cum condiscipulo gestam, quicum conuenerat, ut de ijs, quæ inter se inuicem animaduertissent, vitijs, alter alterum caritate mutua adinouerent. Cumque ab ipso alter aliquoties pacta repeteret, excusabat incuriam; eam à se emendatum iri promittens: donec aliquando socio perurgenti respondit, adeò se ab suorum intus tot vitiorum investigatione distringi, ut sibi in aliena inquirere non vacaret. Et verò ita res erat: etenim honorem omnibus habens, vnum se habebat ipse despectui; cumque suas esset in mendas lynceus, in alienis cœcutiebat. Neminem proscindebat vnquam, intus omnes accipiebat in animum: ministerio, atque solatio quàm poterat maximo ægrotis indulgebat sese; quantumque in ipso erat, Societatis in illos caritatem, ac studium promouebat.

At enim, viri optimi exercendæ virtuti, eam erga ipsum curam amantis Dei prouidentia desiderari permisit. Profectus ab Vrbe fuerat Valetudinarius, muneris sui scientissimus in paucis; subrogato illi ipsius adiutore laico Nouitio; qui Religiosus ab agricola, litterarum rudis, neque inscius minus erat studij in ægrotos. Graui correptus interea est tertiana febris Franciscus: at illum, proualetudinarius adeò incogitanter, importunèque curabat, ut ingrauescens morbus vergere in discrimen occœperit. Franciscus ipse deinde, gesta tunc secum ab illo per inscitiam, miseranda, quidem, & sanè miseranti mihi narrauit. Vnum dumtaxat horum meminero, quod hausti ab eo pharmaci die actum est; is erat Sabbati. Tyroni in Societate ab rure, in quo adoleuerat, recenti non venit in mentem sepositè, ac priuatim parare cibos ægroto. Vbi verò iusculum illi dandum fuit, communem in cacabum inter exta, aliaque eiusmodi, more gentis, esculenta, quartam pulli partem iniecit: hausit hinc deinde ius; quo gustato, censuit ægrotus id potionis satius esse non sorbere. Post horam, incoctum, durumque, spumæque amplius carniæ delibutum extulit inde pullum. Glutire scilicet ne bolum quidem æger ex eo potuit. Erat à purgatione, sudoreque in tertianâ perimbecillus; eoque refectus cassus, quem naui, scientesque valetudinarij, per hæc morborum damna, suppeditant. Neque tamen conquestus vnquam est, aut vllum ægrimonix signum edidit: quin mutire nec voluit,

donec adduci se in vitæ discrimen intelligenti, animum incessit religio, possetne citra noxiam, tacendi gratiâ, vltro mortem optetere. Ausus minimè fuit aliquid hic per se ipse decernere. Sub illam purgationis suæ vesperam Patrum aliquem, cui religiosi æui, atque virtutis plurimum erat, Gonzalum Gundisalicum, aduersum sese, opinione omnium, perseverum accersijt: ratus ab eius responso tutam sibi rem fore. Eam igitur submissè, secretòque Gonzalum edocuit: de qua ex illo quæsiijt, propiùsne ad perfectionem accederet, reticendo, vitâ decedere, quàm, quo egeret, moderatòribus aperire: constituerat enim certò id sequi, quod sanctius. Prò virum verè cupientem nihil, sui que amoris demortuum, qui ne vel apicem perfectioni detraheret, tantum molestiâ, mortemque ipsam deuorare decreuerat, cum, verbo tantum vno, vniuersum posset diffilare periculum! Dubitantem audiijt prudens animi, virtutisque Magister: ac Medici solertis instar ægrotantis virtutem, ac tolerantiam probare voluit, atque prouehere: suasitque illi vt sileret, diuinæque voluntati sese permitteret; neq; opportunitatem patiendi tam inclytam, quæque sua se sponte, obtulisset, instructuosam sibi vanescere pateretur. Atque hic ab illo digressus Præpositum adiijt: reque, veluti agebatur, expositâ, quàm properrime, amantissimo cum animo consultum est indigent: ex quo quæstum quidem promeriti Franciscus fecit, quòd contempto periculo, abstinere indicio constituerat; rursus etiam præsentis ope laboranti subuentum est, pro solerti nempe opitulantis industria. Vnaque omnium sententia fuit, eo in Collegio, in quo tantum erga ægros erat studij, & amoris, sine prouidentia diuinæ consilio, socordiæ, incuriæque tantæ locum esse non potuisse; vti nempe virtus egregia ægrotantis omnibus esset, eo experimento, testatior.

In hac sui edomandi arena pergentem sese exercere Franciscum, cælestibus donis diuina largitas exornabat: in consueto præcipuè diuini feruli vsu; in quo sanè illi perquam rara eueniebant. Quâ obrem illum ætate iam grandi, refugum tamen, repugnantemq; altero Theologiæ ipsius anno, ad sacra mysteria consciuire. Ad quæ capeffenda etsi frequens diuinæ mensæ accubitus poterat ipsius animum proritare, ab dignitatis tantæ tamen celsitudine illum excelsa humilitas absterrebat. Ordini Sacerdotum adscriptus, Dominicis, Festisque diebus consistentes audiebat, litteris in id, ac prudentiâ satis instructus. Veniam tamen à Præpositis petijt, ne liceret sibi alios audire, quàm pauperes, seruos, atque plebeculam. Adeòque his, non alijs aures, operamque dabat. Quòd si ipsum illustrior quisquam adiret, hunc ipse ad alium Confessarium

rium cum eius commendatione dimittebat: suoque munere tam vtiliterungebatur, vt multum ab eo fructum pœnitentes secum auferrent. Quos cum de pijs animi rebus per priuatos sermones aliàs alloquēbatur, submissè comiterque præstabat id æquè, atq; si quisquā esset ipse illorum compar, loco nimirum natus obscuro: seq; talem ijs approbare studebat, vt eā gratiā in se quidem humilitas, in ijs verò agendi secum fiducia augetetur. Domesticis etiam famulis, mediastinisq; vacabat; quibuscum à mensā de rebus, quæ ipsorum muneris erant, instituebat primò sermonem; mox de ijs, quæ spectare primò debent, qui Christum ritè, pièq; colunt; hoc est, de immortali animi salute: illos proinde summa Fidei elementa, reique diuinæ sacrum ministerium edocebat: atq; ad modestiam, ac totius corporis condeceniam extimam custodiendam, ad diuina mysteria Confessionis, & Eucharistiæ frequentanda tanto cum successu hortabatur, vt religiosa quædam in ijs species eluceret.

Perductis in exitum studijs tertium Tyrocinij annum posuit Villagartæ sub eodem Baltasare: in qua eadem probatione adiunctus ego tunc illi, eius virtutum, gliscentisque in eo semper ardoris pristini spectator interfui; donec eodem in Collegio, eodemque anno, diem, vt exponemus, obiuit.

CAPVT TRIGESIMVM PRIMVM.

*Magistrorum perfectioni præcipuè studet. Francisci
Ribere sacras ibidem litteras docentis vir-
tus insignis.*

Q Vanquam in id, vti commostratum est, tantum studij Baltasar conferebat, vt Societatis Scholastici, quo dictum est modo, litteras cum virtute coniungerent; multò tamen maximè id in Præceptoribus; imbutisq; iam litteraturâ expetebat scilicet, & accurabat: à quibus nimirum præcipuè virtus pendet, ac religio discipulorum. Hi enim ferè, veluti plurimum tribuunt multo cum amore Magistris, à quibus litteras edocentur, ita religionem, etiam, ac sanctitatem amant, & æstimant, quam ab ipsis amari æstimarique conspiciunt: atque ex illorum dictis & factis, virtutes, quas illi præferunt, anteferuntque scientiæ, cum voluptate condiscunt. Ipsi verò Præceptores, exemplo vitæ probo, auctoritatem, fidemque sibi ipsis, ac suæ doctrinæ adiungunt; cui pro-

Serm. 167.

Serm. 2. de
Resurrect.

Prov. 5. 15.

inde plus amoris, æstimationisque conciliant. Quòd si de rebus doceant producendis in actum, viam, ad id faciliorem, proniorque consternunt: namque ex Petri Chrysologi effato, *Magisterij auctoritas constat ex vita: docenda faciens obedientem perficit auditorem*. Contra verò vita seu prava, seu mendosa Præceptor, ipsiusque doctrinæ auctoritatem, fidemque abrogat. Vtenim Bernardus affirmat, *Cuius vita despicitur, restat ut prædicatio contemnatur*. Vehementer adeò Baltasar optabat, ut Professores, ac sacri Oratores virtute, ac spiritu præpollerent; seque ipsi ante perficerent, ut in alijs deinde possent processus efficere. Aiebat enim, descendam rem esse, memoriæ, & antographa referta cuiuspiam esse veris, solidisque effatis, eidem verò animum vacuum esse virtutibus: Rursus perturbatè cum primis eos agere, qui quæ studendo comminiscuntur, omnia ad alios referunt, nihil ad sese. Atquæ proximorum vnus, ac primus, cuius habenda ratio est, ego ipse sum, ex Salomonis oraculo, *Bibe aquam de cisterna tua, & fluenta putei tui: deinde deriuventur rui tui foras, & in plateis aquas tuas diuide*. Asserebat item, ab litteratis viris virtute cassis, inanibus, ac elatis, Dei Ecclesiam, ac religiosas familias ingentia, damna suscipere: quòd si integrum id ipsi foret, ab se quidem instatos huiusmodi, plenosque sui homines, ut vt ipsi sibi Ecclesiæ, Ordinumque religiosorum columnina esse videantur, in culinæ ministeria detrusum iri, eas vt inter sordes iactantior illa ipsorum, gloriola detumeret. At verò eruditos, qui sese ad diuinæ mentis exemplar effingunt, suamque scientiam cum virtute coniungunt, honore afficiebat, æstimabat plurimi, Deoque optimè commendabat; atque omni, qua poterat, ope iunabat. Eos enim pro columnis Ecclesiæ, Ordinumque Religiosorum habebat. Et sanè huius generis, laudisque viros suo ipse in Collegio Dei beneuolentis munere sortitus est.

Præsertim verò cum de sacris per constitutam lectionem explicandis litteris ageretur, ut innixam ijs Theologiam Scholasticam quàm absolute disciscerent; earum interpretem illum suo Collegio dari percipijt, in quo doctrinæ præstantia cum vitæ sanctimonia conspiraret. Datusque is illi à Deo est cumulatè pro votis, Franciscus Ribera, quem in Tyronibus instituerat ipse Methymnæ; cuius ab exemplo virtutis spes illi certa erat excitatum ac promotum iri Scholasticos. Compendio perstringam has breuiter eò, quia multis ad eum nominibus pertinent, quem habuit Ribera in primis vitæ religiosæ vitæ cunabulis Formatorem.

Præclarus hic vir in Sodalibus insignis Archiepiscopalis Collegij Salmanticensis fuit; claspoque iam tempore, quo eius dabatur con-


contubernij copia, patrium in oppidum, Villacastinum se retulit; ibique in sacrarum litterarum studijs & totus erat, & præstabat in paucis; Latine, Græcè, Hebraicèque scientissimus. Diuini interea Numinis consilio factum est vt quæ spectabat, expetebatque, successu carerent: quod auspiciatissimum ipsi fuit. Fortè enim Villacastino traiciens Martinus Guttierius Salmanticensis Collegij Rector, in quo notus ipsi Ribera fuerat, eiusque & consuetudine vsus erat, & confessiones exceperat, salutatum illum, adiuit: postque res inter se nonnullas collatas in medium, decretum sibi esse Ribera dixit in domum sese recipere ædiculæ proximam Deiparæ Virginis, quam ipse præcipuè colebat: illine ad concionandum in finitima circum loca discurrere; cæterumque tempus in librorum, ac litterarum tractatione contere. Querentique ex Guttierio, quid eo de vitæ genere sentiret, respondit ille: probari quidem sibi consilium; aduerteret tamen rem sibi ab ipso carissimam omnium, voluntatem propriam referuari. Hoc illi verbum, cælestis vi lucis, diuinique afflatu spiritus, in cor tam altè descendit, vt iam tum supremum vale mundo dicere, nomenque Societati dare constituerit; in qua eadem tractare studia posset, ac munia, nullo suæ voluntatis arbitrio, vnoque obedientiæ ductu, quæ nos diuinæ voluntati coniungit.

Ab his ita secum animo destinatis, quanquam propinquis suis matronis nonnullis honestissimis prouisurus dies aliquot supersedit, peruictis denique difficultatibus omnibus, Salmanticam profectus est, vbi illum Guttierius anno salutis 1570. in Societatem admisit: atque inde Methymnam ad Tyrocinium ibi ponendum sub Baltasare Institute discessit. Vbi oculatus vidit, quod de ipso in suorum librorum aliquo testatum reliquit, eum fuisse hominem, qui & vacaret cupidissimè precibus, & sibi acriter imperaret; valeret sermone per plurimum, quem cordibus infugebat; summaque præditus esset dexteritate ad Deo proximos adiungendos. Optimè deinde vsus tanto Magistro, ijs & naturæ dotibus, & gratiæ prædijs, quibus ipsum Deus instruxerat, spiritum Societatis perinde hausit, ac si in illa adoleuisset à puero; in omni quidem virtute præstans egregiè, sed in ea cum primis, quæ ipsam in amplexum Societatis adduxerat, obedientiæ: regularum omnium, rerumque, quas iuberent Præpositi, custos quam diligentissimus, non per probationem modò, sed in omni omnino vita: nullo in litterarum studijs, rebusque, quas gessit, alijs, admissio tempore, aut legis cuiuspiam vel leuioris incuria. In compluribus valetudinis imbecillæ incommodis, numquam sine venia sitim potu sedauit interdiu: cubiculum bis in hebdomada euerrere nunquam omisit;

omisit; neque domi, forisque, potestate sibi non factâ, epistolam vnquam, aut codicillum legit; nec litteras item ipse cuiquam scripsit, nisi petita prius facultate; nec misit, nisi postquam illas ostendit. Et aliquid fortè ijs iam exhibitis aliquando adiucendum occurrit, ac tum etiam epistolam, non nisi demonstratâ prius appendiculâ, obsignabat. Cum enim consentanea legibus ea omnia essent, ne vestigio quidem, ac puncto ab ijs discedere volebat. Modestia fuit, ac totius corporis habitu, rerumque gerendarum modo spectatissimus. Animi submissio in illo planè miranda: aliorum sententias, vbi ambigeret, libentissimè audiebat; eratq; discendi ab alijs, quâquam minus ipso se eruditus, appentissimus: in consuetudine verò comis, & iucundus, & qui præstantium suarum exemplo virtutum animos sibi omnium deuinciret. Ipsius ardor longè alius ab eo adolescentium Tyronum erat, qui non secus ac ollæ gliscentibus flammis appositæ, immoderanter ebulliunt; & quæ intus coquunt, cum fragore redundantes effundunt; sed feruor erat grauis, solidus, & quietus; atque ollæ similis igne lento feruentis, atque ita & melius coquentis edulia, & diutius perdurantis. Quare suarum pondere, grauitateque virtutum, exemplo fuit vbique omnibus singulari, tum Methymnæ, tum Salmanticæ, vbi sacras litteras complures annos cum communi omnium assensu interpretatus est; & commentarios in eas aliquot euulgauit, lucis eius plurimæ monumenta, qua ad illas intelligendas, imbuebatur à Deo.

Vim ad hoc sibi vniuersè parabat ex precibus, horis in eas diu noctuque permultis, Institutoris sui exemplo collocatis: quarum ope, adiectis aliquando ieiunijs, voluntarijs alijs pœnis, arcana sensa diuinorum codicum hauriebat. Vbi verò in loco, perdifficili diu multumque hæreret, dies aliquot in piarum exercitatorum otium secedebat: eoque magisterio Deus illum quæ scire cuperet, edocebat. Auctoritatis, ac fidei spectatæ matrona retulit, Riberâ, die S. Andreæ facta, ad populum concionante, visam à se fuisse circumfusam ipsi lucem ingentem; in eaque summa maiestate simul, ac venustate Christum adstantem: eumque vultu hilari in concionantem intento, suas vlnas ei ga i lum protegēti similem expandisse. In concione verò Riberam hæc dixisse: Prò Dei summi excelsitatē immensam! cuius diuinis in voluminibus nullus apex est, qui cælestibus non sit plenus arcanis, plenus sensu verissimorum, atque vti denique decuit ab ipso veritatis ore proferri! Hic verò auditum ab se Christum sibi voce amantissima dicentem; Filia, verax hic sanè vir est, qui solidis verisque sensibus mearum oracula paginarum explanat: eumque propterea veritatis meæ luce

luce collustro, quia æstimare probè nouit, quanti mihi stetit, hoc est sanguine, earum intelligentiam hominibus impertiri. Illum tu tibi prudenter Confessarium adsciisti; fidem eius dictis habeto, in quo meipsum inuenies, disceresque rationem ex eo, qua meæ possis obsequi voluntati. Hæc à Christo diuinitus huic indicata, fuisse credibile mihi admodum illinc est, quòd probè notus mihi Ribera fuit, eiusque multa consuetudine sum vsus; in eoq; virtutes à me laudatas, & illum aduerti, quo flagrabat, ardorem intelligendi, interpretandi, docendique per concionem sanè, castèque diuinas litteras; tum etiam proximos adiuuandi in processu virtutum, perseueranter, ad vltimum vsque vitæ diem, Nouembri mense obitum anno 1591. Cuius vti vita, sic mors etiam pretiosa fuit: dieque ab illa tertio, eadem ipsa cui de cælo ea ostensa fuere, quæ diximus, post epuli cælestis accubitum, & alienato à sensibus animo, vita sibi est inter Cælites esse, vbi Riberam cum plurima gloria Deo ipsi propinquum aspexit; cuius è pectore in ipsum eiusdem pectus lux quædam ingens pertinebat; ac totum perquam pulchrè, ac suauiter illustrabat, & Deo arctissime coniungebat: per eamque lucem mirifica de ijs, quæ inter mortales docuerat; verissimis intelligebat effatis. Indicatum verò illi est, eo lumine imbutum ideo fuisse Riberam, quia inanem nunquam honorem aucupatus fuerat; sed Dei dumtaxat gloriæ, eiusque cognitioni, obsequio, & amorì in omnes propagandis enixè studuerat. Adiecit his, illum vnus horæ spatio piaculari igne, eoque perleui expiatum esse: imperatumque ab eo sibi fuisse, vt ægerri- mæ cuiuspiam significaret, si dolori peruium Cælum esset, ab ipsius ærumnis excruciatum iri se: verum æternam iam felicitatem pro laboribus humi exantlatis adeptum, angere se ob ipsius aduersa non posse. Compluribus etiam monitis eam ipsam, cui se videntum dederat, instruxit, quibus sua erga Deum promerita cumularèt; atque indigentem solatij plurimum recreauit. Fides horum ab eo sanè non discrepat; cuius vita, cum ea, quam diximus, sanctitate consensit. Plurima adhuc alia de viro hoc venerabili dicenda suppetrent, quæ missa tamen facio; nam videri possunt satis quæ protuli, ad honorem Magistro ex tanto discipulo adiungendum.



ædum dare nomen iussit, cui paratam adeo salutem ipse imperiret. Ea voce, iussuque Mendiolensis ab sua socordia simul erubuit, simul diuinæ benevolentiae tanta significatione recreatus est: constitutoque apud se certo de vitæ religiosæ complexu, cooptationem in Socios ab Rectore cupidissime efflagitauit. Baltasar præpotenti Dei manu cor illius fluxarum rerum amore adeo occupatū, per afflictam valetudinem tanto miraculo immutatum intuitus, Præpositi Prouincialis annutu, allegauit illi, qui diceret, Socijs se aggregatum haberet; licere amplius ipsi Collegium petere, cum liberet. Tantum cepit ille animi ex huius alacritate nuncij, vt acri licet, periculosoque morbo, in eum obnixus sit adeo, vt eo aliqua ex parte remisso surrexerit: vbi verò ingredi pedibus primum potuit, nostrum ad osium sese confestim tulit: ibique Rector, ac cæteri domestici summo illum complexi amore, & gaudio exceperunt. Laudatam modò affixi cruci Numinis imaginem secum auxit, ac familiaribus petsepè affirmavit, eius se vocibus compellatum fuisse, atque omni procul errore id certo certius esse. Testimonium his dedere complures, qui ipsum per paucos, quos in Societate vixit, dies ea memorantem sæpius audiuerunt. Eo enim ipso, quo admissus est die, rediit febris, eumque lecto ad duodecimum vsquidie ab ipsius in Societate ingressu affixit, quo exiuit e vita. Iucundum illi vt cum maxime fuit circumfusam sibi tot religiosorum hominum coronam, & ministerium intueri: obfirmato iam animo in omnimodam obsequij diuini constantiam, quandiu sibi constitisset & vita. Contentus hac tamen certa fuit voluntate tunc Deus: eumque sibi præripuit, *ne fortè malitia mutaret intellectum eius, aut ne filio deciperet animam ipsius*. Laudesque Deo persolutæ ab omnibus sunt; luctumque, maximæque pro multiplici via asserendi homines in salutem: quos, vbi dedere se ipsi ultro recusant, vi etiam adigit; crinibusque prehenso ad sua signa trahit.

cap. 4. 111

Sed ad Baltasarem redeamus cum permultis agentem in ea Vniuersitate lectissimis: quem ij & æstimabant plurimi, & ducem suis in rebus animi sequebantur. In his Teutonius fuit Eboracensis deinde Antistes, cui peccata Christiano ritu consistenti aures semper Baltasar dedit. Atque in hoc ille, pro arctissimo, quo virum hunc tantum complectebatur, amore, sanctimoniam ipsius aduertit documenta non pauca: quæ protulit etiam ultro huic historiæ adscribenda. Vnus etiam Baltasar est familiaritate multæ Sanctij Abulensis Nentesani nunc Episcopi, & Christophori Velæ, cui Burgenfes postea delatæ sunt insulæ Archiepiscopales. Atque is rem in hac vrbe secum per Baltasarem actam affirmavit, diuinæ præfagitioni simillimam. Exploratum, inquit Baltasar, ha-

Dd

beo

beo tuâ operâ velle Deum vti in re maiori vulgaribus. Nullum in hoc mihi dubitandi nomen est, neque verò sit tibi: rem mox euentus ostender. Et ostendit sanè, eo nimirum Canariensi Episcopo nuncupato. Verùm ille, vt qui tribuebat plurimum auctoritati Baltasar, nisi re Deo per hunc antea commendatâ, edictoque ab eodem sibi, quid ageret, honorem illum admittere, recusauit. Suas, domesticorumque omnium super ea re, preces apud Deum Baltasar adhibuit; auctorque deinde illi fuit, vt insulas nihil hæsitans reciperet: easque tunc ille hac adductus auctoritate recepit. Etenim, vti suo in Pastoralis Gregorius asserit, quemadmodum eiusmodi honoribus dignos, in eos inferre se per ambitum vltro non decet, ita eisdem oblatos recusare non conuenit; vbi de diuina voluntate sit certum, ad proximos ijs, quibus instructi sunt, animi dotibus, adiuvandos.

Similia horum alia hic illi cum Discalceatis Carmelitis Montibus vicerere, quas ob plurimam ipsarum religionem, virtutemque, vicerere aliquando & confitentes audire consuevit, solatium ijs, & animum in studio perfectionis adiiciens: præcipue verò Matri Annæ Iesu Parthenonis Antistitz, quo etiam munere Madridi, atque alibi perfuncta deinde fuit. Ea verò sanctè affirmabat, Prophetiæ dono præditum fuisse Baltasarem: multis enim ante annis ingentes illi prænuñciauit ærumnas, quibus esset ad promouenda instituta sanctissimæ Parentis, ac Fundatricis Teresæ IESV, acriter exercenda. Eaque in nonnullis quandoque perarduis sanè rebus animi pendente, an illæ essent habituræ successum, affirmabat Baltasar, idque futurum in oculis asseribat. Cui illâ postmodum res aliquas indicante, quæ perducebantur in exitum, subridens ipse, Gaudeo, inquit, vt fides apud te sit & Dei, & eorum, qui eius nomine munera tibi diuinæ miserationis annunciant: se quidem sanguine, si opus foret, testaturum, ea illis imperritum iri, qui se in angustias Dei causâ coniectos, esse conspicerent; vti futurum ipsierat, multo sanè plura, quàm crederet, perperituræ. Quæ deinceps omnia enenere: permultis enim ac peruulgatis ærumnis, suo in Ordine, Dei hac ancilla fuit luculenter exercita, vt (quod insinuatum iam est) quæ constituta fuerant ab sua Parente sanctissima tueretur. Mihi verò certo certius est, Deum pro suo in suam hanc ancillam amore, aduersa hæc illi idèò prænuñciare per suum Confessarium voluisse, vt ad ea scilicet compararet ipsa sese; atque suum animum contra pari robore obfirmaret. Vt enim vulgari adagio circumfertur, iacula præuisa minus feriunt; adeoque minus officiunt.

Hunc in Parthenonem soror admissa fuit Religiosi ex nostra

So-

*Hieronymus
Abbas
lensis hic
erat.*

Societate viri, in quo tamen illa perseverare à valetudine imbecilla non potuit. Dimissa ad sacrum Virginum domicilium D. Elisabethæ se contulit, vacatura illic per secessum sibi, dum secum ipsa, quid ageret, perputaret. Convenit illam ipsiusmet rogatu Baltasar, affatusque & solatus eam est; & ait: ne mihi stetitisse parvo putaveris, tuum spiritum dignonisse: scito te amari quidem à Deo, sed huic vitæ, Ordiniq; Discalceatarum Monialium ab eo te minimè destinari. Hisce dictis eandem habeto fidem, quam Angelo divini Numinis interpreti haberes. Et illa quidem acquievit in præsens; id ipsum tamen aliquot post annis oblita, Discalceatis se denuo aggregavit in Cœnobio Albano: cumque plurimam anni partem exegisset in Tyrocinio perquietè, illam tamen nullà inductæ, quam intelligerent, causâ, ad profitenda vota sacre Virginis minimè admilere: quamobrem illi migrandum inde fuit; ac tum reuocato in memoriam dicto Baltasaris, suum ipsa permulsit animum; ac vitam suoapte iure instituere piè, religio sèque constituit. Nota res enim est, copiam religiosi Ordinis à Deo nequaquam omnibus dari, qui nomen illi dare percipiunt: quemadmodum neque vitam cum sanguine pro Christi causâ profundere maximè expetentibus, divinum Numen id annuit. Sua tamen expleat quisque vota, ceu datur; cultu nimirum, formaq; vitæ ab ea perfectione minimè discrepantis, quam in eo spectabant Ordine, quem expetebant.

Et illud in eodem hoc Cœnobio Baltasari memorandum accidit, quo caritatis suæ, vt septimo decimo capite commemoratum est, illustre protulit documentum: qua cum in tantum excelleret, non religiosus dumtaxat fœminis, sed & præcipuis ea in vrbe Matronis prodesse connitebatur; ad vitam, immutatis moribus, sanctius refingendam: cuius rei exempla sanè non pauca, si vacaret omnia proferre, suppeterent. Honestissima in his Matrona Anna Maria Guzmania, Henrici Bolanni gubernacula tunc huius Vrbs tenentis coniux, sanctissimæ Parentis Teresæ iussu, peccata cœpit sacro ritu confiteri Baltasari; eaque post paucos dies immutata sic est, vt ætate florens, ac opibus, mundique muliebris cum primis amantissima, eum deinceps tanto cum horrore procul habuerit, vt ipsius vir per iocum dicitaret, Quis mihi meam coniugem deformavit? Quanquam, utpote qui cultor erat optimus pietatis, haud ægrè ferebat eam ab nugis alienam, sui animi bono cupidè vacantem aspicere: in quod ab defuncto viro impensius multò, ac perseveranter incubuit; intenta nimirum precibus, quarum amorem conciliarat illi Baltasar; & verò cum incremento virtutis amplissimo.

Nec sanè minor tunc fuit Comitissæ Montis Regij Mariæ Pimentellæ progressus, prouecta etate iam viduæ: quæ virum hunc sanctissimum tanti fecit, vt nemo illi gravior accideret; ab alio nullo solatij, animique in virtute colenda plus caperet. Atque ex quo illum nouit, ipsius cõsilijs seu voce, cum aderat, seu cū aberat, scripto, ac datis ad illum litteris duci, regique in omni vita voluit. Comes verò Oliuarius Henricus Guzmanius, vir in Hispania ab animi strenuitate clarissimus, quandiu versatus ibi est, Baltasarem perfrequenter adire, eiq; sui rationes animi exponere, & quicquid demum ageret, id eiuidem cõsilijs sibi semper probatissimis aggredi consuevit.

Id etiam temporis Ioanna Toletana Marchionissa Veladia, Baltasaris consuetudine Abulæ vsa quàm fructuosissimè, Albam venit; ac Ducem Ferdinandum Aluarum Toletanum, & Mariam Toletanam Henriquiam eius coniugem de egregijs sanctissimi huius viri donis edocuit: quamobrem eius agnoscendi percipidi, Salmanticam quatuor dumtaxat leucis Albâ disiunctam, accitum illum misère: cum verò aduenientem excepere comiter; interque primos ipsos affatus, rumorem de illo veritati constare senserunt: quam & retinere deinde consuetudinem; eos subinde conueniente Baltasare; quorum ipse amorem suis allocutionibus nostræ familiæ conciliauit; falsis quibusdam ab eorum mente diffatis, quæ alij iactando, serendoque confinxerant: atque ij admirari scilicet affirmabant, mirum quantum eius vi verborum ipsorum essent animi immutati. Obiter etiam eo in oppido alios complures adiunxit, tradita ijs ratione precandi, quam diu postmodum retinere.

Egit & ibi perintimè cum Marchione Veladio Gometio Abulensi, in quo Genitricis ipsius beneuolentiam erga nostrum Ordinem excitauit: eumque precandi rationem edocuit: testatum deinde, in precibus paratum habere se, quicquid ad procurandam animi sui salutem faceret; ad domum, ditionemque regendam. Deinde verò, vt animi res clariori luce perspiceret, Villagartiani, quò Baltasar migrarat, profectus est: diesque ibi quindecim hec, sua cum illo omnia submisit perinde communicans, ac si in Tyronibus foret. Neque porro exiguum illi splendorem contulit hæc consuetudo cum Deo: ab ea enim fortasse dignum ipse se præstitit, quem Deus ad excelsa, quæ adeptus est, munera promoueret.

Alia hinc itinera Vallisoletum, & aliò ad res grauissimas capessuit; numquam tamen suâ, sed Præpositorum dumtaxat voluntate profectus: gnarus nempe quid eorum sit muneris qui præsumunt;

sunt; domibus nimirum suis, suoque gregi semper adesse, dum
 aliud quippiam ipsius Numinis obsequela non precipit. Id ipse in
 perbreui, piaque admodum schedula scripsit ad Stephaniam, de
 qua supra meminimus, data; efflagitante illa à Balthasare ut suæ
 „ solemniū votorum nuncupationi non grauaretur adesse. Si
 „ adesse tibi me, inquit, religiosa vota nuncupaturæ Deus annue-
 „ rit, accidet id mihi sanè pergratum. Neque enim ut aditus tibi
 „ pateret in istam domum dote, meritisque cassæ ita connixus
 „ sum, ut te postmodum obliuiscerer; homini similis cadauer hu-
 „ manti, atque illius omnem ex animo imaginem abolenti. Quod
 „ si mihi interesse non liceat, illud te monitam volo, nuptijs hisce
 „ munditiem animi plurimam, & sanctimoniam conuenire: hæc
 „ enim dos est, & supellex, quam Sponsus tuus ille dulcis à te sibi
 „ deposcit. Quod si sanctimonia desit, ne desideretur humilitas;
 „ ut pudore suppleas, quod virtute non implet: idque tunc me-
 „ mineris, cum puram nitidamque cordis urnam celsissimo fonti
 „ diuini amoris appones. Esto mihi apud Deum interpres, ut me
 „ in suum vsque transcribat; meumque istuc aduentum, si in ipsius
 „ maiorem gloriam cessurus sit, ipse paret, ac imperet: alioquin
 „ Salmanticæ resistam; neque enim Deus proximos magis vult à
 „ nobis quæri, quàm sese. Ea Balthasar dixit, ac præstitit; ac
 „ triennium Salmanticæ totum exegit: postremo cuius anno tem-
 „ pestas in ipsum coorta est, ad Christianæ humilitatis, patientiæ-
 „ que periculum. Verùm illam, ut quæ in insequentem annum,
 „ quo Villagartix fuit, perseuerauit, in id temporis, ac loci oppor-
 „ tunè reijcimus.

1. Aug.
 1571.

CAPVT TRIGESIMVM TERTIVM.

*Documenta Baltharis de castigata piarum rerum tracta-
 tione, aduersus corruptas loquendi formulas Illu-
 minatorum id fermè temporis exorientium.*

INter hæc, anno 1571., in Bætica Prouincia homines erupere,
 qui nomen adsciuerè sibi Illuminatis, rationem colloquendi
 de pijs, diuinisque rebus prauam, noxiàmque commenti. Quam-
 obrem Cordubæ sacro aduersus hæreses Magistratui pœnas illi
 dedere. Tertio verò Dominico Quadragesimæ die iniusta eorum
 erroribus damnationis nota est; quippe qui syncero Christi Do-
 mini, Ecclesiæ, ac Sanctorum Patrum spiritui aduersabantur. Per
 hæc

hæc Ioannes Soarius, qui huic Prouinciæ moderabatur, accurans sedulò, ne tam corrupti sermonis nidor ullus ab nostris piarum rerum vsum, ac rationem precandi mente tradentibus funderetur, Baltasarem iussit diuinarum rerum tam multa luce, peritiamque imbutum, opusculum scribere de castigata illarum tractatione, pro veritate nimirum, ac spiritu Ecclesiæ orthodoxæ. Quamquam, verò sanctissimus Parens Ignatius, quasi iam tam diuino actus instinctu, horum, Illuminatorum ne dicam, an tenebrionum? corruptissimas formulas odoraretur; Sociosque præmonitos vellet, ut eos horrerent, extremo suarum exercitationum libello duodeuiginti regulas adscripsit, ad sentiendum, loquendumque ex vero fidei Catholicæ sensu; Baltasar tamen regulis his ipsis innixus, alias ijs complures temporis opportunas adiecit: opusculumque condidit suis oppidò numeris absolutum. Id verò siquidem permulta momenti non exigui documenta dilucida, ipsamque rei medullam tangentia complectitur, operæ pretium duxi hoc etiam loco proferre; quo velut in speculo certa illa perspicitur ratio, quam vir hic sanctissimus de pijs diuinisque rebus, sentiendo, colloquendo, agendoque probam, probatamque sequebatur; & quam procul ab ijs esset, quæ in illum deinde, uti suo exponetur loco, aliqui confinxere.

De castigata piarum rerum tractatione, Opusculum.

Cum errores omnes, per extremos vtrinque fines à veritate desciscant, ea nempe medium obtinente; modus propterea non in sentiendo solum, sed & in loquendo custodiendus est; rebus nunquam ita exaggeratis, ut in alterutrum erroris finem transgredi videamur. Ordinis proinde nostri Sodales errores docendi sunt, quos in rerum piarum tractationem, præcationis, atque mortificationis nomine, inuehere commoliti sunt aliqui. Id enim si ignorent, loqui profectò tam cautè non poterunt, quin suo sermone in corruptelam malè sentientium non offendant. Quam in rem iuuabit vniuersè cum primis, de Deo, diuinisque, ipsius rebus, ac pijs exercitationibus loqui, veluti Sancta Romana orthodoxa Ecclesia, ipsiusque Magistri, ac viri sanctissimi loquuntur, pro vera, humili, sinceraque piarum rerum tractatione.

§. I.

De Precatione.

Primò, ne tam exaggeratè tacita precatio dilaudetur, vt ea, quæ voce depromitur, summo silentio inuoluatur: ne tanquam inutilis videatur hæc negligi: immò iungantur simul laudes vtriusque: ac procul vsque illorum habeantur formulæ, quæ precantes voce despectu habent; eosque cassos vera scilicet pietate subindicant. Tacita cum laudatur oratio, communia, vsitataque à viris sanctissimis nomina vsurpentur; ac temperentur hyperbolæ, ne sermo insubortos nuper errores incurrat; asseratque sine mentis precatione consistere quempiam, diuinamque gratiam diù retinere non posse; atq; ab his vnis dumtaxat precibus posse quenquam in fastigium perfectionis euadere.

Deindè ita constituatur; ab hac pia animi commentatione, extima, quæ virtutem adiuant, non excludi; cuiusmodi sunt, caritatis opera, ieiunia, horumque similia: immò his illam, tanquam peculiari suo fructu foueri; eorumque probato vsu, alacri, vel remisso, coniici sincera ne sit oratio, an fallâ, colore tantum perlita illius, & fucò.

Tertiò, ad piam hanc exercitationem conferre præcipuè sacras imagines, Dei verbum, pia colloquia, Sanctorumque voluminum lectionem; quæ pernecessaria est, atque omnibus, vt capax, & idoneus quisque est, diligentissimè commendanda. Simplicioribus enim, & ijs, qui alio; minimè doctari sunt, opportuni erunt, ac satis libri aliquitum pij, tum faciles, quantum ipsorum institutio, ac pietas possit inde, pro solerti Confessarij iudicio, adiunari: doctioribus verò, aliorumque ducibus, & Magistris necessaria lectio est Sanctorum veterum Patrum, atque Doctorum, quos in eiusmodi exercitationibus suo lumine Deus imbuic: qua lectione si quis careat, ad munus, ac rem tanti momenti satis instructus esse non poterit. Atque etiam lectionis vacuitatem experientia quandoque supplet, vbi tamen illa penitus desit, hæc vna non sufficit: quemadmodum sine experientia neque lectio satis esset. Adeòque cum perinde necessaria vna sit, atque altera, vtraque est quàm studiosissimè inculcanda.

Quartò; proluxæ preces ne nisi prudenter, cautèq; suadeantur; nimirum horis aut pluribus, seu quibusuis terminis attributis; cum affirmatione, fore, vt ijs diuina visa, illecebræque animi caelestes eueniant. Hoc enim primò non spectatur orando; sed vt Deus, ipsius.

ipsiusque voluntatem sanctissimam, morumque nostrorum castigationem eo praesidio consequamur. Quanquam nec reticenda est doctrina Catholica, Christique Domini, ac Sanctorum Patrum effatis maximè consentanea; hoc est, ubi iniunctis sibi rebus vel studij, vel obedientiae, vel caritatis quisquam minimè desit, aut etiam vires corporis non lædantur, tanti esse preces producere; in ijsque prolixius immorari: *Oportet semper orare*, Christus ait; *Et sine intermissione*, Paulus accinit. Suamque vitam ad hanc normam viri sanctimoniâ clarissimi exegere. Neque testâ diuinorum in sacris paginis promissorum veritas habeatur de castis Cæli delitijs, quas animis Deus impertit; quibus & ij recreari consueverunt, qui Deum verè, submissèque perquirunt, retinentque in eius vñu, ac familiaritate constantiam.

Quintò; Testatum est, precationem vniuersè, non perfectorum modò, sed & imperfectorum esse: neque arrogantiam horum esse precationi, ac meditationi pro suo gradu se dedere: quanquam in contemplationem, fastigium nempe precationis summum, non nisi perfecti, ac mundi corde peruadunt.

Sextò; In precatione tradenda prudentia interfit; gradu, habitudine, alijsque adiunctis cuiusque spectatis: namque, vt Gregorius docet, natura quidam inquieti sunt; ac ferè ad consentaneam meditationi quietem inepti; ij verò ad eam illicò conferre se se non debent, sed ad pia dumtaxat opera, ad depromptas voce preces, aliasque pias exercitationes decet illos incumbere: dum interint naturam ipsi suam edomant, seque ipsi idoneos sic effingant ad precationis tacite studium capessendum. Alij verò huic exercitationi sunt habiles; cni illos tradere è re fiet; atque in his etiam discrimen obseruandum est ordinum. Qui enim pro muneris sui partibus, rebus externis plurimum occupatur, is precari mente; vel nullo, vel breui dumtaxat temporis intervallo potest: adeoque id in hoc illi tantum attribuendum est pensis, quod ferè commodè possit; & quo ad virtutem custodiendam, suumque munus obendum integrè addiunctur. Idem in ipsa seruandum est forma, materiaque precandi: ingenio enim alij sunt adeò imbecilli, vt in altiores cogitatus assurgere minimè possint; alij rursus qui amore, aut contra, metu permouentur; quibus in omnibus illud spectandum est, vt ea, qua plus profecturi sint ratione, ducantur: cò vniuersè studium conferendo, vt doceantur ea quæ meditari fuerint, omnia referre ad vitam, moreisque corrigendos: neque vna sint piarum rerum commentatione contenti, sed per hanc ipsam processus in spiritu, animique integritate habere condiscent: seque in dies, diuinæ gratiæ, ac precum, cælestique

per eas lucis ope meliores efficiant, obsequentiores Præpositis, proximorum tolerantiores, amantiores suorum pariter, & extrariorum, locorum, ac rerum humilium, despectarumque appetentiores: indutis in fratrum tum amore excellentiæ, atque auctoritatis, tum ægritudine animi, quod se ab alijs vel in oblivionem adduci, vel minus, quàm vellent, in honore haberi conspiciunt: suamque iugulent penitus voluntatem obtinendi quæ, & quo pacto, ac tempore malint omnia; animo, si secus accidat, perturbato, atque in querelas effuso. Id verò aduerti quàm diligenter oportet; sunt enim qui eo nomine, quod intimis animi rebus diu, multumque vacant, seq; ipsi emendare, melioresque efficere, vel nullo, vel per se i opere moliantur; qui certè mentis evidens error est, atque fallacia: ex quo fit, vt postquam multos annos in precum studio exercuerint sese, in emendatione vitæ prima adhuc elementa pertrahant. Atque inde cæcitas hæc fit enidentior, quod pax ipsorum animis cum hoc errore consistit; neque stimulis vrgeantur internis; sed sibi ipsi blandiuntur, & placent; atque interrim offensioni sunt alijs, & damno ijs, qui in ipsorum consuetudinem tanquam præstantium virtute virorum, rectamq; vt putant, viam ingredientium, per inscitiam sese immergunt.

Res inter precandum habitas clam habere, sine censura laudatur: immò eas oculere omnibus fas est, præterquàm illis, qui nobis ad preces ipsas suam possint opem, lucemque conferre; seu qui nobis gradu Moderatorum antecunt: quibus pro ipsorum munere conscientia omnis exposita sit oportet, re nulla contestata, in qua aliquid sit momenti: seu cum ita ad maiorem Dei gloriam expedire censetur.

Doceatur etiam, quantò magis ab stygio veteratore precatio exhorretur, tantò illum in ea importuniorem adesse; instigando molestius, crebriusque, ac sese in sexcentas figuras, & colores induendo, vt ab ea nos auocet: habet enim persuasum nos à precibus diuulsos, ab recta, integraque vita etiam depulsos iri. Eaque propter nec dimittendum hoc studium est, nec in superstitionis habendum. Tradenda itaque ijs ratio est dimicandi in hac arena cum hoste; sic vt neque ab eo profugiant, & in ea peruincant: atque ita ad ferendas molestias hasce se comparent, vt intelligant nequaquam illud affirmari, spectra dæmonum certò in ipsorum, oculos incurfura. Quanquam dissimulandum nec illud est, eadem quandoque Dei consilio enenire, quæ Iustis benè vertant, diuina ope ac luce ad eorum tolerantiam, atque victoriam confirmatis.

§. II.

*De pijs caelestium precum sensibus : & quo pacto animis
sefe Deus insinuet.*

Primò constituendum certò est, Deum in hac mortalitate sefe animis impertiri; non clara tamen ferè specie, atque obtutu; sed fide nimirum, & gratiâ, atque ijs, quæ illinc existunt. Quòd si in hac mortalitate videndi Dei copia data est, singularis ea prærogatiua fuit, haud alijs, quàm quos diuinæ litteræ, sanctissimi- que Patres commemorant, tribuenda.

Secundò. Communicationem hanc, & præsentiam Dei, primò, atque re ipsa minimè sitam esse in materiatis, & cadentibus sub sensum rebus; quanquam ex intima ipsa Dei consuetudine, hæc ipsa sensum mouentia manare solent effecta, solatia, deliciaeque animi, atque alij castè dulces impulsus: ac proinde motus huiusmodi, tanquam præstigiæ Dæmonis, respuendi vniuersè non sunt: error enim hic esset abnormis; sed inspicendi intentè, ac diligenter dispiendi sunt doctorum hominum, experientiumque iudicio, ac regulis, quas de spirituum discretionem viri sanctissimè tradidere.

Tertiò. Deum licet auctorem habeant hæ animi voluptates, sanctimoniam in ijs tamen minimè sitam esse; sed huic rursum, haud esse dissentaneum illas appetere, dum non spectentur vt finis; sed vt præsidia asilimentur, quibus ad honesta gerenda, viamque virtutis, perfectæ calcandam alacriter excitamur: neque contra ijs carere, diuinæ gratiæ vacuitatem arguere; quanquam & huius, & Dei præsentiam animo sanctiores viri ex ijs sæpè conijcere consuevere. Per huius enim mortalitatis æuum diuinæ gratiæ nullum obtinere certum argumentum possumus; ac verò possumus coniecturas.

Quartò. De his animi sensibus voces sint in sermone communes, & Sanctorum vsu receptæ: habeantur etiam procul phaleræ, & ampullæ: neque de ijs, nisi percautè, agatur, quibus facile credidisse damno vertit longè tristi permultis. Ea porrò veluti posteriora capeienda sunt: ratione primò, ac vnicè habitâ vitæ sanctius corrigendæ: submissionis præcipuè, tolerantiaque cum proximis; atque vt amemus ex animo alijs esse contemptui.

Quintò. Res animi regendas primò nequaquam esse his animi motibus, sensibusque, sed Fidei, Ecclesiæque doctrinâ. Constat cum.

cum his tamen, à diuino spiritu moueri corda, & doceri; cuius motus nunquam bonis moribus, doctrinæque Ecclesiæ aduersantur. Quamobrem haud indubitatum esse cuiquam debet, huiusmodi sensuum certò esse Deum auctorem, incitantem ad rem aliquam, vel ab alia reuocantem. Neque veluti certa alios dirigendi regula hi capiendi sunt sensus; sed de ijs, vel diximus, consultandum antea, & cognoscendum est.

Sextò. Dandam esse, quò ad eius fieri poterit, operam, ne extimis motibus, gestibusque interiores motus animi indicentur: ferè enim diuini morus ad intima pertrahunt: quanquam nec ijs repugnat, extimis sese quandoque argumentis ostendere: quòd si crebra hæc essent, ac plura, adducenda in suspicionem essent, curandumque vt resercentur. Neutiquam verò expetantur: quin loco muneris flagitetur à Deo citius, ne malit hac viâ nos ingredi, sed trita potius, rutâque Iustorum.

S. III.

De legitima, veraque Mortificatione.

E Dicendum primò, veram, quam viri sanctissimi tradidere, mortificationem sitam in eo non esse, vt membra contundantur, atque exanimentur, vel vt vis dolorum plurima perferatur, visque ipsa sensuum extinguatur adeò, vt ij suis actibus defungi non possint, vultusque fiant macie decolores, & similia horum alia: sed vt freno primùm animus & voluntas, & aduersæ spiritui cupiditates inhibeantur; vt nos ipsi Deo subijciamus, itâ coercitâ, exhibitâque patientiâ in exorbendis iniurijs, calamitatibus, & euentis rerum infaustis, egestate, morbis, funeribus natorum, affinium, amicorum: in alijs item, ipsorumque vitijs, immò & seipsis, suisque mendis tolerandis; quas quidem peruehant, sed nequeant tamen tam breui emendare, quàm velint: in eo rursus vt mores alienos à proprijs patiantur, filiorum parentes, vxorum viri, & contra; finitimorum, extrariorum, ceterorumque: Subiectorum Præpositi, Pœnitentium Confessarij; & omnium denique vbique, ac semper, & quacumque re graues illi accidant, & molesti; quin ipsum se quilibet, honoris appetitui reluctando, contemptum contra æquis oculis aspiciendo; connitendoque, vt hic in votis potius, ac delicijs sit: neque aliter reliqui animorum impetus habeantur, ceu fames deliciarum intemperans, ac libido gerendi omnia ex suo nutu, atque libentia. Ea

denique virtutum omnium exercitatione continetur, collato illuc studio hoc diuino, vt in cupiditates exerceatur imperium: quò, quæ Deum velle quisquam intelligat, ea faciliè atque alacriter peragere consuecat: sua nimirum voluntate precepta, conuulsisque propensionibus, quæ Numinis diuini placitis aduersantur. Atque ita viri sanctissimi, sui abnegationem, quam Christus docuit, interpretati sunt. Hoc illud ipsum est, iisdem auctoribus, Christi complecti crucem, & sequi vestigia.

Secundò. Cupiditates, præterquam ijs moderando, nequaquam cohiberi, extirparique: quamobrem dum vitam agitamus in terris, nullum tempus esse, ac locum, quo carnis quandoque aliqua contumacia non insurgat; neque vnquam nobis nostrarum perturbationum, palæstræ causâ, certamen aliquod defuturum; modò præcipua nonnullorû priuilegia excipiantur. Quamobrem & peccandi occasiones vitandæ sunt semper, & mulierum consuetudo percauta sit oportet, grauis, breuis, &c. vt in prima, alteraque Sacerdotum Societatis regula explicatè docetur. Egregiam verò esse stultitiam, ea persuasione, sui nempe iam coerciti, ac triumphati, amoris blandi miscere colloquia, multòque magis tactus vsurpare, quibus munditiæ maculæ aspergantur.

Tertiò. Eòdem etiam, quò mortificatione spectatur, præter intimam, vt expositum est, sui victoriam, cuius in hac re primæ sunt partes, prodesse magnoperè extimas, voluntariasque pœnas corpori irrogare: quæ in id etiam necessariae admodum sunt; nempe ieiunia, vigilias, flagella, cilicia, vestes asperas, cubicum, reiectis etiam linteis, duriorum; cæteraque similia, quæ plurimum, vt dictum est, conferunt ad corpus spiritui submittendum; ad nostras, & alienas etiam offensas diuini Numinis vindicandas; optimosque alios, ac pios effectus in nobis parandos, & parèdos. Aduertendum id loci tamen illud est, quemadmodum eòdem hominum omnium vires, iisdem gradus, eadem negotia, occupationesque non sunt, sic etiam pœnarum harum idem non posse genus ab omnibus adhiberi: æquandæ enim illæ sunt viribus corporis; eique mensuræ, quam ferre quisque pro suo gradu, rebusque potest. Atque pro rerum huiusmodi discrepantia fieri illud posset, vt quæ in aliquo pœnæ, atque afflictationes modum excedunt, hunc in alio non attingant, & contra. Ordo proinde atque prudentia in earum vsu intersit oportet: de quo illud vniuersè affirmari posse videtur; ijs, qui Deo, studioque perfectionis ab Ecclesia comprobare in religiosa vita dedere sese, satis earû esse pœnarum, quas ipsius Instituti ratio, Præpositique imperant, aut permittunt: sic vt ex ijs proficere, in ijsque perficere se conntantur;

tur; quantum ratio vitæ fert, ac rerum; eo etiam in partem pœnæ, cruciatusque animi non parui relato, communi omnium vestitu, cibatu, cubatuque esse contentum; procul ab se habitis immunitatibus, aut deliciarum, & honorum indultis, nisi necessitas eò compellat; obsequiâ suos erga Præpositos paratâ semper, & integrâ. Qui verò suo pte iure viuunt, ijs generatim afflictationis sui extimæ, pœnarumque amorem injicere tanti est; multòque etiam magis suis intus cupiditatibus omnibus repugnandi, quandiu hæ Dei voluntati, ipsiusque, & Ecclesiæ legibus aduersantur. Peccandi enim consuetudo plurima est, ac libera; coërcendi verò sui, paullumque incommodi perferendi, aut sibi quicquam licitum, Dei causa, denegandi, vel nulla, vel tantula; diu nempe ac multifariam perquisitis olim illicitis. Interea cuicumque quocumque ex ordine, cum primis verò virtuti studentibus, nisi in errorem velint induci, conducet professio quemadmodum in peccandi, sic & in castigandi sui studio, vsuque pœnarum, doctorum, atque experientium virorum consilij inhaerere; à quibus eorum rationem certam, modumque docebuntur, pro ipsorum necessitatibus, ac viribus corporis, animique; pro illarum æstimatione etiam, & amore.

Quintò. Extima pœnitentiæ ac misericordiæ opera vtilia esse, atque, pro legum imperio, quandoque alligantia; adeòque diligentissimè commendanda: ea verò, precandi nomine, neutiquam omittenda, siquidem illa vel caritas postulat, vel obedientia præcipit.

§. IV.

De Obedientia.

Primò, deberi hanc Dei & Ecclesiæ præceptis, atque ijs omnibus, quibus aliquis, lege, ac vitæ suæ ratione subijcitur; eiusmodi sunt Præpositi sacri, atque profani, parentes, viri &c. quorum imperatis obsequi, ac suo, quo quisque fungitur, muneri non deesse, certo precum, ac prolixo cum primis tempore præhabendum est.

Deinde: vtile, vñitatumque vniuersè, & comprobatum ab Ecclesia esse, alios ab alijs sapientioribus, atque experientioribus regi: at verò ijs, qui se in religiosæ vitæ vincula non induere, vt voto ad id obstringant sese, vt vt quandoque rectum, tutumque sit, ferè tamen non nisi perquam prudenti, maturoque consilio per-

mittendum. Id tamen non illud esse, quod sacrum Fidei tribunal anathemate percussit; sed longè ab hoc aliud, ex quo plurima sciant mala: aliquorum nempe impostorum technas, qui ut liberius in pœnitentium res, & corpora dominantur, illos consilio, aut etiam vi adigunt, cum primum peccatorum conscientiam apud ipsos deponunt, ut voto nectant sese, magnum, paruumque nihil agendi, sit illud licet in diuinis præceptis, mandetque Deus, nisi edixerint ipsi, vel iusserint. Hinc adeò religiosi Societatis nostræ viris, quintadecima Sacerdotum regula momēti plurimi perpendenda, & explananda diligenter est, ne obedientiæ erga ipsos vota permittant pœnitentibus, aut admittant: quanquam, ea lege aliud quippiam rectum item, sanctumque spectatum est, quàm id, quo sacrum Fidei tribunal adductum est, ut decretum illud conderet, ac vulgaret.

§. V.

De sacra Confessione, & Communione.

Primò. Cum, ubi necessitas sit, generalis peccatorum confessio suadetur, cauendum admodum esse ne cogatur quis eam obire apud hunc, quàm illum potius Sacerdotem; multòque secius apud sese: quanquam delectus commendandus est docti, expertiq; viri. Liquidò itaque exponatur ubi rerum, ac loci, siue utilis modò futura sit ea confessio, ac tum liberum, integrumque esse cuique sinatur illam obire, nec ne, apud hunc, aut illum; siue utique necessaria, eaque tunc omni depositâ religione suadeatur; cauere tamen ac prudenter, ut diximus. Docendum est etiam, ex ea quandoque percipi plus damni posse, quàm lucri; ab ijs nempe, quorum animi cruciantur à scrupulis; seu qui semel, aut sæpius, prudentis Confessarij iudicio, diligenter satis in eam animum intendere.

Secundò. Dispiciendâ seriò suasionem illam, ut Confessarij eligantur ex nostris: cum primis verò cauendum ne asserat quisquâ, eos sibi ex alijs adsciscere, rem esse intutam; quin immò adire alios pœnitentibus facilè per Confessarios liceat: quòd si ijs, non peticâ veniâ, sponte illos adierint, id probari sibi argumentis ostendant: magnoque, in eo, ac forti sint animo; ea licet commutatio videatur ipsis ex pœnitentium imbecillitate aliqua proficisci. Ut verò Confessarijs minus accidat noua hæc commuendi facilitas, legant sanctissimam Synodû Trid. sess. 25. c. 11. & nostram

Sacerdotum regulam vigesimam. Atque hæc eadem ipsa fortasse ratio est, cur Tridentina Synodus veniam aliquoties in anno religiosam vitam profitentibus dari voluerit cōscientiæ apud alium à consueto Confessarium expiandæ.

Tertiò. Dandam operam esse, vt Pœnitentis in Confessarium, & contrâ, affectus euitetur immodicus: id effectu si careat, ad alium Confessarium prudenti studio Pœnitentem dimittere tanti est: dum personæ tamen, ac circumstantiarum ratio habeatur; quemadmodum tertiadecima Sacerdotum regula monet.

Quartò. Ne morosè ac nimium Confessarius velit, vt omnia pœnitentes agant ex suo ipsius consilio, ductinque: multòque minus sese in res eorum commutandas intruserit; eas ipsis gerendas vltro relinquat: eleemosynas etiam per se distributas nolit: vbi præfertim suspicio subeat, ne earum aliquæ in propria ab ipso commoda traducantur.

Quintò. Perputandum seriò, quibus potestas fiat cælesti epulo accumbendi quotidie, quod nobis ab nostro Generali Præposito diligentissimè commendatur: curandum verò, vt huic diuini cibi cupiditati nimis temperetur: illius etiam vsum formulæ, *Fames Dei*, examinandum; præcipuè verò si de mouente sensum fame sit sermo. Quamquam illud inficiari nemo potest, ab amoris affectu cupiditatem hanc irritari, quam appellare liceat, *famem*: quod & rationi constat, & causa est diuini cibi sumendi, quo decet tempore, ac modò; minimè verò desultoriè, aut sæpius in die: cætera in erroribus, ac ludibrijs numerentur.

Sextò. In Eucharistia sumenda supersticiosos abstinendos esse ritus, sumendi vnicam, seu plures simul sacras particulas; huius potius, aut illius figuræ, tantæ molis, aut certè alterius, quàm vsus ferat; claudendi oculos, cum os Eucharistiæ apponitur, aut cum hæc ab Sacerdote populo ostentatur in sacro; aliæque horum similia.

Septimò. Eam aliquorum dicendi formulam abolendam esse; Eucharistiam hodie fac pro me sumas, quandoquidem mihi non vacat: vices deinde tibi alio die reponam: Synaxim istam Deo liba pro me, &c. Conijci nempe potest illinc, eos existimare, fieri per alium æquè satis, atque per se, sacræ Communioni, quam ipse vel præcepto, vel pietati deberet: neque ab ipsis, quod ad hoc attinet, Eucharistiæ sumptionem ab Sacro secerari. Eadem est ratio de re diuina obeunda; si quis alterum roget, diuinæ rei pro me hodie interesse, alio die pro te ego vicissim intererò; quod perinde est, ac si idem diceret, tuas noxias apud Sacerdotem expia nunc pro me, pro te ipse postmodum expiabo.

Quo.

Quo tamen potestas non adimitur referendi ab se in alios piorum operum fructus ad impetrandum, & satisfaciendum.

§. VI.

De Matrimonio, Castitate, ac Religiosis Ordinibus.

Monendum id primò est, ne quis auctor sit fœminis vouendæ Castitatis: neque votum hoc ferè, nisi cautè, prudenterque probetur: multòque caueat magis ab suadendo cœlibatùs voto, vt eadè suoapte inre, ac more liberam exigant vitam. Adeât ad hæc nostri Sacerdotum regulam vigesimam tertiam: is autem de castitate sit sermo, vt illinc ansa non detur suspicandi, aut afirmandi nexam coniugio vitam improbari.

Secundò. Ne quis suadeat, neq; vulgò probet, Beatarum, quas vocant, velles perpetuò retinendas à fœminis sumi, citra religiosæ vitæ, familiæque complexum. Regula etiam Confessariorum vigesima quinta perpendatur de vestis certæ, cuiusvis formæ, aut coloris vsu ijs neutiquam constituendo: multòque magis caueant leges ijs singulatim ad res domesticas dicere, quemadmodum indicatum est nuper. Mulieres item, quibus custodire castitatem, ac religiosæ vitæ ipsis consentaneæ dare nomen ariserit, ab eo desiderio ne auocent, proposita veste, vitaque in priuata, domo cœlibum fœminarum; nisi id perquàm rarò, atque cum præcipuis quibusdam fiat, pro vt earum ætas, securitas, & adiuncta cætera ferent.

Tertiò. De religiosis familijs, ipsarumque muneribus, vitæ ratione, atque institutis, primò, sermones semper cum honore ferantur: de mulierum maximè Parthenonibus, ne verba spargantur eiusmodi, vt ab adiungendo se ijs puellarum animi auocentur.

Quartò. De Societate nostra vniuersè, de eius domibus, nobisque præsertim ipsis sine fuco quisque sentiat, ac submissè: colloquia de his sunt rara, domi forisque: multòque magis nostris de rebus absit verbo iactantia, qua nimirum religiosis alijs Institutis, virisque præhabere ipsi nos velle videamur. Cauendum id primò inter extrarios homines, & communes, ne opinionem illi ab nostro sermone vnde vnde suscipiant, velle nos nobis vnice virtutem, ac spiritum vindicare; ac supra cæteros sanctimoniam, eiusque magisterio exultare. Cauendum id etiam est, cum de his, quæ subijciam sermo erit; De bonis, dotibusque animi, quibus prædita Societas est: de eorum numero ac prærogatiuis, quæ nomen

nomen illi dant : de claris Concionatoribus , Operarijsque præstignibus : de Præsulibus, atque Optimatibus, qui nos amant : de accepto , atque honorifico , quo apud populum sumus, loco : de fructu, qui ex Indis tum ad Orientem, tum ad Occidentem Solem percipitur , &c.

Atque hæc monita sunt, quibus Socios Magister hic perprudens instruxit, tempori, quo data sunt, magnoperè consentanea, & opportuna maximè vniuersis.

CAPVT TRIGESIMVM QVARTVM.

Studium eius ardens remotos litteris adiuvandi : prudentia in ijs, & vis. Eorum aliqua plena pietatis exempla.

CUm in veteri Castella peruagata longè, latèque esset fama Balsaris, multumque ibi spiritualium filiorum, aliorumque mortalium haberet, qui res cum ipso suas communicare percuperent; caritas ipsius, ac studium non præsentibus modò, seu propinquis arcébatur, sed ubi semel iuvandos aliquos in Christo receperat, remotis etiam, longèque positis consulebat; litteris ad eos datis, ex Collegio præsertim Salmanticensi, ubi earum, quas proferam, exaratae sunt plures ipsius prudentiæ indices, & ardoris. Neque verò minus ijs, quàm verbo valebat: quibus eorum, ad quos scriberet, animos perinde inibat, ac si coram adesset; atque eorundem necessitates intimas vti subiectas oculis procul etiam, conspiciabatur. Quare poterat iure usurpare illud Apostoli, *Quiales sumus verbo per epistolas, absentes, tales & praesentes in facto sumus*: vim adèò spiritus, qua pollebat in verbis, exhibebat & scripto: & scripta rursus argumento erant, quanta spiritus vis eidem esset in verbis. Has verò litteras multiplici, vt idem Apostolus, nomine dabat, siue vt eos qui descuerant, reuocaret ad frugem, siue vt foueret in ijs ardorem, aut tepentes incenderet; animos pusillis, solatia ægris ab animi, corporisue rebus adiungeret; vt gratularetur etiam ob læta, faustaue; seu denique vt difficultates piarum animi rerum, super quibus consulebatur ab alijs, enodaret. Quarum etsi permultæ mihi deuenerunt in manus, quia tamen earum omnium recensio modum exiret, præter adscriptas superioribus capitibus, nonnullas hic tantum proferam perquam pias, indices eius in hoc sanctissimo viro magisterii singularis.

spiritus, ac studij, quo numeris absolutam omnibus omnium perfectionem ardentissime cupiebat.

S. I.

Desciuerat ab ea, cui se prius adiecerat, virtute vir nobilis: eius verò ad signa redire metuebat ille scilicet, & cunctabatur in dies. Rescijt id Baltasar, atque hominem miseratus, has illi eodem, quo Galatis Paulus in te persimili, spiritu litteras dedit.

„ Quam incam, ad tuum animum adeundum, viam, belli ne, an
 „ pacis, silentij, an sermonis, ignoro. Septa enim vndique om-
 „ nia video, neque mollibus, quæ oblectent, herbis, sed scrupis, ac
 „ sentibus, qui calcantium pedes fodiunt, & cruentant. Quid agam?
 „ aut quid consilij capiam? mei tamen animi ægritudinem demul-
 „ cere, aperiendo, constituo; ex quo & aliquod ipse solatium, &
 „ plurimam tu commiserationem suscipias. Per ego te IESV Chri-
 „ sti sanguinem obsecro, te tandem aliquando respice, ac resipisce:
 „ cognosce tuam istam animi obstinationem, pertinacemque cõtu-
 „ naciam aduersus vocatẽ Deum. Ne te ab illo procul habueris,
 „ qui nec funus tibi, nec exitium cõmolitur. Flagella sentis & ver-
 „ bera, quibus ab ea præpotenti manu corripieris; quĩ te illa non
 „ mitigat? quĩ te illa nõ molliunt? Vnde, rogo, eliciendæ sunt aquæ?
 „ si quĩ ipsius verba non audiunt, illos auersatur Deus, qui elus-
 „ dem flagra non sentiunt, quanto eos horrore detestabitur? Hęc
 „ me, quandiũ viuam, ægritudo conficiet: ab hoc cruciatu Dei
 „ tribunal contentissima voce testari compellar. Ingrati animi
 „ crimen hoc est, atque inhumanitas ab liberali homine aliena.
 „ Huic enim gratia, comitasque sunt comites. *Quis te fascinauit,*
 „ *Frater, non obedire veritati?* ambulabas bene, currebas bene: *quis*
 „ *te impeditur veritati non obedire?* vbi vel loci vel temporis, fan-
 „ guinem tui causã stygius hostis effudit, quamobrem illum,
 „ tanto amore complecteris? Si, cui debentur omnia, ille à furto
 „ reculæ vnus offenditur, quid erit porro, si quis eundem rebus
 „ omnibus spoliaret? Quid si Dei beneficijs quispiam abutatur in
 „ Deum? Aduerte iam animum, & intellige; à fuga te recipe,
 „ contumaciam exue; præpotētis Dei manum noli aut vincere, aut
 „ vincere: quæ piẽ verecundantẽ, submissum te sibi mauult, quàm
 „ calcitronem, & profugum. Quod si eunti per deuia toties tibi ta-
 „ men occurrat; si ipsius in te caritatem expertus es, & pacem ipse
 „ roganit te erronem, & transfugam; si laceratus offensis tuum
 „ & adiuit osium, & expetiuit amplexum, cur tu nunc tergine-
 „ ris,

Galat. 3. 1.
Ibid. 5. 7.

„ faris; ac resiliis? An quòd in oculis tibi oclusum iri fores exi-
 „ stimas? noli, per ego te tua ista lumina, teque ipsum obtestor,
 „ noli nouâ hâc iniuriâ ipsum afficere. Noui equidem eum te ne-
 „ quaquam esse, quem suorum consiliorum poeniteat, aut qui ex-
 „ petita diu multumque, per teporem deinde refellat. Non is es,
 „ non, inquam, is es. An verò aliud tempus esse nunc reris, quàm
 „ cum amares, eò, quia in alium abiisti? At verò Deus idem sem-
 „ per est, *Ego Dominus, & non mutor.* Id tibi persuasum est fide; in-
 „ timosque expertus es stimulos, quibus te residenti, ac refracta-
 „ rium admonerat: illud igitur etiam credas, velis, nolis, oportet, si
 „ diuina tu feceris imperata, Deum quoque sua promissa facturum.
 „ Hoc tandem aliquando habeas persuasum: si minus tui, at cer-
 „ tè mei dolor te tangat, simulque perplurium, quos tu angore
 „ iugi discrucias: execrare nequitiam; cibum euome perniciâ-
 „ lem. Ecquis erit peccandi finis? Deum certè nimis cito non no-
 „ sces: neque te immatura mors auferet: nihil poenitendum con-
 „ mitteres: te enim tuum ad animum non reuocasti magis, quàm
 „ ille, qui dixit, *Serò te cognoui, bonitas infinita*; nulloque modo,
 „ ac sine dolebis, quòd effluerint tibi frustra tot anni, quòd obla-
 „ ta tibi à Deo lucra in detrimenta conuerteris. Sponsor ipse,
 „ tuus ero: tuorum criminum poenas in me ipse recipiam; tuas
 „ ipse pro iis lacrymas adiuuabo. Ades huc; Deique interpretes
 „ diuinam tibi clementiam pronam offero, & paratam. Paucos
 „ dies secede; sacrum perfrige in asylum; illic tibi erit animo, cor-
 „ porique, immo & tuis delicijs, ac dignitati securitas. Atque hic
 „ verba mihi dolori explicando cum desint, desinam plura scribe-
 „ bere: sed tu quoque miseris modis excruciare me aliquando fac
 „ desinas. Utinam te simul, ac me tibi Deus ostenderet! quàm
 „ impar ferendâ fores tantâ malorum moli! Ille tibi lux, & vis
 „ esto, vt in geminum hoc barathrum altè peruideas. Amen.

Quenam imago ex vero, viuoque magis, quàm hæc epistola
 Euangelicum administrum, veluti Paulum alienæ salutis cupidissi-
 mum representet? Quæ genitrix ab interitu filij maiora edat ar-
 gumenta doloris, quàm singularis hic vir ab vnus animi iactura
 prætulit? Quenam luculentiora proferri queant pignora ar-
 dentissimæ caritatis in proximos, quàm hic adeo iugis dolor, hæc
 lacrymæ, hi gemitus, hæc voluntas, hoc studium, hoc ipsum,
 referre mala aliorum in sua? Dei profecto amor amantissimi sui
 famuli calamum dirigebat; eique vim cælestis eloquentiæ insul-
 labat, vt scilicet animi obstinati perumperet.

Similem aliàs in re consimili epistolam alteri eodem spiritu de-
 dit his verbis.

Salmanticae 3. Ian.
1576.

„ Litteras abs te officiosissimas accepi; maluisssem sanctiores.
„ Si quem vnquam pertinacem noui, tu ille es. Et verò quandiu
„ cum diuino Spiritu bellum geres? atquē aduersus illum rem tibi
„ fore duram affirmo. Adeone dulce peccare est, vt eā velis causā
„ diuinis carere delicijs, Deique infensi odium sustinere? Inauspi-
„ catum certē, ac miserum inisti consilium; quamobrem tui mi-
„ sertus sum plurimum. Cum enim improbus animus ex Dei cō-
„ stituto ipse sibi sit pœna (quod & fiat oportet eā profectō inuitus
„ coactusq; ferēs, ab eo nempe veneno, quod hauris in præsentia, &
„ dulce ieris: angores aio, quibus tuus animus dirigit, iugiterq;
„ torquebitur: contra verò tentator gestiet (vt maiori, veluti pro-
„ meritis es, cruciatu rumparis) de sua agens victoria, praedaque
„ triumphum; cum tui derisu, sannisque, qui te tam propere in-
„ ipsius laqueos, atque in tuam cladem indueris. Tunc senties,
„ quid lucris, immò quantum damni perceperis, cum te illi per-
„ misisti. Quod si ab hac inferorum imagine redire ad frugem,
„ potes, ceu prodigus ille Euangelicus adolescens, fame simul,
„ infamiâq; compulsus, vt decorem, opulentiamque domus Dei di-
„ ligas, ab ea deinceps neutiquam desciturus, deuoranda sint tibi
„ licet asperrima omnia; & ego tibi, eo, quo suo filio Parens il-
„ le, gaudio latabundus occurram. Sin autem consulto me su-
„ spendis, ac tenes, constituto scilicet apud te, pergere, quā cē-
„ pisti, errorem hunc exue; meum enim ego tempus, vt ipse tuum,
„ frustra non conteram, sine vlla spe fructus, vel certē cum mini-
„ ma, iugi cura quotidie cruciandus. Te sibi Deus, vt iualet, ad-
„ scribat. Amen. Has ego litteras exaro quartanæ accessionem
„ opperiens, vt me tui memoriam minimē abiecisse cognoscas.

Et hīc viri huius sanctissimi caritas prodit sese, cui quartanæ
vis, corporis, animique vires suo in exorsu tantoperē excrucian-
tis, perditæ ouis requirendæ curam excutere non potuit: siqui-
dem arrepto calamo ponderis tanti scripsit epistolam, vt errantem
illam Christi ouili restitueret. At enim id genus homines suis in
morbis aliorum non incuriam, sed commiserationem sumunt; cor-
porisque sui comoda respuunt, vt saluti, quod diximus, consulant
proximorum.

§. II.

Salmanticae 1. Aug.
1574. D.
Castellana.

Clarissimi etiam sanguinis scēminam aliam, quæ teneris ab
annis valere Mundum iusserat, nomenque Virginum Discal-
ceatarum Ordini dederat, his ad eam datis litteris rationem edo-
cuit, quā posset ex eo vitæ instituto proficere.

Quem

73 Quem Mundo nuncium remisisti, affectionibus etiam, cupi-
 ditatibus, atque illustrium appellationum amoris abs te remissum
 puto. Gaudere nunc verò te magis existimo ijs nominibus,
 quæ domus Dei sunt splendidiora utique, ac dulciora. Quam-
 obrem magnam ego te minimè nuncupauero, tu enim tibi pu-
 silla tuis in oculis es: neque nomen reuerentiæ usurpauero; si
 enim liquidò perspexeris, deberi potius tibi contemptum in-
 telliges: dicam te verò felicem; quippe quæ eam apud Deum,
 gratiam iniueris, ut vota demum, deliciasque tuas ab eo exora-
 ueris: eius in te voluntatis accepto pignore, quando te ille ab
 humanarum rerum strepitu, ac triciis auulsit, quæ te ab ipsius
 usu iugi, fructuque dulcissimo distraxissent: id verò sic propa-
 lam, inque oculis omnium, ut beneficii tanti ubique præstò sint
 testes. Superest nunc, Domina, ut quandoquidem tibi suppe-
 dit otium, quorsum etiam fuerit id tibi suppeditatum agnoscas:
 ut studeas, & connitaris, ne tuo in animo inaniter gratia otie-
 tur. Quòd si, in quo maximè præstare debeas, rogas, in te, in-
 quam, etiam atque etiam ut cum maximè submittenda. Nihil
 te profecisse putaueris, nisi te minimam omnium arbitreris.
 Nihil enim spectabilius est in homine, cuius menti Christus in-
 notuit, quàm in re aliqua eius in se simulacrum effingere: neque
 verò res tibi occurreret, quæ illum magis, quàm hæc oblectet;
 quæque consentanea magis sit amplitudinis tuæ abdicatæ reli-
 quis, teque ipsa sit dignior. Quamobrem Christus, ut qui & no-
 stram imbecillitatem, & ad interitum nostrum viam, simulq; ad-
 minicula euadendi probè norat, voluit maximè, ut Augustinus
 aduertit, nos ab ipso condiscere, *Quia mitis est, & humilis corde.*
 Submissio verò officiosa verborum, qua oculis humanis imposita
 tur, facilis est paratu: altera tamen, quæ intimæ cordi est, non
 nisi serò, studioque serio obtinetur. Iam verò tu gratificatura
 Deo religiosæ vitæ rationem voluisti suscipere: facies rem sanè
 illi gratissimam, cum hoc margaritum omni cura, & studio
 quæsiueris, neque vnquam, dum illo potiare, quiesceris. Mitto
 plura; Dei enim alloquio perfruenti, humana verba desipiunt.

Scripsit hæc verò prudens hic vir eò, quia intelligebat claros
 sanguine; ac potentia, cum militiæ religiosæ dant nomen, nisi
 cupiditatem excellentiæ contendant, in ea, quam profitentur per-
 fectione, quæ tota fundamento humilitatis innititur, nullum ha-
 bituros esse processum. Quoniam verò quibus propositum est,
 precibus indulgere, eos sæpe ariditates, atque animi enagations
 morantur, & figunt; & voluptatum animi vrunt cupiditates im-
 modicæ, litteris hisce ad religiosum, eumque grauissimum vi-
 rum

rum datis, hanc in eo intemperantiam scitè, prudenterque redarguit.

*Sal'manti-
ce 28 Ian.
1574. Ioa-
ni Castris
Ord. S. Au-
gustini El-
dane de-
senti.*

„ Pax Dei, quæ exuperat omnem sensum, tecum sit R. P. quo
„ frano Deus ventorum compescit impetus exurgentes in Iustos,
„ qui sese cum Christo mari committunt; nunc verò tuum in ani-
„ mum debacchantur, ac perfurunt. Te tamen idem ille non de-
„ seret, *Qui fecit pondus ventis*. Nolim te tui processus, ac deli-
„ ciarum animi adeò cupidum, vt capropter perturberis, iactu-
„ ramque facias intimæ tranquillitatis, & pacis: docemur enim,
„ *Dimitte cupiditatem & inuenies requiem*. Desine concupiscere, si
„ cruciari non vis. Quod nisi feceris, tua ipsa desideria tui car-
„ nifices, & instrumenta erunt, quibus veterator stygius nume-
„ rosiore atomis in te molestiarum, angorumque acies irritabit.
„ Valere Mundum iussisti, valere illum prorsus, ac æternum tube.
„ Humana dimisisti; eorum etiam cupiditatem abijsito. Stipen-
„ dia meres in Christi castris, ad pugnam te compara, & propo-
„ sito tibi gaudio, sustine crucem, confusione contempta. Proficere,
„ admodum, & quàm perfectè precari expetis, Deo gratus vt sis;
„ tui curam illi permitte: tuumque in eum approbare amorem,
„ hinc incipe; quòd, quæ te cumque ducere collibitum illi sit, pe-
„ rinde acquiescas, seu tibi plurimum largiri velit, seu parum,
„ aut nihil; teque illi gratiorem sic fore ne dubites, si tua pau-
„ pertate gaudeas, quandiu ex ea te ille non eximet, quàm eâ,
„ quam tibi animo contingis, opulentia. Diuinum hæcenus ob-
„ sequium ea secutus es ratione, qua libuit; iam nunc primo, vno-
„ que tandem die Deo, velut ipse mauult, incipe famulari. Quis-
„ quamne est, qui mihi gratis seruire velit? auctor inquit libelli,
„ cui à Contemptu Mûdi nomen est. Et ipse per Malachiam Deus,
„ hac de culpa cum familia sua expostulans, ait, *Quis est in vobis,*
„ *qui claudat ostia, & incendat altare meum gratuitò?* Ne desis inti-
„ mæ mûrum instaurationi: arcanoque Magistro, quæ consecre-
„ tis, quæ etiam perferas, suggerenti integrè fac auscultes; atque
„ in vniuersum, tuæ volûtatis extinctæ triumphum ama: tuumque
„ processum sine Deus accuret; dulcesque sensus, vt mauult, an-
„ nuat, vel abnuat; hoc enim tibi consulto nunc opus est: neque
„ porrò vereare, ne tibi præsentis animi labes officiant; quando
„ huic bono, quo nunc frueris, obtinendo grauiore olim mi-
„ nimè obfuere.

„ De altero verò, quod te inquietum habet, vt dicam; destinati
„ ab Obedientia tibi loci mutationem quærere, quandiu alium
„ illa tibi non attribuerit, id instigationis malæ compertum esse
„ indubitanter affirmo. Memineris quæ Iosepho cælestis Legatus
„ edixit,

Malach,
10.

„ edixit, cum, Dei nomine, iussit illum, accipere puerum & ma-
 „ trem eius, & fugere in Aegyptum, adiecit enim, & esto ibi, usque
 „ dum dicam tibi. Et verò paruit ille, ac perquietè commoratus
 „ est ibi, donec ipsi reditum Angelus imperauit. Tua tibi pax,
 „ tuum solatium esto *IESVS & MARIA*; neq; enim melior tu illis
 „ es, neq; ciues illi sunt certè deteriores Aegyptijs. Et adhuc ten-
 „ tationis nequitia magis inde se prodit, quòd molestiam confi-
 „ teris obeundi vicos, & castella, à quibus, & quo à munere,
 „ exorsus est Christus. Ne animorum fructum paruo tibi statu-
 „ rum esse putaueris, qui nimirum sanguine stetit Christo: neque
 „ à te quicquam agi posse præstantius, quàm tibi te ipsum emori:
 „ mortuo enim frumenti grano promissio stat diuina mediocris,
 „ largiue fructus. At enim quia Christi Domini obsequium pro-
 „ fessi Mundo, nobisque ipsis mortui verè non sumus, nostrorum
 „ inde laborum exiguum frugem, nullamue percipimus.

Hæc Baltasar precationi, ac proximorum salutis studentibus ad
 rem adeò scripsit, vt, quæ præcipua sunt ad habendos in re vtra-
 que processus, per paucis luculenter edoceat. Aliam verò cuidam
 è Societate Patri spiritu ac pietate plenam dedit epistolam, ,
 ariditatem, ac mentis euagationes in precibus conquerenti. Ea
 porro sic habet.

Non equidem vidèo, Pater, quam ariditatem queraris, quam
 profectò non ostendis in verbis, sed copiam potius, vbertatemque
 „ per plurimam. Quòd si eam tibi Deus occultit, non ipsam, sed
 „ eius amittendæ occasionem tibi subtrahit. Propositis à te ca-
 „ pitibus esset sanè cur possem non dare responsum: tuum enim
 „ habes istic Moysen, quem tam arcta consuetudine nunc Deus
 „ alloquitur: neque verò bellum, sed pacem ipsi loquitur, ipsius
 „ causâ, ac multorù; eorum in modum, de quibus Regius Psaltes
 „ inquit, *Suscepit montes pacem populo*. Immortales illi sint laudes,
 „ qui vim in eum tantam cælestium thesaurorum effudit. Verùm
 „ enixè adeò efflagitanti, ea tibi, quæ mihi occurrerent, solatii cau-
 „ sâ, non necessitatis exponam. Ad primum igitur, ac molestum
 „ in primis, de cogitationum turba, atque tumultu, fieri posse aio,
 „ vt qui proficiscitur inde amator intimus, is ex infirmo fluat cū
 „ diuina voluntate consensu: cuius è manibus bellum iuxta, & pax,
 „ patienter, licetisque gratiis sunt habenda. Quòd si crucis amor
 „ intersit, gratior pugna eueniet. Id verò Parisiensis Magistri
 „ confirmat essatum, aientis, si quisquam suo muneri in hac pu-
 „ gna non deerit, eum plus lucri facturum esse, quàm si ex animo
 „ vorisque Deo perfruatur. Stimulos ad Deum illud idem fac ti-
 „ bi subijciat, quod ab eo nos auocare conuincitur; eumque aman-
 „ tibus

Matth. 2.
13.

Methymna
21. Iulij
1567.
Ioanni Se-
cio.

Pf. 71. 3.

Ps. 43. 24
Ps. 8. 1.

„tibus; ac dulcibus querelis ita compella: *Cur obliuisceris inopia*
 „*nostra, & tribulationis nostrae? Usquequò Domine, obliuisceris me in*
 „*finem? Usquequò auertis faciem tuam à me? quandiù ponam consilia*
 „*in anima mea, dolorem in corde meo per diem? Memineris nostrae*
 „*prauitatem naturæ calcaribus indigere, quibus incitetur ad*
 „*Deum: ea verò subijci nobis diuini voluntate, permittitue con-*
 „*silij, vt ad ostia nos sua contineat, ac passionones ibi nostras, &*
 „*clamores adurgeat; non in annos, menses, diesque, sed in*
 „*singula vitæ momenta: quæ si rectè præstiteris, coram Deo in-*
 „*gredieris, vt expetis; quanquam non ea, qua tu, sed qua Deus*
 „*ratione mauult. Quòd si diuinæ expetendæ præsentis causa, &*
 „*& nomen Deus est, non voluptas propria, æqui bonique con-*
 „*sules, vt vt ille constituet. In hoc verò iuuaberis, si, quantum*
 „*poteris, quæ tibi mandarit Obedientia, reque ipsum perdoma-*
 „*re non negliges. Crux enim haud sanè libenter, nisi Dei causâ*
 „*conspicitur; ac veluti sensus inde perurens, non alio melius re-*
 „*frigeratorio, quàm crucis memoria delinitur; ità, vbi iugis*
 „*tui met frangendi sit amor, ipsemet amor tui hanc in te memo-*
 „*riam, tanquam vulneris, dolorisque ab animi cruciatu profecti*
 „*re medium excitabit. Atque hæc animis manum, artemque po-*
 „*scenticibus expeditissima, vt equidem sentio, ac tutissima ratio*
 „*est diuinæ præsentis obtinendæ: ea enim nullo capitis labore*
 „*paratur, & capi etiam à rudioribus potest; quod in omni spe-*
 „*ciandum est exercitatione virtutum; vt commoda, facilisque sit:*
 „*eius verò fructum quàm mox vberrimum sentiet animus, qui*
 „*hanc ipsam rationem vsurpet. Hæc verò dicta sic explico; nisi*
 „*Deus præcipuas alias præstantioris fructus tibi vias ostenderit:*
 „*tunc enim ad eius vocem obsurdescere animo nefas esset. Ast*
 „*vbi locum Deus industrijs dat humanis, prudentis est consilij*
 „*eas arripere, quæ promptiùs nemorosas ipsas arbores, frutices,*
 „*ac radices, quibus se quisque obstitum, obrutumque nouit, ex-*
 „*pediunt. Atque hæc in vtrumque propositum caput dicta sint*
 „*satis. Precationis, cui studes, viam ingressus es optimam, ob-*
 „*secrandi nempe reuerenter Deum, vt eam ipse te doceat: quòd si*
 „*labori, ratioue non cesseris, voti compos acutum fies: id enim*
 „*diuinum munus est, eoque Deus humiles impetratur.*

§. III.

Verùm, quòd ab humilitatis Christianæ studio in animi ege-
 statem quandoque aliqui delabuntur, datas alij ex Societa-
 te Patri litteras hîc attexam; à quo per epistolam condocofactus
 fuerat

fuerat Baltasar, ipsum suis ab animi mendis plurimum perturbari: quarum causâ sibi à se Deum propellere videretur: quanquam illud adiecerat, se tamen persuadere sibi minimè posse, Deum ab se facessere, qui Deum ipsum tam anxie quæreret, eò quia sibi erat auersus, sed ut imbecillitatis ipse suus, & fidelitatis in ipso Deus experimentum caperet. Ab hoc igitur altero loco Baltasar exorsus est in hunc modum.

Pro quàm iucunda mihi hæc verba, atque horum appendix *Salmanti-
ce 8. Apr.
1576.*
vniuersa fuere! Vbi ea perlegi, sic inquam: Benè profectò habet, qui sic habet: & qui tanto Deum honore afficit, medullâ is offert in intus. Mihi sanè certo certius est, obsequio delectari Deum, & tuo, & eorum omnium, qui pristinam exuti veterem vitam, nouam, quoad eius fieri potest, induère diuino verè spiritui, consentaneam; errores licet, ac lapsus capillis numerores sese illi commisceant. Id omnes profectò non norunt: & quanto à tellure calum, tanto etiam spatio distat rei huius à possessione, cognitio. De duobus ijs discipulis labefactis, ac lapsis, Emaus ipso resurgenti Christi die petentibus, Lucas ait, ingressos illos fuisse cum Christo, cum: interea oculi eorum tenerentur, ne eum agnoscerent. Comes illorum Christus ibat, eoque se carere illi putabant; atque illuc tandiu, ac tandem progressi sunt, vbi erorent ex animo depulere. At ij, eorumque similes alij, præsentis Christi, & ipsos alloquentis argumenta sumunt in via; si, quæ tunc intus in ipsis hiant, aduertant; ardore nimirum animi, diuinarum intelligentiâ scripturarum, atque instinctibus ad corrigendam vitam arcaneis. Age verò, doce nunc me, quid hoc ab eo charismate distat, quo Deus tuum animum, aliorumque tui similibus imbuat, cum illis intus, ac singulatim, quæ agant, omnia, etiam tantula, minimaque cominonstret; eosque obiurgat, si tantulo vel vngue, vel puncto ab ipsius magisterio secretiore discesserint; digitum velut intendens in ea, quæ sequantur aut fugiant; perferant, aut inuadant. Atque super has omnes animi curas, & ætus, inde vehementer anguntur, quòd segniore, quàm par est, obsequio, & ab se, & ab alijs Deum coli conspiciunt. Insitum ne feruorem ea cura non prodi? Prodit sanè. At is vndenam, si ignis absit, existit? Quòd si minus Deus hic est, ecquis illum diuino inflamat amore? Hæc illa facultas est, in qua qui addit scientiam, addit dolorem: id illud est, quod excruciat omnes, qui seriam Deo seruiunt seruitentem; & quod dies, noctesque gemitus illis, & clamores ciet. In his aliquis, quod omnes sentiunt, explicatè dixit, *Tribulationem, & dolorem inueni, & nomen Domini inuocani.* Sed in hac tamen Deus illos habet de-

- Pfal 90.* „serit; ait enim, *Cum ipso sum in tribulatione*. Immo se illis adiungit, arcanum ijs solatium, viresque suppeditans, vt ne oneri, laborique succumbant: id verò norunt experti tandiu flare, le, nec vitrà, quandiu sustinet ipsos Deus. Stant igitur ideò,
- 1. Pet. 5.* „quia sustinentur à Deo: quod Petrus affirmat, *Qui in virtute Dei custodimini*. Ab eo rursum excitantur in angustijs vt clamēt; vt adsit, quæ ipsos diuina vis eruat, & cuius ope proficiant; vt in ore, atque honore Deus ab omnibus habeatur: ac neuiquam ab ea, quam iniere, via, molestiæ præsentis causâ resiliant. Quod
- Pf. 49. 15.* „Augustinus sapienter obseruat in illud Psalmi, *Inuoca me in die tribulationis, et erua te, & honorificabis me*. Veteri, quo antea inflati erant, Mundi spiritu, ad humana & inania eius fulgura ferebantur: at eo, quo afflati sunt, homo feruntur in Deum; eaq; curâ coquuntur, quod illum parcius, quàm ipsi velint, oblectat. Hec verò immutatio vnde nā existit, nisi ab nouo in ipsos illapso spiritu? spiritu nimirum Dei idē in eorum cordibus peragente, in ipsius Dei corde quod peragit, vt illa in Deū ipsum inclinet? Hic verò spiritus, diuinus ille spiritus est, de quo Paulus ait, *de quo Paulus ait, Caritas*
- Rom. 5. 3.* „*Dei diffusa est in cordibus nostris, per Spiritum Sanctum, qui datus est nobis*. Et Ioannes, *In hoc cognoscimus, quoniam in eo manemus, & ipse in nobis, quoniam de spiritu suo dedit nobis*. Perluasum id habe, omne omnino abesse periculum ab hoc charismate demissè suscepto: remque à te Deo factum iri gratissimam, si id eo, quo Petrus docet, modo præstiteris: Sperate in eam, quæ vobis offertur,
- 1. Pet. 13.* „*gratiam in reuelatione IESU Christi*. Quæstum etiam à te factum iri duplo cumulatorem hac initâ fiduciæ viâ, quàm aliâ, quàm ingressus es hæcenus, diffidentia. Quo tempore illud in te etiam aptè cadere potuit, quod in eodē itinere Emaus Christus
- Luc. 24. 5.* „discipulis exprobrauit, *O stulti & tardi corde ad credendum*. Quoniam verò postremis verbis aditum diuinorum & oraculorum fidei, & promissorum veritati pandebas, recreatus ijs mirifice sum. Ea te de te ipso Deus voluptate permulceat, quæ ego de tua viâ, & Deus ipse perfunditur; vt gaudium in te, quemadmodum est in Deo, sit plenum; ex illo eiusdem oraculo,
- Ioa. 15. 11.* „*Hæc locutus sum vobis, vt & gaudium vestrum impleatur*. Plenum suis in famulis gaudium esse vult Deus; hoc enim, ea viuum alacritas est, qua ipse mandatorum viâ percurritur. Neū verò despondeas animum, quod munus tantum abs te, tuaque sorte alienum putes, lege Augustinum in hunc locum: ac meæ interim egestatis ne memoriâ abieceris, quam ego tuz retineo: nec plura; satis enim, ac super hæc ipsa cum eo, qui Dei cōgressu perfruitur. Tecum ille, totusque illius amor esto. Amen.

CAPVT TRIGESIMVM QVINTVM.

Rector Villagartiensis Collegij renunciatur: ibique Fundatricem eius Magdalenam Vllloiam ad præclara, quæ molita est, diuinæ gloriæ facinora plurimum iuuat.

MVneris sui obiti triennio iam elapso Salmanticæ, ex eun-
 prope sexto ac septuagesimo supra millesimum anno, iussus
 est Baltasar Villagartiensis Collegij Rector, atque eorum vnâ Ty-
 ronum Institutum, qui illi domui addicebantur idcirco, quod ea
 commodior ijs erat; & Nouitios eius omnes Methymnenfis do-
 mus minimè capiebat: tum etiam quòd in tã ampla Castellæ Pro-
 uincia, Probationis domo gemina opus erat, vt ij in altera pro-
 barentur, qui non nisi incommodè probari possent in altera. Eò
 igitur profectus, curam Tyrocinio constituendo contulit, eo, quo
 illud Methymnæ constituerat, ardore spiritus, ac perfectionis
 exemplo, quod vndeuigesimo capite, & sequentibus expositum à
 nobis est: vbi quædam commemorata sunt in hac domo gesta,
 aliæque in caput quadragesimum septimum proferenda reij-
 cimus.

Altera etiam causa, cur huius Collegij gubernacula delata fue-
 re Baltasari, ea fuit, quòd id singulari studio contendit Magda-
 lena Vllloia eius Collegij Fundatrix, vidua ab Ludouico Quayado
 Caroli V. Cæsaris Aulæ Profecto, Generalique peditum Hispano-
 rum Magistro, Consilij Indiarum Præsidente, atque huius oppidi
 Villagartiæ, eique adiacentium Dynasta, mortalitate defuncto,
 salutis anno 1570. Odorata quippe fuerat spiritum, virtutisque
 Baltasaris per habitos cum ipso sermones, Vallisoletum, vbi tunc
 domicilium ipsi erat, trajectante. Quam tanti faciebat, vt ad
 eum Salmanticæ gubernacula tenentem litteras daret, in quibus
 illi suæ vitæ rationem exponebat, acceptis à Baltasare aptis sem-
 per, optatisque responsis. Consilium hoc fouit auctoritas ipsius
 germani Magistri Dominici de Vllloia, laudatissimi, grauissimi-
 que in Dominicana familia viri, Episcopi deinde Mechoacanana-
 nensis in Indijs, quæ ad Occidentem sunt; qui Abulæ, Methym-
 næ, atque Salmanticæ consuetudine vsus erat multa Baltasaris;
 expertusque cognorat diuinam eius vim ad animos virtutum per-
 fectione imbuendos. Isque vbi sororis mentem nouit de domo

illa Villagartiensi fundanda, auctor illi fuit, ut Rectorem deposceret ibi Baltasarem; quem etiam sui animi moderatorem haberet. Postulauit illa, & verò cum successu tam prospero, ut, numeris tanti causâ, perpetuò grates Deo ageret immortales. Constituerat hæc ab ipso statim viri funere vitam Deo reliquam deuouere in celeberrimo Vallisoletano Parthenone, quem à Guelgis dicunt; cui tunc Antislita præerat sui viri soror. Verùm quòd illa de fratris sui bonis litem intendit, caruit effectù consilium. At enim etsi media in Vrbe, priuata vixit in domo, summum tamen coluit, non secus atque in Parthenone, secessum. Sacram exhomologesim in nostra Professorum æde apud Ioannem Bradanum obibat, quo vsa fuerat Confessario septem ferè & viginti annos: eamque is probè ad virtutem exercuit, dicto maxime audientem. Subinde verò Villagartiam illa petebat, vbi pias Societatis exercitationes per occasionem tradidit illi Baltasar; ac rationem præcandi, agendique cum Deo intimè illam edocuit. Pia semper cum eadem colloquia miscebat; nec aliud nisi de diuinis argumentum. Quare affirmauit Vllloia, alium à se neminem compertum fuisse hæcenus tam profundè de rebus animi differentem; sermonesque de humanis ac futilibus rebus tam scitè præcedentem; inferentem verò, ac proferentem vtiliter de diuinis, nulla ad multas licet horas, fatigatione, vel tædio. Et verò aberat sanè ab illa fastidium, quippe quæ eiusmodi rerum voluptate præcipua tenebatur; suasque res periinde cum Baltasare, atque suo cum Institutore Nouitij, communicabat. In hunc porro modum edocta, eleemosynas, quas erogabat ingentes, magno cœpit corroborare pietatis sensu, ijs à se triplicem in seriem distributis: conferebat enim earum alias, ad humanas ærunas, ac difficultates pauperum subleuandas: alias efferebat altiùs, ut eâ viâ animorùm etiam afflictis rebus, atque indemnitati prospiceret: alijs denique aliquid aliud curabat adhuc excessus; ut diuinum nempe cultum auangeret; & honorem Deo, in ijs quæ sacra ipsi forent, efficeret ampliorem.

Quod primi generis erat, in eo largitate utebatur effusâ, necessitatibus omnibus vniuersè succurrens. Lectulos duodecim egrotis totidem suo sumptu curandis Vallisoleti constituit: annis aureis sexcentis, duodeuicenis annis, pio huic operi attributis. Trecentos item auriæ annuos per temporis ferè tantundem Xenodochio Christi resurgentis impertijt. Villagartiæ verò Nosocomium crexit, redditibus commodis ad subiectos viri sui ditioni egrotos pauperes curandos. Vim pecuniæ plurimam conferebat & ad pupillas inopes commodè collocandas, & ad eos viuandos, quos palam mendicare pudebat, & opem clam ab ipsa petebant.

Qui.

Quibus ut cautius consuleret, ac largius, honestum piunq; cum primis virum aliquandiu præfecit, qui necessitates eiusmodi, & quid earū gratiā opus esset, facto cognosceret: atque is omnia in schedulam suo insignitam nomine referebat, eamque permittebat egenti, dicto die, quo Domina domum stipem illam accepturus adiret. At illa largiendi tenebatur cupiditate tam anxia, ut cum à somno mane per primum diluculum excitabatur, surgere domesticos inberet, ac videre, num qui pauperes ventitassent, ut illos nullā detentos morā dimitteret. Cum primum ab strato se corripuerat, geminum præsumebat marsupium, nummis refertum, minutis alterum, alterum grandioribus, quibus ab Rege, Regalibus nomen est; ijs in vernaculos, his in verecundantes pauperes erogandis. Horum ubi quisquam accesserat, delatam ab eo schedulam recipiebat ipsa; eique descriptam in illa, pecuniarum numerabat, decretum ab se numerum non exeuntem: ubi eius vi maiora opus esset, priuatim egentibus consulebat. Vniuersos præterea, eosque per multos ipsius domus ostia mendicatum adeuntes, pietatis affectu plusquam materno, eleemosynā muniebat; nullo unquam inani dimisso, bis terque in die licet accederet. Totum penè annum coemendis dabat vestibus, & interulis, laneis, lineisque pannis, ut pauperes amicaret. Multa item aureorum millia per Canonicum quempiam Zamoremsem in populares, & subiecta viro suo loca distribuit, ut ad plures pluribus in locis ipsius pietas, & caritas pertinerent.

Iargitatis tamen suæ in erogata necessitatibus animorum ope, qua nempe eorum saluti consuleret, maiora protulit argumenta. Eo ex nostra Societate duos, Ioannem Turrianum, & Gabrielem de Portu, Sacerdotes, alterum Algerium, alterum Marochium misit, utrumque octo aureorum millibus instructum, quibus captiuos redimerent: atque his illud diligentissimè commendauit, ut propiores periculo, desciscendi à Fide, eos primo loco in libertatem allererent. Perfectæ ab Socijs res est; ac Turrianus in redditu rationes illi expensarum obtulit relatas in schedulam: quas illa pro habita in Deum, & Societatem fide, recognoscere recusauit. Pecuniam etiam permagnam in illud effudit, ut perditas mulierculas ab ruinoso loco reciperet in tutum; ijs domus Probationis hac in Vrbe inclusis; in qua de ineunda sibi ratione vitæ decernerent, ac piè interim viuere docerentur. Annuis etiam aureis mille, & pane ad centenas sarcinas, in hac eadem Vrbe penitentium mulierum domum auxit; in quam illæ admitterentur, quæ à corruptæ vitæ cœno emerisæ possent, ac vellent in moniales adscisci. Neu operis huius finis, perditas nimirum feminas ad-

iuuandi, quod ad constitutum illi à se redditum pertinebat, ad irritum aliquando caderet, admissis eam in domum non pœnitentibus fœminis, sed collectis ad secessum claustrii puellis, quibus Vallisoleti aliæ constitutæ sunt domus, formulâ suæ mentis indicæ, hoc extremo capite à nobis reddendâ in vniuersum cauit.

Et adhuc eius munifica caritas luculentiùs sese prodie in ijs, quæ in vnam animarum salutem, earumque Conditoris cultum præstitit, largitate planè mirifica. Die Diuo Matthiæ sacro inter præcandum, manè, iniecta illi à Deo est pia cupiditas, qua eius Apostolicæ sortis in partem experebat admitti; sic vt & Catechesim, & Sacramenta etiam Confessionis & Eucharistiæ tradere cuperet in Ouetensi vrbe, vniuersoque Asturiensi Principatu. Votum hoc tempus omne precationis extraxit. Ea de re germanum suum Dominicum Vlloum in Dominicana Familia Vicarium, Prouincialem eius Hispanicæ Prouinciæ extemplo consuluit. Atque is, si per se ipsa concionari, & confitentes audire vellet, id verò absurdum esse respondit. Negauit illa, sed per religiosos solum viros, suis, in id, alendos sumptibus affirmavit. Cui frater, atquæ hoc, inquit, probatissimum est, ex eoque Apostolorum in te præmium corriuabis. Quod si popularibus huius catechesim tradi, & administrari sacra mysteria cupis, viros adhibe ex Societate, plurima vi, ac ope in huiusmodi munera instructos à Deo. Secundum hæc, illa cogitatum opus firmiùs stabilire constituit; atq; Oueti Societatis Collegium ideò dumtaxat excitare, vt ibi Socij alerentur, qui populares in vniuerso illo Principatu Christianarum tunc rerum maximè rudes excolerent. Huic voto Baltasar etiam cum primis assensit: ad quod maturandum animos illi præsentibus adiecit; vt nimirum & accederet eius merito cumulus ab impigra diuino instinctui obsequela; & eo ipsa oblectaretur fructu, quem inde percipi viuens aspiceret. Perfecta res ab ea confestim est, aureis mille coëmendæ domui, ac totidem in annuos reditus alendis Socijs attributis: quos millenis deinde alijs auxit; ac vim pecuniæ tantam subinde contulit, vt Ioannes Soarius Prouincialis cum eam referre in rationes vellet ad Generalem Præpositum per occasionem oblatam sibi mittendam, de illius summa ex ipsa Vlloua quæsierit. Verùm hæc (quod argumentum fuit regij simul animi, ac submissi) Equidem, inquit, ignoro: Dei causâ elargita sum: id illius in rationibus erit. Ab D. Matthia nomen esse Templo voluit, quod sacro ipsi die huius condendi operis iniecta sibi mens è cælo fuerat: quæcû admissa videri sibi dictabat, ditionem illam omnem suæ curæ fuisse commendatam; siue, Dei munere, auctam se fuisse illius accuratione prouinciæ.

Et

Et verò assentiebat amor, quo, quæ illi proficerent, accurabat. Fructus porro amplissimus legi à Patribus Societatis, binis oram illam lustrantibus, cæptus est, ex obitis sacrarum confessionum, concionumque muneribus; innumeris planè mortalibus ex alto errorum, vitiorumque diù inolitorum cæno ereptis. At illa per hos edocta, in eius ditionis compluribus oppidis sanctissimam, Eucharistiam minus decorè, pro eorum inopia, custodiri, argenteas pyxides quingentas constati iussit, ædículasque complures ligneas auro illuminatas; perque oppidanos distribui, vt honor Panis diuini custodiæ haberetur. Eodem etiam spiritu, eademque mente de alio Societatis Collegio Santanderi excitando constituit; vt ibi daretur opera iuuandis, atque erudiendis circumiectis in ea vicinitate monticolis. Eratque illi ea cupiditas infixam altè, vt affirmarit Confessarius illam ab hac cogitatione neque per somnum, neque per cibatum posse vnquam vbiuis rerum, locorumque vacare: Dei enim amor, ac studium animorum eos illi stimulos subiiciebant. Mox illi Collegio annuos redditus aureorum mille attribuit: ac mox alios mille rursus adiecit. Cuius vt mentis integritas in geminis hisce Collegijs fundandis appareat, quamuis ea, vti demonstratum est, prouentu satis instruxit, sibi que consueta Societatis pro nostrarum domuum fundatoribus apud Deum, sacrorum, ac precationum suffragia recepit, Patronatus tamen ius, nomenque ipsi debitum recusauit, vt si quis alius dignitate, aut opibus potens redditus amplificare vellet, Patroni nomine, aut Fundatoris assumpto, id illi annueretur à Patribus. Per ea enim opera præclara hæc Matrona honori studebat non suo, sed Dei: neque sui immortalitatem nominis aucupabatur in terris; sed diuinam vbique propagari gloriam admirabili quodam studio cupiebat.

§. I.

IN excitando tamen Villagartiensi Collegio Vllloix cura cum primis exarsit: id enim inter cætera, quæ præstitit, præcipuum habuit opus, idemque sibi carissimum; vbi nimirum Dei obsequium, ac proximorum salutem omnibus curare vijs expeteret. Omnes proinde pueros ex vniuersa vicinia ibi doceri voluit legere, conformare elementa, & supputare: tum alios per plures eò confluentes latino sermone imbui, ingenti cum processu virtutis atque doctrinæ. Eam præterea domum probandis destinauit Societatis Tyronibus, in Orbem vniuersum inde fundendis, ad eam tradendam Christi doctrinam, perfectionemque virtutem, quam illic

in ipsi prius haussissent. Et siquidem pro Oppiduli loco, seposi-
 ta ea domus erat, atque ab exteriorum consuetudine auulsa, il-
 lam sanctioris otij, ac relaxationis suburbanum esse rus voluit; quò
 aduenit ex vniuersa Prouincia Socij; leuamenti causâ, per maio-
 rem secessum, usumque cum Deo, ad auram Tyrocini odorâ-
 tam: quo vires plurimum instaurantur, ad munera alacriter re-
 perenda cum proximis. His rationibus ad molitionem operis tam
 perfecti huic Matronæ cupidæ per se satis animos etiam Baltas-
 far addebat: constituerat enim suas opes cum viri sui bonis Lu-
 douici Quadi Villagartensis Dynastæ coniungere: qui sacellum
 quib; ac sepulcrum tenui prouentu ad sacra ibidem celebranda
 construi sibi iusserat; nisi coniux communibus vtriusque fortunis
 nobile aliquod ibidem condi religioforum hominum domicilium
 mallet. Vtrumque tamen Vlloria præstitit, Templo nimirum pe-
 elegantiori extructo, quod & Societatis Patribus, ac bis senis Sa-
 cerdotibus ab sacellis cū eorum Præfecto vsui foret: quod & fun-
 dauit, & reeditibus satis instruxit, duplo nempe amplioribus, quàm
 conuix ante decreuerat: vt statæ preces Ecclesiæ, & solemnia sa-
 cra ibi quotidie canerentur: diebus verò festis musico etiam or-
 gani concentu, solemnî, quo in primario Templo consuevit, ritu.
 Quamobrem, ex numero Sacerdotum ab sacellis, octo scientes
 musicæ designauit, vnum in his Modulatorem cantus; præterea
 Organicum: Administròs octo sex, Edituum etiam cum seorsim
 adiecto Sacratio sacra suppellectile luculenter instructo. Earum re-
 rum curæ, ac regimini vniuerso præfectis Patribus Societatis; at-
 que his omnibus ad certum, æternumque robur Pontificio, quod
 impetrauit, diplomate commisit. Sacellum eodem in Templo
 seorsim extruxit, in quo sacra Sanctorum ipsiana plurima, insig-
 niaque, thecis perornatis inclusa collocauit: suadente, ac studen-
 te simul Baltasare, vt ibi Eucharistiæ sacra poneretur ædícula; quò
 ad preces fundendas, & conscientiam excutiendam coirent maio-
 ri cum pietate Tyrones. Elegantissimam humana magnitudine
 Christi Seruatoris imaginem supra sacras reliquias graduum or-
 dine distributas ibi mediam collocauit. Eam picturæ scientissimus
 Ioannes de Rupe Baltasaris iussu effinxit. Is ex Salmanticensi Por-
 tionario dato Societati nomine, Tyrocinium tunc ibi ponebat.
 Et verò ad excitandam pietatem, cæterorum Tyrõnum ope, ope-
 ræque apud Deum collatâ, aptissima euenit imago. Sacelli fron-
 tem hac insigniri iussit epigraphæ: *Ego sum vitis, vos palmites: vti*
nempe doceret, ædem illam simul veræ Viti Seruatori Christo,
simul ipsius palmitibus, hoc est, Sanctis esse dicatam.

Absoluto iam Templo, Ianuario mense anni millesimi quin-
 gen-

gentefimi octogefimi, solemnibus indicta supplicatio est ad sanctissimam Eucharistiam, atque humatorum vetere in Templo cineres illò deportandos. Eam in celebritatem hæc Matrona cum geminis fratribus, Roderico Villoio Marchione de Mota, & Dominico Villoio ex Dominicana familia, aliisque præcipuis Matronis contulit sese, ut, quam benè ipsa fortunas collocaret in Societate, oculati cognoscerent. Conuenerunt ex nostris etiam Iacobus Auelanensis huius Prouinciæ Visitator, & Ioannes Soarius Prouinciæ Præpositus: Patresque per plures alij graues. Eos Baltasar Collegij Rector humaniter, amanterque omnes, commodo cum primis excepit hospitio. Peractum plurima cum pompa, ac celebritate solemne est, omnium animis voluptate liquidissima delibutis: quæ postridie temperata tamen est rei cuiuspiam euentu, in qua & heroicæ obsequiæ Baltasar, & Villoia Christianæ virtutis, ac pietatis insigne protulit argumentum. Testem eius ipse me profero, ut qui tertio tunc ibi anno probabar. Mirum in modum expetebat Villoia nostris valedictura, sub discessum, eo die cum fratria, fratribus, neptibusque ea, quæ in Collegio ædificata erant, inspicere: qua de re transactum ante iam fuerat. Id verò haud illi fas esse censuit Visitator: Pontificiæ nimirum seueritatis aduersus holce ingressus iam tum inde conscius, cum fuerat Romæ; id quod proprio motu editum Pij V. diploma vigens adhuc confirmabat. Quanquam verò Prouincialis, ac Rector securum illum doctissimorum virorum tum ex nostra, tum ex alijs religionis familijs iudicio faciebant, quòd & illa Fundatrix erat, eique tot etiam alia nomina suffragabantur; præ animi tamen religione, metuque illam ab aditu abstinere constituit. Harum tamen illa rerum ignara, suo cum propinquorum comitatu, post solemne sacrum, ingressa domum est. Id verò rescivit fortè Visitator, illis adhuc ambulationem imam obeuntibus; atque ab scrupulo anxius Baltasarem accersit; eique seriò mandat, ut exire confestim Villoiam iubeat. Exposuit hic submisit grauiora, quæ inde imminerent, incommoda; secus verò, si coniueretur, vel leuia, vel nulla; cum in ea re nulla ipsorum interuenisset auctoritas. Sed ille mandauit iterum, omissis omnibus, imperata faceretur. Baltasar, quanquam à re tam graui maximè angebatur (Matronæ enim tantæ nimium quantum debebat & Collegium illud, & Societas vniuersa) suum tamen subiecit imperanti iudicium, & suam fregit obsequio voluntatem: eoque verum se Obedientiæ filium approbavit. Etenim quam scitè, humaniterque potuit mandata ex templo detulit ad Villoiam; quæ scilicet illam alius transfixere. Et ceteri quidem omnes perturbati; atque in ijs maximè

Germanus Marchio, ijs sororis sumptibus iam olim parum assensiens. Quare hic, abiectis præ ira chirothecis, Gessio ab hoc, inquit, euentu magis, quàm si Castellæ Regnum mihi obuenerisset; ut discas, Domina, quibus, & quàm gratis hominibus te addicas, & tua. Quibus tam altè iustus est Baltasaris animus, ut nihil in omni vita æquè acerbum deuorasse se affirmaret; quia nempe suo aduersatus erat ingenio, quo perhumano erat imbutus, gratoque in primis erga benemerentes omnes, atque in tam munificam præcipue Matronam, inque re tam opportuna, tam leui. Verùm & illa Christianæ suæ virtutis, ac roboris egregium specimen dedit; quippe cui sensus ille peracerbus neque amorem, neque beneficam vim in Societatem excussit; neque confessiones sacras obire destitit apud nostros; neque quicquam de beneuolentia, cultuque remisit erga Baltasarem. Quin immo, ubi primum domum reuertit, suum interpretem ad illum solatij causâ misit, qui, mandante ipsa, iuberet illum animo esse tranquillo: sibi namque testatam esse ipsius in se voluntatem. Cordata enim, ac pia famina Visitatoris animum in eo peruidit diuinam metuentis offensam ab legis Pontificiæ violatione; neutiquam verò ipsi iniuriæ molientis. At enim plurima obuenero deinceps, quibus, uti par erat, Societas illi gratificari studuit diligenter: quæ & ipsa libentissimè item, ac humanissimè admittebat. Eius enim litterariæ palæstræ pueri, ferè ducenti, illi aduenienti ludibundi cum salribus sanè concinnis obuiam ibant. Quibus & lycei eiusdè Scholastici plures quadringentis id temporis florentissimi iungebantur. At illa gaudebat admodum eo fructu, quem ex tanta, ac tam honesta inuenture conflante illuc Zamorâ, Tauro, Vallisoletto, atque è finitimis oppidis, immò & ab remotioribus urbibus percipi cognoscebat: ibi enim perattentè, ac plurimo cum secessu bonis artibus Scholastici imbuuntur. Delectabatur etiam solemnî ritu, quo Sacerdotes ab sacellis diuina peragebant, curâ, studioque nostrorum: Tyronum recreabatur modestiâ, quos præclaris Dei muneribus sciebat ornatos: multòque magis lætabatur & ea spe, qua in bona complurium alebantur, & eo ardore, quo cætera omnia cum oppidanis ibi, ac finitimis munera obibantur. Quare procul ab ea semper fuit, ut ipsam eorum, quæ molita fuerat, pœniteret. Etenim præter quàm quòd ea illi mens iniecta erat à Deo, non Confessarium modò suis super votis, sed & viros doctissimos, atque grauissimos de ijs, quæ perpetua conderet, consulebat. De præcipuis verò bonis in Societate collatis cum viris extrarijs, quibus credebat plurimum, consultaui: cum laurea- to præcipue Ferdinando Villafannio, viro pergrauî, ac prudenti, scien-

ſcientiſſimo pariter & conſultiſſimo : atque iſ noſtrorum ab uſu remotus & ea illi probauit , & ad ea illi animum erexit : ut ea Deo mouente fieri liquidò appareret . Quibus etiam ut perpetuitatem adiungeret , diligenter communita ab Romano Pontifice diplomata impetrauit . Rectorem denique Villagartiensis ſui Collegij , ſuorum omnium piorum operum Patronum , ac Tutorem , ſcriptò nuncupauit ; cogniturum ſcilicet , quàm integrè imperata iſs onera , muneraque implerentur . Quibus ſi qui deſorent , quod erat prouentuum , id Villagartiensi Collegio addicebat .

Atque hæc præcipua extimorum fuere operum huiusce ſortis verè mulieris , cuius pretium procul , ac de vltimis finibus , uti rerum pretioſiſſimarum , fuit . Sed maior adhuc multò apparet in intimis animi rebus , à quibus , extimis , per quæ ſe ipſa perficeret , accedebat decor . De quibus capite mox ſequenti .

CAPVT TRIGESIMVM SEXTVM.

Magdalenam eandem Vllloiam litteris Baſaſar iuuat : illa à Deo ad perfectionem ſummam euehitur .

CVM Magdalenz domicilium Valliſoleti , Baſaſari verò in Villagartiensi Collegio foret , hic illam inde plurimùm litteris adiunabat : ſtimulis ad perfectionem ſubiectis , atque ad ſui maximè abnegationem ; illuſtribus ſcæminis ſanè perarduam , quòd indulgere genio , eique aduerſantia auerſari maximè conſueuere . Experimenti verò , & animi excitandi cauſâ , ſub natalicias Chriſti ſeruas hanc illi dedit epiſtolam .

§. I.

Editus Bethlem diuinus Infans , tuo , Domina , exoritur in corde . Is enim dumtaxat ſolemnes illius dies ritè , ſanctè , que recolit , cuius in animo idem intus agitur , quod extimè exhibetur . Abſtinere meditabar à litteris , quibus ad tui te abnegationem extimulantibus , ut quæ hunc peregrinè callem inſiſtis , læderis potius , quàm lætaris . Eius tibi ardentiffimam , Deus cupiditatem maiorem in modum iniſciat . Amen , Amen , Amen . Celebrandi mox natalis diuini diuitiz , & parcitas , qua abs tua paupertate illum exceptum iri intelligo , perſuadere

H h 2 mihi

„ mihi harum litterarum molestiam , monitaque oblectationi fo-
 „ re potius tibi , quàm cruciatui.
 „ Reputasti tecum , opinor , Domina , per elapsos Aduentus sa-
 „ cri dies , beneficium , quo Christus nos ornat eximium , dum-
 „ esse , ac versari nobiscum amat : eiusque simul animi felicitatem ,
 „ qui suæ illum domi diuersantem aspiciet . Quoniam verò ea
 „ mihi de illius pietate summa spes est , fore ut tuus animus ita
 „ illum excipiat , ut eius cum eo delicijs perfruatur , illud te ve-
 „ lim admonitam , tuarum esse partium (modò placere illi pluri-
 „ mum velis) cum primùm editum terris Infantem noris , illum
 „ adire (nam & in cæteris , quos suæ præsentiae honore , muner-
 „ busque afficiet , tu etiam numeraris) omnique studio ita te in-
 „ eā sanctissimam imaginē effingere , quam tuos ante oculos Fidei
 „ cernes obtutu ; veluti Iacobi grex in colorem induit sese propo-
 „ sitarum sibi virgarum . Ecquod enim spectaculum admirabilius ,
 „ quàm fieri Deum Infantem , stipatum Angelis , & pannis inuo-
 „ lutum ? Ex ipsius magisterio (cuius nimirum exemplum , nostra
 „ lux est) scientiam hauri salutarem tui submittendæ , ac profl-
 „ gandæ æstimationis tuæ ; præsentia , ac peritura omnia exuen-
 „ di ; quibus vercor ne malè te inuoluas , & implices : tui demum
 „ ad eius exemplar ita fingendæ , quò arctius illum tibi coniun-
 „ gas , quasi nulla sit apud quenquam tui memoria , omnibus in-
 „ uisa sis , & contempta : neque verò id ipsum in cogitationem ,
 „ admittas , nisi ut gestias , ac triumphes , quòd tui te Domini or-
 „ natam cernis insignibus . Reputa tecum , quemadmodum post
 „ tot , ac tanta , quæ nostri causâ ille præstitit , studia adhuc in-
 „ eum nostra languescunt ; quin etiam à nobis ipse mœrore & cru-
 „ ciatu conficitur , ad lacrymas vsque , quibus sese in præsepi per-
 „ fundit . Prò nefas omnium odio execrandum , quòd lacrymas
 „ tibi , IESV , ciemus ! ducimusque id ipsi tam nihili , ut de re
 „ tanta meditari nobis nec sit otium , nec voluptas . Duo hæc mi-
 „ rabatur plurimùm Cyprianus , tanta nimirum , quæ hominibus
 „ de seipso Deus impertijt , & tantula , quæ de se homines Deo re-
 „ ponunt : quàm multum in conditis rebus bonitatis suæ Deus ex-
 „ hibuit , & quàm minimum ex ea in nobis imbibitur : tædium ,
 „ moramque , qua Christum , quem scimus adesse nobis , adimus ;
 „ & celerem alacritatem , qua ad nos conueniendos viam ingressus
 „ est Deus . Nostram , Domina , duritatem , cæcitatemque plo-
 „ remus : diuinumque obtestemur Parentem , ut , qui suum nobis
 „ dedit Filium , suum etiam Spiritum nobis impertiat ; quò illi ob-
 „ sequi , placere , cultumque , uti par est , impendere doceamur .
 „ Cumque hic ille sit ignis , quem ipse misit in mundum , suo ut
 „ amore

30 amore terras accenderet, nostra illum immittat in corda; ut eo
 31 scilicet nos inflammet. Nihil enim venisse illum in terras pro-
 32 derit, nisi illabatur in corda. Vitam deinceps in ægritudine
 33 exigamus, ac luctu; quod cum tanto ab Rege tantum nos amari
 34 videamus, eius adhuc igne non vimur. Exhorrecamus
 35 hanc vitam, quæ suis partibus, munerique sic deest. Quis opem
 36 nobis afferet, Domina, quis medelam? Redeamus eodem cum
 37 postulatu diuinum ad Genitorem, eundemque sexcenties repe-
 38 tamus. Adeamus IESVM, ut qui Seruator hominum ad nos
 39 venit, suo nobiscum munere defungatur. Adeamus diuinum
 40 Spiritum, cum ut in nobis illustret: rudes adeamus Pastores, ut
 41 nos erudiant; Genitricem ipsius Sanctissimam, & Iosephum, ut
 42 nos pudore suffundant. Quid illos in paleis, ac præsepi collo-
 43 cato ipsorum Rege, tunc egisse, quid spectasse oculis, quid
 44 mente versasse putamus? Pretiosa Cyprianus, inquit; non erat
 45 ibi supellex; quæ etsi fuisset, spectatores tamen minimè habuisset.
 46 Puer enim in præsepi reclinis eorum oculos pertrahebat, &
 47 corda; sic ut palantes conditis e rebus diuisa nollent mendicare
 48 solatia, quæ in Conditore nacti essent meliora pariter, & con-
 49 iuncta. Nudi parietes erant, sed ij animis fulgebant diuinis mu-
 50 neribus conuestiti: carnis, nihil, sed animi oculis omnia ibi
 51 diuina apparebant: nullus pauperior natalis, nullusque opu-
 52 lentior: nullus, qui magis solatio & careret humano, & abun-
 53 daret diuino: Palam erat homo, clam Deus: inter alios extra,
 54 supra omnes intra. Rerum admirare complexum, pannos, &
 55 Angelos, lacrymas, & concentus, Adeamus, Domina, Angelos,
 56 qui nobis illum ostendant, atque (quod præstiteret ipsi, ubi il-
 57 lum terris editum aspexere) suo exemplo eum æstimare, colere,
 58 ac celebrare nos doceant. Atqui id nobis vnum est hinc nego-
 59 tium; cætera sanè nullo habenda sunt loco. Hanc tibi, Domi-
 60 na, IESVS sui æstimationem impertiat, ut neque tua, neque rei
 61 cuiuspiam, sed ipsius tantummodò sis deinceps. Amen, Amen,
 62 Amen.

Ex his litteris tenerrima simul pietas, simul dexteritas sanctif-
 simi huius viri apparet in eius animo excolendo, quam suam in-
 curam adeò studiosè receperat: cui auctor erat, ut suis cupidita-
 tibus vsquequaque aduersaretur: quo gradu in virtutis perfectæ
 culmen euaditur. Etenim, ut idem alià hoc anno datâ eidem
 epistolâ scripsit, tantus apex abnegatione suâ vniuersæ voluntatis
 attingitur. Inibi etiam eiusdem in exponenda vitæ suæ ratione
 breuitatem expostulat; quasi, de quibus diceret, animi progressus,
 regressusue decissent. Atque illinc apparet, eam per epistolas æ-

cana suæ mentis consueuissè aperire Baltasari; eumque de ijs, quæ ageret, subinde consulere. Is verò commendabat illi cum primis, Deum in omni re vnici spectaret, ac quæreret; animumque velut ab opibus, ita & à cæteris rebus omnibus omnino conuelleret. Hac doctrina sic illa profecit, operamque dedit illi tam feriam, vt ex propinquis etiam, asinibusque quàm arctissimis nemo animum illi deuinxerit, aut ab eo, quod intelligeret esse diuinæ voluntatis, abduxerit. Quare in eum processit cum Deo consensum, vt nihil eam vsipiam perturbaret, nihil eius patientiam frangeret, nihil sanctissimum hoc consilium, atque ardorem excuteret, quo dicebat, *Fiat voluntas tua*. Gestiebat vt filia, Deum, Patrem appellans; neque grâtiâs illi desinebat vnquam agere immortales, quod eo à nobis nomine compellari voluerit: neque cibi vnquam parum, multumue sumebat, quin illi Dominica præcatione lentè præiret; vocem, Pater, tenera cogitatione perpendens. Interque cibos diuinam hanc indulgentiam apud circumfusus sibi plurimum dilaudabat; prandio etiam sepe, præ sermonis eius voluptate liquidissima, intermisso. Tertio quoque die cælesti epulo, pietate plurima, perfusaque lacrymis accumbebat: tenerrimo eo sensu nihil ex frequentia remittente; quamobrem, dum per valetudinem licuit, nostram Professorum domum, pedibus, cum matrona dumtaxat vna, vnicoque famulo adibat: neque vehi curru voluit, neque sella gestari: magno sanè atque heroico paupertatis spiritu, veraque humilitatis Christianæ in tanta opum affluentia argumento. At enim in cæteros omnes adeo locuples ac profusa, vni erat sibi pauper, ac tenuis in vestitu, cubatu, cubili, domestica supellestili, & comitatu seruorum: ijs vsa, quæ necessaria modò forent, atque ab his etiam nonnihil detrahens, non paruitatis animi causâ, sed amore virtutis; tum vt plura ipsi suppeterent, quæ erogaret in pauperes; tum etiam vt se ipsa comprimeret, atque ad Christi exemplum, quod suadebat illi Baltasar, in eius paupertate, atque contemptu totam effingeret.

Idem illi solatij non parum attulit mœrentissimæ ob Ioannis Austriaci Caroli V. filij funus, ab se cum Coniuge Ludouico Quayado suæ domi à puero educati: quem porro ipsa vt gnatum, & quam ille vt Genitricem, caritatè sese mutua complegebantur: cui etiam is ab Hispania profecturus in Belgium, sensu amoris tenerrimo valedixit. Visum Deo est in ætatis, rerumque flore illum terris eripere, salutis anno sequimillesimo septuagesimo octauo. Prouinciâ tunc Aragoniæ (vti exponam deinde) iustabat Baltasar. Nuncius perlatus est illi Valentiz, vnde has illi consolatorias litteras dedit.

Con-

§. II.

Consolator Deus solatio tibi, & leuamento sit, Domina:
 is enim huius anni condendæ frugi tam vberi erit sanè
 pernecessarius. Litteras ad te non dedi statim atque certior fa-
 ctus sum de Ioannis Austriaci ab hac ad immortalem vitam di-
 scessu: tunc enim solatio non minus egebam ipse, quàm tu.
 Ratus ramen eo altius in te descendisse vultus, quò quasi geni-
 trix eras illi coniunctior, quem tu in rebus mortalibus vnice
 æstimabas, id officij nequaquam diutius protrahendum putau-
 i. Initium hinc ducatur. Quod, per hæc acerba, Ioanni, tibi-
 que debebam, id ego sedulo persolui; & vtrique fructuosum esse
 percipij: nostræque Prouinciæ Moderatori studio quàm potui
 maximo commendauì, vt in ea vniuersa idem omnibus impera-
 ret. Quòd si, vt liber, sic etiam liceret mihi per regimen, adij-
 sem te prius ipse, quàm hæc litteræ; vt mei sensum animi tibi co-
 ram exponerem. Sedenim rerum terminos Deus ita constituit,
 vt eos aliquis cum transilire maximè velit, minimè valeat; quos
 adeò tunc reuereri, id factu sit optimum. Laudes Deo sint ab
 hac ipsa re gesta immortales; quæ cum vtilissima extincto fuerit,
 nobis supersticiis argumentum dedic opportunum perputandi
 rem simul, ac flendi: vt & nobis frugifera illa sit, vtpote Dei
 opus, quo ille vno, & præmio vigilantem affecit, & somnicu-
 losos simul monet, ac plectit; non sine solatio tamen; inest enim
 vita ipsius disciplinæ; modo sapienter eius opera perpendantur;
 non in extrema solum fronte, sed intimis etiam in fibris, in qui-
 bus medulla delitescit. *Si sic vivitur, & in talibus vita spiritus*
mei, corripies me, & uiuificabis me, Deo aiebat Ezechias in suis
 olivæ rebus afflictis, ac Dei eruditione consimili, eâque pergra-
 ui: si sic, inquit, in hac peregrinatione vivitur, meique spiritus
 semita his vrgetur angustijs, tua, Deus, consilia, teque in ijs
 omnes adorent, qui calamitatum hoc magisterio corripis me-
 simul, & animas. Eâ Deus prælectione, Domina, nos instru-
 xit, vt, si eius vti fructu noverimus, vniuersæ vitæ sit satis: tibi
 verò solatium intimum admiscuit, intelligenti nimirum suavis-
 simum Dominum properasse, vt illum alex periculosæ subduce-
 ret, quem tu, & ipse caritatè tenerrima complectebamini, ipse
 verò suæ olim Regiæ æterno consilio destinaret: morte illi etiam
 decreta, quam obiret in castris; suoque amplius exemplo, vt
 Parentis tueretur honorem; illum in communi suæ tantæ gloriæ
 re efficiens sibi consimilem; tum & in animi cordisque integri-
 tate,

11. De-
 sembr.
 1598.

Isa 33. 16.

„tate, de qua tam multi eorum, qui aut cominus nouere illum,
 „aut eminus, eique deferenti mortalia interfuere, locuples testi-
 „monium dicunt. Cadit profectò in te, atque illum aptissimè,
 „quod Apostolis effatus est Christus, ab suo, cuius admoniti
 Io. 14. 28. „erant, discessu perægris, *Si diligeretis me, gauderetis utique,*
 „quia *vado ad Patrem*: bonum quippe meum gaudio vestrò plus
 „proficit (licet aliquid inde vobis submolestum eueniat) quàm
 „absentia mea (ut fortasse suspicamini) possit vobis officere ad
 „mœrorem: eoque maximè, quod indubitatum est hoc alterum,
 „quod ipse nimirum molior vester utique Deus, ac Vindex: quā-
 Io. 16. 7. „obrem illud vobis erit cum primis aptum & vtile; *Expedi vobis*
 „ut ego *vadam*. Quoniam verò docenti eorum fides accessit, rem
 „experimento; post diuini Spiritûs illapsum, edocti, facta infe-
 „cta nullo utique vel mundi totius pretio, voluissent: sequē-
 „ipsi sensere tam alios, & animi robore, & processu virtutum,
 „& vnus, vniuersique sui boni, Christi æstimatione, ut experti
 „cognorint hoc vnum sapere demum esse, omnia Deo in partem
 „vtramque agenda permittere, nullâ nostrâ cum libentiâ, vel de-
 „lectu; venerarique silentio quicquid in arcanis Dei consilijs im-
 „becillam mentis humanæ vim fugit: id enim etsi occultum,
 „prauum tamen esse non potest.

His litteris huic Matronæ plurimum adiunctum est solatij; quā-
 quam illam multâ Deus sua ope ante munierat; cui ipsa se, sua-
 que omnia carissima licet, atque pretiosissima liberè, liberaliter-
 que dederat.


Coronam nunc Matronæ huius virtutibus imponat submissio
 ipsius animi prorsus heroica: quippe quæ minimi, ac nihili du-
 ceret quicquid Dei causâ largiretur, & ageret. Id verò miratus
 in illa sum maximè quoties illam, & quidem non rarò, allocutus
 sum. Agenti enim mihi quandoque gratias pro ijs, quæ in nos
 conferebat, plurimis, maximisque beneficijs, verborum itâ sub-
 missâ, sincerâque formulâ respondebat, quasi nos de ipsâ potius
 benè mereremur, accipiendo, quàm de nobis ipsa, donando. Idē
 illi sensus erat de pijs alijs eleemosynis, quas in pauperes eroga-
 bat. Et verò sic habet. Quisquis enim intenta mentis acie Chri-
 stum aspicit in egenis, intelligit non tantum à se conferri bonum
 in pauperem, cui stipem impertit, quantum sibi ab inope ipso
 illam accipiendo tribuitur; non quò ille is hominum est, sed quòd
 in illo is, qui accipit, Christus est ipse; eam porrò bonorum animi
 centuplo in hac mortalitate, ac deinde perennium in cælesti bea-
 titate compensans.

Hinc etiam in suarum distributione fortunarum personam non
 Do-

Dominæ, sed dispensatricis agebat; quasi ab eleemosynis ipsa esset Dei, ut aliqui sunt Regum, qui nimirum stipem ex eorum bonis erogant: eâ verò cum animi pietate, ut communis esse videretur egenorum omnium parens, ac perfugium calamitosorum. Pluribus illam annis præiuit ad immortalitatem Balthasar: eaque interim suæ vitæ constantiam cum virtutum omnium incremento retinuit: cursumque vitæ cum omni laude tandiù cucurrit, donec illum denique annorum, meritorumque plena confecit. Suorum reddituum non fructus modò in eleemosynis exposuerat; sed ipsius etiam sortis partes plurimas vivens adhuc obstrinxerat; ijs ab se abalienatis, ut firmitus, quæ perpetua condiderat, opera stabiliret. Quicquid verò reliquum illi sub vitæ diem supremum fuit, id etiam in Christi pauperes testamento distribuit; hærede scripto carissimo sibi Villagartienſi Collegio. Lateris ista dolore decubuit; quem ubi periculosum sensit, ipſo primo statim die, atque iterum ultimo, qui septimus ab illo fuit, divinæ Eucharistiæ ferculum sumpsit. Dies hi omnes eius corpori sanè permolesti, ac verò animo periculi diuini: illos enim iugibus ferè precibus extraxit, Deo se etiam, etiamque commendans; seque visentibus minimum quàm poterat indulgens; curis eo maximè conuersis, ut stipe iuuarentur egeni. Altiter illi dies, noctesque Patres Societatis: Deique benignitate factum est, ut Vallisoletum coirent tunc ex Patribus, qui notissimi erant illi, atque carissimi. Ioannes verò de Monte-Maiori eius tum Collegij Rector Romam profectus cum illius Prouinciæ procuratore, biduo ante ab suo itinere reuersus est; eique ad discessum ex hac vita solatij, opisque multum impertijt. Negotij tamen minimum erat cum ea omnibus; quam Deus nempe secum ipse largiter occuparat. In postremis ferè verbis ea fuere, post aliquid leuamenti ex gelidæ haustu perceptum, oculis in imaginem pendentis è Cruce Christi defixis; Hac, inquit gelidâ, Domine, tibi, ut mihi nunc est, in supremis laboranti, minimè subuentum est, sed felle & aceto: miserere pauperculæ huius & ancillulæ miserandæ. Diè Iouis D. Barnabæ sacro, quintâ noctis horâ, salutis 1698., ætatis verò suæ tertio supra septuagesimum anno, vitam Deo reddidit. Ex ea erepta, acerbissimo dolore, luctuque affecti sunt pauperes: eoque die diuisi in ipsos sunt nummi argentei quadringenti. Societas tam benè de se meritæ grati sui animi monumentum exhibuit. Eius corpus, in conclauis, exiguo tunc feretro impositum est. Socij omnes ex tribus ipsorum in hac vrbe domicilijs conuenere ad psalmodiam funebrem exequendam. In ijs duodecim ad eius cadauer ea nocte egerunt excubias. Postridie manè Sociorum omnium cætu

facto in Templo Domus Professæ honorarius excitatus est tumulus, plurimâ facum vi collucens; atque illi, qua Societas celebritate potest, pijs exequijs parentatum est: accuratumque ut Vallisoleti sacris eo die omnibus ipsius animus expiaretur. Solemne funus institutum est deinde sub vesperam, quod Templi maximi Collegium suis cum Clericis vniuersum, religiosique Ordines omnes, quibus mos est pijs hisce muneribus defugî, suâ præsentia cohonestarunt: piâ, quæ inter hæc solet, eleemosynâ in eos largiter erogatâ. Nobilitas item omnis, quæ tunc debebat Vallisoleti, confluxit: pompæque hac, & comitatu, grauissimi ex Societate Patres impositum feretro corpus trans Pontem usque Vrbis aduexere: inde verò, comitantibus Socijs triginta cum sacribus, lecticâ auectum est in ipsius Villagartiensi Collegium, quò Prouinciæ vniuersæ grauissimi Patres cum Prouinciali conuenerant: ibique omni honore celebratum funus, & concio habita est ab Antonio Padillio eloquentiæ suæ grauitari, & argumenti amplitudini par. Perseuerant & nunc pia apud Deum suffragia: & quæ imperata testamento fuere, integrè persoluuntur.

Simul ac primùm de illius obitu Salmantica, vbi tunc ipse degebam, rescitum est, consciij nempe, quantum illi Societas vniuersa deberet, non satis habuimus ea illi, quæ constituta sunt in Societate vniuersim impendere; sacris nimirum nouem Sacerdotes omnes æternæ illius requieti litare; verùm de insigni etiam honore illi habendo consultum est; concitis ex Vniuersitate, atque Vrbe vniuersa primoribus, qui & perlibenter conuenere. Dixit è suggestu Iosephus de Acosta sacrâ eloquentiâ laudatissimus, à quo tunc illud Collegium regebatur: dixit verò perquàm egregiè de præclaris defunctæ operibus, quæ illam ad usque cælestem gloriam profecuta sunt. Peractum idem est in cæteris Prouinciæ Collegijs, eodem grati in eam animi argumento: atque idcirco etiam hoc loco stylum effudi, ut in terris memoria in posteros omnes perseueret illius, quæ tam præclaramolita est, quibus diuino Regi gratificaretur; quicum in præcelso gloriæ folio regnare illam habeo persuasum.



CAPVT TRIGESIMVM SEPTIMVM.

*De fructu id temporis in primoribus alijs: deque gemino
de diuina Prouidentia Commentationis argumen-
to, quod horum cuiusdam Baltasar multa
cum pietate proposuit.*

Hic etiam Villagartiz, modico licet in oppido, locus Baltasari fuit exhibendæ suæ & caritatis in proximos, & facultatis ad eos Christo Domino adiungendos. Quanquam verò optimatum consuetudine utebatur, sese gregalibus tamen, ac plebeijs etiam permittebat. Illos proinde accedentes ad sese excipere humaniter, & quasi vacaret integrè, audire illos cum voluntate per otium: indeque & plurimus in ipsum eorum amor, & honor; & illud ipse implebat Apostoli; *Græcis & Barbaris, sapientibus, & insipientibus debitor sum*, ad Euangelium promulgandum omnibus, & docendum. Frequentior tamen vsus illi fuit cum optimatibus tum cõmunibus, tum sacris, Religiosisque variorum Ordinum illud in oppidulum aduentantibus, vt ipsum de animi sui rebus confulerent, atque hebdomadam vnã, aut alteram, apud ipsum exigerent, per secessum ad preces, aliasque pias exercitationes, docente, ac ducente Baltasare. Præstantiores in his, frequentioresque fuere Franciscus Reinofus Abbas tunc Vsilienfis, qui & in Palentino Templo primo honoris gradu fulgebat, Cordubensi deinde insulâ insignitus; de quo sexto decimo capite commemoratum est: eiusque fratris filius Hieronymus Reinofus eiusdem Templi Canonicus, vir exempli sanè optimi, virtutisque studiosus in paucis; qui adiunctos sibi alios ex Canonicis, ac Beneficiarijs, nunc hos, nunc illos deducebat, vt pijs his exercitationibus, tantique Institutoris doctrinâ fruerentur. Mos hic in plures deinde annos perseuerauit; excitante illos Palentiz Societatis nostræ Patre præferuido, cui nomen Andreæ Assensio fuit: isque de precandi studio diu multumque cum Baltasare contulerat. Narrabat verò, laborantem aliquando sese animi angustijs, quarum eausâ diuini spiritûs impulsibus obsequi non auderet, à quo ad maiora scilicet vocari se cognosceret, ea de re ad Baltasarem retulisse; ab eoque sibi ademptum esse errorem, additumque animum ad sequendum; quòd eam vim spiritus diuini esse liquidò appareret. Deinceps verò tantos in se, alijsque processus effecit,

Rom. I. 14.

vt cum tenuibus instructus esset naturæ bonis, quod amplissimis præditus erat diuinæ gratiæ muneribus, plurimam sibi apud eius Viribus, ac Templi præcipuos viros auctoritatem conciliarit. Eoq; animi candore, vti ab nonneminè illorum accepi, aliorum corda obtinebat: ipsque salutaribus ipsius consiliis obtemperabant: commodo etiam tempore, Villagartiam cum ijs adibat, ibique pijs conmentationibus & illos exercebat, & sese.

Alij etiam extrarij prænobiles Villagartiam confluēbant, in quibus laudatus supra Marchio Veladius, Ignatius Fernandus Velazquius Castellæ Comestabilis, eiusque gener Franciscus Borgia, Lombaij Marchio, ac deinde Gandiæ Dux: quibus domicilium Villalpandi tunc erat: quo ab oppido tribus leucis Villagartia disiungitur. Eò Baltasar itabat, petente Anna Aragonia Duce Friasensi, nostrique Ordinis amantissima; cuius & virum suum Comestabilem studiosum esse, eumque conscientiam expiare, resque suas apud aliquem ex nostra Societate virum exponere plurimum exoptabat. Et verò, cum primùm nouit ille Baltasarem, tanto amore complexus est hominem, vt sua illi omnia, ac sese integrè, penitusque crediderit. Confessione sacra suam illi à principio vitam omnem retexuit, atque ab eo illius deinceps instituendæ rationem accepit. Exinde Villagartiam itare, cum eo solus vt ageret, tantum illi honorem attribuens, vt coram ipso in sermonem vocare mortalia nō auderet; gauderet verò plurimùm illum audire colloquia de Deo serentem. Marchio item Lombaij ad animum ipsdē exercitationibus ope Baltasarī excolendum, secessit eodē. Quem Baltasar ad pias allocutiones, collationesque cum Tyronibus admittebat; eiusque sententiam, vti cæterorum, ordine rogabat. Ab ijs exercitationibus cum præ luce illinc hausta, nebulam errorum omnem Baltasar ab eius animo depulsam esse cognosceret, hortatorem publica in Aula illum adhibuit, qui de Mundi imposturis, ac sycophantijs dispiciendis coram Tyronibus verba faceret. Idem aliàs Villagartiam redijt, suas vt res cum Baltasare communicans, eius in ijs consilio vteretur.

S. I.

FRUCTUM tamen Baltasar Villalpandi, quoties eò profectus est, longè vberiorē edidit in Duce Friasensi, eiusque prole gemina, Ioanna Velazquia Lombaij Marchionissa, Gandiensi postmodum Duce, & Agnete Velazquia, Comite deinde Montis Regij; inque alijs matronarum harum Principum fæminis; quibus omnibus amorem, ardoremque plurimum virtutis iniecit. Dux ipsa

ipsa dudum pietatis, precum, cæterarumque virtutum studio tenebatur: illam in eo tamen prouexit, perfecitque Baltasar, indicato nempe, quod ea omnia, suarum rerum compendium factura, dirigeret: hoc est ad integrum, absolutumque in omni re cum diuina voluntate consensum; sic ut vellet, probaretque quicquid vult Deus, & probat: anxitudine inmodica, tristitiaque depulsis, quæ, ubi consensus hic desit, solent ab improperis euenire. Quoniam verò diuini huius consensus Matrona hæc cupiditate flagrabat ingenti, multisque curarum æstibus, sibi nempe infestissimis iactabatur; geminam illi de diuina Prouidentia commentationem, in qua ipsa se exerceret, illi scripto dedit; ibique non eius modò, quo imbutus erat, spiritus, sed eorum, quos suam in curam ipse reciperet, cognitionis simul, ac studij documentum exhibuit. Ea propter libuit hic vtramque proferre.

Meditatio prima sic habet. Christi Domini, eiusque cælestis aulae conspectui ipsa te sistens, coram cuius numine, quæcumque eueniunt, fiunt, quique fideles suos multò magis, quàm ipsi se, amat, hæc tria perpendes.

„ Primum ex D. Dorotheo, fide credes indubiâ, nihil ingratum, asperum, & molestum sine Dei prouidentia nobis posse, contingere: ubi verò diuina prouidentia adsit, ibi vniuersum, bonum esse, omniaque in bonum referri animi, & salutis. Quæ obrem in re quauis aduersa tibi sic dicito; Egestas, ac rerum, angustia homini, pro suo gradu, & amplitudine, præstare, multa debenti, oneri, molestiæque sunt plurimæ; sed pauper, tati cum Dei prouidentia coniunctæ, ingens profectò inest vitæ, præsidium. Oblivioni, & contemptui apud alios, esse, ac sua concuti, turbarique, id certè animum vehementer excruciat; sub diuinæ tamen prouidentia instituto, atque consilio id, ipsum amplissimi thesauri loco est, si quis recipere se norit intuitum.

Alterum est: eo posito, in rebus, quibus præmi nos maxime in hac mortalitate possumus, eas esse, quæ ad animum, ipsiusque processum referuntur, & quæ ad humanam hanc vitam, eiusque præsidia spectant; de his ea Christi verba pensitata diligenter, ac persuasiva suum apud animum habenda esse, quæ immortalis sui Genitoris prouidentiam erga nos disertè docent; ijs altè, cordibus nostris infixis, tanquam certissimis argumentis, ex quibus planè intelligamus, quid nobis facto sit opus, ubi hæc, aut illa desint. Christus igitur apud Matthæum hæc inquit, *Orantes* (in ijs nimium quæ animi sunt) *nolite multum loqui sicut Ethnici: putant enim, quod in multiloquio suo exaudiantur, quasi suis argumentis, ac ratio-*

*Matth. 6.
n. 7. & 8.*

tiō-

tionibus viduri sint Deum, *Nolite ergo assimilari eis. Scit enim Pater vester, quid opus sit vobis antequam petatis eum, Nec solliciti sitis dicentes, quid manducabimus, aut bibemus, aut quo operiemur: hac enim omnia gentes inquirunt: scit enim Pater vester, quia his omnibus indigeatis.* Hæc perputans verba, in te ipsa descende: atque ex ea, qua premeris tuorum liberorum cura, eorum maximè, quibus prouisum minimè adhuc fuit, hanc veritatem elicito, ex qua, cura hæc ipsa reijciatur in Dei studium erga tuos: quo illos accurante, poterunt & ipsi sollicitudinem sui omnem abijcere, eamque in Deum conferre, auctore Petro, *Omnem sollicitudinem vestram projicite in eum, quoniam ipsi cura est de vobis.*

Tertium erit perpendere, eum, qui diuini Parentis prouidentiam hanc certò nobis affirmat, non aliquem hominum esse, sed verum ipsius Filium, nostrumque Assertorem, ac Dominum, Christum IESVM, qui omnia nouit, quæ in illius pectore sunt arcana; eaque nobis ad solatium nempe nostrum aperit, & exponit, ex eo veritatis oraculo, *Unigenitus Filius, qui est in sinu Patris, ipse enarrauit.* Hæc elocutus est ipse: ad quem colloquium institues, cumque rogabis, vt, quando ipse fidei nostræ dat intellectum, tibi etiam illum, circa ipsius prouidentiae fidem imperat, quo tempore, ac modo conducibilis tibi fuerit: vt quem, admodum per eam tua omnia bona, opesque digerit, ac dirigit, ita ex quocunque rerum euentu solatium capere, diuinam prouidentiam æstimare, ex eaque proficere discas. Finem impones, dicta semel precatione Dominicâ; in qua dulcis hæc, & paterna prouidentia continetur.

Hanc primam meditandi materiem præbuit huic Matronæ Baltasar. Libet verò sanctissimi huius viri submissionis exemplum exponere; in excipiendo ab alijs licet minoribus documenta, vel consilia, vbi vbi sese daret occasio. Hæc enim illo scribente, cubiculum eius ipse inij, mæ vitæ rationem illi expositurus, sub quo Institutore tertium Tyrocinij annum tunc ponebam: isque mihi scribere se tunc tria capita significauit, de diuina prouidentia, quæ ad Matronam hanc perægram animo mitteret. Cui ego alia etiam à me tria peropportuna perlecta fuisse subieci in Dialogo Diuæ Catharinæ Senensis de Perfectione; quæ illa, Deo ipso dictante, conscripserat. Pro sui demissione animi, cuius exemplum in me mirificè valuit, ea in loco à me petijt; ad eamque hoc planè modo transmissit.

§. II.

Altera, inquit, meditatio tria capita complectitur; Diuæ Catharinæ Senensi ab Seruatore Christo ei aliquando appa-
rente proposita, vt disceret in bonitate sentire de varijs in re qua-
uis euentibus, tanquam ex ipsius prouidentia nutu profectis, e
quibus solatium simul, fructumque perciperet.

„ Primum caput ab ipsius Omnipotentia ducitur. Animaduer-
„ te, filia, me tuum immensæ gloriæ Deum, qui te ideo condidi,
„ vt mea felicitate perfruaris, potentia præditum tantæ esse, vt ni-
„ hil in rerum omnium vniuersitate, nisi ex meo iussu, aut permis-
„ su contingat. Alterum ab Sapientia: Ego Deus tuus Sapientiæ
„ sum profundæ: quare nihil me latet, aut extra prouidentiam
„ meam est: ita vt nec astu falli, nec errore valeam perturbari.
„ Atque, vt aliquid de meæ Sapientiæ vi intelligas, noueris ex
„ malo tum culpæ, tum pœnæ, plus à me boni elici, quàm ipsum
„ malum extiterit. Tertium caput à Bonitate, & Sanctitate desu-
„ mitur. Velim habeas persuasum me Deum tuum nihilò minus
„ Bonitate, quàm Sapientia, Potentiaque præstare: adeoque
„ velle haud possum, nisi quod tibi, cæterisque melius, conduci-
„ bilius, atque salubrius est: neque malum ex me proficisci vllum
„ potest. Et quemadmodum liberè homines condo, ita illos amo-
„ re summo complector. Illud hinc porrò conficies, ærumnas,
„ opprobria, cruciatus, cæteraq; aduersa omnia, ex nulla vnquam
„ alia causa, meo annutu, euenire, nisi vt rationibus vestris ex-
„ pediant. Per ea igitur, quæ speciem vobis mali præferunt,
„ vestris ex animis euelluntur vitia, virtutesque in ijs inferuntur:
„ qua via in verum, summumque bonum ignotum vobis euadi-
„ tis. Hinc etiam intelliges, me Deum tuum scire, posse, ac vel-
„ le magis tuum bonum, quàm tu ipsa scias, possis, ac velis.
„ Hæc diuinus Præceptor Catharinam, teque in illa, & mortales
„ vniuersos edocuit.

Commentationibus hisce, harumque similibus, vt res ferebant,
ac mentes capiebant eorum, quorum consuetudine utebatur, ani-
mos omnibus, vti huic nominatim Matronæ ad virtutem adiun-
gebat: cuius in Baltsarem tam multa erat cum amore tanto re-
uerentia, vt coram illo vultum, habitumque præ se ferret infantu-
læ. Disserabat & illud, alijs ex Societate Patribus, plurimæ licet
auctoritatis, Villalpandum aduentibus, sermonemque de diuinis
rebus inferentibus, eos etiam, qui audirent, sua cum ijs immi-
scere posse colloquia; suisque in ea consuetudine partibus desun-
gi:

gi; loquente verò Baltasare (tanta erat eius excelsitas, & amplitudo) obmutescere omnes, pendentes ex illo, ceu pueros. Litteras verò cum ad illum dabat, inscribebat fronti; Domino meo P. Magistro Baltasari Alvarez Societatis IESV, Parenti meo.

Æquè illum amabant, colebantque Dominæ eiusdem filiz; quibus ipse auctor fuit, vt aliquid temporis piæ cõmentationi darent; seque in ipsis se coërcendis sedulò exercerent; sua etiam manu statam quotidie stipem egentibus impertirent. Eaque linteò vestibus præposito parata ijs iuscula hauriebant ex ollis; tradente illis interim Baltasare catechesim; eduliaque deinde in ollulis, scutulisque distribuente. Scilicet, pridie solemnis memoriæ, pompæque Institutionis Eucharisticæ, sub vesperam, eius honorandæ causâ ad o. nandũ Temp. lum conuenere omnes; scopis illud purgare e duz; aliâ lampadi nitorem induxit; aliaq; instruxit aras; custodientibus interim fores ex famulatu nonnullis, & aliquo ex Societate Religioso, ne se quispiam in Templum immitteret, dum ea illo pietatis munere fungebantur. Submittere præterea illas scitè, prudenterq; consuevit verbis in rem aptissimis. Ex ijs verò altera natu minor affirmabat, à nemine fuisse se vnquam acceptam acerbis, quàm à Baltasare: cui aduersum se verba quædam exciderēt quidem, sed quibus animum sibi altè confoderet. At enim, quòd suo bono id ab illo fieri sentiebat, quanquam id ipsi permolestum erat, non committebat propterea vt illum minus amaret, & coleret; tantumque eius auctoritati tribuebat, vt cum in angustias coniectam sese aliquando conspiceret, Baltasaris, quas habebat, epistolas admoueret confestim pectori, ex ijsque illico recrearetur.

Aliud etiam memoratu dignissimum nobilibus hisce puellis accidit, Villalpando Vallisolerum sua cum Genitrice petentibus. In Cynecei curru, quadrima Comitula de Pato vehabatur. In deliui iugo Villanubienti, qui currum trahebant, equi efferati sunt adeò, vt cæteras Dominorum rhedas, lecticasque anteuertissent, & aurigam amplius ipsum excusserint; sic vt accedere auderet nemo. Pedites famuli periculum, cui subueniri non posset, intuiti, consternati nempe sunt animo. Propter currum eodem itinere ingrediebatur tunc fortè Baltasar: isque conspecta re, precibus apud Deum insiuit, vt ne comitum cæterus ille periret. Et verò annuit perbenignè oranti Deus: atque ruituri iam iam in ipsa montis prærupti crepidine, cum certo, immanique omnium excidio, equi protinus sublitere. Ad hæc ab iactatione currus, vti facile potest intelligi, tam enormi, nulli earum; quæ vehabantur, quicquæ euenit incõmodi. Miraculi loco habitum id iure fuit ab

omnibus, precibusq; Baltasaris attributum, a quo, tanti beneficii causâ, gratiæ in loco actæ Deo sunt optimæ, maximæque.

CAPVT TRIGESIMVM OCTAVVM.

Burgos id temporis proficiscitur: püssque duabus feminis sibi propinquis vice disciplinam perquam ordinatè constituit.

Q Vanquam Baltasar amorem in propinquos sub imperio sic habebat, vt eos nullo nomine, quod diximus, vellet inui-
sere, obedientiam tamen, ex sacrarum litterarum oraculo, pluris faciebat, quàm victimam; parendo enim suum iudicium, suaque voluntas mañatur; quæ hostia gratior Deo est, quàm consanguineorum aspectum sibi negare, arbitrato nempe, consilioque suo; iustis de causis secus Præpositis imperantibus. Id igitur temporis Obedienciæ insu profectus est Burgos, postulante Doctore Ioanne Dicæ Moraliõ Salsedio, Archidiacono Larano, sanctæque illius Ædis Canõnico, & Cardinalis Pacechi Archiepiscopi sui Vicario; Vallisolitano deinde aduersus hæreticam prauitatem Quæsitore. Isque suas domi contubernales habebat, Eudigam Aluarez sororem Baltasaris, orbatam viro fratre suo; sororemque suam, religiosam domi sceminam; vtramque exemplum virtutis egregium, studioque orandi, & contundendi sese assatim exercitas. Earum tamen preces, consuetudinemque cum Deo, ac virtutés fouendas seriõ proposuit sibi Baltasar. Sedenim, ne præceptiones, quibus illas instituebat, saberentur ex animo, agenda quotidie, suo illis ordine, scripto proposuit; tam profectõ piè, atque ad hoc hominum genus accommodè, vt pretium operæ facturum esse me duxerim ea hic legenda proferre; ex quibus & pares aliæ fructum capere, & Confessarij simul addiscere possint, quo magisterio illas instituant, quas perfecta virtute velint imbutas.

Verùm, vt, quæ hoc loco traduntur, planiùs intelligantur, ponendum primò illud est, Baltasarem, vt capite quarto docuimus, ijs omnibus, quos cum studio precandi coniungeret, post commentationes de peccatis, & ijs, quæ homini postrema contingunt, auctorem fuisse, vt diù multumque in meditandis Christi cruciatibus versarentur; eò nempe, quia plurimum opis inde percipitur ad crimina largiùs, perfectiùsque deßenda; ad vincendum, triumphandumque sese; ad amorem Dei, ac proximi excitandum; ad

virtutes demum omnes multò præstantissimè obtinendas. Ijs proinde affirmabat; Nihil vos egisse putate, donec affixum cruci Christum vestro in corde gestetis; eo, quo ibi explicatum est, modo; iugi nempe memoriâ, intelligentiâ, amore, imitationeque diuini hominum Assertoris, excessarumque virtutum, quas ille in palæstra crucis exercuit. His positis, orandi, viuendique ratio hæc est.

Cùm primùm excitaris à somno, meditandæ rei argumentum in memoriâ reuocato, ne aliæ te cogitationes anteuertant, animumque dissipent, ac distrahant in præcando. Oratorium ingressa, sacrâ te aquâ lustrato; & horæ vnius horologium statuito, præcandi mensuram; vnoque aut altero passu præpe ab loco, in quo positura es genua, perputato tecum ipsa paulisper, quicum actura tunc sis: ac tum ceruicem pronè submittit, quò intimam erga Deum animi reuerentiam eo etiam argumento foris ostendas: tum flexis genibus opem ab eo deposito, tuos vt cogitatus; verba, operaque in sui vnius obsequium paret, ac regat: illud hic reputans, quantum suo ab Auctore pendere vnumquemque oporteat, si rem assequi certò velit. Nihil enim sine eius ope, ne bonam quidem cogitationem tantulam suscipere quiuís potest.

Rem deinde ipsam tuos ante oculos ita proponito, atque si coram ipso in oratorio agatur. Quoniam verò ea feruè à Christi acerbitatibus, pœnisq; petenda erit, ratio erit eiusmodi. Petes à Deo, vt, quandoquidem sua merita, suorumque cruciatuum fructum tecum ipse participat, suis etiam te cogitatibus, sensisque bonis impertiatur; vt de ipsius mysterijs ea tutò mediteris, ac sentias, quæ magis & placitura ipsi, & profutura sint tibi. *Primo* deinde perpendito, quis ille sit, qui ea perpetitur, nimirum Deus. *Secundò*; quænam illa sint, quæ perpetitur: idque non tam mentis commentatione ratiocinans, quàm velut internis animæ oculis planè conspiciens, quos contemptus, quæ opprobria, quos cruciatus exorbet, ac deuorat. *Tertio*, animaduerte, qua patientiâ cruciatus, qua submissione contemptus, qua caritate odia excipit aliorum: eumq; tam indignè acceptum demirata, ex ipso sic quæres; Maiestatis summæ Imperator, quo impulsus metu, vel commodo, tam deformia, tam immania perpeteris? Atque, audiente animo, responsum confestim accipies; Neque metu impulsus hæc perfero, omnipotens enim sum; neque commodo ductus, sum etenim Deus, rei extra me nullius egens; sed vno tantùm adactus, quo te complector, amore: atque in hoc amoris verbo, sensu defixa tandiu hærebis, dum animus pellici se, perpellicque sentiat ad amorem erga Deum, iisdem, quibus ipse suum

suum nobis ostendit, argumentis illi approbandum; perpeffione contemptuum, zrumnarum, offensionum, & eorum hominum, qui nostris suis ipsi moribus aduersantur. Vt enim fructuosa sit meditatio, dirigenda simul mens est ad perpendenda mysteria, simul ad meliorem formam moribus inducendam; spectando nempe, quid quo perpeti modo possis, ijs consentaneum, quæ perpeffus est Christus. Summa enim orandi, proficiendique scientia in tolerantia, sui que submissione magis, quam in liquidis animi voluptatibus, delicijsque consistit.

At verò festis, quibus præcipuus habetur honor, diebus, peti ex ijs poterunt argumenta precandi: quod si sumenda sit Eucharistia, ea ipsa erit meditandi materia. Sub vesperam verò, aut ab sacra mensa, in ipsa gratiarum actione, de solemni eius diei memoria commentari consentaneum erit.

In ariditate, nebulis, stupore ac cæteris animi impedimentis, ea tuis è noxijs fructificare fac credas. Quæ si minus ea parte cognoueris, quâ Deo iniuriam intulere, intellige tamen satis ex relictis tuo in animo socordiâ, & torpore. Submitte in loco te, Deoque sic dicit, Hæc Domine mea sementis est fruges, hic tot meorum annorum est fructus: eoque nomine, quod hæc impedimenta meis è culpis existunt (quod quidem neque tu promeritus certè es, neque ipsa tibi debueram) doleo, sensuque, & lacrymis eorum velim affluere, qui tibi maxime placere: at verò, qua parte pœna hæc, tuo nutu, meis est irrogata criminibus, gaudeo me talia luere, quæ talia peccarim. Persistent verò quæ à te constituta sunt in æuum vitæ omne; & hoc in mille vsque annos extrahatur. Atqui, cum Deus conditis à se rebus adsit, & insit, his suo se loco continentibus, si te, vt debes, probe submiseris, animoque libenti inflictam tibi pœnam admiseris, influet tibi solatium & voluptas. Quod si voti compos lies, quâ te ducet Deus ipse, subsequere: sin minus, viam hanc submissionis, atque fiduciz cum primis tutam insistito.

Quartam minimùm horæ partem lectioni opusculi de Contemptu mundi, aut cuiuspiam alterius pij libri quotidie dato. Aliam rursum quartæ horæ parte antequàm cubitum eas, in tuæ vitæ rationem inquirito: certumque tempus cubando, surgendoque constituito: deque vespertinis negotijs refecato; quò tibi tempestiue te reddas. Sacre Confessionis, diuinæque Eucharistiæ Sacramenta ostiduo semel semper obito: quandoque etiam per hebdomadam, Confessario annuente; cuius sententiæ tum in hoc, tum in pœnis, quas quotidie tibi irroges, acquiescito; idq; pluris facito, quàm quidquid pium, asperumque proprio arbitratu su-

ſceperis. Sic enim rem Deo facies gratiorem, & tutiores tuæ tibi res erunt. Me verò de his, quomodo tecum agantur, ſingulis menſibus tuis litteris fac doceas: primò de corporis tui valetudine: tum de interno animi ſeceſſu: tertio de lectione: quarto de piaculari confeſſione, diuinæque menſæ uſu: quinto, an recenti, vel moleſtia quapiam exercearis, vel aliquo Cæli munere exciteris.

Atque hæc vitæ ratio eſt, quam ſorori ſuæ, eiſque ſociæ non membrana modò exarata, ſed & ipſarum animis inſculptam dedit. Eas enim tanto ardore ſpiritus alloquebatur, ut quandiu illum audiebant, à pio, quo urebantur igne, vberimas in lachrymas colliqueſcerent. Quæſitoris ſororem diù in hac vrbe verſatam aſſatus ipſe ſum aliquoties; & quem adepta erat, cumulum virtutis agnoui. Præſtitit ſanè in ſui afflictatione, flagellis, cilicijs, ieiunijs quatuor in ſingulas hebdomadas diebus, & pane perſæpe tantùm, ac gelida. Somnum haud vnquam capiebat in lecto: complures verò noctes in precibus consumebat. Nihil in libro D. Cathariæ Senenſis, quam colebat impenſè, de afflictationibus, pœniſque legebat, quod & ipſa præſtare nollit. Undecim ante vitæ exitum annis voto ſe obſtrinxit, in ferream catenam, diu, noctuque latera perpetuò induendi: ſacrumque propterea inde vlcus balſamo mitigabat. Cumque morbus, quò extincta eſt, quartum in menſem productus fuiſſet, non niſi altero ante obitum die eam ab ſe catenam reiecit; ne deprehenderetur ſcilicet ab ijs, qui ſunebrem ſuo corpori amiſtum inducerent. Tolerantiam ſummam tum in morbo tam diuturno retinuit, cum in doloribus, maximeque dentium, quibus complures annos vexata eſt; nullâ eius ob id, aut cuiuſpiam rei deſiderium querimoniâ ab vilo vnquam auditâ: vultu ſereno ſemper, & hilari; ut eius, quæ mentem haberet diuinarum rerum iugi contemplatione deſixam. Atque in hunc modum actum illa egit vitæ ſupremum; præmium adepta ſuæ perintegræ erga Baltasaris conſilia obſequæ.

CAPVT TRIGESIMVM NONVM.

Baltasaris deſiſſio inter honorifica & ſecunda: et quid ipſe de hac virtute ſentiret.

QUæ de Baltasare dicta ſunt hætenus, ſecunda fauſtaque fuerunt omnia tum in muneribus, quibus deſunctus eſt, tum etiam in

in vſu proximorum: cunctibus, Deo dante, felicibus adeò, ac mirandis, vt plurimam ſibi auctoritatem, exultationemque ſanctimoniz, prudentiz, ſpiritus, atque abſolutæ ex omni parte virtutis, tam apud Societatis noſtræ Religioſos viros, quàm apud communes alios, ac Dynaſtas prænobiles conciliari. Antequam verò dicere aggrediar de coorta in Baltaſarem per id temporis tempeſtate, ex qua ipſius virtus clariùs eluceret, è re fuerit de altiffima ipſius animi ſubmiſſione præloqui inter hæc ipſa ſplendida, feliciaque effulgent; Bernardo enim auctore, Magna, & rara virtus profeſſo eſt, magna licet operantem, magnum te nſcire: & manifeſtam omnibus, tuam te ſolum latere „ ſanctitatem: Mirabilem te alijs apparere, & contemptibilem „ te ipſum reputare. Hoc ego cæteris virtutibus mirabilius audi „ co. Et alibi: Non eſt res magna humilem eſſe, cum quis parui „ ſit: magna tamen virtus eſt humilitas honorata. Rara anis in „ terris, aut ſanctitatem non perdere, aut humilitatem ſanctimo „ niâ non excludi: Et; Diſcile valde eſt in loco eſſe excelſo, & „ altum non ſapere: res quidem inuſitata, ſed quò minus vſi „ tata, eò glorioſior. Quare Baltaſar gloria fuit ingenti digniſ ſimus, quia illud aſſecutus eſt, quod in virtute rarum eſt adeò, & excelſum, ſubmiſſione animi cuſtoditâ, indemni ſanctimoniâ: & ruruſum inter delatos ſibi ſanctitatis honores, ſuperbiâ non admiſſâ.

Serm. 13. in
Cant.

Ser. 45. in
Cant. 6.

Ep 42. cir
ca med. v.

Tres gradus, vt auctor eſt Bonauentura, hæc virtus amplectitur: putare ſe vilem; optare ſe haberi talem ab alijs; & à diuinis, ſummis licet muneribus non extolli. In his verò omnibus, vt ſenſim explicabimus, Baltaſar in paucis excelluit.

Proceſſu 6.
relig. c. 21.

S. I.

Primò, veluti plurimo colluſtratus erat ipſe lumine ad Deum, cuiusque amplitudinem pernoſcendam, ita eodem imbutus erat, vt ſe ipſum, ſuumque nihilum peruideret. Quæ duo ſimul ferè iunguntur; & quædam veritatis eſſata docent, quibus Chriſtiana humilitas innititur. Horum vnum illud eſt: Plurimæ ſunt miſeriz, & ærumnæ, quibus ſuapte natura obnoxij homines ſunt, niſi Deus aut illos ab ijs eruat, aut ab ijs illa prohibeat. Id in multa vidit luce Baltaſar: de quo ſuo in autographo ſenſus profert egregios: „ Diluculo, inquit, aliquando excitatus ſuauiſſime ſum à ſomno, „ cogitatu nimirum, ac ſenſu tali, qualis in omni antea vita mihi „ nunquam obuenerat: eoque noui, quid ſit apinus coniunctus „ cum Dep, & quid ab illo diſiunctus; vt ab illo auulſus pura ſc-
ditas

Menſe O. 3.
1574.

„ditas, & mera nox, & sola mutabilitas est, acerbior est pulueris
 „ad ventum acriter flantem, magnetica acus polo auersa; denique
 „animus sine Deo, stultus ac stupidus est; cum Deo contrâ, est ve-
 „luti Deus. Hæc verò qui statim à somno commentabatur, cum
 „de his diu meditatum fuisse vigilantem apparet: Nec frustra
 „sensum hunc illi Deus multa suauitate perfudit: namque, etsi quip-
 „piam videtur insulsum, intelligi à quoquam suorum criminum,
 „deformitatem, inscitæ suæ noctem, suorum mutabilitatem consi-
 „liorum, pulueris sui aduersus tentationum incitata flamina leuita-
 „tem; & inquietem, qua is agitur, qui à Deo disjungitur, ab eaq;
 „diuina cynosura auertitur, huic tamen cogitationi saporem Deus
 „nouit aspergere, eâ, quâ perfunditur animus voluptate, dum si-
 „mul miserationum barathrum videt, simul eius immunem se fore
 „Deo coniunctum intelligit.

Ingenti etiam lumine Baltasarem Deus collustrauit, vt errata sua
 quanquam leuissima, & quantum vilesceret inde, dignosceret: cum
 primis verò, quòd, eorum permixtu, diuina munera corruppe-
 bat. Quod ex his eiusdem ipsius autographi verbis intelligi li-
 quidò potest. Cum à Deo peterem, inquit, vt suam in gloriam
 cogitatus meos omnes, verba, operaque dirigeret, euigilanti
 manè, & adhuc semisopito, vno statim momento id meo se ob-
 tulit animo quod nunquam aliàs comminisci, nedum petere po-
 tuissem. Nihil enim tale suspicanti hic mea menti sensus altè
 iniectus est: Nostram hanc in spiritu vitam tela instar esse At-
 talicæ, obrizo auro luculenter intextæ: & quemadmodum non
 deforme parum est, vnicui illi de stamine rudiori filum inser-
 tum; aut tenuissimo amictui frustulum panni crassioris assutum;
 ita non parum officere cogitatus nostros, verba, operaque ijs ad-
 miscere, quæ nobis diuinum Numen immittit: Vni nempe au-
 teræ cogitationi à Deo nobis iniecte, duodecim ex nostris tene-
 bricosas adiungere; vni eiusdem verbo, quo nos excitat, viginti no-
 stra inania, quibus euagamur, quòd & quorsum ignari; vni operi,
 quod ille nobis imperat, quatuor, sex, aut alia còplura submittere,
 quæ ipsi spòte suscipimus. Vt enim prætiù tela ferat, Dei texenda
 est cogitacibus, verbis, & operibus; & ijs, quæ bona in nobis
 ipse contexit, alia debemus & nos bona subtexere, vt tela in-
 crementum accipiat. Scrutis hisce tamen nostris, atque cen-
 sionibus ea non parum insciuntur: namque in extimis, atque ma-
 teriatis sensus quidem noster oculatissimus est; eiusdem acies ad
 spiritu alia hebescit. Doceamur hoc ab rebus hisce corporatis.
 Non leniter auersamur, in appositis pomis, malas cum bonis
 singularim buccas alternatè: in vuz racenio corruptum semper aci-

„ acinum sincero succedere: quòd si ferula cœnæ omnia instru-
 „ ta sic essent, ab illa nemo non nauseabundus abiret. Ità etiam
 „ in consito laſcivis horto, innoxias in ijs nò plures haberi, quàm
 „ sex; in conferta pyris arbore, duodecim integra numerari, non
 „ plura: in æde latericia, duodenos tantùm laterum ordines ostēdi
 „ non malè compaſtos: in imagine, quæ vitio tantùm vno fœdatur,
 „ vnum modò laudari graphicè pictum in ore: candidæ membra-
 „ næ ad singula verba lituras induci. Hæc verò non leuiter ob-
 „ sunt; resque adducunt vtique in contemptum. Atquē id peccat
 „ animus, quem Deus expetit ex omni parte mundissimum, for-
 „ des admiscens suorum cogitatum, verborum, & operum, sobo-
 „ leni propriæ voluntatis, quam oportet esse diuinæ. Hoc verò
 „ haud sanè imaginariū, sed verissimum est effatum Dei compro-
 „ batū oraculo, nobisq; ijs verbis expressum, *Vniuersa insititia nostra*
 „ *quasi pannus menstruatus: & abscondit faciem suam à nobis.* Neque
 „ verò nostrorum hæc est malorum summa, sed & illud accedit,
 „ quòd hæc viuendi, agendique ratio, qua parentes, maioresque
 „ nostri, Dauide affirmante, animos posuere, minimè nos sub-
 „ mittit; neque nos coram Deo pudore suffundit. Artifices, quos
 „ dicebamus, cœmentarium, pictorem, & scribam, coram ver-
 „ naculo ipsorum errata intelligente puderet; at nos præſente,
 „ Deo, ac spectante non pudet. Stomachatur nos ille, nos verò
 „ nobis placemus. *Facta est nobis frons mulieris meretricis: nolui-*
 „ *mus erubescere.* Tertium his malum accedit: nos nimirum tot
 „ malis, misturæque vitiorum tam fœdâ non deiici; & ex tantulo
 „ contra bono gloriolâ statim efferrî: quo fiat, vt illud etiam tan-
 „ tulum, si minus funditus interit, at certè corrumpatur. Au-
 „ reum granulum immerſum cœno, tantillus vnio inter sordes,
 „ flosculus sentibus vndique septus, & obrutus, elegancia hæc cer-
 „ te sunt, sed iminixta deformibus. Quid verò turpius, aut quod
 „ animum in nobis altius iure, meritoque conuulneret? Hæc, do-
 „ cente Deo, sentiebat ille de nostrâ hominum sorte miserrima:
 „ à quibus sub mittebat ipse sese, ac se apud seipsum confundebat.
 „ Eandem in sententiam, hanc etiam Deus illi sua errata reputan-
 „ ti cogitationem iniecit, hoc simili: Quando tandem scribere
 „ incipies sine lituris, & mundè? quando characteres ducere pa-
 „ res, ac rectos? quando concinnè expedireque litteras conſor-
 „ tinare? quasi diceret: Adhuc inter pucros es, & in virtute noui-
 „ tius; nihil didicisti hætenus absolutum efficere.

Ducente etiam Deo suum descendit in nihilum; vimque pertenuem
 nostrarum industrialium didicit ad Numinis diuini obsequium
 prouehendum; à nostræ nimirum habitudinis imbecillitate:

Isa. 64. 6.

Ps. 105. 43.

Isa 3. 3.

Rom. 9. 16.

te; illud huc referens D. Pauli, *Non est volentis, neque currentis, sed Dei misereantis*. Diuinæ namque benignitatis vi nos erigimur, cui non minus infirmi, quàm qui fortiores videntur esse, sunt apti. Quodam, inquit, die, animo habenti peragrè, eaque, propter ad Deum aridæ instar telluris clamanti, ea mihi oblata, est cogitatio tenerrima, Quàm Sapienter constituerit Deus, ea, vt omnia, quæ quisquam habet, aut valet, ab ipsius saauissimi manu proueniant; vt & bona sint quæ quis habet, & obtinere à Deo plurima, eaque tutò valeat retinere; eorumque largitore cognito in agendis illi gratijs immorari. Hinc illud erat, quod ipse aiebat; In omni re, omni tui fiduciâ abs te procul, abiectâ, à Deo esse vniuersè, vniceque pendendum. Fiduciæ, inquit alicubi de me meæ errorem mihi depulit Deus aliquando, non secus, atque cum alicui spectrum obijcitur, isque ab eius aspectu stupet. In euentibus itineris suscepti, liquidò mihi prius ostenderat, integrum mihi esse de ipso in omni re vsque, confidere; at nunc de me prorsus in nulla, in scientia item, atque virtute. Verba me piis in cohortationibus destituebant, hærebamque suspensus: sensi insitam ijs vim, vitam esse ipsius: quare deserto me, permittere me totum ipsi vni constitui. Dilucidius luce ipsa vidi, meis in periculis securitatem mihi ab ipsius fuisse tutela; meamque in loquendo scientiam, eam fuisse partem, quam de sua sapientia mihi ipse bonus impertit: hanc verò illam vnam esse, qua fructuosè res fiant. Atque inde intellexi oportere nos in omni omnino re à Deo, eiusque summa in nos beniguitate pendere.

Ecc. 18. 6.

Denique vt primum hunc humilitatis gradum quàm perfectissimè obtineret, à Dei offensa, & boni, quo potiretur, iactura, neutiquam fortè recuperandi deinde, metuebat sibi persanctè: in eius proinde custodia fiebat ab hoc metu solertior. Cumque abesse, prope ab nihilo possessum ab se bonum duceret, progredi nempe auidè cupiebat, Ecclesiastico de viro humili affirmante, *Cum consummatus fuerit, tunc incipiet*, quasi hætenus non cœpisset. Hinc ea illius erant vota peranxia, quibus à Deo petebat, vt ipsum ad sese aliquando conuerteret; quasi nondum conuersus esset. Suisque in aduersariis illud habet, Februario mense anni 1574., quo tempore in tantum, vti vidimus, virtutis apicem prouectus erat illud sibi obuensis dubitandum in precibus, Vellentne conuertere ipsum Deus: acquieuisse verò se hoc adductum sensu, de clementiæ diuinæ fiducia; petito nimirum exemplo ab sese, in hunc modum. Si te quispiam læderet, suumque deinde crimen secum reputans, ab illo hæreret exanimis, an non id tibi gratum accide-

„cideret? Etiam sanè. Quòd si perspicua eius offensæ cognitio
 „pudore, doloreque illum afficeret adeò, vt quamcumque pœnam
 „ea propter luere non detrectaret; consilio etiam, vòtoque certo,
 „deinceps talia non peccandi; an non, amabo te, id esset tibi iu-
 „cundius? Nempe. Quòd si id per se ipse non posset, tu ne illi ad
 „cæcitatem sui animi dignoscendam, atque ad hæc vniuersa præ-
 „standa, saltem quod ad te, illaramque tibi iniuriam spectat, opi-
 „non esses? Esses profectò. Quòd si qui tibi fuit iniurius, is etiam
 „plurimum tibi deberet; ab eoque te diligere, amicitiamque tecum
 „redintegrari percuperes; optares id etiam ab eo fieri; atque ad
 „id duplici illum nomine adiuuares; altero quidem tuæ offensæ
 „causâ, altero ipsius exitij: câ enim illius conuersione & tuæ fa-
 „ctum esset offensæ satis, & eius malo còsultum. Atquæ si hæc om-
 „nia cum illo tu quidem ageres, qui te affecisset iniuria, quis possit
 „esse dubitandi locus, an idem velit agere tecum Deus; gauisurus-
 „que sit, quòd te ipse auertas à culpis, atque ad ipsum conuertas?
 „quòd tuæ stultitiæ respectu obstupescas, eamque sic desleas, vt
 „eius causâ subire acerba, quæ ipse velit omnia, sis paratus? isque
 „iam sis, vt ab ea taciturnum cogitatione, ne fortè aut talia, aut simi-
 „lia rursum pecces, totis artibus contremiscas? Quòd si tu iniu-
 „rios tibi hac opè iuuares, cur animum despondes, eadem ratione
 „adfore Deum suis? respiscentes auidè amplexurum, primò qui-
 „dem sui causâ, tum ipsorum: nam ij & ad ipsum pertinent, quos
 „vti parens amore complectitur, seque amari amat ab omnibus. In
 „hunc modum seruus hic Dei humillimus erigebat sese; neque enim
 „humilitas vera meticulosa est: neque animum abiecit, aut despe-
 „rat: quin immò quantò minus suis viribus, tantò magis diuinæ
 „opì confidit: cumque per se ipsa nihil se posse intelligat, sperat fo-
 „re vt omnia possit in Deo.

§. II.

AB hoc primo humilitatis gradu progressus est Baltasar in-
 „alterum; vilem, despectumque ab alijs haberi cupiens, pro-
 „que his meritis ab omnibus tractari se gaudens. Studebat porrò
 „collata in sese Dei munera, cæteraque tum naturæ, tum gratiæ
 „bona, quibus æstimari posset ab alijs, quam diligenter occultare.
 „Cumque ab hoc abhorreret initio, silentium hoc ratus rem esse
 „perarduam, id illi venit in mentem: Plura ne, maioraque Dei Fi-
 „lius non celauit? Atque hîc protinus acquieuit, suique se perpu-
 „dicit: ac diuinæ in se largitatis munera, & verò per plurima exin-
 „de diligentius occultauit: ac proinde relicita ex ijs fuisse perpau-
 „ca.

ca. Contrā verò sua naturæ vitia studiosè semper exposuit; se neque oris dignitate, neque eruditione, ingenioque, aut re demum vlla, ob quam aliquo habendus esset loco, esse ornatum affirmās. Quin inuicem sua idecirco vitia vltro alijs detegebat; vti Ægidio Gonzalez Abulensi Callellanz Prouinciæ Inspectori detexit, cùm gubernacula ipse teneret Collegij Methymnenfis. Quem vbi primò per otium allocutus est, suam illi conscientiam extra piaculare sacramentum pro more Societatis aperiens, peccata omnia, quæ in vniuersa vita ad eum diem admisserat, ei nequicquam repugnanti patefecit. Quæ res illum tanta admiratione percudit, tanto se conferens, quid qua ratione ageret, præ submissione tam insigni stupens, dispicere planè non posset. Hæc verò narrauit ipse Gonzalez sanctissimi huius viri demissionem euulgans; neque deinceps obtrectata in ipsum vera esse, persuadere sibi vnquam potuit, quæ Deo permittente contigerint; vt appareret quàm verè, fortiterque despiciatui haberi cuperet, qui nempe ipsis contemptibus maior esset.

Atque hæc submitissio est longè præstantior. Quanquam enim præcellens ipsius actus est, diuina munera, declinandi causâ honoris, recta habere; excelsior quoque est, sua exhibere arcana, crimina, ad contumeliam sibi parandam; præstat tamen his omnibus, collatis in se ab alijs ignominijs, probriisq; gaudere. Namque, vt probè Cassianus aduertit (quod & Monachi cuiuspiam exemplo confirmat, qui humilis, specie quidem tenuis, re tamen ipsa non erat) De se, inquit, contumeliosè nonnulli loquuntur, quò ab alijs humiles habeantur; dictis ab se tamen dissentire alios, eaque referri ad Christianam humilitatem maximè cupientes; qui cum fortè carpuntur ab alijs, mœrent, dolentque, neque patientiam sciunt animo custodire, nec pacem. At verò Baltasari non iucundum erat modò sese contemnere; sed & probrosis, quæ ipsi euenirent, rebus maximè lætabatur; quod exempla, quæ mox subijciam, confirmabunt.

S. III.

AB his in tertium humilitatis gradum euasit, nullâ se gloriolâ effereus ob collata sibi à Deo chariuata, muneraque. Et enim cum ea summâ essent æstimatione dignissima, habebantur ab ipso tam nihili, vt cohortationes suas in obsoleta papyro, aut epistolarum inuolucris exararet: affirmabatque se ab domesticis omnibus doceri pariter, & confundi: atque ab vniuersis, etiam sub-

subiectis sibi Tyronibus gaudebat addiscere. Eorum aliquis ipso Pentecostes peruigilio, specimen scientiæ, facultatifque suæ daturus, pro eorum more qui Societatem ineunt, piam cohortationem habuit, in qua illud inter cætera effatus est; Diuinus ad nos è Cælo Spiritus aduenit: illi nos obuiam eius ornati insignibus procedamus: atqui Spiritus ille diuinus est; ei nos igitur cum spiritu occurramus. Hæc illi ratio sic arrisit, vt eam multo cum sui animi fructu sæpius repetere consueuerit. Ex nouitijs aliquis, in pia aliquando, pro more Tyrocinij, collatione, ingenti se, inquit, pudore suffundi, quòd tantis viris essent impedimento res tantulæ. Id verbum Baltasari hæsit tam altè, vt plurimos de illo à Deo sensus acceperit: cuius dicti veritatem cum sæpius reputaret, non modò nihil tædij capiebat ex eo, sed, tanquam nouum, ipsi semper gratissimum occurrebat.

Ex Patribus aliquem aliàs dicentem audiuit, adolescentulum quempiam rogatum, Quamobrem vir ipse Princeps modico in pago degeret, respondisse, quia illic sua haberet bona. Vir sanctus, qui ex omni re pietatis sensus eliceret, hausit hinc illud, Christum Dominum inaccessam in cælo gloriâ perfruentem, morari nobiscum in terris; quia hic sua habet bona; animos nimirum, quos curet, atque custodiat: idcirco in accubitu sacræ mensæ illud vsurpatur, *Corpus Domini nostri Iesu Christi custodiat animam tuam in vitam æternam*. Id postquam secum animò sensit, Patri hæc elocuto dixit, Ego verò is sum, vt puerulus quisque me doceat. Ij propterea, quibus Baltasar præerat, aliqua pro rei opportunitate quandoque illi suggerebant, quòd fructum inde ab eo percipi perquam submisè viderent. Significauit illi nonnemo, se apud D. Thomam legisse, Primo Mundi æuo nullum fuisse idolorum cultum, quòd recens esset niemoria Conditoris: id verò valere plurimùm ad precationis vim pernoscendâ; quæ cum memoriam renouet summi rerum Auctoris, immodicum erga res procreatas amorem à nobis abstinet, & expungit. Quod in Baltasaris animum ita descendit, vt suspensus diu subsisteret: ac deinde D. Thomæ locum indicari sibi ab eo voluit, vt rem altius animo scrutaretur. Mecum verò id illi accidit, quod capite trigesimo quarto commemini.

In tam inultis, quos obiit, magistratibus, nihil in eo arrogans, tumidumque vnquam apparuit: vbique enim sese cæteris adiungebat: in rebus verò humilibus anteibat: eratque in deferendo alijs, etiam sibi subiectis, honore perdiligens. Tyrones Villagartix cum institueret, Scholasticos in absolutis iam studijs illuc ad ponendum tertium probationis annum adeuntes obseruantia

rantâ colebat, vt ipse, qui tunc in ijs eram, ab eum in me reuerentia maximoperè erubescerem. Dono verò egressiens, si ex grauioribus Patribus alicui comes irer, non committebar, vt ille sibi nisi dexter incederet. Toletum verò cum eius Prouinciae administratione profectus, ipso in aditu, vti deinde docebimus, subiectorum sibi manus flexis genibus exosculatus est.

CAPVT QVADRAGESIMVM.

Tempestas id temporis in Baltasarem coorta de ipsius ratione precandi. Heroica eiusdem submissio, ac tolerantia in contumelijs exorbendis.

Q Vanquam præclara humilitas est, quæ inter fausta, & honorifica constat sibi, non ea tamen explorata satis est, neque radices egit altas, aut summum attigit apicem, quandiu probra, & aduersa non pertulit: quibus, vti superiore capite ceptum est dici, verène quispiam de se submissè sentiat, contempnique amet ab alijs, approbatur. Ea enim vbi eueniunt, gaudet, quod veluti se dignum putat, accipiatur ab alijs: & quæ veritati consona erat ante submissio, tunc & caritati consentit; suas contumelias in amoribus habet, ijsque largiter oblectatur. Tunc & mansuetudo præfulget, inducâ in frænum irâ, quæ aduersus sui contemptores irritatur: patientia, mœrori temperans ab despectu scilicet erumpenti; caritas in infensos, cum idem contumeliosos sibi amat, humaniterque de ijs loquitur, à quibus ipse proscinditur: fiducia in Deum, quando, etsi calcari se conspicit, animum non despondet: Dei denique amor, cui perinde inter præsentia hæc acerba, atque inter alia iucunda peramanter obsequitur. Idcirco verò (quod obseruat Chrysostomus) salutis nostræ Vindex, eorum quos elegit, vitam, ad sui, suorumque Apostolorum similitudinem, texi gaudet honorificis, ac probrosis, lætis, ac tristibus; ijs vt omnibus sint maiores: quod si efferuntur prosperis, submittantur aduersis: rursus si animum hæc affligunt, illa erigant; quibus, vt docet Paulus, Administri efficiantur Christi fideles, verâque manu decertantes, *Per arma iustitiæ à dextris, & à sinistris: per gloriam, & ignobilitatem; per infamiam & bonam famam; vt seductores, & veraces:* sic vt aliquis, aduersarum causâ rerum, muneri suo integrâ fide obeundo non desit.

Hom. 8. in
Matth.

1. Cor. 6. 8.

§. I.

IS verò Baltasar fuit, cuius periculum eiusmodi euentibus sumere collibitum est Deo, ibi eum fodicans, & exercens, ubi rei, quam ipse plurimi faciebat, dignitas nitebatur. In his enim suos exereere Deus aſſolet, vt, quò experimentum est acrius, eò etiam fidelitas in eo, atque submiſſio magis eluceat. Communes quidem homines ijs exercet, quæ honori atque delicijs, quibus ij gaudent maximè, aduerſantur: Litterato, eruditionis opinione, quam amant: At verò ſanctiores viros, qui virtutes, & ea, quæ pietatis ſunt, rebus cæteris vniuerſis anteferunt, ijs, quæ ad hæc referuntur, explorat. Hæc verò vna cum magni à Baltasare duce-
rentur, in his periculum eius ſumpſit; conſtituitque illum non in-
timis modò exercere moleſtijs ariditatum, nebularum, ſtuporis
animi, ac cæterorum, quæ ſupra meminimus; at extimæ etiam
tempeſtatis fluctibus quatere, & iactare. Quæ procella exorta in
illum eſt, quo tempore Methymnenſi Collegio moderabatur; eun-
demque proſecuta eſt Villagartiæ degentem: factumque Dei permis-
ſu fuit, vt minimæ litteraturæ homo, quique in errores & ipſe
inductus eſſet, & alios induceret, ab aliquibus haberetur. Ij enim, vt
qui collatum à Deo Baltasari contèplationis donū tam excelleſe non
nouerant, rem ad Satanam ſeſe in lucis Angelum induentem ſcili-
cet referebant: eumque propterea vrgebant, vt ab eo premendo
calle deſiſſet. Neque verò deſuit, qui comminatus illi eſt, ipſius
ab ſe nomen ad ſacrum Fidei tribunal delatum iri; veritus fortè,
ne Illuminatorum, quos appellabant, errorem aliquem animo im-
bibiſſet. Ea etiam ſuſpicio fuit, ne precandi methodum, formæ-
que ratiocinatione, ac meditatione, vti mos eſt in Societate,
probaturque à viris ſanctiſſimis, ipſe contemneret: aliâ verò ſin-
gulari, ac periculosa formâ noſtros vellet imbuiere: quamobrem
illi ex grauioribus Patribus aliqui pij ſtudij ardore aduerſaban-
tur. Neque verò eſt cur id quiſquam miretur: In Eccleſia enim,
ac Religioſis Ordinibus haud ſanè nouum illud eſt, diſſidia quan-
doque, ac certamina laudabili ſtudio ſuſcipi inter iuſtos, qui pu-
gnantes inuicem ſententias tueantur; vnoquoque ſibi veritatem
adiudicâre: ſeu, ſi quiſquam vera propugnet, ea verò putet ab alio
impugnari; quanquam perperam itâ reputat. Etenim ſi cuſtodes
hominum beatiſſimæ Cæli Mentis ſibi quandoque in ijs aduerſan-
tur, in quibus de diuina ipſis voluntate, dum doceantur de illa,
non liquet; quod apud Danielem legimus, nimirum *Angelum*
Principem Regni Perſarum reſtiſſe Angelo cuſtodi Hebræorum; mirā-
dum

dum nihil est dissensiones eiusmodi inter viros, probos licet, atque doctissimos euenire. Cum enim homines ij sint, multò sanè faciliùs eos aliqua veritas latet, aut falluntur etiam, rati eam ab illo impugnari, qui illam amat potius, ac tueretur. Id actum cùm Baltasar est, de quo grauissimi, ac religiosissimi, optimèque sentientes viri suspicati ea fuere, quæ diximus: deque ijs omnibus Generalem Euerardum Mercurianum litteris docuere: cui cum Baltasar non perinde cognitus esset, atque ipsius Prædecessori Francisco Borgiæ; multum verò auctoritate valerent, communique bono studerent maximè ij, qui ea conscriberent, rem Generalis cognosci diligenter iussit: eaque prouincia demandata est misso ab se in Hispaniam Inspectori Iacobo Auellanedio. Is verò Collegium, cui tunc præerat Baltasar inspiciens, scripta sua omnia iussit illum exemplo deferre; velle se ea perlegere, ac pensitare: quæ ille Tyroni persimilis ad eum actutum detulit, verbo ne vno quidem edito, quandiu ea penes se ille habuit. Sermonemque hac super re viris alijs, litteris ac virtute perornatis cum ipso inferentibus, silentium custodire ipse, ac patienter ferre; seque aliorum examini, censuræ, contemptuique permittere; perraro tolerantia, atque submissionis exemplo. Per id tempus corrupti aliqui, falsique in ipsum testes prolati sunt; quibuscum perinde Baltasar agebat, atque si non vexaretur ab ijs: ipsa re præstans, quæ verbis docuerat, Veram neque humilitatem sine submissionis actibus, neque patientiam sine forti pugna consistere: summam verò virtutis in eo sitam esse, vt fructum quis norit ab hisce rebus opportunè percipere: fructum verò præcipuum illum esse, nosse ipsum se probè submittere, sustinere, ac tacere; priuatâ nominis famâ, Dei ergo, in discrimen oblatâ. Quæ confirmaturus, animosque cæteros in suo Collegio additurus, illud quandoque inter cohortandum asseruit; suam ab se aliquando famam in casum fuisse datam: exinde cæpta in se munera à Deo cumulatione profunda. Rei locus hic fuit: In Prouincialibus comitijs grauius aliquid affirmatum de ipso est, eoque nomine oburgatus est, palam in Patrum confesso: cumque an pro se satisfaceret, secum ipse perpenderet, pendebat nimirum animi: nonnemo enim ex grauioribus, sanctioribusque Patribus auctor illi erat, vt purgaret sese, quod tanto posset iure, tam verè: atque etsi vrgebatur ab eo, quòd plurimum esset momèti in ipsius existimatione virtutis apud nostros æquè, atque apud extrarios; reputans tamen id cõsiliū naturæ ingenio adblandiri, illi porro Baltasar haud credidit: aliumque præstantem virtute Patrem consuluit; à quo illud accepit; sacrificium Deo fore augustissimum, parcere verbis; neque pro

pro se quicquam vel palam loqui, vel clam. Obsecutus Baltasar est: resque illi celsit cum Deo tam prosperè (à quo nempe tam heroico silentio dona reposita fuere largissima) vt auctori consilii gratias egerit perfrequentes; ipse verò silentium vt in hisce, quæ nunc dicimus, sic etiam in cæteris omnibus custodiuit, quandiu se, suaque tueri ab Obedientia non cogeatur.

Illud interim vniuersè erat ipsi solatio, precibus, & sacrificijs ad Deum confugere; ex quo responsa referebat, quæ in arctis adeò rebus ipsius animum explicarent, ac permulcerent. Quod ea docent; quæ in ipsius autographo leguntur: in quo illud est, se per aliquid sibi aduersum magnis obstrictum angustijs die Dominico post Pentecosten nono, quatuor à Deo sensus hausisse, quibus sese ab ijs prorsus expedierit. Primus fuit, ex eius diei epistola: *Fidelis Deus est, qui non patitur tentari te supra id, quod potes.* Alter, antequam diuino epulo vesceretur, hæc ipsi suggerente Deo: Si religiozæ vitæ amarulenta hæc deessent, quid ferendum tibi mei causâ suppeteret? Illudque occurrebat animo, Nisi sum degener, horum similia, atque his acerbiora optanda mihi esse complura: Iustorum verò vitam ærnnis vacuum similem esse Christi seruo vepribus spoliato; pretiosæque vesti, quam auræ cuspidulæ non distinguant. Tertius: ipso in vsu diuinæ Frugis interiorem vocem sibi dicentem audiuit: Hoc age: quid porro pro te agendum est tibi? quasi diceret: lita, vt facis, ac sume meum corpus, & sanguinem, quibus ad aduersa ferenda confirmaberis: boni verò tui ergo, quid vsquam est quod libenti animo agere te, patique non deceat? Quartus, post sumptam Eucharistiam inter agendas gratias, his secum verbis; Recipe animum, & cape solatium, illud tecum ipse reputans, te ærnnis hisce, spectante & cognoscente Deo, exerceri: cùmque à te illas possit auertere, non auertit tamen, maiore licet amore te ille, quàm tu te ipse, complectatur. Argumentis hisce tam solidis suo huic famulo animos, viresque Deus adiungebat, vt angustias, & ærnnas intimas, extimæque, perquàm patienter, ac submissè perferret.

Quin & solitario affatu se ipse Baltasar excitabat, inquiens: Falsò existimas, initum iri Cælum à te vndique integro, aut leuiter tunc so, scalp troque. Cæli namque Regnum aditur ab laceris, truncis, impulsis, expulsis, ab ijs denique, qui hæc, aliaque similia horum opprobria deuorarint. Qua verò fronte tantos inter Duces, & Heroas appareas tam ignauus, qui, si tuæ causæ cognitionem Deus tibi permiserit, tu te ipse condemnes? Illud Deus vult à nobis intelligi, Bonum à nobis ingens expeti, & expectari, cuius causâ tam multa perpetimur. Si audus quispiam, multum

Mense In-
iso 1575.

1. Cor. 10.
13.

pecu-

pecuniarum, ac temporis in vinea colenda contriuerit, ubi verò easpem, ac speciem vberriini fructus ostendit, verberata grandine consternatur, quid ille secum animo sentiet? Quòd si aurea decideret grando, quantum inde gestiret? At enim iactura vinceretur à lucro. Atqui aurea, & quidem pretiosissima grando sunt, contumeliarum, quibus, qui eas perpeti probè nouerint, locupletantur.

Matth. 11.
29.

Dicitabat etiam, per id rerum, ac temporum, illud à quoque spectandum esse, Caelitum in se omnium ora, & oculos esse conuerfos; expectare illos, ut is, quidquid istud est ardui, superet, ex coque lucri accessionem efficiat. Inculcare etiam Christum Dominum: *Discite à me quia mitis sum & humilis corde*: nostrumque ab eo animum hæc inter aspera obseruari, quemadmodum, iram mansuetudine, contemptum submissione peruincimus: ne iustæ illi saltem in nos querelæ sit locus, quòd minimum ipsius verba, & exempla curemus. Facile ne, inquit, ferri à Præposito putas, cum, munera ipso communia obeunte, non satis inde ad eadem sedulò peragenda cæteri excitantur? cum, ipso ad purgandam domum, lancesque detergendas vltro se submittente, non satis id valet, ut alij ad eadem præstanda conspirent? Cum, eodem ipso ad matutinas preces surgente, diluculò, pigritant alij somnulosi sub stragulis? Atqui si homo, tantulus nimirum pulvis, grauati fert, quòd sua ipsius verba, & exempla sine fructu vaneſcunt, quis erit Christo Domino sensus, quòd ipsius & carent obsequio verba, & abeunt in obliuionem exempla?

Ex D. Ber:
serm. 3. de
Natiuitate.

§. II.

Hæc, & similia perputans, confirmabat sese inter aduersa, & ex ijs oppidò proficiebat. Etenim non modò in contemptores obtrectatoresque suos, iram, aut indignationem nunquam, euomit, sed animum in eos equè beneuolum, gratumque deprompsit, atque si ab ijs ingenti quopiam beneficio fuisset ornatus. Singularis certè virtutis argumentum; eiusque Seruatoris Christi persimilis, qui venditorem, proditoremque suum peramanter excepit. Id verò Baltasar pluribus ostendit rebus, ac locis. Etenim Salmanticæ intimum sibi ex nostris fratribus aliquem, affirmantem ipsi iniquius agere nonnullos ex Patribus, qui perperam de ipsius rebus sentirent, ac dicerent, interpellauit aliens, Hos ego Patres veneror, & in oculis fero: ij enim sunt, quibus, mei animi causâ, plurimum debeo; & per quos multum lucri, bonique percepi. Villagartiam verò cum Rectoris munere proficiscens, ubi

vbi ex his Patribus aliquis morabatur, sub ipsius potestate futurus, eidem fratri suggerenti fortè, locum ibi fore docendi hominem, quàm malè de ipso meritis esset, respondit: Is erit, quem ibi maximè colam, & consulam. Quo in Collegio cum Subministrò diligentissimè commendasset, vt horum cuiuspiam benigniùs indulgeret; fluderetque præcipuè ne quicquam ille desideraret; conscius is rerum, admirans ait: Quorsum tu mihi Pater aduersus illum indulgentiam hanc tantam imperas? Cui Baltasar amanter: Quò, inquit, hominem lucrifaciam: quòd si secus successerit, at ille me lucrifecerit. Alius etiam quispiam in eodem Collegio, quæ de ipso serebantur, Baltasari retulit: subrisit Pater, editis læritiæ plurimæ argumentis; eiq; quoniam gestiret nomine, percontanti, perquàm hilarè respondit; Quòd nunc à Deo amari me intelligo, cum suorum me amicorum viâ deducit: qui sollicitus hæcenus fui, quòd Deus mihi mei nimirum immemor videbatur.

Aliàs in re simili narranti quippiam, quod insignes in Patribus aliqui grauius in ipsum, bona tamen mente, consciuerant, Profectò, inquit, eorum deinceps memoriam apud Deum in ara quotidie vsurpabo. Præstitit quod dixit, Christi verbis obtemperans; *Orate pro persequentibus, & calumniantibus vos, vt sitis filij Patris vestri, qui in celis est.* Ità Baltasar utebatur ad fructum opportunitatibus, quas illi Deus ideo offerebat, vt hæc nimirum via eâ illum impertiret pace, qua potitus est; animo rebus omnibus prosperis iuxta, atque aduersis maiore; sic vt ipsius mentem perturbare, aut commouere nil posset.

Hinc ea illius erat vis, qua, inter cohortandum, de amore contemptuum dislerebat; alios ad voluptatem ex ijs capiendam inflammans, quòd eos tam vtiles ac quætuosos esse expertus ipse cognosceret: quandoque etiam, vti ex dictis apparet, se ipse, ad nos in re tam ardua confirmandos, proponebat exemplum. In hanc rem illum memorantem. audiui pia in allocutione, quod ipsi ab Salmanticensis Collegij gubernaculis Villagartiam, ad capeffendum ibi Rectoris munus, proficiscenti, in via fortè euenit. Viatorum namque, qui se illi comites addidere, non nemo, percontatus est, vt fieri solet, socium, quis ille Patër esset? vnde & quò, & quorsum iret? Eo autem rem, vt erat, eloquente, perquàm seriò subiecit ipse; A gubernaculis celeberrimi Salmaticësis Collegij Villagartiam, ad oppidulum tantulum descendere gubernatum, rem bonam id certè non olet: illud innuens, quòd & ingressi sunt alij, exilii genus id esse, homini nempe alicuius culpæ nomine irrogati. Vir sanctissimus hæc vbi dicta rescit, gaudis

est à contemptu: affirmantque nobis, despectus sine culpa, exos-
 ses videlicet esse buccellas: quarum plurimas illi Deus ingessit, vt
 maiora efficeret incrementa virtutum. At enim quæ commemo-
 rata sunt omnia, non ipsius modò culpa vacarunt, sed, quod præ-
 stantius est, sanctis adeò de causis, vt gloriam ob eas plurimam
 commereretur: crucem, non vt bonus latro, debitam suis fla-
 gitijs ascendens, sed, veluti Christus, innoxius; illi affixus ob
 illustria, heroicaque ipsius opera indignè ac perperam censa; quæ
 illi apud mortales vniuersos honorem, cultumque conciliare de-
 buerant: Deiparæ etiam Virginis, cuius erat amantissimus, imi-
 tatus exemplum, quæ ab suo sponso Iosepho adulteræ suspitione
 perstricta est, illius causâ conceptus, ob quem digna erat gloria
 immortalis. Sed & ab Iosepho eâ suspicante absuit culpa, ignora-
 nempe arcani tam profundi, tam noui. Tunc verò lautiores sunt
 contumeliæ, cum ex sine vlla præuia noxa despecti, despicientis-
 que proueniunt, à bono nempe studio inscientis, quamobrem is
 culpi à vacat. Quanquam enim iusti gaudent contemptibus; læ-
 titia tamen illa retunditur mœrore, quo illos afficit diuina inju-
 ria, animique spiritalis iactura, quam contemptor nempe perpe-
 titur: culce porro vndique est opprobrijs Dei causâ vexari, vbi
 nulla eam ob rem offensa eius interuenit: eiusmodi verò illa fuere,
 quæ de Baltasare commemorata sunt.

CAPVT QVADRAGESIMVM PRIMVM.

*Tempestatis huius occasiones: Responso, quibus obiecta
 sibi aduersus precandi formam silentio, & quiete
 Baltasar diluit: Rei denique totius euentus.*

Infelix adeò mortalitatis nostræ fors est, veteratoris verò sty-
 gij, Deique munerum osoris versutia est tam improba, vt lu-
 cis se in Angelum induat, quò nos fallat; deque diuinis ipsis do-
 nis materiam tentationi struat, qua destruere illa molitur. Ve-
 rum vt hequam ille nequitie suæ specimen edit, dum exprimere
 malum ex bono connititur; ita potentie ac bonitatis suæ argu-
 menta Deus exhibet, dum elicit ex malo bonum. Qui si inconsul-
 tos aliquos, ardore sed imprudenti virtutis, abuti nempe finit
 Sacramentorum frequentia, precationis tacite & contemplatio-
 nis vsu, eo permisso ingens aliquod spectat bonum aut eorum,
 qui aberrant, ipsique se corrigunt, aut aliorum, qui alienis ni-
 mi-

nrum erroribus instruuntur: ac subinde, ad magistri etiam, humilitatem, ac patientiam tentandam & exercendam, discipulorum errata permittit; quorum ignominia inter mortales in cōtumeliam redundat præceptoris: quasi ipse imperiti discipuli approbet imprudentiam, & errata. Id verò Baltasari contigit aliquorum causâ discipulorum in plurimis, quos precationi studentes instituit ipse, sacros pariter, & profanos: qui contra Magistri sui mentem quædam facitabant, ac dicabant, quibus ansam utique dabant; ut apud viros studiosos, & graues malè audirent & ea precandi ratio, quam ipsi tenebant, & Institutor item ipso- rum, quem iidem illius dicebant auctorem; quasi hic eorum vocibus loqueretur. Aucta suspicio est, quòd imperiti quidam, aut minus prudentes precationis tacite formam, ratiocinatione, affectibus, petitionibus, & colloquijs institutam, quam in spirituum exercitiorum libello sanctissimus Societatis nostræ Fundator Ignatius tradidit, contemnebant; affirmantes nempe ea infantium esse vehicula, nulli aliàs vsui, nisi quandiu illi pedibus incedere non norunt: id verò edocti, ea statim ab se repellunt, pedibusque suis ingredientēs, quolibet promptius gradiuntur: diuinum verò Spiritum nolle se orandi legibus, & præceptis includi: spirare illum vnde, & quò mauult: ab eius assatu, cum spiritus libertate oportere nos duci. Ex his verò arrogantiores potius, quàm experti, minimæ quidem prudentiæ, experientięque manifesti, alios eadē post se viâ à communi tritaque deflexos conuertebantur abducere. Qui error euidenter utique, alienus erat à mente Baltasaris, quemadmodum discretè sæpius ipse dixit, & docuit; quod & suo experimento condidit. Vsitatæ namque precationis formæ, quam sexdecim annis institit, acceptum referre debuit alterius insuetæ munus, ad quam Deo dante euectus est: quæ, sicubi deerat, tanquam ad asylum confugiebat ad alteram. Hæc igitur cum fererentur, veritatis eruendæ causâ, purgare illum se, suamque precandi rationem apud Generalem Eueratdum Mercurianū, ad quem perlatus erat hic rumor, Prouinciæ huius Præpositū iussere. Ille verò secessit confestim in domum, quam animi ergo Salmanticensē Collegium habet, cui tunc ipse præerat; atque diebus quindecim in preces, & intimam sui, sui que animi rerum, cognitionem collatis, commentariolum scripsit, quod in tertium decimum caput nos idcirco retulimus, quia id temporis Baltasar à Deo cælesti hoc munere ornatus est.

Ad hæc, nonnullæ obiectæ sunt illi difficultates aduersus ipsius precandi rationem, profectæ, meâ quidem sententiâ, erutæque ex auditis, & visis, non tam in ipso Baltasare, quàm in ipso,

sequentibus; & quæ in ipsius discipulis notabantur; easque ipsum iussere diluere. Quamobrem opusculum condidit, in quo, quæ ad precationem quietis, & silentij pertinent, dilucidius explanauit. Quorum aliqua capitibus quarto decimo, & sequentibus prolata à nobis sunt, alia proferentur hoc loco; quibus præcipuæ, quas subiijciam, difficultates efflantur.

§. I.

Prima difficultas ea est: In hac precatione quietis ac silentij, in qua animus ratiocinatione, ac meditatione non utitur, videri scilicet nihil agi, immò frustra conteri tempus, quod fructuosè posset in exercendis virtutum actibus collocari. Respondetur, hoc precandi modo nequaquam nihil agi, sed sanè permultum; & quemadmodum Bernardus ait, Officium hoc est negotium, negotiorum, & rerum summa, de quo Psalter, *Vacate, & videte quoniam suavis est Dominus*. Et Augustinus, Orium Sanctum quærit caritas veritatis. Atque ex ijs, quos ibi exercet, actibus, animum esse minimè otiosum apparet; namque, etsi mentis ratiocinatio circa præcipua mysteria vacat, non vacant tamen voluntatis affectus coram Deo, quem Fidei oculis intuetur, nunc illi reuerentiam exhibens, nunc ea quæ ille de se, diuinisque suis nominibus ostendit ipsi, demirans; nunc eidem summæ Maiestati se, suaque vota, ac cætera omnia deuouens; petensque ab eo, primo quidem ipsum; deinde verò ipsius dona, non ut quiescat in ijs, sed ut per ea ad ipsum, tanquam per gradus ascendat: nunc suum eidem animum perpaucis, immò nullis etiam vocibus præparans: Deus enim satis vocem egentis audit, eo dumtaxat quia diuinæ Maiestati ille se sistit, instar pauperculi adstantis tacite homini opulento: eloquitur enim pro eo necessitas: ac tum benignam Dei largitatem expectat, omnia omnimodè diuinæ voluntati permittens, quippe qui diuinæ visitationis solatio indignum esse se reputat: nunc denique in eos induens sese affectus, ac sensus, ad quos diuino à Spiritu, facultatis huiusce auctore præcipuo excitatur: quemadmodum Timotheo Dionysius, *Conuertere te, inquit, ad radium*; ex quo coniunctio illa promanat, quam idem appellat, *Ignoti cum ignoto*: isque in mystica Theologia summus est apex; quem nisi qui eum obtinuerit, explicare satis haud poterit. Illum hic tamen indicasse sufficiat.

Altera hinc tamen difficultas exoritur: Etenim tentatio quædam Dei esse videtur, cessare à meditando, & expectare Deum, dum aliqua loquatur ipse, suggerat, aut ostendat; quod esse vi-

detur

*Ad Frat.
de monte.
Psal. 59. 19
De Civ. Dei
6. 19.*

detur in eundem errorem Illuminatorum impingere. Respondetur: preces sine ratiocinatione per vnos tantum affectus, utpote summum in hac exercitatione fastigium, nequaquam esse incipientium, ac novorum, sed eorum, quos diuinum Numen ad eas præcipuo afflatu, impulsuque permoueat; & qui diu sese meditando exercuerint; atque inde ad hanc quietis precationem euadunt, eoducti lumine, quo imbuti sunt, & imbuuntur a Deo. Quamobrem haudquaquam est tentare Deum, ratiocinationem interea suspendere circa præcipuas res diuinas, morumque nostrorum emendationem, quæ alio, non eo pensitanda sunt tempore: suum enim tempus cuique exercitationi debetur; quemadmodum inter precandum non petitur semper, neque grates semper aguntur. Atqui cum modis hic orandi non nisi præcipuo Dei vocatu ineatur, eum id temporis probat ipse, ac vult exerceri; non sane quidem, aut spe rerum diuinitus ostensarum, sed diuinæ præsentis motione, sensuque; coram qua laudati affectus exercentur. Neque verò id ex eo fursure Illuminatorum est, qui omnia per arrogantiæ faciabant, Deo scilicet non vocante, nulloque ad id præuio apparatu; qui & Deum suæ precandi ratione tentabant. Nullam enim in rem animo erant intenti, sed huc illuc effusi penitus, ac distracti, nullum ad corrigendos mores fructum inde legebant. At verò modus hic orandi in diuersa planè, atque in his aduersa proclinat: quæ si absint, iniri ille non potest. Ineantem verò, nec fructum ex ipso aliquem capientem Deus non patitur; sed ab se reiecit, & obiurgat. Haud enim secunda quiete; & sine iurgio altare Deo is potest, qui ipse Spiritui, qui Spiritus nimirum est mundiciæ, & sanctitatis, morum emendationis, & obsequiæ erga Deum integritatis, aduersatur.

At hæc tertia illic difficultas occurrit, quod minimè liqueat, quando viam hanc aliquis Dei vocatu inire potius, quam superbiorum arcana suaserit, gulæque celestium deliciarum: in quo etiam suas habet latebras amor sui. Respondetur tamen, quemadmodum à fructibus arbor ostenditur, ita ex relictis ab hoc precandi modo vestigijs, ipsum, an sit ex Deo, dignoscitur. Qui ubi sincerus est, atque à spiritu bono proficiscitur, cor impellit ad Deum, molliorque, & eius subijcit imperatis quæcumque de ipso, ipsiusque rebus, commodis, ac dignitate ab eodem ipso Deus expetit, ad ea liberè, liberaliterque largienda illi. perpellit. Scit enim, pronentibus eius multum accedere, quem Deus numerat in amicis. Qui si Deo sua omnia eroger, ea nempe cum quæsto amplissimo permutabit. Quisquis enim Deo petenti omnia elargitur, huic ab Deo petere licet omnia, quæ sint opus. Persuadet illi etiam, ut

per-

perseverantia virtutis exemplari Christo Domino, velit esse se similem, in contemptu cum primis sui, suarum, appetitionum omnium occisione; ac diuinæ voluntatis in omni re, amore, acque compleretur. Hæc, aliaque similia in se quicumque sentiat, pro certo is habeat à Deo illam esse precandi rationem, cuius impulsu animus in hæc fertur.

Quarta hæc tamen difficultas exurgit, quod in oculis passim est, vident hanc inuenies, tacere, ac senti sine sensu, inflari, pluris æstimantes sese, quam eos, qui communem orandi, semitam, ratiocinando, terunt. Hinc, tuam precandi formam mordicus tenent; & Præpositorum ac Ducum sententia, si secus sentiant, refragatur, quod sese spirituales existimant, qui indicant omnia. *Ex ipsi à nemine indicantur.* Sed respondetur facile, hæc, atque humilitermodi vitia in ijs deprehensa, qui hac precandi ratione vtuntur, haud quaquam ipsi rationi esse insita, ingentiaque; sed ea imbecillitatis, prauæque habitudinis, aut naturæ vitæ illa esse; qui se ipse rattiget, & emendet oportet. Non ideo tamen improbanda ea ratio est, quando in eadem ipsa, & maiora etiam, vitia ijs non raro impingunt, qui ratiocinatione vtuntur in precibus; plus enim gloriola sese admiscet in ijs, quæ suo quis Marte comminiscitur. Quare non eo, quia aliqua precationis tacite ratione vnus quispiam, aut plures abutuntur, ea praua est, atque abolenda; alioquin meditationes etiam; & diuinæ Eucharistiæ frequentia confutanda nimirum essent eorum causâ, qui ijs abutuntur; siue, vt dicam melius, in earum vsu culpas admittunt. Hinc verò fit, vt cum Præpositi, Ducesque ab hoc precandi modo abstinere illos iubent, nisi pareant, peccent. Quod, nisi experiundi gratia, religione salua agere Præpositi nequaquam possunt: tenentur enim animos eâ spiritus viâ prouehere, quâ ijs ducuntur à Deo, & quâ efficiunt in virtute processus; quam etiam, vt commonstratum est, sanctissimi complures viri ingressi sunt, & ingrediuntur. Interim verò, dum eorum non obest imperium, culpæ immunes erunt, eo si modo vtantur; aut si de rebus animi iudicare posse se reputent, quas experientes nimirum ipsi melius quam in experti nouere. Quemadmodum vacat crimine vis sapiens, si de ijs quorum ipse scientia imbutus est, melius, quam qui ex ea nihil delibabit, sententiam se posse ferre arbitretur. Neque id humilitati, caritatiue Dei in ipsius cognitione munerum aduersatur, ex Apostoli effato; *Nos non spiritum huius Mundi accepimus, sed spiritum, qui ex Deo est, vt sciamus quæ à Deo donata sunt nobis.*

Quinta hinc difficultas expungitur; Quod in hanc precandi for-

formam tam altè aliqui se immergunt, ut stupentium similes, quæ caritati, & obedientiæ, quæ victoriæ sui, solidarumque virtutum adeptioni debent, neque reputent, neque curent; ea precationis dulcedine tanquam nuptialibus delicijs contenti scilicet, ac beati: atque inde in vacuo quiescunt spiritualium nomine, sine ipsa re vitæ spiritualis. Hinc etiam illud est, quod alij viam hanc incuntes, ut precibus continenter vacent, à proximorum consuetudine, & animorum procuranda salute refugiant: è quibus, utpote qui rationationibus non utuntur, vtraque cum proximis communicent, effata non erunt. Quæ omnia illi aduersantur Instituto, cui hæc consuetudo proposita est. Rursum corporis vires alijs infringuntur, ipsorum Ordini; imnerique necessariæ. At enimvero hæc vitia non ex hac sunt precandi ratione, sed ab eorum, qui eam utuntur, intemperantia; qui corrigendi porro sunt & docendi, si vno fuerint animorum secessu contenti, nulla frangendi sui, nullo aliarum virtutum studio, curaque, egregie videlicet ipsos hallucinari: quod si minimè respiciant, illam ipsam eorum secessum posse in suspicionem adduci; neque verò diu perstiturum. Quamquam non est tantoperè mirandum, aliqua eos culpæ labe conspergi: nam & qui probe ingrediuntur, eam non carent. Inde fit, ut sicubi caritas, & obedientia, aut ipsa sui muneris ratio eos ad proximorum consuetudinem euocat, ipsamet contemplatio ad id ipsos prouocet, & inducat. Quod Gregorius, & Bernardus affirmant: idque ipsa demonstrat experientia in iis, qui usum hunc precandi sapienter insistant. At verò ubi neque necessitas neque Prepositorum imperium id postulat; neque corporis viribus, ac salutis officit, hæc precandi ratione vacare Deo, neutiquam culpanda res est, Augustini documento dicentis, *Otium Sanctum querit caritas veritatis: negotium instum suscipit necessitas caritatis. Quam sureinam si nullus imponit, intuenti vacandum est veritati.* Quamobrem ad hoc orandi, & contemplandi studium conferre quisque se potest: ubi defunctus est caritatis, & obedientiæ muneribus, quid cum ipsis constet viribus, & salute: hæc namque si desuuant ab usus vel ignorance, vel intemperantia, aut à capitis imbecillitate, vel morbo, cessandum interea est: quamquam hic modus imbecillitatem hanc per se ipse non gignit; quin immò ipsa rationatione quietior est, atque commodior. Eamque ob rem viri sanctissimi, qui modum hunc precandi usurpabant, poterant etiam orare prolixius. Ex qua precatione si minus legunt sententiarum, aut lumen, at certè plus virtutum eliciunt; Deumque magis oblectant; cuius opem, ubi ea opus est, sentiunt sibi presentem. Quare nihil ipsis officit, quod nobilibus tunc inuestigan-

*In id labi
7. Si dormio, dormiam, quando consergam?
Ser. 52. in Cant.
Lib. 19. de Cantic. 19.*

gandis sensibus non vacarint; id quod in aliud tempus opportunius resceit: tantique est ex precibus haurire ardorem, ac spiritum, quod, quæ aliàs senserint, aptius eloquantur.

Sexta difficultas ea est: quod hæc precandi ratio ita sibi animos addicit, & mancipat, ut affectus erga Cælites, precesque voce ab Ecclesia Superis allegatas vanescere videatur: neque à Deo flagitentur, quæ pro Ecclesia vniuersa, rebusque ac personis priuatis alijs sunt petenda. Respondetur, Nequaquam ista contemni, immò plurius haberi, tanquam præsidia, quibus adepti ea sunt, & quibus affatim perfruuntur. Ac veluti aptiores nonnulli sunt recitandis voce precibus, quam mentis commentationibus; quam obrem illas animorum Magistri suadent; ita alij sunt, quibus precandi voce vsus est rarior, qui veluti fomes est ad ignem animo excitandum. Docet proinde D. Thomas: Preces voce conceptas, nisi recitandæ sint ex præcepto, abrumpendas esse, ubi animus sit incensus. At enim ubi potius quisquam est voti, eo illum frui fas est, neque in eius adminiculis admodum occupari. Viros adeo prouectiores aspicimus minus incipientibus alijs, aut se ipsis, cum molientur initia; huic studio precandi voce addictos; non ob illius aut vulgarem æstimationem scilicet, aut contemptum; sed eo, quia minus extimè debent impelli, ut animos ad Deum euehant. Deque sanctissimo Parente nostro Ignatio in eius vita legimus, progredi illum subinde nequissè in statis ab Ecclesia precibus persoluendis, præ nimia sui cum Deo animi coniunctione. Quapropter Soci eorum immunitatem illi ab Summo Pontifice efflagitarunt: isque annuit, quod ijs in precibus Ignatius diem totum extraheret, ad singula ferè verba subsistens, ut Deo vacaret festè in ipsius animum insinuanti. Quod si pensum soluere teneretur, solutus certe ille erat, integro licet eam in rem die consumpto: alioquin properanter absoluerè, minus id & honorificum Deo fuisset, & gratum. Ut igitur Deum audiret, intimisque animi sensibus vacaret, illum à precibus voce, non tamen mente litandis venia iustæ potestatis exemit. Neque verò tempus omne consumebat orando, quippe cæteris etiam rebus pro suo munere defuncturus.

Rursum in hac ipsa ratione precandi petitiones neutiquam omittuntur: immò verò arcano quodam modo, non petendo, plus petitur: siquidem id intendit tunc agitur, quod Deus maius obtinenturque melius postulata; nam & largitoris Dei voluntas arctius obligatur. At verò Deus, qui sui famuli & necessitates nouit, & animum intuetur prouum quidem ad preces sibi pro ijs adhibendas, cessantem ab his tamen interea, quod fiducia in se conie-

2.2 q. 83.
ari. 12.

Lib. 5. c. 1.

coniectā, ibi versatur, vbi illum ipse vult esse; studet nimirum ijs perinde, atque rebus fidei, curæque suæ concredit. Non selcus atque hœrus, qui famulo vtitur studioso sui scilicet, ac fideli; tacente illo, eum ipse tamen, resque illius omnes accurat: eoque magis, quod ad petendum alia commodiora sunt tempora; tunc verò id fieret importunè. Atqui vulgò Institutores animorum affirmant, vbi nos Deus dulcedinis suæ muneribus anteuerit, diuinos eos illapsus excipiendos esse submisit; neque animum ad cogitatus; affectusque alios, quanquam boni specie, auocandum. Versat enim fraudes veterator, & instat, vt ea nobis tunc oblata depereant; aut illa quidem nostra imperitia dissipet ac disperdat, nomine nimirum agendi tunc gratias, aut grandia quædam pro his, illius petendi: quæ per se quidem proba licet, non eo tamen probanda sunt tempore, quo Deus ad aliā ciet, ac permouet.

§. II.

Septima difficultas id obijcit: quod genus hoc precum ab eo videtur orandi modo auertere, quem Ignatius Parens noster sanctissimus tradidit, & cōmendant vulgò pietatis Christianæ Magistri. Quare communi vitæ societate coniunctos alios ab aliis distrahit, vtpote diuerso inter se itinere abeuntes. Parata tamen responsio est, qua dicitur, id communi studio potius suffragari. Cum enim præcipuo Deus instinctu non euocat, ab eo vſitato ducenda sunt initia, ex eoque ad alium hunc modum orandi fit transitus. Ad quietem enim contemplationis, meditatio, via est. Ipse verò piarum exercitationum Auctor ab ijs ipsis in hunc modum præcipuo Dei munere prouectus est: memoriæ namque mandatum est, eum habuisse in precibus sese *passiue* magis, oblati sibi fruendo, quàm *actiue*, ratiocinatione animum exercendo: iam tunc enim quiescebat, vt qui compos voti metam attingerat. Quanquam verò communis precandi ratio omnibus est tradenda vbi tamen quempiam Deus afflatu peculiari ad hanc quietis precationem vocet, is in ea est vtiq̃ue adiuuandus. Quod approbare etiam iis fas est; qui aliquos iam annos sese meditando exercere; atque inde satis admodum profecere; suntque ad hanc orandi formam per quietem intimam, coram Deo, contemplationis in modum idonei. Quibus suadendum est, non vt meditationes omnino dimittant, sed vt sensim minus ratiocinationem, plus verò affectus exerceant: iis contenti, quæ commenti antea fuerint, affectus modò laudatos interim excitando. Atque hæc cum ijs consentiunt, quæ in suarum exercitationum additamentis

hiscē verbis docet Ignatius, *Quod in puncto, in quo affectus suorum quasitam deuotionem, conquisceere debeo, sine transcurrēdi anxietate, donec mihi satisfecero.* Id etiam auctores ijs esse possumus, qui vel imbecillitate, vel aliā quacunque causā, proluxa vti ratiocinatione non possunt: sic vt eius in hoc sententiā acquiescant, qui iudicare de hac re possit: cuius opinio prudentiā, notisque legum iam laudatis innixa haberi pro argumento potest vocatū ac voluntatis Dei; qui adesse his assolet, eosq; cū id minimē cogitant, ad contemplationis quietem euehere. Neque verō id est in partes scindere societate vitæ coniunctos. Modus enim orandi per affectus, ratiocinationis vsu in vniuersum breui, est sanē complurium; quod verō in eo perfectissimum est, id est paucorum. Atqui perfectio paucorum est semper. Vtinam verō ea spargere-
tur in multos, à quibus excitarentur & tepidi. Hoc autem modo peculiarem viam insistere, absurdum nequaquam est: donis enim præcipuis nequaquam Deus illos impertit, qui contenti sunt viā vitæque communi.

Atque hæc, re quidem ipsā summa eorum est, quæ in Baltasaris opusculo habebantur: quo in extremo hæc subiecit verba Inspectori huius Prouinciæ, ad quem id operis mittebatur: Hæc habui, quæ de hoc orandi modo tuæ Reuerentiæ exponerem. Tu Pater pro tua in Deum caritate, cui placere cum maximē studes, ea perlege, ac perpende: mihiq; ac cæteris in hac tua Prouincia, à quibus petent illi consilium, qui Deo duce hanc viam inierint, edicito, quid retinendum ex ijs sit, quid resecandum. Spero enim ex immortalis Dei bonitate fore vt hac via & nobis, & ijs, quænam certa sit eius voluntas, appareat.

Denique tempestas hæc, quod ad Baltasarem, ipsiusque precandi rationem attinet, cum faustitate detonuit. Causā enim per Præpositos, virosque alios graues cognitā, cum euehere humiles, eorumq; tueri dignitatem consueuerit Deus, qui perpeti, & silere, & nomen famamque suam exponere alet, Dei causā, non dubitant, ipsius proinde innocentiam, rei que veritatem omnibus voluit esse perspectam: non ob ea modō, quæ suo in opusculo protulit, sed ob heroicam maximē id loci exhibitam submissionem, atque patientiam; egregio sanē argumento, culpam ab eo, qui vexatur, abesse. Animus enim integer, sui que coram Deo securus, plurimam vim, pacem, atque tranquillitatem ijs adiungit, quæ quis à mortalibus aduersa perpetitur. Ratio item ipsa, quæ de se respondit, & docuit, tam plena humilitatis fuit, atque modestiæ, vt Præpositos admiratione summa defixerit. Quare Inspector Iacobus Auellanediū singularem animi submissionem
in.

intuitus, quæ ille sibi sua cognoscenda scripta transmiserat, & quæ obiectis ipsi respondebat, nihil sibi maiori miraculo, aut sanctiori exemplo fuisse in hac Prouincia affirmavit, submissione Baltasaris. Generalis verò Euerardus Mercurianus, quanquam rationem hanc precum spargi adeò populariter non probabat, immò, uti mox dicemus, temperauit illam scilicet & coërcuit; de ipso tamen Baltasare magnificè sensit; eique duo nostri Ordinis munera, de quibus postea, honestissima, grauissimaque demandauit. Ex hoc rursus nimbo, ex quo Baltasar futurus esse videbatur obscurior, effulsit utique clarior; sui que stadii spatium futurum certe non longum cursu perniciose cucurrit, ut brauium gloriæ opulentiùs obtineret.

C A P V T QVADRAGESIMVM SECVNDVM.

Quantum momenti ac securitatis sit in precibus, quæ meditationibus, affectibus, colloquijsque cum Deo adhibentur. Modum hunc proponendum esse omnibus, & tradendum.

NE horum causâ, quæ superioribus capitibus exposita sunt, minoris fortasse fiat trita & tradita ab sanctissimis Viris meditandi via; neu quisquam suâ sponte, atque sententiâ eos transilire audeat, quos nobis antiqui Patres constituere, cancellos, pretium mihi visum est operæ, rationes præcipuas hic proferre summariim; quibus confirmatur, commendaturque precandi ratio; meditatione diuinorum mysteriorum, per affectus, petitiones, colloquiaque cum Deo, ad quæ voluntas nostra ex ijs impellitur, ac mouetur.

Prima igitur, ac cæterarum fundamentum ratio est. Quemadmodum meditationis, quod mentis est nostræ opus diuino Fidei lumine collustratæ, proprius, proximusque finis est, summam eam cognitionem assequi, de qua immortali suo Genitori Christus inquit, *Hæc est vita æterna, ut cognoscant te solum Deum verum, & quem misisti Iesum Christum*; ita neminem in hac mortalitate, æternæ vitæ, quam inchoatam beatitatem appellant, fieri posse perfectè participem, nisi per contemplationem perfectam; in qua hæc duo præstantissima conspiciuntur, Deus, quæ Deus est, & Christus, Deus item verus & homo, eâ perspicuitate, quæ constat nempe cum Fide. Quanquam verò cognitionis huius magnitudi-

229. 180.
a: 3. in cap.
C. ad 4.

M. 1. 77
L. 1. 1. 9.

nam & claritatem nullâ præviâ hominis industriâ, largitatis suæ præcipuo munere menti Deus indit, reuerentiarum tamen, & arrogantis, ac tentare Deum est, id minus expectare vel petere, ijs post, nullis industrijs, quas ad id tanquam administrare Deus expetit, ac suadet: Hæc verò, auctore D. Thoma ex Augustino, & Bernardo in opusculo, cui nomen est Scala spiritualis, sunt, lectio, meditatio, & oratio: lectitando nimirum diuina volumina, quibus vita inest æterna; pioſque sanctorum libros, qui nempe illam exponunt: meditando scrutandoque altè diuina mysteria, aliaque ab alijs pereurrendo, quò melius omnia pernoscantur: tum verò orando, petendoque à Deo lucem animo, qua ille nos doceat. *Ô Christus inculcauit Apostolis, Petite, & accipietis; querite, & inuenietis: pulsate, & aperietur vobis.* Tepidus enim aut arrogans, qui petere nolit, indignus est qui accipiat; si verò querere detrectet, non inueniet; & si minus pulsauerit, illi profectò non aperietur. Proinde Christianum virum oportet, excitata fide, suas etiam conferre ad opus animi facultates; seseque lectione, meditatione, ac precibus exercere, petendo, legendo, orando, pulſandoque quotidie, vt voti denique compos fiat.

Cum hac Dei, Christiue Domini cognitione, cognitio coniungenda est sui, suarumque miserationum & criminum; quantaque ea sint, & quam graua: quæ proxima licet, intimaque nobis, non tamen assequimur, nisi in nos ipsi meditando descendimus; ac damna, pericula, ingentiaque, quibus obnoxij sumus, & quæ nostrarum culparum nomine promeremur, mala perpendimus. Mentis etiam acies dirigenda est in ea, quæ in morte nobis euenient, quæque in vtroque sient peculiari, generaliq; iudicio: tum quas impij scelerum pœnas luunt in tartaro; quibus contra beati fruuntur in cælo gaudijs, contemplandum. Hæc sanè vulgò minimè obtinentur, nisi meditatione, quæ clausa hæc volumina explicat & euoluit; latentiaque in ijs arcana perputat, ac perpendit. Et verò, licet Augustinus ad Dominum clamaret in precibus, *Nouerim te, nouerim me;* contentus eo tamen haud erat, duplici hac cognitione à Deo imbui suam mentem expectans; sed ad eas obtinendas suum etiam laborem ac studium conferebat: easque scripto etiam tradidit, vt qui meditari per se ipsi nequeunt aut ignorant, defectum hunc, eorum, quæ meditati sunt alij, lectione suppleant; aliorumque commentationibus vtantur vt proprijs. Ad hæc, finis meditandi potissimus est, voluntatem permouere ad nobilissimos actus eliciendos, quos affectus dicimus amoris Dei, doloris obnoxias, consensus cum Dei voluntate, aliosque conſimiles. Etsi verò Deus voluntatis quippe nostræ Dominus, præ-

potenti sua vi eam momento potest impellere, ferè tamen ac vulgò vult ab homine mentis ratiocinatione, ac meditatione illam moueri, & affici erga ea, quæ perputat. Quisquis enim ad præcandam modò se cõfert, curâ in Deum sui animi promouendi reiectâ, huic larvæ mentis illudent: sin verò nil animo versat, huc illuc euagabitur, atque abibit aridus & ieiunus; otioque inuiti tẽpus teret: ac veluti necesse est, aprè ligna construere, prunasque perflare, ad suscitandum ignem, flammamque ciendam, ita lectione ac meditatione veras congeri diuinorum mysteriorum cognitiones oportet; tum ignem ipsum piæ cupiditatis accendere, quæ nos impulit ad præcandum, quò magnam diuinæ caritatis, doloris ob culpas, aliarumque virtutum excitetur incendium. Idcirco Basilii cum pium affectum situm esse docuisset in vehementi cupiditate placendi Deo firmiter, & constanter, affectum hunc, adiecit, cognitione ac meditatione gigni Dei perfectionum, ac munerum, quibus diuinò à Numine largiter impertimur.

His illud accedit, orare, propriè quidem esse, Deum alloqui de rebus nostræ salutis. Et si verò Spiritus diuinus is est, qui docet nos *postulare gemitibus inenarrabilibus*; animi verò lingua, auctore Bernardo, est *ipsa deuotio*: sine qua cum diuinò Verbo loqui aprè non possumus; hic tamen pietatis affectus, ex Diui Thomæ sententia, non nisi meditatione, seu contemplatione, obtinetur. Siquidem verò contemplatio est paucorum, inde ea plerumque à meditatione progignitur: atque hæc, quæ, quibusque rationibus, ac nominibus postulemus à Deo, quæ illi etiam offeramus, ex proposito ipso ad meditandum argumento, docet & indicat. Adeoque aliquam etiã præire meditationem, oportet, vt, quæ funditur voce precatio, pia sit & attentâ: quòd si verborum sensa mens ineat, vberior ex eo fructus exisset.

Hinc rursus alia ducitur ratio robustior: Scopus enim meditandi præcipuus est, morum emendatio; vitiorum, atque cupiditatum triumphus, omnium denique exercitatio virtutum. Fructus hic verò apparatus est ad perfectam contemplationem, in qua mentis ratiocinatio vacat: legendusque est à precibus vsitatis, quæ, vt diximus, meditationibus peraguntur. Morales enim virtutes, vt auctor est D. Thomas, quæ cupiditates cohibent, necessaria præparatio sunt ad contemplationem numeris omnibus absolutam. Cardinalis verò Caietanus in suis in D. Thomam Commentarijs id ipsum admirandis hisce verbis exponit: *Notet tamen qui alios in via Dei instruunt ad profectum spiritualem, & diligenter efficiant, vt prius in vita actiua exerceri faciant, quos edocent, seu instruunt, quàm ad contemplationis fastigium suadeant. Oportet siquidem prius*

Reg 137.
ex breui-
ribus.

Rom: 8.26.
Serm. 45.
in Caus.
2.2. q 82.
a. 3.

2.2. q. 180.
a. 2.

prius passiones domare, habitibus mansuetudinis, patientie &c. liberalitatis, humilitatis &c. & sedere. Et ob defectum huius multi non ambulantes, sed saltantes in via Dei, postquam nulum temporis vitam suae contemplationi dederunt, vacui viciatibus inveniuntur, impatientes, iracundi, superbi, si in huiusmodi tanguntur. Et propterea tales nec astinam, nec contemplativam, nec ex utraque compositam habuerunt; sed super arenam fabricarunt. Et utinam non sit frequens defectus iste. Hæc ipsa Caietani sunt verba: maximeque cum Gregorij, Bernardi, Hidori, aliorumque sanctissimorum Patrum, animorumque Institutorum doctrinam consentiunt.

L. 6. mor.
c. 27. ferr.
48. in Cant.
L. 3. de
summo bo-
no.

Pf 76-7.

Quamobrem omnes oportet animum meditando conferre ad vitiorum suorum radices, eorumque remedia dispicienda; eaque perpendere, quæ animum ad ea adhibenda permoveant, quò ijs nos sedulo perpurgemus, & Davidis oraculo, *Meditatus sum nocte cum corde meo; exercitabar, & scopebam spiritum meum*. Inde verò fit, ut ijs qui non hoc iacto prius fundamento, ac sine præcipuo Dei vocatu, præcationi se dedunt quietis, atque silentij, falso instabilique solo innituntur; vitam infrugiferam agant; ipsorumque præcatio dicenda potius sit, spiritus vacatio, atque temissio: quibus idem accedit, quod aviculis ab nido exeuntibus præmaturè; quæ neq; se volatu querunt in altum efferre, neq; referre ad nidum; adeoq; in humum cum vitæ iactura miserè devoluunt: ita & hi, neq; certam meditandi rationem, neq; ullam coram Deo quietem obtinent: sed futilibus perpetuò cogitationibus distrahuntur, quippe qui eniti in summum spiritus fastigium immaturè scilicet voluere.

Id verò certum adeò, exploratumque est, ut & eos etiam ipsos, qui ad quietis præcationem evasere, meditationis usum; divino-rumq; mysteriorum commentationem aliquam minime respicere oporteat. Cessant enim sæpe Dei munera, & impulsus, quibus ad quietem tantam evehuntur. Quare necesse est, ut facultatibus ijs tunc suis utantur; neque navigiorum sint instar, quæ ventorum modò aguntur impulsu; sed triremium similes, linciumque minorum: qui, ubi cessant venti, remis urgentur, quòd si venti vacent, ac remi, tanquam in malacia hærebunt immoxi: ita, ubi instinctus divini flamen, ac nostrarum facultatum conatus, & industria desint, in via virtutis orium & quies erit ignava.

Ad hæc, uti par est cum Ecclesiæ spiritu, meditando, consentire, diebus, quos ea recolit, festis Christi Domini, & Sanctorum; nisi quis mysterijs hisce meditandis assueverit, neque præstantes inde sensus, neque materiam eliciet, ut sermonem cum ardore de ijs inferat, quæ in pia meditatione non senserie, sed
aride

aridè tantùm dicet ac frigidè; litteratorum more hominum, vnâ dumtaxat ope scientiæ. Diuinum prouide Numen, quos hac precationis adeò excellè viâ deducit, eos suo collustrare lumine, consuevit, ad hæc, pro tempore, ac loco mysteria, meditanda: indicio non obscuro, gaudere Deum reliquos trita gradients viâ, de illis perputare animo, ac meditari.

Præterea, momentum huius vitæ summum solidæ sunt virtutes, ac firmæ: diuturnæ scilicet, neque ad impulsus tentationum, aut interiorum euentuum varietatem instabiles: atq; ii, qui teneris modò affectibus, & quieræ, quam dicunt precationis dulcedine innituntur, perparum sibi firmè constant, ac perstant: pietatis enim dulcis affectus, sensusque tenerior facile commutantur. Ea propter Bernardus inquit Eugenio: *Noli nimis credere affectui tuo, qui nunc est*: is enim mox in alium vertitur: Quamobrem ea firmior, solidiorque virtus est, quæ robustis ac viuidis rationibus innititur; quibus mens vincitur, & vincitur: & quæ sua luce errores ab ea dispellunt, veramque virtutis æstimationem ingignunt. Quanquam verò rationes eiusmodi, errorumque depulsionem ingignunt. Quamvis etiam, qua quis à Deo impertitur, precatione proueniunt, serè tamen non nisi ex meditationibus, altisque mysteriorum Fidei cognitionibus, tanquam suis à fontibus hauriuntur.

II denique, qui sua studia conferunt ad precandum; ac virtutes, quibus Deus, & Euangelicæ perfectio colitur, spectant, animo sint oportet, quem cupiditates & consilia sua non teneant: qui beneficentiæ, ac visitationis suæ certum Deo locum, ac tempus minimè definiant. Suspectum porro est vniuersim asserere, eos, qui hac vel illa industria tot annos, aut menses utantur, hæc aut illa à Deo munera, aut certum aliquem virtutis gradum assecuturos. In quo suggillant aliqui Cassianum, qui, quos docet ipse, conatus adhibenti tempus perfectæ castimonix obtinendæ constituit. Id enim non industria opus primum est, artis, aut temporis, sed gratiæ, Deique prouidentix, qui *vnique diuidit prout vult, & quando vult*. Porro aggredientium in precationis ac virtutum exercitamenta plurimum interest viam ingredi vſitatam ac tritam: suamque ardentè conferre manum ac operam comuni Dei, diuinæque gratiæ instituto; impedimenta scilicet remouendo, definitaque præſidia adhibendo: depulſâ procul cupiditate, curâque efficiendi viâ non vſitatâ processus: re in Dei prouidentiam reiectâ, vt ea ipse peragat, quæ malit, & quæ congruant: suoque interea se loco contineant, dum audiant illud, *Amitte ascen-*

Coloss. 3. 15.

1. Cor. 12. 11.

Luc. 14 10

Ex dictis illud fit, cuiuscumque generis homines communes item, ac religiosos, quod ad ipsos attinet, oportere illos initia, ac processus ab ratione hac meditandi visitatæ capessere, donec eos diuinum Numen vocet; ac vocatû præcipuo ad aliam excelso-rem attollat: de quo vbi constiterit, illi vique auscultandum. Extrema enim vtrique perniciosa sunt maxime; tum eorum, qui sine hoc vocatû tenere, quæ ipsorum viribus maiora sunt, postulant; cum eorum, qui vocatû diuino repugnant, vbi in aperto sit; viam illis à Deo decerni præcipnam. Quod iudicio censendum est prudentis, experientisque animorum Institutoris; cuius est præcipuas, quibus diuinum Numen suos agit, vias diligenter obseruare, atque cognoscere; neque ab ijs illos auertere, sed regere potius ac iuuare, vt tutò fructuosæque res cadat. Plurima enim in ipsa meditandî via varietas est: aliosque Deus horridis, terrificisque meditationibus excit ac prouehit; alios commenda- tione Christi Seruatoris vitæ, necisque, ac diuinorum in homi- nes beneficiorum; alios etiam alijs: animum verò cuiusque his afficit magis, quam illis, in quibus adeò sunt iuuandi. Institu- tores enim in regendis animis non nisi adiutores Dei sunt. At ve- rò Deus ipse Dux princeps est, quem, quo dictum est modo, cæ- teri sequantur oportet. Vbi verò munere aliquo præcipuo diuinâ gratia non anteuertit, communes, quæ habentur in Ecclesia, ser- uandæ sunt leges. Sed tamen tum hæ, tum aliæ præcipuæ, atque vniuersæ demum artes, & industriæ, ad cuiuscumque precatîonis bonæ finem illum, fructumque præcipuum dirigendæ sunt, qui ea, quæ exposita modò sunt, omnia complectitur.

CAPVT QVADRAGESIMVM TERTIVM.

*Precandi formam nostris in Exercitijs traditam ab Socijs
vsurpandam esse, Eius excelsitas explicatur; eo-
rumque peragendorum ratio pia cum primis
ac fructuosa profertur.*

Rationes superiore capite à nobis expositæ docent satis pre-
candi modum ab Ignatio in pijs suis exercitationibus tra-
ditum, & in Societate nostra vulgò vsurpatum, esse cum primis tu-
tum scilicet, ac præstantem; in quo illa habentur omnia, quæ ne-
cessaria sunt ad perfectam eam mentis precatîonem, quam expe-
tere, ac spectare quiuvis potest, vires, industriaeque suas motibus
ad iun-

adiungens diuinæ gratiæ, quæ ad commoliendum cum ipsa præoccupat nos semper, & excitat. Ea porro sunt, præparationes habendæ, argumenta, atque mysteria meditanda, affectus eliciedidi, instituenda cum Deo colloquia, ratio considerandarum in hæc omnia animi facultatum; fructus, animique bona, quod hæc sunt dirigenda; animaduersiones item, & examina super his instituenda, quod fructus hic excolatur ad purum. Tum verò rationem docet Ignatius euadendi ad contemplationem, amoremque Dei perfectum: atque ijs, quæ meditatione perpendimus, intimis animi sensibus perfruendi. Quæ nos omnia in gemino libro, meditationum altero, altero spiritualis animi Ducis fusè, latèque explicauimus.

S. I.

Porro aliquas hoc loco proferam rationes, quibus, qui vitam in Societate degunt, cum sequi debent, plurimique facere, precandi modum, quem suis in exercitationibus tradidit nobis Ignatius. Prima est: quod è Philosophorum sententia, res vniuersæ, quibus progenitæ primò fuerint causis, ijsdem conseruantur, & augentur. Quoniam verò hac precandi ratione Societas nostra condita primò est; qua, uti comprobatur liquidò Ribadeneira in vita sanctissimi nostri Fundatoris lib. 1. c. 8. nostris in Parentibus primi vocati fuere, & in summum sanctimonix culmen connixi sunt; eadem etiam viâ subsequi decet nos eorum natos, & posteros: quâ, nisi nostræ partes desiderentur, in idem, quod illi, perfectionis fastigium euadimus.

Ad hæc, traditum nobis accepimus, exercitia hæc, uti mox planum fiet, data Ignatio fuisse à Deo. Neque verò dubitandum est, ea illi oblata esse, non ipsius modò gratiâ, sed ut per ea Societatem hanc nostram conderet, ad quam fundandam ipsum Deus elegerat; eaque cum suis filiis, ac posteris communicaret: quæ in armis essent potissimis, ac potentissimis, quibus in hostem tartareum bellum intenderent, salutemque animorum strenuè procurarent. Rem verò experientia confirmavit, per plurimis ordinis cuiuscumque mortalibus per ea in meliorem vitam perfectionemque traductis. Par igitur est hanc à nobis rationem iniri, veluti à Deo nostri boni causâ traditam. Et verò Societatis, qui nunc viuunt, homines proferre possum hęc testes, qui veluti manu contrectant innouationem spiritus, qua in meliora vertuntur, cum ad hæc exercitia quotannis secedunt dies octo, vel decem.

Quod ut confirmem, è re fuerit meminisse hoc loco aliquid

cuiusmodi indicatum aliquando diuinitus, ex quo sanè possint omnes plurimum recreari. In ijs, quibuscum egi (neq; verò hi paucifunt, ex quo animis instituendis vaco) precationis præcellè munere perornatis, aliqua fuit, in quam Dei, ac Deiparæ effusa præter morem largitas erat; de cuius affirmantis veritate certò mihi, quàm possit maximè inter homines, exploratum est. Ea verò hæc retulit mihi, quæ proferam. Conscia hæc, Socios, pro nostri Ordinis more, ad exercendos pijs commentationibus animos, salutis anno millesimo sexcentesimo proximè secessuros, eidem & ipsa studio vacare domi, qua posset ratione, constituit. Iamque in id aggressa, cum Deo matutinis in precibus agens, cælestem Iuuenem maiestatis summæ ad sese properantem, accedentemque propius mentis oculis intuita est: eius verò aspectus admiratione defixæ, pendentique animis cælestis ait Accensus, Gabrielem esse se, aliquid ipsi Virginis Deiparæ nomine nunciaturum. Ad hæc illa Christiana humilitate magis nimirum, ac magis obstupuit: refugitque in sese, ac diuinum rogauit Interpretem, liceret aliquandiu sibi de re tanta, vti in alijs eiusmodi rebus consueuerat, cum Deo agere. At verò cælestis Apparitor, quippe qui humilitate, cautione, sanctoque fecessu gaudet, id sibi pergratum fore respondit. Eo igitur non secus, atque si ab esset inde, relicto, Deum vbique, vti docemur Fide, præsentem adiit; altoque sensu animi, & affectu, suam illi miseram, abiectamque sortem exposuit: miserari proinde se vellet exobsecrans, auerteretque ab se quicquid ipsius aduersaretur sanctissimæ voluntati. Cum nonnihil temporis his, alijsque petitionibus extraxisset, intimam Dei vocem sibi dicentem accepit, Audiret, quæ ipsi diuinus Interpres ediceret. Tunc verò comperto suum apud animum diuinam ibi rem agi (vti suis cum angelis solet, consuevitque sacris cum Vatribus olim Deus) de genu dicta diuini Oratoris excepit, summæ Cælitum Reginæ nomine indicantis, In pijs exercitationibus, quibus animum exercere constituerat, Dei amplitudinem immensam, ac bonam, quæ per Christum Dominum collata sunt nobis, mente, ac ratiocinatione, pro Societatis more, versando, obsequium, si porro pergeret, ac meditata perageret, Deiparæ quidem ab ipsa præstitum iri gratissimum. Sciret enim, eâ sic mandante, illarum Societatis exercitationum esse ipsam, ac fuisse Patronam scilicet, & Fundatricem: in ijs ea ratione instituendis Adintricem se ac Magistram Ignatio præstitisse: adeoque eo in opere initia posita ab ipsa fuisse; quæ etiam Virgo Deipara suæ vitæ tempus assiduò eiusmodi exercitamentis exegerit. Hæc diuina fuit significatio, quam equidem, vt dixi, spectatis rerum,

adiun-

adiunctis in dubitationem haud voco. Quin etiam illud certò habeo persuasum, id ei, non tam ipsius gratià indicatum fuisse, quàm nostri: ut & Societatis nostræ Religiosi, itemque cæteri, qui sanctissimas hasce commentationes vsurpant, ac nonnihil temporis pijs Ignatij exercitamentis attribuunt, æstimant ea plurimi, seque ad constantiam in ijs exstimulent, quæ Deiparam, Virginem tantam habent Adiutricem, Patronam, & Magistram: & quæ animum ad ea contulisse, quamquam præstantius multò, quàm nos, sua inter decora laudesque retulit: nobisque significatum id voluit, ut clarissimum sanctissimumque ipsius imitemur exemplum.

Alià etiam ratione præualidà par est nos ad hunc precandi modum impelli: Precatio enim neq; Societatis, neque aliorum Religiosorum Ordinum, qui cum proximis agunt, finis est proprius, qui proprius est Ascetarum; sed generale modò præsidium, quo cum cæteris etiam actibus vtimur ad obtinendas virtutes, salutemque procurandam animorum. Quamobrem ea precum tenenda ratio est, quam Deus nobis indicauit, veluti instrumentum ad Instituti nostri finem idoneum: ea nempe, quam nobis tradidit Societatis nostræ Fundator: quæ sanè ad hunc finem accommodata cum primis est, per eamque nos illum quàm perfectissimè assequemur. |

Has, aliasque complures rationes breuiter, ac pulchrè Ioannes Soarius huius Prouinciæ Moderator in pia cohortatione collegit, loco scilicet tunc oblato. Generalis enim Euerardus Mercurianus peragrè tulit aliqua, quæ ad ipsum delata sunt scripto; ab nonnullis nempe spiritu minùs prudenti, rationem contemni precandi nostris in exercitationibus propositam, nouam aliam inuicere molientibus. Geminam proinde scripsit epistolam, alteram Baltasari Aluarez, alteram huius Prouinciæ Præposito, Martio mense datas anno millesimo quingentesimo septuagesimo septimo. Hanc ipse perlegi, ex eaque deprompsi rationum aliquas, à me proximis hisce duobus capitibus expositas. Idem verò hæc habebant litteræ, quod alteræ, commendato illi plurimum, ut nostros ex earum præscripto dirigeret, ac iuuaret; quò precum rationem ad nostrarum exercitationum normam plurimi facerent, ac tenerent. Prouincialis verò imperata facturus, me in hoc D. Ambrosij Collegio tunc degente, octauo & septuagesimo supra millesimum & quingentesimum anno, ultimo ipso, quem studiis Theologiæ dabam, cohortatione allocutus nos est documentis, ac sensibus ijs, qui precum studio vacant, accommodis adeò refertâ, ut illam ego in libellum illicò retulerim. Eam

verò , in rem quippe opportunè cadentem, operæ pretium duxi ;
 ipsis ferè eius verbis hoc loco præferre ; nonnullis , quibus ea, quæ
 dicuntur, clariora fiant, adiectis.

§. II.

*Ioannis Soarij de precandi ratione nostris in exercitationi-
 bus tradita, quanti ea sit momenti, & quàm tutâ,
 cohortatio :*

Est profectò cur gaudeamus plurimum, plurimasque Deo gra-
 tias agamus, quòd agendi cum ipso certam nobis, tutamque
 rationem ipse tradiderit; eam nempe, quam nostræ docent piæ ani-
 mi exercitationes. *Primò* quidem; etenim si Patronus aut Iudex,
 & unusquisque mortalium suo munere defungi tutò cupit ac stu-
 det, eò quia de existimatione ipsius ibi agitur, de fortunis, aut vita;
 quantò magis, qui religiosam vitam exequitur, securitatem fas est
 suo spectet in munere; hoc est in consuetudine cum Deo; ubi non
 de mortali vita, bonisque pereuntibus, sed de perpetuis agitur bo-
 nis, vitaque perenni? *Deinde*, si plurimum cuiuspiam interest, scire
 se rectâ certaque ingredi viâ, periculi errorisque securum, quantò
 maiori solatio vacanti precibus illud erit, intelligere ab se viam in-
 sisti certam maximè, & securam? At enim peracerbum profectò fo-
 ret post plurimos annos religiosæ vitæ, precibusque datos, delu-
 sum se scilicet, longèque deuium ingressum esse, cognoscere, quòd
 minimè certam, tutamque viam inierit.

Eiusmodi verò nostras exercitationes esse intelligimus, primò ex
 animorum fructu, qui earum ope percipitur; ex eaque vitæ, ac mo-
 rum emendatione, quam exinde cuiuscunque generis homines su-
 scipere: tum etiam, quòd, vti Generalis noster Mercurianus asse-
 ruit, traditum Romæ à Maioribus ferebatur, exercitationes illas
 Ignatio fuisse datas à Deo. Tertiò, quod maiori adhuc securitati
 est atque solatio, illud est, eas esse à Christi Domini Vicario com-
 probatas; quod ex diplomate constat Pauli III., in quo Societatis
 exercitationes approbat maximè, ac dilaudat, hortaturque fideles,
 vt fructum ex ijs suorum capiant animorum. Ea verò regula est,
 cui error inesse non potest: qua nos ratione tam probata si vti pro-
 bè nouerimus, vltimo rerum mortalium die, supremo Iudici fi-
 dentes stare poterimus, & securi: sin verò error nos in hac vita
 seduxit, per Deum, ipsiusque Vicarium seducti nos sumus. Atqui
 veluti fieri minimè potest vt imponat nobis Deus, ipsiusque Vi-
 carius

carius in ijs, quæ Ecclesiæ vniuersæ proponit, ita nos hanc ineuntes viam nec decipimur, nec erramus.

Hinc verò illud consequitur, securitatem nequaquam in pijs sensibus, animique delicijs, ac suimet approbatione sitam esse, sed in vera Ecclesiæ, nostrique Ordinis obsequela: per plures enim vidimus liquidissimis animi illecebris delibutos, lachrymis affatim, sensibusque tenerrimis affluentes, & eos interim in errore versari; quòd suum, vti Saul, iudiciũ, voluntarium Satanam, fraudum seminarium, ac fontem hæresum sequuntur. Quod Hispali ipsemet vidi, vbi Iulianus Villauerdius hæretica prauitate corruptus agebat; eò ab suis missus, vt cum hereticis cõsuesceret, qui tunc Hispaniam obibant occulti. Coniectus is in custodiam est: &, Quæditorum iussu, egi ipse cum illo; eiusque animum inij, ac deuinx: mihiq; affirmãti me salutis ipsius esse percupidum, meam item salutem expecti ab se magnoperè, affirmabat: nisi quòd eam ego putarem per eam cõsecuturũ esse me, quæ doceret Ecclesia, ipse cõtra, per eam, quæ ipse sentiret. Diuinis de rebus sermonẽ magno cũ animi sũsu miscebat; ac subinde aiebat illacrymans, *Benedictus Deus, qui consolatur nos in tribulatione nostra*; suãq; cõtentus viã pronũciabat, *Ipsẽ enim Spiritus testimoniũ perhibet, &c.* Rebatur infelix; eam viã, auctore diuino Spiritu, exploratam esse sibi; isque spiritus ipsius erat proprius, obsecatus; & contumax. Viuus igni traditus mortem oppetiss; tēeritate tanta lacrymarum ac sensuum, vti miraculo vniuersos planè deflexerit: prudentiores tamen Satanam induisse se in lucis Angelum intelligebant, ad errorem in illo cum pertinacia insigendum. Illud porrò inter nos, & illum intererat, quòd suũ ille, nos Obediẽtiæ, Ecclesiæq; quam diuinus regit Spiritus, sententiã ducimur. Quare proprium cuiusque iudiciũ Dẽmonium illud est, quod meridianum appellant. Parer etiam ipse Magister Auila, post cõplures in precatione positos annos, permultis in rebus perperam, in alijs verò probè opinatum se esse deprehendit: docebatq; de ijs me, aliosque Patres Montillæ degentes; auctorque nobis erat, vt gratias Deo litaremus ingentes, quòd ad vitam nos quàm tutissimam vocauerat, obsequela.

Vt verò precandi formã ex nostris exercitationibus aggrediar, pono illud primò; quãquam conditos ab se homines gratis quidẽ Cõditor ipse potest suo impertire solatio, ab illo tamen eos, recreari, ac prouehi qui excitãt, iuuantq; sese: quare dolorẽ, pœnasq; culpãrũ ratione suscipientem tenero pietatis affectu permulcet Deus; tentationesq; & cupiditates animi peruincẽti, mãna donat absconditũ.

Deinde, licet caritas ea sit, quæ nos ad virtutũ iter capeßendum, persequendum, consummandumq; debet impellere, ab ipsa tamen

caritate proclinarī ad actus & opera, incipientes quidē, pœnitentiæ, ſuique victoriæ; proficientes, exempli cum ſibi, tum proximis fructuoſi, imitatione virtutū in Chriſti vita, ac nece ſacraſſima eſſulgentium; perfectos deniq; amoris, & gaudij ob immenſam Dei, Chriſtiſque Domini perfectionem, ac ſanctitatem, atque ob ea, quæ ipſius cauſa laudabiliter quiſquam egit, ac pertulit.

Tertiò: Eſt animus certa quapiam virtute præcellens, ex omni re ad eius incrementa vim elicit; quemadmodum, ſi quis primò Chriſtianiæ humilitatis, ac pœnitentiæ ſpiritu permouetur, iſ ex ipſa Chriſti Seruatoris analtasi, ex ipſis Dei nominibus elicit ſui ſubmittendi, caſtigandique materiam; Franciſci Borgia exemplo, animo tam deſiſſi, vt in ijs, quæ ageret, omnibus ſubmitteret ipſe ſeſe, atque confunderet; culpā tamen noſtrā id in præſentia raro contingere: quare materiam deligi oportere, quæ animum ſuapte vi, ac natura pro re, ac præparatu iuuēt.

Quartò: noſtris in exercitijs leſtiſſimam haberi materiem ad actus viæ triplicis, quam Purgatiuam, Illuminatiuam, & Vnitiuam vocant: quibus diuina ope animus perpurgatur, ornatur, atque perficitur. Primis opportunè, ac ſatis argumenta ſuppeditant hebdomadæ primæ exercitationes, de peccatis, morte, iudicio, & pœnis inferorum. Secundis, ſecundæ ac tertiæ hebdomadæ commentationes, de diuino Chriſti Domini conceptu, vita, cruciatibus, ac cæde. Tertijs, hebdomadæ quartæ myſteria, de Chriſto reſurgente, aſcendente, diuinoque amore noſtris in animis excitando.

Ratio verò ac forma ea tenenda eſt: Primò, Præparatio, ex Sapientis oraculo, *Ante orationem præpara animam tuam*. Id porrò fiet, additionum obſeruatione, eorumq; quæ ad benè precandum traduntur, præceptorū: tum etiam cuſtodia cordis interditi, indutis in frænum ſenſibus, vitijsque diligenter generatim iuxta, ac ſingulatim excuſſis; quò expolitus animus agere poſſit liberè, caſtèque cum Deo. Deinde vires, conatusque noſtros oportet adiungere, dum precamur, noſtrarum vſu ſaculcatum, memoriæ, intelligentiæ, voluntatis, ac ſenſuum interiorum; reuocato in mentem myſterio, arcanisque in eo latentibus diligenti ratiocinatione diſcuſſis, atque perpenſis; voluntate ad amorem aut odium boni, maline ibidem cogniti excitata: adiectis ſenſibus ad virtutis ſuauiſſimam, atque dulcedinem, contrā verò ad vitij horrorem, atque amaritiem deguſtandam. Tertiò in rem noſtram referenda ſunt, quæ meditati ſumus, in precibus, vt fructum ex ijs aliquem capiamus. Id verò illud eſt, quod in exercitijs repetit læpius ſanctiſſimus Pater Ignatius, *Reflexione, ſeu applicatione quadam ad me-
iſum*

ipsum facta, studebo ex singulis nonnihil fructus decerpere. In quo quinque obseruanda sunt momenti sanè perplurimi.

Primò precum tempus nequaquam esse sensis quibusdam generalibus extrahendum, puta: Pro quàm bona est humilitas, caritas, &c. sed in me ipsum oportet aduertam, quàm ijs virtutibus sum cassus, ac nudus; meique corrigendi rationem perputem, diuinam in id opem implorans, meiq; in ijs emendationem distinguè proponens: alioquin equè voluptarii, incensiq; cupiditatibus erimus, atque ante nos fuimus: tormentis enim altum in aërem, vacuumq; directis, arcis munimèta non corruunt. Deinde, procedendum esse ferè ordine iam laudato: quanquam enim precationis tēpus actibus caritatis in Deum, diuinarumq; perfectionum meditatione consumere, optimū factū est; in eo tamen, qui cupiditates suas nōdum habenā compresserit, quo tempore id ipsum cōmoliri debuerat, absurdum est: ij verò, quos tunc eliciet actus, non amoris Dei erunt, at sui. Atque inde in domum migrabit superbia ab sui amore constructam. Diuina veritas est, quæ meditatio proponitur: eius tamen ad nos relata obseruatio esse Satanæ potest; vt illa fuit, quam is in altera Christi tentatione protulit. Sequitur hinc tertio, fructum ex precatione legēdum, meorum esse morum instaurationem; vt pie sanctèq; agam, ac perferam; Christi Domini amore, meq; salutis, gratiā, & proximorum: ex eo diuinæ veritatis oraculo, *Arbor bona bonos fructus facit.* Quartò: quæ animo benè constituta à nobis sunt, ea re deinde ipsā perficere: iuuat in id plurimū vtraq; consciētix scrutatio, generalis, ac singularis: voluntariis peccatis sibi ob sua vitia irrogatis, namq; *Regnum celorum vim patitur, & violenti rapiunt illud.* Beatitatis enim eternæ possessio bonis operibus, quæ quisq; per illatam sibi vim præstet, adeunda est. Quintò: entissimum in hoc esse, illud spectare semper, vt ea præcidantur, quæ efficiunt nostro progressui, & adeptionē præpediunt earū virtutū, quæ desiderātur in nobis: in quo caret maxime omni periculo, Moderatoris, aut Confessarii præscriptum sequi. Quod quidem commune est omnibus, illud est, vt intendatur animus ad nostri victoriā, & triumphū, ad veras solidasq; virtutes obtinēdas, proximofq; in idem strenuè adiuuandos: quod verò præcipuū est singulis, ad Præpositi prudentiā, & imperiū nostra lex reuocet, iis verbis, *Quod ad orationem, & examina pertinet, cum unoquoq; constituat.* Præpositus enim & Confessarius, quæ dantur vniuersè præcepta, pro sua ipso- rum prudentia, aptare singulis debent, vti quisq; capit, aut indiget.

Hæc viri huius perprudentis, inq; animi rebus experientissimi pia cohortatio fuit; ex qua illud extremò aduersus arrogantes elicio: quanquā diuinum Spiritū à nobis arctari, aut orandi legibus,

Matth. 7:
17.

Matth. 11.
12.

ac præceptis obstringi nõ decet; diuinũ tamen ipsum Spiritũ velle ijs subijci nos, ac parere legibus, quas suã in Ecclesia ipse cõstituit, sanctosq; Patres edocuit, quos nobis Duces, atq; Instructores attribuit. Quæ quidẽ nobis illæ sunt, quæ à sanctissimo nostro Parente Ignatio perscriptæ in libello spiritaliũ exercitiorũ habentur, eadem ferme, atq; illæ quæ ab sanctis Patribus cuiq; pietatis studioso traduntur. Legibus verò includi nolle, libertas profectò carnis est, & su perbiæ admodum periculosa arrogantia; qua quis intimi sui spiritus impetus suo pro arbitratu ac libidine sequitur, quos ad Deum ipse quidem refert; at enim verò malo à dæmone suggeruntur. Quòd si quempiam Deus singulari magis, ac minus vñtatã viã velit prouehere, in Ecclesia, religiosisq; familijs Instructores suppetunt, à quibus is tutò regatur ad exploratam diuini Numinis mentẽ; cuius admirabilis ratio est in suis deducendis electis, vti in Baltasare, de quo sermo nobis est, luculenter apparuit.

CAPVT QVADRAGESIMVM QVARTVM.

Aragonie Prouinciæ Visitator dicitur. Ratio, qua illam inspexit: Virtus ibi ab eo cognita Ioannis Ximenij: eiusdemque de ea Commentariolum.

TEntatione, ac procella, quam diximus, tanta cum virtute defunctum, Generalis Mercurianus certior ea de re factus, laudatum apud se Baltasarem iussit Aragoniæ Inspectorem: qui & ad Prouincias alias alios cum eodem munere mittebat Patres, auctoritate graues, ac præstantibus animi bonis instructos; quod illi munus & Generalis obibant loco, & eiusdem vicibus fungebantur, quando Prouincias inspicere ipse non poterat. Baltasar imperata facturus, profectus est illico: suamque Prouinciã enim in modum lustrauit, vt vniuersis in eo gerendo munere esse possit exemplo. Eam ob rem Ægidius González Romæ tunc Generali Assistent ab eo dictum affirmavit, in sexdecim tunc habitis per Societatem lustrationibus, hanc excelluisse præcipuè. Primò enim coniunctionem, pacemque cum cæteris Præpositis, quoad eius fieri potuit, custodire studuit, vt vnã omnes in eam, quæ postulabatur, instaurationem spiritus conspirarent; exemplo vbi, que singulari sanctitatis exhibitio, quod & Moderatori auctoritatem apud alios, amoremque conciliat: sic vt quæ deinde impet æqui bonique ab omnibus consulantur. Sed animo cum primis

contin-

coniunctissimo fuit cum Prouinciali Petro Villaluo, qui deinde Castellanz huic Prouinciæ præfuit; & ea, quæ dicenda sunt, de hac inspectione narravit: fuitque vir sanè studiosissimus virtutis, errore procul & fūco: de quo Baltasar aiebat, hominem occurrissè sibi, qui virtutem ex merito æstimaret. Quamobrem consuetudine, cognitioneque sui mutua, tantum in amorem, inque intimā adeò coniunctionem animorum coaluere, vt nulla in re inter se inuicem discreparint. Neque porrò mirum id est; Prouincialis enim mirifica intuitus dona, quibus diuina largitas Inspectionem ornat, enim illi defererebat honorem, vt eius omne responsum, atque decretum, tanquam è Cælo sibi demissum, sententiam verò tanquam virtutis, ac regiminis prima quædam principia, & fundamenta putaret.

At enim hac omnia illinc erant, quòd Collegium quodlibet inspecturus, Deum primò sua in consilia adhibebat; illud enixè ab eo petens, vt omnia in maius cederent ipsius obsequium, & compendium proximorum. Eò igitur, antequam domum aliquam aggrediretur inspicere, octo, seu quot commodè poterat dies, spiritalibus exercitationibus precum ac piæ lectionis, pro Societatis more, dabat: quo tempore neminem accipiebat in sermonem, eo consuetudini cum Deo largiter erogato. Quare, præterquàm, quòd omnibus in Prouincia Socijs bono erat exemplo, eosdem ad petendum, præstandumque idem excitabat faciliè, atque inflammabat: ijque de Baltasare quàm verissimè sentiebant; sanctum, enim illum & habebant scilicet, & colebant: ac putabant beatos sese, quòd talem essent sortiti Præpositum: eique animi sui arcana aperire omnia, omnesque se dedere impatientissimè expectabant; rati eum hominem, qui tam intima Dei consuetudine vteretur, ab regendi ratione certa transuersum agi non posse.

Occiduo tum elapso domesticos alloquebatur omnes, imos iuxta, ac summos: eosque per otium quicquid, & quandiù dicerent, audiebat; tempore in id, quantum opus esset, contrito; vti res cuiusque, non humana quædam alia nomina poscerent, quæ tempus frustra sine fructu comburunt. Auditis solatium, animosque ad perfectam virtutem, & consuetudinem diuinam addebat: nec verò desuere, qui experienciâ cognorint sacri vaticini, in eo lucem ac spiritum; cuius ipse pro re ac loco subinde indicia faciebat, vt alios ad Dei obsequium excitaret. De aliquo certè eius Prouinciæ Patre refoiui, ei sacris tunc nondum initiato aliqua, Baltasarem euentura præfagisse, quibus deinde respondit euentus. His artibus, verborumque vi, inter publicè cohortandum, quo ardebat spiritu, & morum exemplo, egregia in omnibus edi-

dit incrementa virtutum: sic ut ab eius discessu, causâ tum amoris, quo illum complexi erant, tum fructus, quem ex eius consuetudine perceperant; plurimum animo angerentur.

Collegium primò Cæsaraugustanum iustravit; vbi thesaurum inuenit occultum, qui ipsius animum latiticia ingenti perfudit. Domesticos enim omnes de rebus animi allocutus, in laicum adiutorem incidit Ioannem Ximenium, virtutis egregium hominem, sed occultæ. Is Valentinus erat, montano in oppido natus, cui nomen est Viaro: pijsque Eremicolæ suasu, Valentiam adire constituit, ut sui cooptationem in Socios flagitaret. Id porro cum ageraret, duo illi quædam euenere, argumenta scilicet eum à diuino Numine vocari, magnæque sanctimonix destinari. Alterum illud est, quod ab frygio veteratore instigatus in via, ut natale in oppidum ad parentes egenos nempe reuerteret; diuino actus impulsu votum hoc Deo egregiū nuncupante; Voueo tibi, Domine, meam velle me operam, amore tui, eorum ministerio Patrum addicere: spondeo tibi etiam nihil me nisi tui amoris ergo acturum: cui enim deseruiam, nisi tibi Domino, Deoque meo, nec scio, nec habeo. Hæc vbi animosè youit, tentari desijt; iterque Valentiam persecutus est. Ibi alterum accidit sanè mirum, cum ex Prouinciali Antonio Cortesio virtutis plurimæ viro peteret sui in nostrum Ordinem cooptationem: Quo ea super re consiliante cum suis, hi Ximenium antea, uti mos est in Societate, allocuti, nostræ illum familiæ fore inutilem censuere. Iterumque ac tertio de hæc ipsa re consulti, quod in Ximenium Prouincialis animus propenderet, in eadem illi sententiâ perstitere. At verò Cortesius diuina vi perpullus, suo, quo res affirmabat, more, *In rei veritate*, inquit, hic à nobis sanctitatis nomine admittendus est: ad eam enim iter ingreditur. Illum porro Socijs aggregauit: comprobatumque exitu fuit, id Deo id fuisse consilium, eâ diuina præfensionis formolâ explicatum. Mox in Cæsaraugustanum Collegium missus est: ibique turi sermè agebat, in prædio, quod Iesum montis appellant; vbi assiduus laboribus dies, noctesque instar mancipij extraherat. Quanquam subinde ad Collegium ventitabat, ligna, aquam, aliaque domesticis vñbus opportuna plauistro conuehens; molestioribus; grāuioribusque muneribus ijs obeundis alacrior, quæ alij plerumque detrectant. Haud illi ad contemptum nomina desuere; ob crimina in eum utique conficta: fructum ipse tamē nouit inde percipere. At enim cum is extimo quidem vultu sincerus esset, ac simplex, tristitia rursus, quibus ornatus à Deo erat, charismata pro sui demissione animi haberet occulta, quam vulgò Dei famulus audiebat, minimè tamen eius virtus pro-

merito æstimabatur; donec ab eo Baltasar rationem vitæ repetijt; deque animi rebus agere cum eodem incepit. Is verò, vt qui tanto lumine à Deo collustrabatur, & qui animi res tam scitè callebat, peruidit illicò thesaurum, quem Deus eius in animo depouerat. Dei in se beneficia memorantem nunquā audiebat satis; ac tandiū solus cum illo consuecebat, ac toties, vt id aduerterent domestici; causamque curiosi vestigarent consuetudinis laicum inter fratrem, Inspectoremque tam grauem, crebræ adeò, & prolixæ. Sed nihilò tamen secius Baltasar illum quàm libentissimè audiebat; instruebatque vt diuinæ in se largitatis dona cognosceret, seque ad maiora percipienda compararet. Cæteros etiam domesticos commonefecit, vt illum deinceps noscerent, & quantum par erat, eius virtuti tribuerent, quem antea non satis cognitum minoris habuerant. Ijs porrò inter alià pro sui animi demissione affirmavit & illud, se ab eo multa de precandis studio didicisse. Quòd si Magister tantus, ex eo, qui ipsius se discipulum, profitebatur, addiscebat, argumento id quidem est, in hoc studio, eòdem euasisse discipulum, quò Magister euaserat.

Quoniam verò aliqua hoc in opère de Societatis Patribus, atq; Scholasticis, quos suà operà Baltasar iuuit in spiritu, notatu digna retulimus, aliquid etiam de illiterato fratre, sanctimoniâ, atque scientiâ spiritus permultis doctis, eruditisque maiori dicere, erit oppidò opportunum: cui exiguo tempore non modò plurimam opem ipse contulit, sed præcipuo prudentiæ diuinæ consilio idem ipse virtutes eius conscripsit historicus. Initium itaque ab ijs ducemus, quæ discessurus mox Villagartiam litteris consignauit; quibus cuidam Aragoniæ Prouinciæ Patri respondit, à quo nunciū felicissimi Ximenij obitus acceperat, postulanti nimirum, vt sibi, quæ sciret de illius virtutibus, significaret.

*Baltasaris Aluarez Inspectoris ad Patres, Fratresque
Collegij Cesaraugustani Societatis IESV
Epistola.*

DAtæ à te litteræ Martij die decima, die quinta & vigesima eiusdem mensis redditæ mihi sunt; quibus respondere districte negotijs superledi. Mihi quidem de Ximenij vita cognita sunt perpauca, optima illa tamen & certa, quæ ex ipso accepi; & digna porrò sunt, quæ plurimi fiant, ab ijs maximè, in quibus ea desiderantur, vt nos excitent tanto ab ijs intervallo distantes.

Mi Pater, plurima eo in fratre, humanis quidem oculis tum ignoto, at Christo Domino notissimo item, atque carissimo effulgabant; alia erga Deum, erga seipsum alia, alia erga Moderatores, ac proximos.

Erga Deum, fiducia erat illi plurima, quam suis famulis esse, vult Deus, de suavi ipsius ingenio, visceribusque tenerimis, uti sacrarum litterarum oracula diuina nos docent. Hæc verò gubernaculum ipsi erat, roburque præcipuum inter labores, casusque, aduersos, in quos fortè dabatur; illique se perimittebat omnimodè; eodem habens loco euentus omnes tantos item, ac tantulos. Huius erat fiducia; fons experientia, summaque in intima cum Deo consuetudine reuerentia, cum obsequela integerrima coniuncta; ijs in rebus omnibus, quas Deum velle, interque gratas habere intelligeret. Eam in rem quædam ingenti cum æstimatione, ac sensu, tanquam præstantiora Dei beneficia, & miraculo similia memorabat; quale illud est, cum ex Ibero fluuiio, in quo ei submerlio imminèbat, extractus à mulo est: Præposito ante à quo mittebatur ad conuehendam aquam admonito, imparem se fore, in turgidiorè iam flumine, belluæ retinendæ: modicam ad offensionem, vectarium vnâ, vectumque perditum iri. Et verò timori respondit euentus, belluâ se in amnem tumentissimum inferente: cumque actum iam de sese conspiceret, summâ Deum fiduciâ compellant; Domine nisi tu opem attuleris, præsidium hic aliunde non suppetit. Scis ipse meas impares vires à me Præposito indicatas, neque meâ nunc culpâ hoc à me discrimen adiri. Mira res! subflic itextemplò mulus, inque pedes priores erectus, posterioribus regredi humano velut incessu cautè admodum occæpit: euasitque demum more tam præter consuetudinem nouo, ut rem ipse miraculi loco, uti dicebam, habuerit. Hæc verò quæ diuinæ in se benignitatis experimenta capiebat magna vi ipsius animû ab humanis auellebant, cumque Deo arctius coniungebant; à quo ad diuinam hanc coniunctionem peropportuna submittebantur illi suppetiæ. Primò, cor vndique expeditum ac liberum: de quo ubinde aiebat, Cor ab omni re oportet expediâs, adiungasque Deo; illicò enim diuinæ bonitatis munera capere præ largitate tanta non poteris. Deinde in aduersis iuxta, lætisque summa tranquillitas; & voluptas. Tertiò, sui animi in Deum intentio, quem ferè nunquam intueri desineret. Quartò, liquidissimæ, inter præcandum, animi deliciæ; cui Dens indulserat, ut somni parciore egeret, quò silentiorem noctem diù inter preces extraheret; ubi eius operâ neque Obedientia, neque proximi utebantur. Etenim diurno fatigatus labore sub noctem, viribusque necessario cibo

cibo refectis (operario enim fratri sumere, vt aiebat ipse, quod satis est cibi potusque, atque id maximè ex Obedientiæ præscripto, vt is imperatis ab ea possit defungi laboribus, proficit ad virtutè magis, quàm officit: iumento enim, ex eiusdem adagio, plaustrum agitur, non plauistro iumentum; quòd si hoc non alitur, agere, plaustrum haud potest) tribus deinde aut quatuor horis somni capiebat satis: alterâque aut tertiâ post mediam noctem euigilans, eam reliquam precibus dabat, in subdiali turris ambulatione; in qua suadebat mihi vt inambularè, & qualis illa foret, experimento cognoscerem. Immunem Deus illum à corporibus impedimentis effecerat; vt nè quid temporis in deponendis, sumendisque vestibus efflueret: in quibus adeò, Præpositorum annutu, dudum iam somnum capiebat; quod illi & opportunius erat ad preces, neque commodum minùs corporis viribus, & salutì. Sordibus, quæ vel illi molestiam facerent, vel tempus ad munditiàm sibi inducendam eriperent, nullis erat obnoxius: quamobrem mundities erat illi, mentis & corporis, atque inde plurima quies & otium. Precum argumentum à pœnis Christi ducebat, ex aliquibus rhythmis quos cum sensu pietatis tenerrimo, lacrymisque sponte fluentibus depromebat. Hæc verò memorabat ipse, cum suum Moderatoribus animum ex Obedientiæ imperio, integrè, candidèque aperiebat: expositis ante alijs, quæ ipsi ruborem incuterent. Dignum memoratu illud est, quod aiebat. Quærenti ex ipso mihi, quam sibi materiam sumeret ad precandum, respondit: Pœnas Christi Domini meditor: nihil enim aliud occurrit mihi, quod perputem; in ijs quippe sunt omnia.

Erga se: Præter religiøsæ vitæ communem ceteris rationem, contemptum sui cum animi cupiditatum & affectuum diuinæ voluntati aduersantium victoriâ coniungebat. Custodiebat id verò perquam seriò: experimento namq; didicerat, vbi deesset his ipse nonnihil, deesse scilicet & ipsi Deum, consuetam sibi sportulam adimentem; quam humanis rebus omnibus præhaberet; & cuius ope diuini obsequij opera erectus moliretur & alacer; atque in aduersa omnia animi plenus & virium niteretur.

Ità se contemnebat, vt acerba grauique omnia ferre, ac deuorare ipse, eademque simul ab alijs auertere percuperet; quibus, quantum in ipso esset, omne obsequium exhibebat. Atque hoc de fonte principium illi fluxit vitæ, largissimusque thesaurus. Vanis hominum iudicijs, ac rumoribus maior erat. Vestes verò ità pauperes & obsoletas amabat, vt ex ijs homo despiciatus, & nihili haberetur. Disitabat porrò, Quid ad me, cur ab hominibus magni fiam? Quid inde in me boni pertineat? iminò verò

ab

ab ijs aliquo loco haberi me, meaque æstimari, impedimento atque incommodo fortasse foret; opi verò est in obliuione esse, omnium, & contemptu. Atqui, aiebat ipse, id accurrandum mihi est, quod proficere mihi, non officere possit.

Erga Præpositos: Insigni eos honore colebat; quippe quos synceris oculis, vices nimirum Dei gerentes intuebatur. Statueratque suum apud animum certissimò, ab eorum imperatis maxime licet arduis, quicquid obuersaretur contra, nullâ vnquam causâ discedere: aiebatque; Hos ego Præpositos omninò feram in oculis, vt vt me coërceant, atque, vt ipsius dicam verbis, gratias me velint exercitum. Quam in rem aliquid mihi de quopiam narrauit arcanum cognitum ipsi ante aliquot annos: in quo ipsius quidem sententiâ, modum Præpositus exhibat, eum hominem curis tristissimis obruens, cuius existimationem altè scilicet vulneraret. At ille pro virili egit, vsus nempe tum opportunitate rei, quam Deo litauit, tum & silentio, ne, quo nomine ab eo tam asperè acciperetur, posset intelligi. Quamquam verò vt rem gestam ille memòrabat, minus temperatè videbatur egisse Præpositus, qui fidem illi purganti sese negasset: eò tamen, quia ille pro veritatis studio ducebatur, hoc sui periculum & ipse ad incrementum retulit tum honoris erga Obedientiâ, tum processus sui. Hæc enim huic cælestium bonorum, præstantisque virtutis origo fuit, emori sponte sibi, vt Deo viueret, vsurâ temporis ac loci tam boni. Querenti etiam ex eo mihi, quonam loco ipsius cum Deo res essent, respondit; antequam totum obedientiæ sese permitteret, inquietè se quidem semper habuisse, nec benè: postquam verò omnimodam statuit obsequelam, & præstitit, benè sibi, ac beatè sic esse, vt nihil supra. Precandi tempore alijs vacare ministerijs à Præpositis iuberetur, nihil se pensi habere preces omittere, dum pareret: immò perinde sibi ex animo esse plastrum agere, atque orare: eoque magis, quòd non capropter animum auocabat à precibus: interea enim loci sacros de Christi Domini pœnis rhythmos recitabat, meditabatur animo, & Dominicam precationem, eiusque mysteria recolebat.

Erga proximos: Ipsorum salutem, Deique in omnibus notionem, eiusque diuinæ legis custodiam ardentissimè sitiebat. Hinc illud ipsius studium adiungendi sese omnibus, in quos obiret, operarijs: eisque dans prima, postrema sibi referuans, de diuinis rebus sermonem cum ijs inferebat, præmeditatus diligenter ante, quæ diceret. Eâque illum scientiâ, pro ipsius modulo, tam dulci cum lenitate Deus imbuerat; vt quibuscum agebat, eorum serè lucraretur animas, & vitam immutaret. Deque his quædam mihi

mihî præcipua inemorabat, quæ ipsius dictis fidem certè optimam adstruebant. Namque alios quidem obiurgabat, alios verò mores iubebat sumere Christianos; fidenterque mihî affirmavit; Hactenus de Deo loqui cum omnibus liberè non sum ausus, sed cum aliquorum delectu, percautè: atquæ de eo deinceps loquar profectò cum omnibus. Quæ cum diceret, lacrymæ illi ab sensu pietatis defluebant. Sermo igitur de diuinis rebus illi perpetuus; quem iam non consilio quidem, sed vsu susceperet: quod ex hoc Collegio perplurimi ad prædium itantes, omni exceptione maiores affirmant. Cuius ipse animi candorem, atque ingenuitatem, euentusque rerum probos intuitus, inducere animum haud potui, vt ab hisce sermonibus inferendis illum abstinere iuberem; cum ea de re necum seriò perputassem; eiusque inhibendî consilium, saltem aliquod ante animo agitassem. Plurima inbutus erat Cæli luce, in habitis ruri, Obedientiæ iussu, allocutionibus apparente. His verò omnibus, & ijs, quæ commemorata fuere superius, locuples testimonium dicunt laudatissimus ipsius vitæ exitus, indicatusque illi postremus mortalitatis suæ dies; ab eodem ipso, oëdiuo ante prænunciatus; aliaque in supremis ijs præcipua vobis istic abundè comperta. Superest nunc, vt quando pro iussu tuo, communicate solatio; ea vobis descripta misi, quæ potui meminisse, tu idem mihî reponas, ijs ad me transmissis, quæ vestrâ fuerint operâ studioque collecta; eiusdem præterea de Christi pœnis rhythmos, quos in agro canebat, & meditabatur in plaustro: indicatis etiam ipsius solo natali, annisque religiose vitæ, ac ætatis: quo enim die decessit, id. noui. Hunc nobis diem Deus annuat æquè felicem: tuoque ipse viuat in animo, amorque tuus idem sit, & solatium. Amen. Villæ Martia Kal. Maij 1579. Hæc de Ioannis Ximenij virtutibus conscripsit Præpositus ipsius, & Pater optimus; quibus obiter suâ facultatem & vim animi ostendit ad eorum quibus ipse præficeret virtutem, ac spiritum dignoscendum; qui suas nimirum oues boni Pastoris instar cognosceret.

CAPVT QVADRAGESIMVM QVINTVM.

De eodem Ximenio alia quedam notata digna: & nonnulla præcipuè cum Baltasare acta.

PRæter ea, quæ superioribus litteris commemorata sunt à Baltasare, è re fuerit alia quedam eiusdem ore affirmata, ac fidei non

non dubitanda rescita de Ximenij virtute, ac sanctimonia proferre: qui nempe rationis ductum suapte semper genio secutus, ab religiosæ vitæ complexu profecit in eo maximè, seque ipse perfecit: illo utique sensu, quem supra laudauimus, trium eorum, qui nobis præsunt, sequendi ductum, & dicta, Dei, Præpositorum, & Rationis: quâ viâ ingentes in omni virtute processus effecit.

Ab ipso igitur statim initio, magna vi se ipse infectatus est, naturæque appetitionibus aduersatus: eius impetus omnes domans, & quicquid illa respueret, aut horreret, animosè peruiuens. Collegium ex agro cum peteret, quicquam eò comportans, præter ipsum otium tunc, studiumque precandi, interrogabat se ipse, ac respondebat, hoc ferè modo: Vnde, & quò, Ximeni? ab agro ad Collegium quieturus ibi tantisper. Quid si aduentanti tibi hoc aut illud operis imperetur? minimè verò imperabitur: fatigatus enim exciperis. Quod si nihilò fecius iubearis? parebo scilicet perlibenter. Statimque, Obsecro Domine, aiebat, fac iubeant. Acciditque sæpius, Deo ipsius votis annuente, ut fesso à via id ipsum illi opus iniungerent, de quo secum ipse in itinere disceptarat. Præstabat id verò summâ, quàm poterat, alacritate, ac studio; præsertim verò si aut fimo purgandum esset stabulum, aut latrinæ mūdandæ: aut munera quædam ex despiciatissimis obeunda; quæ, ut sibi aduersaretur, amabat impensitis: quin etiam idem ipse, festis aliquando diebus, ut otium coquo daret, suam operam culinæ ministerio addicebat. Inutile humum à Collegio ad flumen semel exportanti illud in mentem venit, graue sibi aliquatenus fore, si, exutâ tunicâ, interioribus tantùm breuibus opertus incederet. Verùm id ipsi cum extra domesticos parietes sine venia non liceret, consilium iniit, Rectori eo in amiculo occurrendi; à quo cum indnere tunicam minimè iussus esset, id ipsi loco veniæ visum est satis: eoque habitu diem illum totum vehem egit ad flumen. Has, aliasque huiusmodi occasiones, vbi darent sese, quibus saluâ obedientiâ triumphare se posset, omnes ad vnam auidè scilicet arripiebat.

§. I.

Is verò cum maximè lætabatur, quas ipsi Obedientiâ deferret. Dominico die, horâ antemeridianâ septimâ, incuriæ cuiuspiam nomine cibo illum abstinere iussit Rector. Eundem mox Administer misit in prædium: neque cibatum secum vllum Ximenius abstulit. Sub noctem deinde reuertit esuriens, atque ante diuinissimam Eucharistiam effusus in preces, votum ibi eius imperati facien-

ciendi, cibique, nisi cum imperio, non sumendi nuncupauit. Quamquam verò cœnæ datum est signum, suo ipse in cubiculo sub-
stitit, donec diuinæ prouidentię consilio postremus omnium cœ-
natum Rector iuit; rogauitque, an desideratus quisquam esset in
cœna: Ximenium dixere, profectum in prædium: iussit illum acci-
ri, rogauitque mox, cur abfuisset à cœna: At ille, quia tu, Pater,
inquit, cibo abstinere me iusseras: ipse verò, probatâ obsequelâ,
iussit illum cœnare. Alio rursus die ab agro necessaria operarijs
prouisurus adueniens, sui aduentus causam Moderatori indicauit.
Hic verò, hominis exercendi gratiâ, obsurdescere scilicet, & obmu-
tescere. Ximenius, cui festinato opus erat, iterum ac tertio in-
stitit; & tamen illum Rector horam integram, nullo dato respon-
so, demoratus est. Tum Ximenius ratus se morosiores fuisse,
quorū aduenerat, toties repetito, Deo pollicitus est, si locus
aliàs idem ferret, habiturum se satis, semel tantum, quo factō esset
opus, exponere; idque deinde totum Moderatori permittere. Po-
stridie reuersus ad eandem rem est, aitque, Adsum vt mihi accu-
randa suppedites. Atque in his verbis conticuit, tres horas præ-
stolatus responsum, preces interim adhibens affixæ ibi Christi è
cruce pendentes imagini: donec Rector illius animum tolerantem
iuxta, ac securum intuitus, ea, quæ præsentem in rem posceret, il-
lum iussit accipere. Præcipua eidem etiam in hunc modū plurima
euenere; quale illud est suis à Baltasare litteris commendatum, de
aqua ex Ibero ab Ioanne conuicta; quod habitum ab vniuersis est
loco miraculi: idque sensu ille tenerrimo memorabat, diuinæ
prouidentię suauitatem intelligens, præsentiores ijs, quos, ob-
sequendi causâ, confisos Deo grauiores premunt angustię. Atque,
vt appareat quanti hæc obediendi ratio à Deo fiat, illud hoc loco
meminero, quod ipsi euenit in Templo ante Deiparæ effigiem,
oranti, rogantique illam enixè, vt præstō sibi esset, seque itā di-
rigeret, vt salutis viam quā exploratam iniret. Dicentem sibi
vocem audiit; Iter hoc, Ximeni, obedientię cœcæ, quod es in-
gressus, insiste: sic enim tutō ingrederis. Ab hac voce immuta-
tum se maximè, melioremque in hac virtute sensit effectum. Cum-
que ab eo Præpositi rationem vitæ reposcerent, quærerentque, num
alacri, firmoque esset ad virtutis perfectæ studium animo; Ab ea,
dicebat, nocte, qua me Regina Cælitum allocuta est, nihil est aliud
quod antiquius, aut cupidius exoptem. Hęc, relatu Baltasaris, in-
dicata sunt nobis.

Iam verò de illius erga Paupertatem amore quid dicam? qui
quæ domi essent deterrima, in cibatu, amictu, rebusque ceteris,
ea sibi præsumebat: capiebatq; somnum sæpe incubans stramen-

tis in stabulo, eo nimirum obtentu, ut iumento pabulum suppedicaret. Pluris tamen paupertatem spiritus faciebat; quæ ubi desit, altera minus prodest. Socius illi semel, quàm obtritit, inquit, mi frater, vestibus amiciris! & quàm benè paupertatem colis! Cui Ximenius, non sunt, ait, panni paupertas. Ecquid igitur, ait ille, paupertas est? Paupertas, Ximenius inquit, est, in omnium rerum defectu, animi corporisque pax & tranquillitas. Vbi enim quis deterioribus vestibus, calceis, ac cibis assueverit, sic, ut quæcumque accipiat, satis illi superque sint, ea corporis animique pax est: quæ certè caret is, qui datis, quanquam bonis, minime acquiescit; quin immò querelas & murmura in dantem ferit, quòd ea ipsi minus arrideant. Id ipsum aliàs expressius multò alteri de paupertate, quid ea sit, quærenti explicuit, hoc exemplo. Si quisquam, inquit, hortum fructuosus elegantibusque arboribus consenuisset; eoque ab se diligentissimè culto, ac directis in quinquuncem ordinibus, euulsas, euerfasque arbores omnes crastino inueniret, neque propterea perturbaretur animo, excideretque illi tranquillitas, hoc utique paupertatis spiritus argumentum esset. Paupertas spiritus est, omnibus, quæ Deus ipse non sint, spoliari: quòd si quippiam amat quisquam, aut horret, præterquam Deo, ipsius vnus causâ, obsequi, aut eundem summè bonum ab aliquo violari, nequaquam illa germana spiritus paupertas est.

Præcellam hanc Philosophiam Ximenius non à libris haulerat, sed à precibus, eo imbutus diuino Spiritu, qui sine argumentorum strepitu veras docet, egregiasque sententias. Habebat has verò perfrequentes: de Deo enim, diuinisque rebus perbenè & quàm libentissimè cum audiendi cupidis loquebatur. Cùm ruri, cui nomen est IESV de monte, Baltasar Inspector vnâ cum Prouinciali versaretur, iussit illum super mensam, lectionis loco, in caput aliquod Thomæ de Kempis concionari; vel de eodem argumento dicere quæ sentiret. Is verò tanto cum consensu rationum, ac spiritus ardore dixit, ut cum auditores virtute tanta præcellerent, fratris tamen indocti sanctam illam sapientiam fuerint admirari. Neque à mensa sine lachrymis abiire: quod & Baltasar in ipso prædij aditu prædixerat; eo die lachrymas in mensa non defore. Narrantem audiui, Baltasarem ne, an alium, non meminî, inter alia aliquid ab ipso dictum ibi fuisse, consentaneum ijs maximè, qui doctrina sunt imbuti, non spiritu. Plaustrum, inquit, offendi nuper onustum hordeo, duobus actum mulis, ipso quidem aspectu præstantibus, validisque, immersum, infixumque sic cæno, ut progredi ultra non posset; donec ipso me, aliisque mecum

mecum viatoribus rotas attollentibus, plaustrario inter im conto & clamoribus perurgente, eo ex luto emersum est denique. Percontatus ex eo sum, quid causæ foret, cur tantæ bellæ ac tam robustæ plaustrum ex eo volutabro extrahere minimè potuerant; illud esse, inquit, in causa, quòd imbecilles essent viribus, ac perparcè vescerentur. At enim cur, inquam, illæ non vescuntur? non ob hordei, inquit ille, penuriam aut defectum, hoc enim abundat in plastro, sed quòd iis id nemo suppeditat. Hic verò, Ximenius inquit, ea meæ menti species obiecta est de præstantibus litteraturæ viris, sacris oratoribus, & magistris, qui hæere assolent in via perfectæ virtutis, neque se loco tantulum commouent, quòd imbecilles sunt, & infirmi: non eò certè, quod spiritali careant alimento; plaustrum enim mentis cognitionibus rerum cælestium confertissimum est, quas alij indicant, & exponunt; sed quòd ijs minimè vescuntur; neque eas ad se referunt meditando, vt suos ipsi animos excitent, suamque vitam seriò ac diligenter emendent. Id verò tanto effatus est spiritu, vt cum hoc simile risum mouere videretur initio, seriam in rem deinde traductum, ex oculis sodalium lacrymas expresserit.

S. II.

Alijs etiam pietatis insignibus, ardoris ac sanctimonie argumentis Ximenius laudabatur. Lustralem aquam pie adeò colebat, vt suam in extruendo Templo operam nauans, sarcinam licet vestans, quoties ad eius concham accederet, eâ sese, cum mora, per quam reuerenter aspergeret. Vbi verò signum edebatur Salutationis Angelicæ, occupatus licet in opere, vel onustus, omnia dimittebat extemplo, genuaque fledebat ad preces. Hæc verò pietatis argumenta, quàm sibi grata forent, voluit Deus indicare, miraculo, in ipsa Templi Cæsarangustani structura. Eo enim saxum ingens quadratum, alio secum connitente fratre, per decliuem asserem sursum orbiculatim agente, cum lapis fulcro, angulari parte obuersus incumberet, salutandæ Virginis editum signum est. Ximenius salutationem recitaturus saxum dimisit, sociusque (Dominicus Caluctus is erat) eius exemplo permotus, manum amouet à lapide; illum ratus deuolutum iri præcipitem: at lapis tantus licet, vt sursum à duobus agi vix posset, tam decliuui, vt dicebam in asserem, suo stetit in angulo. Salutatione dicta, repetunt lapidem; vnoque impetu constitutum in locum propellunt, non sine plurima ipsorum, ob rem tunc gestam, admiratione. Diuino ferculo ruri refectus, vt qui parietibus contineri non

posset, apertum in agrum eijciebat aliquando sese, ut suum ibi animum liberius egeret, suspirijsque & iactis in cælum vocibus recrearet.

Collegium ex agro petens vnum Landulphi Carthusiani librum, quem in via legeret, secum ferebat. Domi verò tribus ex eo lineis quatuorue perlectis, Eamus nunc, aiebat, meditatum: ouicula enim, nisi ruminet, hand pinguescit. Paucis delectabatur libris. Quandiu in Societate vixit, vixit autem annos septemdecim, duos dumtaxat libros euoluit: Epistolas D. Catharinæ Senensis alterum, alterum Christi vitam à Carthusiano conscriptam. Baltasar vno, ante ipsius suprema, mense, legendum illi tradidit Thomam de Kempis de Contemptu Mundi, postquam illum Ximenius, imitando, integra in sese fide transcripserat.

Studiosissimus animarum fuit, culparum pœnas igne piaculari luentium; quibus refrigerandis alleuandisque, permulta piorum suorum operum earum in suffragia conferebat; diuinæ præsertim Eucharistiæ ferculum, quod suoapte nomine cæteris omnibus antecellit. Præter Dominicos dies, quibusij, qui sacris non operantur, ex præscripto legum, Eucharistiam sumunt, eiusdem frequentandi mysterij cæteris etiam festis diebus veniam petere consuevit: quam tamen antequam deposceret, Deum ea super re ante diuinâ ipsam Frugem consulebat; aiebatque secum: dubitationem hanc omnem eximet mihi Præpositus; si annuat, renuatue, argumentû id erit, Deo probari, vel contra. Ut res tamen esset, sacrâ Synaxim eorum suffragio animorû deferebat, qui opis cum maximè indigerent; quo studio plurimum illi huiusce pietatis accessit. Quo die Cælites omnes solemnî honore coluntur, ante Virginis Conceptæ imaginem precabatur; tacitusque religione tunc est, minus se studiosum esse animorum iusta Deo piacula exsoluentium: hic verò vocem accepit, sibi clarè disertèque dicentem; Ximeni, memento animarum, quæ igne purgatorio cruciantur. Huic ille voci respondit alacriter, Equidem Domine meminero: atque ex eo tunc, ad vltimum vitæ diem, octo quibus superuixit annis, extrema omnia, intimaque seu voluntariæ afflictationis, seu pietatis opera in suffragia detulit earum animarum.

In peculiariibus, quæ obibat muneribus, præcipua ex ijs etiam animo perpēdebat secum. Palmites semel cum socio fratre legebat in vinea, sedulo illo quidem ac proprio. Ratus ipse hunc minus piè, sanctèque eo labore defungi, monuit id illum scilicet, at submisit. Is verò Ximenij lencitudini, naturâ nempe pituitosi celeritatem suam anteferens, Et meus, inquit, frater, quo pietatis sensu tam lentè laborat? Cùm ascendo, respondit, Deiparam.

Vir-

Virgiuem, Sponsumque ipsius Sanctissimum Iosephum in Aegyptum sequor; ac meam ijs operam, eâ ut velint uti, polliceor. Cùm deinde descendendo, eosdem subsequor Nazareth. Atque in hunc modum pia semper meditabatur, rebus, quas obibat, accommoda.

Aliud etiam memoratu dignissimum Baltasari accidit cum Ximenio, occasione Laici alterius in eo colendo ture suam cum Ximenio operam conferentis. Adijt hic Inspector, &, aliquo liuoris sensu, quo in ijs, quæ ipsi tractant, probi licet, afflari quandoque solent, Plaustrum, inquit, à Ximenio agi non expedit: animo enim quandoque fertur à sensibus tam abstracto, ut, quâ plaustrum ducat, planè non videat: quamobrem eius aliquando rotam super puellam egit. Id verò muneris in se recepturum esse se dixit, rationibus alijs ad id Visitatori persuadendum allegatis. Iussit Visitator acciri Ximenium: ecquid actum ea de puella esset, percontatus ex eo est. Atque hic, quemadmodum, inquit, currus in eam obuenerit, eandemque rota compresserit, equidem ignoro: Illam ego Deo confestim commendauì, & IESVS, inquam, tibi adsit: ea verò tunc cerè euasit incolumis. Eam rem ad prodigium pertinere sensit Inspector. Mox fratri alteri accersito, Curam, inquit, uti rogabas, in te plaustri recipito; sed ab ea scito innoxium remoueri Ximenium: abest enim culpa ab ijs, quæ tu memorabas. Veniam ab eo pete, ac time Deum ultorem, ne quid infaultum tibi, eius permisso, contingat. Paulò post, quàm à Prouincia Visitator abierat, anno ferè, aut non multo plus tēpore elapso, fratrē hunc plaustrum agere ad salem conuendū oportuit. In reditu, mediâ prope Cæsaraugustâ leucâ, non procul ab D. Amberti Cœnobio, sub lucis occasum, mulus improbè & cum contumacia in clium egit sese, amplâ viâ licet & commodâ; cuertitque plaustrum, & solo fratrem abiecit, ex templo exanimatū à casu; cui, extincto nempe iam die, nemo fuit qui posset ire suppetias. Sub lucis deinde ortum agrestes adfaere, qui dicerent, cum ab ipsis, nullo accepto vulnere inuentum exanimem: ut ijs nempe, quæ Visitator prædixerat, veritas responderet. Credibile verò admodum est, eam non nisi temporariam fuisse penam: is enim frater sacræ confessionis, & communionis mysteria pridie, quàm extingueretur, obierat; religiosamque vitam cum pietate coniunxerat. Neque porro leuioribus culpis aliquos eiusmodi perstringi mirandum est, quæ igne deinde purgatorio eluuntur.

Denique ab lustratione Prouinciæ cum abiret, spiritum Baltasar Prophetæ, quo imbutus erat, ostendit. Etenim Cæsaraugustâ

gustâ discedens, disertè Patres admonuit, &, Inuigilate, inquit Ximenio, breui namque decedet. Hoc ipso die ad Collegium ille ab agro concessit ægrotus: neque se sibi ablecto vnquam deinde restituit. Febri consumptus est vehementi, raro patientiæ, vt suadere faciliè memorata possunt, exemplo. Intelligens enim modicum sibi superesse iam tempus augendi merita, opesque nullo vnquam tempore perituras, rerum suarum satagebat impensius. Vacabat sibi tam intimè, animumque cum Deo ita coniunxerat, vt neutiquam distrahi in rem aliam videretur: ea, quæ illi accidebant à morbo, non aduersantium, sed incitantium, atque opitulantium vicibus fungebantur. Nunquam, nisi interrogatus, locutus est, quòd si de diuinis rebus interrogatio fuerat, altissimè scilicet respondebat. Quærenti ex eo Prouinciali Petro Villaluio, Num cælestis patriæ desiderio teneretur; Pater, inquit, colamus nos pietatem, Deoque, vti par est, obsequamur; postmittamus deinde cætera, eaque Deo integrè permittamus: is enim summè bonus ac iustus gratiam, vt meritus est, cuique reponet: adiecitque, cælestis patriæ desiderium posse ex amore sui proficisci. Cibum illi semel Valetudinario administrante, aderat ex fratribus alter; isque, Ximeni frater, inquit, mecum siles? cur te non exhilaras? At ille, Mi frater, inquit, fessum nempe iumentum est, paratumque discessui post octo dies. Secuta verò res est, tertia enim illa erat feria; eodemque insequentis hebdomadæ die ex hac mortalitate migravit. Sextâ verò, quæ illius obitum antecessit, feriâ, hic idem socius apud illum excubans, laborantem intuitus, rogauit, quid illi esset incommodi; nihil, Ximenius inquit: Certè quidem, frater, ait, benè mihi, ac suauiter est, quàm cui maximè. Dominico deinde die imminere illi videbantur extrema: aderant proinde, eoque in exitu ferebant opem Prouincialis Præpositus, alijque Patres, rati enim ante vesperam decessurum. Ex ijs nonnemo, Au non, inquit, frater, opportunitum iam esset sacram cædis Dominicæ historiam recitare? Maturum, inquit, nondum est: admonebo ipse cum fuerit. Eiq; subijcienti, fructuosus id fore tunc, integris ipsi sensibus, quibus cariturus nox esset: Vtique, Pater, integri erunt, inquit. Postera secundæ feriæ nocte apud illum hic idem Pater piis inuigilauit excubijs: cui Ximenius multa iam nocte, nunc, Pater, inquit tempus est cædis Dominicæ prælegendæ. Ille domesticos aliquot coëgit, eaq; recitatâ diuinissimâ historiâ, dimidio ferè post mediam noctem quadrante, tertiâ ineunte iam feriâ, spiritum Ximenius Deo reddidit, pacatè adeò, suauiter, & quietè, vt vix ij qui aderant, nisi postquam nigrauerat, senserint.

Com-

Complures Patrum ad eius pedes accidere; eosque summo cum honore, atque sanctimonie illius exultatione deosculati sunt. Momento ipso temporis, quo animam efflauit, supra Ximenij cubiculum, grauiorum Patrum aliquis dormiebat. Is non-nihil exterritus ab somno excitatus est; suoque in cubiculo lucem vidit ingentem, quæ videri mox desijt. Obijt Februarij die 24. Salutis anno 1579. Atque ex eo tunc tempore in hodiernum diem, sanctissimi huius fratris, exempli nimirum non Laicis dumtaxat, sed & cæteris etiam viris religiosis absolutissimæ perfectionis, memoria recens, suauisque seruatur: eodemque ipso felicissimi sui obitus die, seu paulo post, videndum obtulit sese Baltasari, in difficultate quadam itineris, vti capite insequenti exponam.

CAPVT QVADRAGESIMVM SEXTVM.

Præpositus dicitur Peruanæ Prouinciæ. Eidem Villagratiam reuertenti prodigiosum aliquid accidit.

INspectione Aragoniæ iam extremâ, nauemque ingressus, Maioricam in Insulam, quæ ad eam Prouinciâ pertinet, traiecturus, acceptus est à mari tam iniquè, vt vsu sensuum destitutus proximè à supremis abfuerit. Id verò temporis alio illum nuncio tentare Deus voluit, quo Præpositum se Peruanæ Prouinciæ dictum accepit, Baltasaris Pinnij postulatu, qui cum eius Prouinciæ procuratione Romam aduenerat; eamque rem cum Societatis nostræ Generali transegerat: ratus ab eius virtute ac studio, Sociorum ardorem, opusque expeditionis Indicæ ad infideles Christo adiungendos promotum iri. Hoc ille imperium multa cum animi serenitate, luxque cum diuina voluntate consensu excepit: expertusque licet, quàm malè sibi esset ab iactatione maris, vrgerique se magis eâ, qua vexabatur, vrinæ difficultate sentiens, neque scilicet repugnauit, neque conquestus est, quòd, de tam longo in plagas adeò remotas itinere antequam decerneretur, in consilium adhibitus ipse non fuerat: verùm reum omnem diuini Numinis prouidentie nos, ac nostra per Præpositos regenti permisit: vti ex litteris apparebit eidem Pinnio Cæsaraugustæ datis, hoc pacto. *Si ex Deo consilium hoc est, non poterit dissolui.* Exitus acta probabit: quòd si à Deo vocor ad Indos, apud me non minus valebit certè vocatio, quòd de illa expeditione non nisi iam constitutâ significatum est mihi. At enim cælestis curiæ mos, ac tenor hic est. Cum ex Aegypto abire populum

Ps. 102. 7.
Ibid.

1. Reg. 16.
19.

„lum suum iussit Deus, eum certè consilium hoc latere noluit:
 „quod tamè non ipsi, sed Moyse proximè indicauit: *Notas fecit vias*
 „*suas Moyse*: perque hunc iis: *Et filijs Israel voluntates suas*. Erat
 „quod de me à mari pessimè habito exponerem: sed si momen-
 „tum in eo esse videbitur, expones ipse: quòd si, audita re, ea-
 „dem adhuc Generali inens erit, *Odoretur sacrificium*. Tuos terrà
 „marique labores ex altera quidem parte commiseror, sed &
 „ex altera ipsidem inuideo. Idem qui te confirmat, poterit vires
 „& mihi sufficere. Has ille in te humanas item, atque diuinas
 „amplificet; idemque tua lux & vita esto. Amen. Hæc Baltasar:
 „& quantum in ipso fuit, perstitit vsque, *fortitudinem suam*, vt
 Isatas ait, *in silentio & spe collocans*; non sine multa eorum ad-
 miratione, qui norant eum scilicet, atq; ab ipsius discessu maxi-
 mè angebantur. Solatium verò adhibens Ioannæ Velasquæ Gan-
 diæ Duci eam ob rem mœrentissimæ, Diù iam, Baltasar, inquit,
 Domina, silentium in ijs, quæ ad me pertinent, seruo; precibus
 interim vaco prolixius; resque omnes Deo, eiusque nomine, Præ-
 positis permitto. Sed diuini consilio Numinis factum est: vt alij
 pro Baltasare loquerentur interpretes; Magdalena præsertim Vi-
 loia, domus Villagartiensis Fundatrix, cui ille præerat, cum in
 Aragoniam profectus est. Hæc à Generali Præposito tam enixè
 efflagitauit, vt ad animi sui solatium relinqueretur ibi Baltasar, vt
 integrum non fuerit postulanti non annuere: assentientibus etiam
 rationibus, quibus, illum retinendum hic esse, alij ex huius Pro-
 uinciæ Patribus confirmabant.

Non tamen hoc loco illud omittam expendere, quàm profun-
 da & arcana sint Dei consilia; quàmque tutum sit diuinæ illius
 prouidentiae omnino sese permittere. Intra enim hunc annum,
 ea, quam à navigatione metuebat in aquis, in terris illum mors
 sustulit. Quòd si Baltasar illi repugnasset imperio, id à nobis ad-
 scriptum pœnæ fuisset, quòd ad eundem, quem fugerat, scopulum
 impigisset; & merito caruisset, & contentionis suæ stimulatæ
 conscientia decessisset. At enim illi, qui Deo, prouidoque ipsius
 Numini sese vsque permiserat, in compendium omnia vertère:
 meritis nempe aucto à paratâ voluntate in Indias demigrandi: obi-
 tæque morte ibi loci, ac temporis, vbi eam Deus illi decreerat, pa-
 catè admodum & quietè.

Sed, vt historiam repetamus, Inspectionem Aragoniæ tanta
 cum vniuersæ Prouinciæ approbatione Baltasar obiit, vt eius dis-
 cessus omnium animos perculerit: eumque sibi renunciandum,
 primò Prouincialem singulari studio postularint. Iussisque valere
 omnibus; ac Prouinciali Petro Villaluo, à quo ad Agredam vsque

Vil-

Villam in Castellæ finibus comitatus est, multis cum lacrymis dimisso, iter suo cum socio profectus est, patrioque oppido Cerverâ traiecit. Paucos ibi dies commoratus discessit Burgos: quo in itinere, ut in cæteris, diuinæ paternæque providentiæ periculum sumpsit erga se, suosque comites; in quibus germanus ipsius erat, vir egregius, Gaspar Alvarez. Atque is pedite cum famulo viæ se dedit, constituto apud se Burgos usque Baltasarem comitari. Importuna cum primis erat imbribus, niuibuscque tempestas: viæ verò per aliqua camporum æquora erant eiusmodi, ut lacunæ veriùs viderentur esse, quàm viæ. Dies verò postremus molestissimus fuit omnium, nam & pluvius continenter fuit. Horâ prandij aduecti ad diuerforium sunt, ubi aleatores erant sacrosanctum Dei nomen ad verba, inter ludendum, singula impiè violantes. Infimis precibus vir religiosissimus obsecrauit homines peramanter, abstinere ab ijs in Deum contumelijs: at illi: qui nimirum sese in ludum immerferant, neglexere monentem, quâ Dei offensâ adeò cruciatus est animo Baltasar, ut moræ impatiens, dum mulæ reficerentur, instruereturque mensa, per se ipse vectariam belluam sibi strauerit, in eamque statim ascenderit, eo exemplo alijs ad subsequendum impulsis. Aliquot prouecti sunt leucis, effluentibus sese continuo imbribus intemperantissimè; nullâ vel loci copiâ, vel hominis à quo doceri possent, aut duci. Baltasar, studio precandi commodius, alios ad iactum ferè lapidis antecedeat. Verùm in æquor aduectus, stagnantibus adeò aquis, ut fluij speciem præferrent, sepulta nempe iam luce, cùm, quâ tenderet non appareret, demoratus est cæteros: at ij illuc aduecti hæsitabant usque, ingentibus sese vndique lacunis septos intuiti. Hortatus eos Baltasar est, Deo se, coniectâ penitus in eum fiducia, commendarent; affore ipsum, ac lucem ducemque daturum. Consensere in preces vnâ omnes; post aliquantulam deinde moram, clamore aliquoties edito, si fortè agrestium, aut viatorum, quisquam audiret, quem viæ indicem habere possent ac ducem, nullo suppetente, adfuit Deus in tempore. Equitem enim conspexere cæcido inuictû equo: isque se ipsis adiungens, quò tenderent, percontatus est: & respondentibus, Burgos, perhumaniter inquit, Vnâ igitur eò ibimus. Subsequimini me gnarum viæ; & quâ ingressus ipse fuero, ingredi & vos tutò poteritis. Prægrediebatur is equo in albo, cuius à candore dispici vel in nocte dux posset. In iumentum fortè obuenerunt, sub lignorum sarcina constrictum in via, puerumque videre mœrentissimum, opem illi, quam poterat, afferentem. Ille verò equitans, nec resistens, tactum modò iumentum crexit ex templo. Hæsitabant subinde sequentes, quip-

pe qui medias in aquas, nullo apparente viæ vestigio, duci sese conspicerent. Sequebantur tamen, nam & ipsos ille confirmabat animisque continenter additis exinebat à metu. Ijs superatis paludibus, adiunxit sese Baltasari: facillique ac iucunda inter sese consuetudine viâ plurimâ ceteros anteibant. Baltasaris germinus cum gradu citatiore inuehi, peditem verò famulum à difficultatibus sequendo imparem esse conspiciens, inclamauit illi; festinaret minus, peditemque seruum, ac ceteros etiam sequentes difficillimè miseraretur. Vix ea, cum sibi famuloque equitem candido in equo vidit adesse: quanquam is disiectus admodum ab ipsis erat, vt diximus; famulumque manu prehensum equo facillè iuxta, atque festucam imposuit: suræque se Baltasaris consuetudini confestim, vt antea, reddidit; ad horam vsque noctis decimam, qua inuecti sunt Burgos. Ducem ab se voluit hic expeditum dimittere Baltasar, vt agenda Burgis ipse enim germano transigeret: abruit ille, comitem se ipsi fore ad vltimè iannam, quæ ingressuri erant domum, affirmans; illinc proutinus abiturum. Preiuit adeò, conuectio secum famulo: iamque ad ostium aduectus descendere seruum iussit: eiusque manibus tintinnabuli funiculum indidit ad pulsandum: statimque videri desist, nullâ, quâ ingressus esset, apparente viâ, famulo licet id oculis diligentissimis obseruante. Neque verò subsequentes proximè id ipsi cognoscere potuerunt: quod & Baltasaris germinus animaduertit; parabat enim homini beneficij gratiam; deque eo ex fratre quareret, Absist, Baltasar inquit; est enim illi, quod alibi agat. Atque hic Collegium Baltasar ingressus est; germanus verò Ioannis Moralis Salscedij Iurisperiti affinis sui domum contulit sese; vbi, quæ acta erant, cum prodigij nomine narrauit, eum, quem Ducem habuerant, non nisi è beatarum mentium cœtu aliquem fuisse affirmans: alius enim præter ipsum nemo, peritissimus licet viæ, tot per lacunas ipsos tunc duxisset: neque tam distans famulo sese tam illuc adiunxisset: neque in equum tam facillè eundem nulla ope alterius sustulisset: neque, vti desist, videri tam subito desisset. Idem famulus, idem Ioannes Nauarrus, laicus Baltasaris socius affirmabant: isque secretò innuit, equitem illum equo albo inuectum, Ioannem Xinienium fuisse, de quo superiore capite sermo fuit: cuius obitus in hoc tempus inciderat: fuisse autem ducem Baltasari missum à Deo; ei que dixisse, Quia honorem mihi habuisti, dum viuentem, missus à Deo sum, vte ex hoc periculo eriperem. Quanquam verò vir sanctissimus, pro sui animi demissione, prodigium hoc occulere, atque eleuare studebat, id abolere tamen, aut infirmare non potuit: quod ceteri tres tamen verè, con-

flau-

stanterque asseuerabant. Credibile verò admodum est, Dei nutu factum esse, vt hanc vicem tot collatis in se à Baltasare beneficijs felicissimus frater ille reponeret; suis cum illò cælestibus delicijs eâ prolixa per iter consuetudine communicatis; sociisq; vnâ ab eo, quod memorauimus, periculo vindicatis.

Burgis dies commemoratus est perpaucos, animos ijs adiungens, quos ad perfectionem incenderat: seque actutum contulit ad gratissimum sibi Villagartie secessum, vt quiete ibi commoda largiter frueretur: vbi & annos vitæ omnes, licuisset modò, cupidissimè exegisset.

CAPVT QVADRAGESIMVM SEPTIMVM.

Patrum institutio, qui, post exacta studia, Villagartie anno tertio probabantur. Quædam ibi gesta memoratu dignissima,

Cum primum Baltasar Villagartiam venit, antiquo ipsi ardore, suo se muneri reddidit instituendi Tyrones; præcipuam ijs operam nauans, qui post absoluta Theologiæ studia, annum ibi Tyrociniij tertium pro Societatis instituto, posturi erant: quod perquam seuerè constituerat recens Inspector eò missus à Generali Præposito, pro rei tantæ momento, ad excitandum spiritus ardorem, qui fortè inter litterarum studia intepefecit; ad ritè iungendam Scholasticam Theologiam cum mystica spiritus scientia, intimaque consuetudine cum Deo; vacandumque seriò ipsius sui, sui que iudicij, & voluntatis expugnationi, atque victoriæ; earumque perturbationum item, aut cupiditatum, quæ recens inter studia vel erupere, vel prodidere sese, ante quæ aut coercitæ nimicium erant, aut testæ. Sedenim quippe qui litterariis exercitationibus defuncti, oculos, quos clausos per Tyrociniũ habuerant, aperuere, plurimæque non ante ab ipsis visa, aut obferta cognorunt; maiores multò, quàm biennio primo, tercio hoc apud possunt habere progressus. Qui si diligenter, ac seriò exagatur, optinuis certè omqum est in Societate. Quod si dicendi locus sit de meis ibi tunc nundinis, quod in Dei gloriam vertat, aio, quadraginta, quibus, cum hæc scribo, in Societate vixi annis, nullum hoc mihi meliorem alium euenisse. Ibi enim merenti lux diuinæ bonitatis affulsit, vt seriam ipsi vellè seruitutem seruire: opemque in id plurimam contulit mihi vniuersè consuetudo

tudo Baltasaris, qui & mei voti, Deo indulgēte, potitus sū. Cū enim eo salutis anno 1579. studijs iam exactis, tertio Tyrocinijs anno, sexdecim numero socij probandi essemus, Methymnæ odo, totidem Villagartiæ, optavi cum primis, dedique operam, ut mitterer Villagartiā, quò eius loci maiori solitudine, & quiete vterer: multoque maximè, tanto ut Institutore fruerer; cuius magisterii, atque virtutis in pluribus, quarum memini, rebus experientiam iam ceperam. Quæ ut confirmem, alia hîc subtexam de ratione, qua tertianos Patres diversimodè formabat à Novitijs. Novitios enim exercebat severius, & frangebat, utpote qui eā veluti calaturā magis indigeant: At hosce antiquiores accipiebat blandius; eosque in mortificationis veluti carceribus statuebat, ut sua sponte in eius ipsi stadium profilirent. Excitabantur verò cum inaximè tum exemplo Tyronum, tum ut ijs ipsi forent exemplo. Itaque idem hic ardor in probatione inerat, atque Methymnæ Campi, quod diximus. At ij, cum modicum illud, & rusticanz gentis esset oppidulum, Methymnam de Riofeco, in proximum amplumque Oppidum petita veniā itabant: quò in nundinarium diem populares ex vicinia coeunt perfrequentes: ut ibi de se ipsi, cum calcato in luce hominum seculi fastu, gloriosius triumpharent.

In hoc cohibendi sui studio Franciscus Cordubensis, de quo trigésimo capite commemoratum est, extulit sese præ cæteris; ardore spiritus semper novus; qui & inter Tyrones ultimum vitæ diem obiit, tertium probationis annum hîc ponens; uti nempe probatus integrè migraret in Cælum. Mortem illi ex occasione peperit insignis sui, ad contundendum sese, despectus. Viennam unā ferè leucā disiunctā Villagartiā proficisci laicum fratrem, inaudierat, educandos domi porculos empturum. Suam ijs alendis operam despondit, exemplo Franciscus; præcipuā se in id operis facultate imbutum affirmans; quòd ipsi antiquum erat in rerum despicatissimis profiteri. Comitem se, cum facultate, emptori laico adiunxit: in reditu ijs ē suillis caulis v. uin. fatigatum à via sustulit; humerisque in eundem modum imposuit, quo Evangelicus Pastor effingitur, one, quæ perierat, inuenta; & quod idem præstitit Carolus Magnus, postquam Religioz vitæ in Casinati monte nomen dedit; eius Cœnobij gregem ipse custodiens; mirantibus omnibus celsitudinis olim tantæ Augustū virum suos humeros ouiculæ cōuohendē supponentē. Atqui vilior eā porculus est; fuit proinde miraculo non vulgari, Virum adeò clarum, Universitatis olim Salmanticensis Rectorem, plurimæque in Societate auctoritatis eā sarcinā gravatum aspicere. Vbi deinde ad Collegium

legium redijt, lateritiam, in quam illos includeret extruere har-
ram; cibumque ijs administrare cœpit in tempore. Aestus erat,
eique ab sole caput efferbuit: vnde & febres vrentissimæ exarsere:
atque, vti mihi affirmavit ipse, maiorem in modum intimo cru-
ciabatur ardore, quàm argumenta foris ostenderent. In tantum
verò morbus inualuit, vt vndecimo die illi vitam ademerit; om-
nibus ritè pièque admodum Sacramentis instructo; atque animo
in mortem alacri & parato, diuinæque voluntati, vti, ex quo
Societatem inijt, sic etiam tunc mirificè consentiente. Quan-
quam verò per plures in ea annos haud quaquam exegit, pluribus
ramen auctus est, maximisque promeritis; assidui causâ feruoris
in suscipiendis, vti meminimus, voluntarijs poenis: inque se sub-
mittendo strenuè, ac profligando. Quamobrem locuples longè
præmium, vti credibile est, illi Deus impertijt. Qui visus etiam
est cum subleui voluisse in morte Magistrum, quem fuerat in vita
secutus. Eodem enim Iulio mense anni millesimi quingentesimi
octogessimi mortalitate hac defunctus vterque fuit: paucis, vti
mox dicam, diebus discipulus post Magistrum.

Studebat porrò diligentissimè Bastasar, vt Tertiiani Patres in-
spirituales viros euaderent, atque precationis, diuinique con-
gressus amorem susciperent. Quos verò in id proniores ingenio,
aptioresque & instructos à Dei benignitate cognosceret, eos ipse
iuuabat operosius; inque suam consuetudinem prolixius adhibere
gaudebat. Ea propter cum Christophoro Gonzalio Patre tunc
Tertiano congregiebatur sæpius: queni orationis præcellæ dono
Deus ornauerat: & quem, cum aliæ in illum conspirarent dotes
eruditionis, prudentiæ & ardoris, in Tyronum magistrum se-
dulò ipse formabat. Cui muneri quàm mox adhibitus est Me-
thymnæ; quanquam suæ vitæ cursum breui confecit. Frequens
consuetudo mihi cum hoc Patre tunc fuit. Etenim, per studia lit-
terarum, cum mutuus inter nos de litteris modò sermo esset; hic
verò de rebus duratæ animi, deque virtutibus colloquia mis-
cebamus. Sciscitatus ex eo sum, quo tempore, quoque modo
tanto precationis munere auctus esset à Deo: atque, id collatum
sibi fuisse, cum apud animum suum certò consiluit cupiditatem
sibi à Deo immissam implere, inanis in re litteratiæ opinionis, &
gloriæ proculcandæ. Aggressus enim erat in Philosophiæ studia,
multâ cum ingenij existimatione, ac plurimis capacis animi ar-
gumentis: Verùm titillantis gloriæ stimulis cum admodum vexa-
retur, occasiones nempe venari. (studendi tamen diligentia non
omissâ) vnde rudi, pinguique Minerva præditus haberetur. Ea,
quæ nosset optimè, interrogare; ad prima respondentis verba,

quasi

quasi nil illi reponendum contra occurreret, obmutescere: nulla vi pertinacia, ut, quod saepe alij, suam esse victoriam ostentaret: neque dicis protervè ab alijs repugnare: publicis in Actibus spectatos maxime alijs deferri gaudere: minus in ijs laudatos sibi praesumere. His alijsque ad sese subigendum diligenter quaesitis, adhibitisque dissimulanter indulsijs, nonnihil illi de ingenij opatione decessit: plurima tamen accessit illi virtutis commendatio apud Deum. Quam & premio Deus affecit: eo in iucundissimam sui familiaritatem adscito: factaque illi inter precandum copia sui varijs, largisque animi delicijs delibato. Eiusmodi de Deo colloquia, submisit, ac studio pietatis habita, proficiendi cupidos iuvare plurimum assolent: id enim, quod evenit alteri, documentum est & calcar alterius. Quare Patris huiusce usus permagno mihi compendio fuit: coepitque tunc, errore depulso, intelligere, minus arduum esse quam crederem, amare contemptum: eam verò viam esse ineundam gratis apud Deum.

Verum Baltasaris altius sese intendebat, industria: is enim de studio precandi, virtutisque adipiscendae cum ageret, ne in extremam secessus immodici partem alteram discederemus; piusque proximorum usum ad iuvandos animos refugeremus; ad id etiam vocationi nostrae praecipuum suis nos in allocutionibus hortabatur: aiebatque in Socijs nimium secessum, à Spiritu divino non esse. Scimus enim aliud esse, quod à nobis praestari Deus expetit: neque in id nos ipse vocavit; neque id porro tutissimum est. Secutitas enim non anguli secreto, sed tutelam Numinis continetur: à quo & destitui in cubiculo possumus, si nos illi arbitratu nostro includimus; & custodiri in foro, si iussi, domo illuc egredimur. Neque verò conducibilis est hac immodica solitudo: eius enim amantibus, uti seculis nequam, divini Spiritus, gratiaeque sportulam subtrahit Deus. Eò complures ex altissimis ijs, quas laudavimus, sententijs, referebat: illud verò maxime pensitabat; siquidem Christus Dominus vna semel nocte, ad excitandos à somno discipulos, ter preces abruptit, nihil adeò magnum esse nostras à nobis praecidi, cum id e re fuerit ad animos à veterino flagitiorum, aut teporis excutiendos. Neque nos ab eo satis eximit, quod haec nimirum partes aliorum sunt; pius enim Samaritanus non ideo rei in tempore defuit, quia alij defuerit; ac licet Sacerdos item, ac Levita nulla sauci ab latronibus miseratione praetervehi erant, substitit ipse tamen, iterque, opis ferendae causam, interceptit. Oblatam nobis opportunitatem à Deo vacuum elabi nefas est. Si tibi aurum, inquit, humi forrè abiectum occurrat, illud sanè confestim attolles; neque porro disquires,

quires, cur illud antecedens aliis minime fuffulit? At enim quod
vsquam aurum pretiosius animo est? aut quoniam thesauro,
quam eius asserti lucro opulentior fias? Deo per Ieremiam affir-
mante, *Si separaueris pretiosum a vilis, quasi os meum eris.* Verum
ne contrarius huic error, vltus proximorum intemperans, nobisq;
noxius, denique nos in partem alteram ageret, illud Seruatoris
Christi reuocabat in mentem: *Quid prodest hominibus mundum uni-
uersum lucretur, anima vero sua detrimentum patiatur?* Quam in
rem aliqua ex ijs, quæ memorata sunt septimo capite, afferē-
bat.

Ier. 15. 19.

Matt. 16.
26.

Hinc illud est, quod, experimenti causâ, ea a nobis cum pro-
ximis munera obeunda curabat, vt spiritum cum ijs adiungere
disceremus. Quos idoneos nosset, eos nostro in Templo conho-
nari iubebat: Dominicis diebus finitimos in pagos singulos nos
cum singulis Nouitijs, ad tradendam pueris catechesin, ad con-
ciones habendas, audiendasque sacras Confectiones precibus di-
mittebat. Pias etiam expeditiones aliquas breues gagebat in-
stitui, non eius tantum experimenti gratiâ, quod suis ex opera-
rijs sumere constituit hoc anno Societas, sed & ingentis etiam
causâ fructus, qui ex ijs per plurius miserabilem certe auxilio,
& conuersione ad Deum sancta percipitur: quibus quos aptos
cognosceret, eos ijs suam addicere operam expetebat. Admini-
strum aliquando habuit Iacobum Velam, Burgenfis Archiepis-
copi Christophori Vela propinquum, quem vbi comparatum
optime sensi ad egregios habendos in virtute processus, excole-
bat illum scilicet, coercere, similemque Nouitio exercebat. Isq;
ea vsus est ope ram probe, vt magna inde fecerit incrementa vir-
tutum. Hunc Baltasar millionibus hinc aptum iuxta, & atten-
tum aduertit, quamobrem Vela in oppidis promissæ modicis
item, ac magnis obire illas orceperit, in montibus præcipue Le-
gionensibus, atque Aflorgensibus, ingenti cum ardore simul, ac
fructu dicens ad populum: laboresque tunc suscipiebat adeo in-
desinenter, ac seruidè, vt par alius quispiam sequendo illi non
esset. Quibus aliquot annos strenuè defunctum Villagartiensi
huic domui destinauit Deus, vt exantlatos ab ipso labores morte
hic felici concluderet. Cum enim ab exacta expeditione reuer-
tens Abulam Villagartiâ traiceret, dolore correptus est lateris,
quem fonticum ac lethalem esse statim apparuit. Illic ipse tunc
aderam; Deique factum est nutu, vt meam illi opem possem deo
in decessu commodare. Meticulosi nimium hic erat animi, neq;
ab religione sat liberi: sic vt, ea propter, a re diuina facienda ali-
quando refugeret: nisi iussu Obedientiæ vrgeretur. Ab ipso mor-

hi exorsu Iudicij diuini trutinam in tantum extimuit, vt vitam sibi in annum prorogari à Deo vehementer expeteret, quò pœnas ab se noxiarum causâ repeteret. Conscijs ipse integritatis illius, ac sanctimonij, animos ei, quantum poteram, ac solatium adiungebam: angebarque plurimum, quòd sollicitum illum prolixioris vitæ cupiditate conspicerem, cum vis morbi hominem propere vgeret in mortem. Eius ipse animo errorem eripui, affirmans, Deum altissimis Numinis sui consilijs salutaribus item, ac iustis, argumenta iam edere, nolle se vitam ipsi producere; malle autem, vt ad diuinam magis voluntatem aggregaret suam: plus hoc habere momenti, quàm, ad pœnas ab se culpæ causâ repeterendas, diuturniorem vitam exposcere: atqui pœnarum satis ipse iam dederat. Diuinæ visum est benignitati ampliter, optimeque de se merito gratiam in præsentem reponere, metu illi omnino extemplo prorsus adempto, tanta cum salutis suæ fiducia, vt, pendens è cruce Dei simulacro manu prætento, ingenti cum ardore diceret, *Gratias Deo, qui dedit nobis victoriam per Iesum Christum*. Eaque fiduciâ, & alacritate sexto, quàm decubuit, die vitam reddidit, victoriæ suæ palmam adeptus, & gloriam: fuitque mihi ingenti oblectamento decessus ille adeò tranquillus, & felix: Deumque veneratus sum laudibus, qui solatio tanto ac robore eos impertit, & confirmat in morte, qui, per vitam omnem, suam ipsi addixere operam cum timore, ac tremore; atque in hoc cum maxime munere aggregandi ad Deum animos, vt plurimos secum in Cælum efferant, ex eo Pauli ad Timotheum effato: *Attende tibi & doctrinæ: insta in illis: hoc enim faciens & te ipsum saluum facies, & eos, qui te audiunt*. Hæc verò tria illa sunt per præcipua, quæ Baltasar Tertianis Patribus diligentissimè commendabat: quos cupiebat præstare maxime studio orandi, coercendi se, & proximis cum ardore iuuandi; scientiâ simul, eiusque adibus opere ipso coniunctis; quæ nimirum duo rem peragunt. Alia, quæ subijcere possem plura, prætereo: hæc verò dicta sunt satis; non vt ea modò proferrem, quæ ad Baltasarem spectant, sed vt intelligatur simul, quàm cæleste fuerit Sanctissimi Parentis nostri Ignacij consilium, in hoc tertio probationis ac secessus anno, nostro in Ordine, post exacta studia, constituendo. Vtinam verò idem & in cæteris religiosis familijs litteras profitentibus decerneretur, ad feruorem spiritus excitandum, inter studia scilicet intepestentis, germanumque candorem litteraturæ, precibus inducendum. Quæ in re plurimum in partes omnes valet, eos, qui aliquot annos in disciplinarum studijs consumpsere, repuerascere iterum, vt verè magnos excrecant in viros; sequæ vt ignaros ac rudēs habere,

3. Cor. 15.
57.

1. Tim. 4.
16.

habere, vt in scientia spiritus, ex quo in scholasticam eruditionem vita fluit, & robur, omnibus fiant absoluti numeris sapientes. Cui operi vnum modò dent annum, erit abundè, vt per æuum vitæ omne benè ijs, beatèque sit; ipsorumque erga proximos suscepti labores fructuosi sint, & illustres; quod in Dei gloriam, ipsorumque Ordinis, atque Ecclesiæ vniuersæ commendationem vertat & decus.

CAPVT QVADRAGESIMVM OCTAVVM.

Præpositus iubetur Toletanæ Prouinciæ: pias exercitationum commentationes ad comparandum sese præmittit: quàm altos ibi hauserit sensus de Christi Domini paupertate, contemptu, ac pœnis.

DE iustrata a Balthare probè probatèque Aragonia vbi Præpositus Generalis accepit, quem in Peruanam Prouinciam, vti destinarat, dimittere non potuit, illum præfecit Toletanæ Prouinciæ salutis anno 1580. quò Hispanicæ Prouinciæ vniuersæ doctrinâ illius, ac spiritu fruerentur. Quanti verò Baltharem ipse faceret, eo docuit etiam argumêto, quòd ijs, quibuscum hac super re agebat, Omnium optimum, inquit, vobis vestræ Prouinciæ Moderatorem attribuo, dum Baltharem dico. Inter cinerale, siue Quadragesimæ dies hoc illi redditum fuit imperium: seque confestim ad pias animi exercitationes aliquot hebdomadas collegit, diù precibus vt vacaret, Denique super ijs consuleret, quæ eius sibi demandatæ prouinciæ, aliarum, quas obiecit, iudicio suo grauissimæ ratio postularet. Et verò solemnis ieiunij dies illos, postremos sibi, cum suæ vitæ supremum annum, eumque suorum laborum summum esse præsentens, ardore se maiore, quàm aliàs, comparauit; mysteria, pro tempore, diuinæ cædis perquàm piè contemplans, vt affixi Cruci Seruatoris imaginem, cum eius comitatu perpetuo, paupertate, contemptu, ac pœnis, suo in animo renouaret. Cumque per sacras eas inde, vt diximus, ad cohortandum Nouitios consueuisset sumere argumentum, per præsentem hæc, quippe qui altiores hauserat sensus, multò nos allocutus fuit ardentius in ea Davidis Seruatorem adumbrantis verba, *Pauper sum ego, & in laboribus à iuuentute mea: exaltatus autem humiliatus sum, & conturbatus.* Quæ verba, Christi in omni vita viam ostendunt, paupertatis, contemptus

atque dolorum : qui comites illi hæſere perpetui , annisque creſcentibus maiori illum ſtudio comitabantur ; creſcebantque & ipſi magis , ac magis ad vltimum vſque diem ; dum denique in quem vltorius cumulum excreſcerent , non haberent . Et verò ſimilem in modum audeo ipſe affirmare de viro hoc ſanctiſſimo , trium horum Chriſti comitum , vti tertio capite inſinuatum eſt , ab ipſo exorſu , amantiſſimo , amorem horum , ac ſenſum per ætatum gradus in eo creuiſſe : hac verò , quæ ſuprema illi fuit , quadrageſimâ , in ſummum , quò eniti culmen poterat , euafiſſe .

Atque , vt eius rei veſtigium aliquod nobis appareat , quædam hoc loco ſummatim proferam , quæ ipſe de Chriſti paupertate diſſeruit , tres in ea gradus expendens ; primum excelsum , excelſiorem ſecundum , tertium excelsiſſimum , quibus comitatus etiam inditus eſt contemptuum , ac dolorum , ea cum altiſſima ſubmiſſione , tolerantia , animique æquabilitate , cuius ipſe interim ſpectata præbuit argumenta .

Primus paupertatis gradus , abdicatio fuit rerum omnium in hac noſtra tellure labentium , tum earum memoriæ & amoris , quæ dpo , vti corpus vmbra , illos perpetuò ſubſequentur . Quare Seruator Chriſtus , agros , rura , vineas , prædia , aliaque eiufmodi propria bona non habuit : non eò , quia habere illanequiuit , ſed eò quia noluit . Harum adeò fluxarum rerum vſum dūtaxat cepit , eumque perparcè , qui vnus vitæ neceſſitatibus vix ſatis occurreret , famem , ſitim , calorem , frigus , dura , inclementia , aſpera non arceret ; nullis vſus vſquam immunitatibus , aut prærogatiuis : cibis veſcens non exquisitis , ac lautis , ſed obuijs , atque vulgaribus , & vbique parabilibus ; domicilij , rerumque omnium expers , pauperi ſimilis , & mendico .

Gradus paupertatis alter fuit , carere amicis , & propinquis ; optimatum omnium , potentiumque virorum neceſſitudine ; humana etiam coniunctione cum Regibus , eruditis viris , ac dignitate fulgentibus ; iſſque demum , quorum cauſâ ipſi parcerent , atque ab iaciendis in ipſum , extruendisque contumelijs abſtinerent . Quin immò Genitricem ſibi ex paupertate adſciuit ; in egentis fabri domuncula adoleſcere voluit , & educari : pauperes legit ſibi diſcipulos ; à publicanorum ac ſontium , quos in ſalutem aſſereret , conſuetudine non reſugit : atque ab ijs demum omnibus , quorum familiaritatem inſeſſet , ne ſua quidem Genitrice excepta , tanta libertate animum auulſerat , vt nullius gratiâ agere illud vnquam omiſſerit , quod Genitoris ſui voluntati gratum , magiſque conſentaneum eſſe cognoſceret . Vt ſuo nos exemplo doceret , vitam hanc noſtram ab rerum omnium humanarum nexibus explicare ;
quò

quò Deo nimirum cum libertate spiritus integra seruimus .

Tertius gradus , abdicare se ipsum fuit : vacuitate prætexta potentia , sapientia , sanctitatis , imperij , libertatis ; vnde illi nomen & causa fuit perferendi innumeros , grauissimosque contemptus , injurias , cruciatus ; ideò nimirum , quia vti pauper , atque hinc prærogatiuis castus ab hominibus tractabatur . Primò , vacuum se potentia , præpotens certè quidem ostendit : videri enim ac viuere in hac mortalitate voluit expers omnis potestatis , imbecillus & egens , infantia susceptis incommodis , itinerum fatigationibus , atque laboribus , cæteris denum omnibus , vnam excipe culpam , humanæ naturæ miserijs , & ærumnis . Vim pertulit elementorum sensu carentium , frigoris & caloris , rerumque cæterarum ; suo in eas dissimulato imperio , hominumque de se opinione contempta . Vepribus aduersum sese vim indidit , vt diuinissimum ipsius caput altè perfoderent ; funibus , vt vincirent ; velo , vt obnuberet ; flagellis , cruci , clauis , lanceæ , felli , aceto , cæteris denique suæ cædis instrumentis , vt ipsum immanissimè cruciarent : Iudæis vt accusarent ipsum , & maledictis inceslerent : Iudicibus , vt damnarent ; tortoribus , vt flagellis caderent , Crucique suffigerent : militibus vt illuderent ; tentatori stygio vt ipsum in solitudine ex vno alium in locum deportaret : perque ipsius membra , scelestissimos homines , neutiquam repugnantem insectaretur . Cumque hæc omnia vno dumtaxat verbo auertere posset & euertere , noluit tamen , seque maluit hac potentia carentem ostendere ; adeò proinde contemptus , vt , cum patrata ab se miracula summæ ipsius potestati tam certa fide subscriberent , ea scilicet nequissimâ capita ad nefanda malo cum dæmone pacta , consensionemque referrent .

Exiit & seipsam , inopiâ præ se latâ sapientia ; qua refertus ac locuples , non ingenio vti voluit , atque disciplinarum acuminè ; non humanâ eloquentiâ , non suco , pigmentisque Rhetoricæ ; quin immò ea simplicitate cum alijs consuevit , vt simplex haberetur vulgò , idiota , rudisque . Suæ verò doctrinæ veritatem verbis tradidit vtitatis ac tritis , malens illam virtutibus , atque miraculis confirmare ; inani apud homines sapientia opinione , gloriâque despectâ , vt suo nobis præluceret exemplo .

Eadem ratione speciem , formamque exiit sanctitatis ; viam iustitiæ sic ingressus , vt à plerisque neutiquam sanctus , sed flagitiosus potius , amansque scelestorum habitus sit , corruptor , atque blasphemus ; Barabbâ , & latronibus nequior , crucisque supplicio adeò turpi , probrosoque dignissimus . Ac , licet hanc sanctimoniz famam apud omnes aucupari faciliè posset ; eamque præ-

rogare sibi, ut eam Ioanni Baptista, suisque intimis alijs imperij; illam ab se tamen maluit abstinere; ut assumulata à nobis sanctimoniam, veraque superbiam pudorem imponeret.

Debitum etiam sibi, & quod obtinere uti Rex Regum & Dominus dominantium potuisset, Imperium exiit & Principatum: arrepta fugam, cum ipsum rapere, Regemque dicere turba vellet; Regibus atque ludicibus impijs licet, in ijs obsequens, quæ illi iuberent: censum ijs pendens, eorumque cognitioni, atque sententiam sese ad mortem usque subiiciens. Pauperculæ item Genitrici suæ, nutritioque Iosepho se subdidit: suam ijs operam ad annum vitæ trigessimam famulari ministerio nauans. Eosque inter, quos habuit numero perpauco discipulos, famulum gerebat sese, non Dominum, ijs administrans, eorumque pedes purgans à sordibus: seque ministrare, non ministrari venisse professus est: ut illi honores, Magistri sui exemplo, defugerent; sui submissione amarent; seque vniuersè in omnibus pauperum instar haberent. Suam denique diuinitatem atque maiestatem discipulis suis, simplicibus iis atque humilibus ita verbis, operibus, ac miraculis ostendit, ut eam superbos, atque potentes, qui sapientiam, prudentiamque iactabant, dissimulando celarit: quare longè, atque erat, alius habebatur. Accipiebatur verò, uti opinione, sic re; grauisissimis contumelijs, pœnisque per summam audaciam, ac scelus ab insensibilibus mortalibus appetitus: adeo ut nemo vsquam hominum suis ab inimicis sediores iniurias, acerbiora supplicia, immenso cum ardore pertulerit, ut beneficijs illos ornaret, atque à probris, pœnisque nunquam delituris eriperet.

In hunc modum, summam, assiduam, absolutissimamque Christi Domini paupertatem, cum præstantissima submissione, atque eorum, quæ ex ipsa proficiscebantur, contemptum, ac dolorum perpeffione coniunctam commentabatur animo, tradebatque sermone Baltasar. Eumque de tribus hisce Christi IESV asseclis priuarim aliquoties tanto cum seruire spiritus dicentem audiui, ut mihi admirationem simul iniiceret, & ardorem; simul cupiditatem adiungeret eius imitandi feruoris, ac studij, quo eum ipse comitatum, ut suo se Magistro similem fingeret, complectebatur. Persuasumque mihi omnino est, ipso apud Deum interprete, errorem tunc in hac re ademptum mihi fuisse. Tria enim hæc meditanti mihi, arduumque adeo existimanti, amare dedecora, & gaudere contemptibus, ut pro nostra imbecillitate scilicet id mihi nequaquam posse fieri videretur, preces quodam die coram diuinissima Eucharistia ac libenti, diuinæ lucis radios, fulguris instar præteruolantis affulsit; ostenditque fieri facile posse, ut opprobria

& contemptus tam seriò & impensè , quàm à profanis hominibus honores amentur : animosque mihi ad id expetendum , bona cum spe successus adiecit . In hunc verò scopum Baltasar suarum rationum tela præcipuè dirigebat . Intelligebat enim Religiosos , ac litteratos cum primis , vacantesque proximis viros , nulla magis ab re lædi , quàm ab amore honoris immodico : cui subit alter titillantium commodorum ; quem & religione prætexunt , boni nempe tuendi causâ nominis , quod ad illius æquè ac sui muneris dignitatem plurimum omnimodè valet . Atqui contra in honoris huius neglectu , & amore contemptuum , quantum ad quemque attinet , summa cum animi demissione , virtutis ac spiritus incrementum innititur : cuius experimenta in ijs , quæ memorata sunt , Baltasar cepit.

CAPVT QVADRAGESIMVM NONVM.

Graduum ordine in perfectionis , diuinique amoris culmen ascendit: quenam virtutes in eo præcipuè includantur . Altissimi quidam Baltasaris sensus de hoc amore insinuantur .

P Ronecti ad annum ultimum , postremosque menses beatissimæ Baltasaris vitæ iam sumus . Par adeò nunc est summam , etiam ipsius exequi perfectionem in ea , cui dedit operam , facultate spiritus , ac virtutis . Sua enim per exercitamenta , opera muneræque , per varios , quos diximus , rerum euentus lætos , ac tristes , tanquam per gradus connixus indubitanter est in fastigium perfectionis , in omni sanè virtutum genere , diuinique præcipuè amoris ; quæ prima virtus est omnium , ad Regij Vatis mentem : *Beatus vir , cuius est auxilium abs te , ascensiones in corde suo disposuit , in valle lacrymarum , in loco , quem posuit . Etenim benedictionem dabit Legislator : ibunt de virtute in virtutem , videbitur Deus Deorum in Sion .* Vir profectò beatus fuit Baltasar , quem diuinus Legislator præuenit in benedictionibus dulcedinis , tantæque ac tam ingi ope suffulsiit , vt ea nixus suo in corde noua semper extruxerit incrementa virtutum ; ex vna in alteram , vi summâ , connitens , donec euectus est denique ad videndum contemplatione Deum ; illumque eo , quo vult ipse , amore perfectissimo , ex omni nempe corde , anima , mente , ac viribus complectendum . Neque verò mysterio vacat arcano , in hoc præcepto , in quo nostræ perfectionis summa con-

Pf: 83. 6.

Iy: 20. 4.

Matt 22.

37.

Luc. 10. 27

continetur, quatuor illa meminisse, quæ in sui amore Deus exponit, & exigit: nam & quatuor alia sunt, quibus ille cum primis augescit; & quibus roboratur, atque perficitur: eaque omnia sanctissimo huic viro Deus impertijt, vti nimirum omnem virtutis absolutissimæ apicem obtineret. *Primò* enim, studio perfectissimæ precationis, diuinæque familiaritatis excelluit, suum ad id animum, cor, mentem, viresque suas omnes adiciens; dum gratiam utique summam apud Deum iniret; suum cum diuino spiritum coniungeret; & coram Deo perpetuò ingrederetur; pro diuini Numinis voluntate Abrahamo dicentis, *Ambula coram me, & esto perfectus*. Quis verò addubitet amoris diuini argumentum hoc esse oppidò locuples, eiusque augendi fontem vberimum? Quanquam enim contemplatio, auctore D. Thoma, suâ quidem naturâ actus est intelligentiæ præstantissimus, quo summa veritas, Deus, simplici perspicaci que intuitu, perfectiones eius altissimas penetrante cognoscitur, nobilissimos tamen caritatis actus amplectitur tanquam initium, ex quo ipsa ducitur, & finem, in quem dirigitur, ac refertur. Quamobrem Gregorius, vitam ait contemplatricem esse, Caritatem Dei, ac proximi omni omnino spiritui custodire, votisque omnibus suum vnum Conditorem vnice expetere, ac spectare. In hoc verò Baltasar, vti iam vidimus, ascensus suos, suaque incrementa disposuit, *quasi lux matutina precedens vsque ad perfectam diem: & ascendens de hoc deserto delictis affluens, innixus super dilectum suum*, cui erat semper caritate coniunctus.

Studio item excelluit sui omnimodè coërcendi, suorum omnium occidione vitiorum, cupiditatum, ac destinationum in omnibus planè rebus: vniuersa submouens impedimenta, quibus disringi fortè poterant ipsius cor, mens, animus, atque vires; eas ut ad Deum, eiusque caritatem perfectissimam, & sanctissimæ voluntatis obsequelam traducere liberè posset: in quo, vti indicatum est supra, accessionibus etiam profecit assiduus, dum vitam in hac valle lacrymarum exegit, *ascendens sicut virgula sumi ex aromatibus myrrhæ, & thuris*. Caritatis enim diuinæ ardor, & flamma huic sui abdicationi, adeoque, & ipsi caritati, & contemplationi incrementa dabant. Ex Augustini namque sententia, *Diminutio cupiditatis est augmentum caritatis*. Quo gradu amor sui descendit, ascendit Dei. Et Cassiani sententia est, Nostri animi plumæ esse persimilem, quæ puluere, ac cæno, quo retinebatur humi, deterso, in altum statim effertur: ita sublatis animi impedimentis ad Deum confestim ascenditur.

Hinc tertium in gradum subiit, in quo & præstitit: in rebus ni-

mi-

Gen. 17. 1.

2. 2. 4. 180.

a. 1.

Gen. 4. 18.

Cant. 8. 5.

Cant. 3. 6.

L. 83: 44. 4.

36.

mirum omnibus absolutissime peragendis, quas illi Deus demandaret, commendaretque, tum sui gradus ac muneris, tum inferiorum etiam, piæque in proximos exhibitæ caritatis, ad eorum salutem procurandam; humanis diuinisque voluptatibus, atque solatijs omnibus repudiatis, vt totum se ad Dei voluntatem fingeret; aque in bonum salutemque proximorum impenderet. Quod argumentum sanè est præstantissimæ caritatis, præsidiumq; longè efficax ad eandem affatim amplificandam. Quemadmodum enim Gregorius docet, *Probatio amoris exhibitio est operis*. Eaque propter salutis Auctor, *Si quis, inquit, diligit me, sermonem meum seruabit: & Si diligitis me, mandata mea seruare*. Et percarus illi discipulus, *Qui seruat verbum eius, verè in eo caritas Dei perfecta est*. In quo autem perfectior est caritas, quàm in eo, qui suam ipsam vitam, solatium, salutem, honoremque, suorum amicorum, hoc est, proximorum, quos secundum Deum diligit, bono & saluti deuouit? siquidem verò in his, vt demonstratum est, omnibus vir hic sanctissimus eminuìt, omnes etiam obtinuisse numeros caritatis euincitur. Quanquam, vt qui longè se distinctum esse à perfectione putabat, noua semper eius incrementa meditabatur, nouis in dies laboribus animarum causâ susceptis.

Quartus ex hoc gradus exitit, in quo item antecelluit; in reum nimium omnium perpeffione, quæ illi diuino acciderent vel permissu, vel iussu: aut animum illæ peterent, aut corpus; morbos, dolores, mœrores, desertionesque intimas, probra, contemptus, tanquam à Deo missa; eiusque beneficia, præsidiaque ad spiritualem in virtute processum excipiens: suauem in ijs, paternamq; diuini Numinis providentiam agnoscens; quâ vel ex ijs in tempore ipsum eriperet, vel ipsi solatium, & fructum adiungeret: quod argumentum perfectio certissimum est perfectæ caritatis, quæ patiens est, & omnia suffert: & cum Apostolo effari pergit, *Quis nos separabit à caritate Christi? tribulatio? an angustia? an fames? an nuditas? an periculum? an persecutio? an gladius? nihil horum poterit nos separare à caritate Dei, quæ est in Christo IESU Domino nostro*. Fortis enim est, vt mors, dilectio; perq; aduersa & ærumnas gliscit; quantòque grauius incessit, tantò etiam radio splēdidior fulgescit. Cuius argumenta plurima laudatis in rebus Baltasar exhibuit: quibus supremam veluti manum quatuor ijs præcipuis imposuit, quibus suam in Deum caritatem ardentissimam approbauit; quatuor veluti fluminis de caritatis Paradiso emanantibus, terramque ipsius animi irrigantibus, vt sanctorum operum fructus vberrimos, fulgentiumque virtutum gemmas ederet pretiosas.

Hom. 30.
in Ioan.
Ioa. 14. 23
11.
1. Io. 3. 51.

1 Cor. 13.
4. 7.
Rom 8. 35.

Caui. 8. 6.

Quæ quoniam in huius historiz decursu explicata sunt satis, aliquos hic modò sublimes sensus attexam, quos Baltasari Deus impertijt, vt illum, suis gradibus, in amoris diuini culmeni eueheret. *Primò* enim eius animo altè persuasit, summum Religiosi viri, pro suo gradu, negotium, vnam esse oportere seruientem Dei caritatem. Cognoui, ait, religiosa claustra officinas, esse sanctitatis; sauciorum ab amore Dei nosocomia; caminos, in quibus ignis hic in arte amandi Deum accenditur; calcarias, item fornaces, in quibus lapides ignis emollit in massam. Studium adeò illi fuit vitæ semper cum hoc vulnere exigendæ, vt illud cum Sponsa diceret, *Vulnerata caritate ego sum*: Neq; cura mihi est vlla curandi vulneris; in eo enim habendo, fouendoque vera salus est. Hac in fornace studebat incendi, mollescere, ac detergi; viuoque lapidi Christo IESV iungi amore simul, & imitatione coniungi.

2. Sept.
1577.

Cant. 2. 5.

Sensus alter de diuinis beneficijs fuit diuino huic igni nutrimenta præbentibus: Ea enim, & quæ communia omnibus erant, ducebat vt propria; & propria, quibus auctus à Deo fuerat, grato vt esset in eum animo, amoremque & obsequium debita Deo vice reponeret, iungi memoria repetebat. Eorum adeò elenchum in autographum retulerat, cui titulus erat, *Misericordiae Domini mihi factæ*: quas & percerens; aitque: Ostendit mihi tenebras, quibus vniuersè & mecum, & cum proximis sum ingressus: animos mihi addidit ad vlcus mei animi exponendum: cupiditatem mihi mei contemptus iniecit: titillationes dedit vt frangerem voluptatum; viam synceræ veritatis expeterem; meque laboris impensi tyronibus non tæderet. Diuina, qua mecum vsus est prouidentia. Aliaque eiusmodi enumerat iam à nobis exposita: eaque omnia alimenta erant, quibus *fidelis* hic Dei *Sacerdos amoris* ignem ipsius in pectore æstantis quotidie nutriebat, vt magis magisque tam bonè de se merentem amaret.

Quoniam verò nullum, vt ameris, amatorium est efficacious, quam amare, id de quo sensit altissimè, ingens fuit Dei amor in suos, quem explicabat hoc pacto. Amantem Deum esse cuiuspiam, est, Deum illi velle bonum, illi bonum expetere: at enim cum Dei velle sit agere, ex oraculo namque Plaltis, *Omnia, quæcunque voluit, fecit*, amantem Deum esse animæ cuiuspiam, diuinorum miserationum perennis fons est; iugis ingentium beneficiorum est imber; manum admouere est illius picturæ, neque deinceps eam de tabula vnquam tollere. Inde animus in ea vota effluefecit, quibus diuinæ obsequiæ occasiones præberi sibi crebras exoptat: siquidem verò, ipsorum operum loco, voluntatem

Deus

Ps. 113. 3.

Deus numerat efficacem, adscriptam sibi bonorum summam, exaggeratam intelligit: plurima enim assidueque sunt, quæ ipse vouet, ac defert. Illud hinc rursus est, quod nos *prouenit in benedictionibus dulcedinis*, ipsius ut munera in nostra merita transcribantur: neque enim quicquam accipit, nisi quod ipse largitur: quod certè thesaurus iuxta, solatiumque vberimum est: pauperi enim solatio esse potest, paucula, quæ acceperit, elargiri; seque ipsum, suaque omnia, quæ certè amplissima est oblatio, deuouere: ipsius etiam diuinissimum epulum frequentare, ut quotidie suppetat, quod illi possit offerre.

Pf. 20. 4

Hæc verò omnia vir hic sanctissimus Deo pollicebatur, ut in ijs illi sui amantissimo suum amorem approbaret. Suo proinde „in autographo, gratias Deo aliquando agens, hæc ait. Post sa-
„ crum, de modo amandi Deum id sensi; deberi à me illi mea
„ omnia, meum tempus, meas delicias, amicos meos, ac cætera
„ demum omnia, & omnium optima, neque vnà cum ijs. Atqui
„ sua ipse mihi maxima, minimaque, re nulla excepta largitur;
„ seque ipse amat impertiri libentiùs. Delibutus sum illecebra;
„ persuasi, animusque tunc mihi fuit in Deum cum voluptate
„ propensior: quo me ingenti sanè munere Deus affecit. Alio rur-
„ sum die, cum inter precandum caritatem hanc mihi deposcerem,
„ intimo animi sensu, O Domine, inquam, si nullius iam con-
„ suetudine, nisi tua teneret; nulla de re, nisi de tuo obsequio, aut
„ salute animorum agerem, quæ tibi nempe sunt grata! ô si in
„ ea iam nunc aggrederer, quæ tuo tu in exitu consummasti! ô
„ si disjungi à te vnquam, aut de re quapiam agere, nisi tuo iussu,
„ non possem! Quæ cum diuinitus meæ menti injecta essent, spem
„ simul attulit mihi Deus, fore ut voti huius me ipse compotem,
„ efficeret. Effecitque oppidò: studuit enim Balthasar maximè
„ omnem ab se procreatarum rerum amorem auellere, quo Con-
„ ditoris caritas tepesceret, atque ex ijs, quæ expertus ipse cogno-
„ rat, ad hunc amandi modum hortabatur, aiebatque.

3. Aug.
157110. Mar.
1569.

„ Magni Deum facite, sic ut quacumq; vos illi caritate constrin-
„ gitis, vobis ea sit modica. Id verò melius ut præstetis, recipite
„ vestrum à rebus omnibus, diuisum in illas amorem; non modò
„ cum vos ea repudiant, sed & cum vos etiam, etiamque depe-
„ reunt: ne vos ijs nuntium ideo remittere videamini, quia vobis
„ ipsæ illum antea remisere; sed quia hanc Deo reuerentiam, &
„ honorem habetis. Neque verò eas ægrè dimitтите; illarum enim
„ complexus vos distinebat à Deo. Tunc verò experimento disce-
„ tis, nihil in ijs esse iucundum, quod vnice in vno Deo est. Qua-
„ re tanti erit in earum se amicitiam non inferre: eamque vtrò

„ ab ijs oblatam refellere scilicet , atque rescindere : apponetis-
 „ que lucro, sicubi eam ipsa vobis denegent; sic enim debitum,
 „ Deo amoris & obsequij vestigal promptius item ac cumulatius
 „ persoluetis; in eumq; vestrum quippe thesaurum, vestra etiam
 „ corda, & animos conferetis . Tempus item vestrum omne, quod
 „ Deo impendatis, existimate perpaucum: Augustini effatum est,
In Man. „ *Pecdit quod vivit, qui te Deum non diligit* : ita & delicias vestras
 „ omnes, cogitatus, dicta, facta, vestros oculos, aures, ac cætera
 „ demum omnia, in censum Regis vestri summi conferte.

Ad hunc in caritate perfectionis gradum obtinendum contu-
 „ lisse sibi plurimum ait humanarum rerum cognovisse fallaciam :
 „ cum enim animum ipsi querela de quopiam vellicaret, quod is
 „ non reponeret amorem, sensum hunc longè fructuosum hausit à
 „ Deo .

Agnosce, quemadmodum tuas agit partes Deus. In infortunium
 „ certum obuenisses, si evenisset tibi pro voto . Diuini providentia
 „ Numinis, & benignitas eiusdem in te summa est, quod te pro-
 „ cul ab se ipsis procreatæ res abstinens, atque ad ipsarum Au-
 „ ctorem propellunt, eo defunctæ munere quo iubentur ab ipso .
 „ Id verò tribus, ait, modis peragunt sanè mirandis . Primò, dum
 „ cupiditates nostras à nobis obtentæ non satiant, quemadmodum
 „ & Augustino dicebant: *Non sum ego Deus tuus, non sum ego tua*
quies atque solatium . Deinde dum tantulum id ipsarum bonum, ac
 „ dulce non nisi pro libito semper impertiunt, suis subinde curis
 „ ac studiis in singula ferè momenta mutabiles; eodem nunquam
 „ habitu, ac tenore constantes; quibus ex omnibus pendere illum
 „ oportet, qui se ijs dedit, ac mancipat . Tertiò, dum quippiam
 „ aliud naturæ maius bonum utile, aut iucundum, nos certè omnino
 „ destituunt: cuius rei cum experimenta omni penè numero nu-
 „ merosiora ceperimus, socordiam adhuc stultitiamque non po-
 „ nimus; neque humana hæc & desitura sectari, Conditorum nempe
 „ summum æternumque obliti, desinimus . Quare neque nos
 „ illum esurimus, neque ista nos satiant . Tanti porro est præroga-
 „ tiuâ temporis occupare victoriam; & nos inde primò, vbi postre-
 „ mò ea desinunt, exordiri: ijs actutum, ne quid temporis ina ne,
 „ nobis effluat, abdicatis; aditoque confestim Deo, quo in vno
 „ quiete, pace, ac satietate certa sempiternaque fruimur; quas
 „ nemo aut eripere à nobis possit, aut in nobis extinguere . Quid
 „ vspiam est nihil cupiente quietius? quid opulentius illo, cui ma-
 „ gna omnia fulgentiaque superfluunt? Habete Deum, & nihil vo-
 „ bis deerit.

His, alijsque sensibus eius animum erudiebat Deus, illum ut ab
 hu-

*Vid. Aug.
 in l. 40.
 Uniuersum
 statum eius
 versasti in
 infirmita-
 te eius.*

humanjs omnibus auocaret : quibus assentiens , nullius vsquam , rei ne tantulæ quidem , neque cuiuspiam hominis , qui caritatis in Deum suæ libertatem , atque præstantiam aut abrumperet , aut corrumpere , visus est amore , aut voluptate teneri . Multamque in eo diu locauit operam , suo vt ab animo obtineret , vitam ab humanis omnibus ita disiunctam exigere , atque si Lybiæ desertissimas solitudines incoheret : donec hoc ipso diuina tandem ope , potitus est . Et verò persuasit id certè amor ille Baltasaris , quo , secreto in angulo , æuum omne ducere cupiebat : quanquam ipso vti proximè Optimates plurimi expetebant : aptisque ad munera ampliora dotibus erat instructus . Atque hinc in vltimum supremumque gradum euasit , de quo capite insequenti .

CAPVT QVINQVAGESIMVM.

Summam animi æquabilitatem , perfectumque cum Dei voluntate consensum in rebus omnibus lætis , ac tristibus assequitur . Eiusdem aliquæ de hoc argumento sententia .

Cum vita Baltasaris , vti ex dictis apparet , varijs in omnium ordine intexta fuerit euentibus , secundis item atque aduersis , omnia illi alatum loco fuerunt , aut graduum , quibus in altissimum sese fastigium diuinæ caritatis eueheret : ex Apostoli sententia dicentis : *Scimus , quoniam diligentibus Deum omnia coöperantur in bonum* , læta item , ac tristia . Quod verò maius sit bonum , quàm eiusdem caritatis accessio ? Quando verò hæc accessio in hac mortalitate magis venit ad summum , quàm cum eò euasit , vt idem , quod Deus , velit ipse nolique , in rebus omnibus corporis , animique , magnis iuxta , ac paruis , nullius rei delectu , vel amore , donec illi de diuina voluntate constet , quam in omni omnino re studet implere ? Quare cum à Deo quandoque aliquid pro ipsius obsequio gloriaque deposceret , intellexisse se inquit , perfectionem omnem in obsequela diuinæ voluntatis positam esse : consensum verò cum illa esse maximam victimarum . Deus enim suæ gloriæ studiosissimus est , nouitque quid illi promouendæ primum expediat . Dubitantique semel , operaretur ne sacris , nec ne , „ eò , quia impeditior erat , sensum hunc Deus impertijt ; Non le- „ uis momenti est , diuinam voluntatem ignorare , vel scire : maximam hic rem agunt cognitio certa , vel error . Vbi enim ali-

„quid velit Deus, absurdum, ac temerarium est, aliud ibi velle
 „vermiculum. Idem si Deus nolit, hominis est insani in illud ia-
 „cere vel obtutum. Quod si in reculis id omnibus euenit, quas
 „Deus velit, aut nolit, quid futurum est in probando, impro-
 „bandoque altaris accessu, ex quo, si rite adeatur, vel secus, tan-
 „tum fluit boni, vel mali? Hic verò, atq; hinc illud mihi se obtulit,
 „vitam hanc tantæ plenam inscitæ, tantisque in rebus ancipitem
 „neptiquam exigendam esse sine lacrymis & dolore: huic malo
 „eo dumtaxat occurri remedio, iugi nimirum precatione, ex sa-
 „crarum Scripturarum oraculo, *Cum ignoramus, quid agere debea-*
 „*mus, hoc solum habemus residui, vt oculos nostros dirigamus ad te.*
 „Qui verò recta mente submissas ad Deum preces effuderit, in cō-
 „cipere spem animo potest, à Deo se directum iri. De eo namque
 „legimus illud, *Ipse dirigit consilium iusti.* Quod si in errorem
 „labi aliquando conringat, confidenti animo veniam sperare li-
 „cebit: is enim tunc nolens, perque noctem offendit.

Proinde omni diligentissimè curâ studebat suam cum Dei vo-
 luntate componere: eiusque se arbitrio permittere penitus, in ipsi-
 eriam pijs animi rebus, eâ, quam sibi Deus tribueret, sorte con-
 tentus; mediocris licet ea esset aut ténuis. Cumque æstualet initio à cupiditate nimirum orandi perfectiùs, suum hîc etiam ani-
 „mum tranquillauit sensu hoc, quem illi Deus iniiecit. Mediocri-
 „tatem mihi impertitus es Domine: esse equidem volo & appa-
 „rere mediocris: neque præstantioribus omnibus pro tuo nutu
 „subijcere; inque hoc gradu malo ab omnibus, te læto, contem-
 „ni, quàm in alio, te offenso, obseruari. Statimque mihi argu-
 „mentum fuit deslendi pristinam inquietem, agendique Deo gra-
 „tias, quod me supra complures euexit. Idem eidem contigit
 „permultis negotijs distracto: cumque expostularet amicè cum
 „Deo, quod sibi seorsim cum ipso agere non vacaret, Factum
 „est, inquit, verbum hoc Domini ad me; satis id tibi est, tuâ quod
 „operâ vtor, quamuis te mecum quietè non habeo: idque tunc
 „illum multa animi suauitate perfudit. Alia rursus die idem in
 „argumentum id sensit. Fieri quidem potest, vt permultis in-
 „Societate otium desit, quod priuata sua in arbitria conferant; ad
 „diuina certè nunquam opportunitates, & materiam defuturas.
 „Quod si granum frumenti, per mortem necesse est adolescat
 „in frugem; quid hac ipsa morte beatius? quid contrâ demen-
 „tius, quàm eam ob rem angi, ac tristari? Si genus mortis optio-
 „ni Deus nostræ permitteret, quod aliud mitius illo esset, ad quod
 „remedia nec sua sint adhibenda, nec sordida? Quid verò sunt
 „aliud nostra in Societate negotia, nisi stationes diuinæ; spatia
 quæ-

2. Paral

20. 12.

Vide

Bern. ser.

57. in Cât.

Ecl. 39.

10.

9 Maij

1575.

3, quædam impensis Dei obsequijs referta; patentem venæ, quibus
 „ ingenitæ voluntatis viciatus sanguis emittitur, spectanti Deo
 „ margaritis omnibus fulgentiores; opulentissimæ denique ad per-
 „ fectionem viæ? neque verò ex Assyriorum fuga tot erant con-
 „ stratæ gemmis semitæ Samariâ ductæ ad Iordanem. *Reucla Do-*
 „ *mine oculos meos, & considerabo mirabilia de lege tua.* Hos enim
 „ lex Domini dirigit immaculata, casta, mundaque: horum, ve-
 „ lut & Christi Domini cibus est, *ut faciant voluntatem Patris, qui*
 „ *in Calis est*, quam ihs non gustant, qui suam habent in amoribus
 „ voluntatem. Prò quàm multos ferculū hoc dulcissimum latet!
 „ Et verò per paucorum illud est, nullo rerum suarum intritu per-
 „ mixtum: Christi est; Apostolorum est, post diuinum Spiritum
 „ in eos illapsū; Pauli est dicentis, *sive præsentes, sive absentes*
 „ illi placere cupimus: Davidis est aientis, *Nonne Deo subiecta*
 „ *erit anima mea?* & alibi, *Voluntariè sacrificabo tibi.*

4. Reg. 7.

19.

Pf. 118.

Ioa. 4. 34

Pf. 61. 1.

Pf. 53. 8:

Atque hic altissimus gradus est nostri cum diuina voluntate,
 consensus, à quo in caritatis finem & scopum integritas summa
 perfectioque inducitur; & in quo vir hic sanctissimus cum paucis
 excelluit; amore tam gratuito Deum amplexus, ut à castis etiam
 animi, inter precandum, illecebris sua vota dirimeret: ijs carere
 paratus, ut gratam Deo rem faceret: quod ex ijs, quos hic subij-
 ciam, sensibus apparebit.

„ Res omnes, inquit, eo esse debent loco, quem ihs Conditor
 „ ipse decreueris, & ea præstare, quæ iusseris. At enim nemo à
 „ te necessitudinis tuæ coniunctissimæ, præsentis quæ tuæ dulcis-
 „ simæ munere, affatusque ac magisterij tui intimi solatio imperti-
 „ tus carere animi cruciatu potest, cum lautitijs hisce fraudatur.
 „ Inde Regius Psalter aiebat, *Auribus peripe lacrymas meas: ne si-*
 „ *leas.* Ingens profectò thesaurus est aliquem id experimento co-
 „ gnoscere; vitam à se sine Deo, ipsiusque gratia exigi minimè
 „ posse. Verùm quòd animus cælestium deliciarum liquidâ tene-
 „ ritate non fruitur, an illum propterea gubernatio etiam diuina
 „ destituet? quòd sensus proprii mihi fortè non suppetunt, num-
 „ ne communes Fidei sensus non præstò erunt Ecclesiæ! Atquì ab
 „ hoc Sole haurienda mihi lux est. Quæ veritas vt in illo Mago-
 „ rum triumphatu sanctissimo appateret, iis Solymorum urbem
 „ ingressis, desiit stella videri: eosque diuini pueri natalem do-
 „ num sapientes viri sacris ex oraculis docuere: ac mox gaudio
 „ cumulatiorè, quàm ante, sese ihs sidus reddidit in aspectum.
 „ Priuati enim sensus conduntur sæpè ceu fluuij, atque ad Dei nu-
 „ tum fluunt, ac resluunt; ijsque Deus carere nos finit, vt Dei
 „ verbo, non sensibus illis fides nostra robustius innitatur. Aliàs

Tf 33. 13.

hæc

„hæc rursus inquit: Solatia cognoui à Deo parcius impertiri ,
 „quòd ipsius gloriæ ita conducit: eò enim paratior est animus,
 „quò similior est suo Seruatori, laboribus in hac mortalitate de-
 „functo, & animi etiam inestitudine sauciato. At enim diuina
 „solatia viatorum cibatus in meritoria taberna oportet esse simi-
 „lia; non ut sedes ibi figatur, sed ut iter alacrius, atque robustius
 „repetatur. Deumque alloquens æquabili animi tenore, atque
 „consensione summa cum ipsius voluntate aiebat; Id à te munus
 „accepi, ut mea omnia, meque tibi, quisquis & quicquid de-
 „ique sum, deuouendo quiescam: munus adde nunc muneri, ut
 „gaudeam à te tractari, uti mauis. Neque finem expeto altiorem;
 „neque spectata minus præsidia; non plus fauorum, neque mi-
 „nus ærumnarum; non plus quietis, neque minus laborum. Qua-
 „lem me Deus fecit, meisque ipse me culpis infecti, talis haberi
 „cupio, & tractari. Nec plus blanditiarum expeto, nec pœna-
 „rum.

Pro ea, qua in hunc modum imbutus erat à Deo luce, studio-
 sos virtutis, suæque se caritatis in Deum modicæ incusantes hor-
 tabatur, ut pro eo, in quo sunt gradu, amare Deum incipiant.
 Primò, perferendo, si pro arbitratu suo duriter ipsos ac malè ac-
 cipit. Leinde datis ab eo acquiescendo, eaque muneris loco in-
 gentis habendo. Tertiò, eiusdem moras æqui bonique consu-
 lendo; quæ non longæ ab ipsis habeantur, at breues; inque the-
 sauris numerentur amplissimis: castissimorum enim thesauri ani-
 morum sunt, non augeri bonis à Deo, sed illi res gratissimas fa-
 cere. Quartò, plurima, quam possint, illi obsequia deferendo;
 eà dimittat ut ente simplici, vni ut ipsi placeant. Quemadmo-
 dum enim matrona honestissima suum viro testatur amorem, illi
 quam possit studiosissimè obsequendo; quòd si se comit & ornât,
 id eius vnius, non alterius cuiuspiam voluntati, ac voluptati im-
 pendit; quòd si ipsam ille, eum ab se abijcere muliebrem mundum
 vellet, abijceret illum porro libenter; quamuis inde in despiciatis
 mulierculis ab cætero vulgo haberetur: contento nimirum viro
 suo contenta est; cum eo; caro sibi læta conuiuuit; ità & animo
 seriò Deum amanti inde solum benè beatèque est, si Deo ipse
 placeat: quèd si virtutum, doctrinæ, aut aliorum charismatum
 ornatum expetit, non eò id expetit, ut gratiam sibi apud homi-
 nes, æstimationemque conciliet, id enim adulterij genus existi-
 nat, verùm ut suo Deo sic placeat; alijsque, ut ij eidem placeant,
 opem ferat. Quare quæuis solatia illi Deus, munera atq; charisma-
 ta gratis collata subtraherit, constatus licet, atque contemptus,
 tenè sic etiam, & ex animo habet: ità enim ipsum habere vult
 Deus,

Deus, cuius in gaudio suum & ipse gaudium collocauit: Et sic placens Deo erit dilectus. Diligetur enim à Deo quisquis illi se ita gratum exhibuerit; eiusque caritatis præstantiam, quæque ex ea proueniunt opes obtinebit.

Sap. 4. 10.

Quæ ut confirmaret, præcipuum aiebat precationis bonæ finem, fructumque; ex ea legendum huc esse, Deo, quicquid à nobis expetit, elargiri; cumque illius voluntate omnimodè consentire in omni re, ut ut de nobis ipse decreuerit, accisâ licet nobis valetudine; honore, commodis, cæterisque naturæ dotibus ademptis: tum, intimis etiam, ac spiritualibus animi bonis, amoris sui significationibus submotis; aut nobis ipse se subtrahat, aut occultet, nosque frigore damnet, ac tenebris: ex altera verò parte tentationum nos pugnæ, timoribus, angoribusque permittat; ex quo amplior ipsi gloria, nobis verò fructus vberior proueniat: id enim spectat ipse. Et verò id inde sequetur, fideles modò illi nos simus, consilio usque perseverante, solati) neutiquam ab inferiorum crepundijs quæritandi; pigeat nos licet rerum cælestium, nosque ipsi videamus vndecumque desertos; nullâ Crucis fugâ, eiusque probationis, quam nobis ipse constituit. Si enim nostram in ijs fidem approbauerimus, pristina referentur munera, ceu greges Iob, potiora prioribus. Cuius verba id temporis perpetuò terenda sunt labris, *Dominus dedit, Dominus abstulit*. Deus hoc mihi munus impertijt, idem eripuit, *Sit nomen Domini benedictum*. Aut enim largitur, aut adimit, vtrumque ex amore scilicet, meamque in frugem molitur. Et illud usurpandum est Sacerdotis Heli, *Dominus est: quod bonum est in oculis eius, hoc faciat: bonum enim & in meis id erit, utcumque ipse in partem vtramque decernat*. Inde fit, ut qui suam ad Diuini Numinis voluntatem aggregat, eamque in omnibus, in quæ aggreditur, spectat, suis licet partibus, quantum est in ipso, non detit, successum tamen Deo permiittat; eo latior, quem voluntas diuina dederit, ipsius licet votis aduerso, quam si idem ipsum, quod, & quomodo expetierat, euenisset. Queniammodum suum hortatus est fratrem Iob, *Confortare, & agamus viriliter pro populo nostro, & pro urbibus Dei nostri: Dominus autem, quod in conspectu suo bonum est, faciet*. Hæc verò Baltasar, quæ suo ipse animo altè infixerat, studentes precationi docebat. Quâ consensione cum Deo, fiduciâque, præclara, quæ diximus, ad proximos adiuuandos facinora, secundo semper euentu aggressus est.

Iob 1. 21.

Ibid.

1. Reg. 5.

13.

CAPVT QVINQVAGESIMVM PRIMVM.

*Sententia quaedam grauissima de nostra diuinae voluntati
a luigenda; deque fiducia erga Dei prouidentiam,
ex epistolis ad egrotos, & calamitosos, solarij
causa, inter aduersa datis excerpta.*

Q Vanquam ad deuios reuocandos, excitandos tepidos, con-
stratosque, prudentia ac dexteritate, uti memoratum est,
plurima valebat Baltasar in litteris perscribendis, non minori pro-
fecto instructus erat facultate ad solatium, animosque aegrotanti-
bus, ac miseris adiungendum: quippe qui procellis hisce iactatus,
norat ipse, quid sit ærumnis, morbilque vexari: ex suo proinde
hauriebat periculo, quæ alijs ad solatium suggerebat. Potissima
verò in his erant, ut vidimus, summa cum diuina voluntate, pro-
uidenciaque consensus, quam in vnam suum solatium omne, per
ægrotationes, ærumnasque coniecerat; eademque per epistolas
multifariam, ac suauiter ægrotis, afflictiisque medebatur. Ex his
libabo paucula, quæ nobis solatio esse possint, & frugi.

§. I.

*Salmanti-
ca 19 Aug.
1574.*

Nobili Viro tertia laboranti in hæc verba scripsit. Diuæ
Gertrudi per diuinum animi excessum, indicatum semel est,
Deum Dominum summè bonum, eodem amore, quo condidit
„ hominem, omnia homini impertire, quæ ipse illi aut immitte,
„ aut permittit; fausta sint ea licet, aut infesta, ipsius fructui vero-
„ bique semper inuentum. Hinc illud efficit Virgo sanctissima,
„ obsecratos eos esse cum primis, qui hæc ipsis impensa, tantâ
„ cum amoris fragrantia, sibi minimè gratulantur; neque se inde
„ inter beatos annumerant. Te quidem, Domine, non obstrin-
„ git hæc cæcitas, sed, quæ Dei benignitas est, Diuini magisterij
„ lumine collustraris, qui te amanter, ac laute accipi, tot latitæ
„ argumentis, existimes; febresque vrentissimas argumentum, &
„ nomen terribillarum facias gratiarum. Ex eo D. Laurentij a-
„ more tuus hic est, cuius ergo illum crâs incendia in Dei laudes
„ accendêre dicentem, *Assatus, Domine, tibi gratias ago.* Has &
„ ego immensæ Dei caritati persoluo, quod ita te bonitatis suæ
„ muneribus dulcissimis antecurrat, ut tua fides in ista iactatione
„ non nutet.

Ad

Ad optima^ltem alium non dissimili ratione scripsit, hoc pacto: *Salamanti-*
 „ Probari Deo rerum tuarum locum, magno certè argumento est *ca. 1. Mar.*
 „ ea, quâ frueris, tam constans, assiduâque tranquillitas; vt in *1576.*
 „ eo, tanquam in centro, quiescere videaris. Gratissimum mihi
 „ quidem id accidit, optanti maxime vt te, tuaque omnia ad re-
 „ gulam hanc certissimam explores. Quod si cynosuram hanc
 „ sequeris, ab ærumnarum fluctibus sic emerges, vt ij animi tui
 „ malaciam non confundant. Et iure quidem optimo: quos
 „ enim luce Deus imbuit, vt, quantum habeant in ipso boni, per-
 „ videant, iisdem etiam eadem in luce commonstrat pretium æ-
 „ rumnarum, quibus citatissimum corripitur iter ad spatia supe-
 „ randa, quæ inter Deum & ipsos interiacent: iniurium verò di-
 „ uinæ prouidentie illum esse, qui in impedimentis hæc habet. Si
 „ enim & habere in virtute processus, & placere illi cupiat, cui
 „ potior^lem quàm sibi debet amorem, gaudere profectò opportu-
 „ nitatibus illum oportet suæ in Deum voluntatis approbandæ.
 „ Hæc verò cum ij sint euentus, quos obsecrata mortalitas appel-
 „ lat infortunia, ærumnas, iniurias, eos ipsi hoc loco æqua-
 „ quam habent, sed ad munera, beneficiaque referunt tantò qui-
 „ dem ampliora, quantò grauius illi premunt.

Religioso viro dedit has litteras. Corpore tu quidem, mi
 „ Pater, sed magis animo laboras. Opus est diuinæ suauitatis v-
 „ trumque, vt in illius amplexum eas. Memini Deum indicare
 „ aliquando Gertrudi, Sibi animam virtutum inopem intuenti,
 „ stimulos ad eam conueniendam adiungi: delicie namque ipsius
 „ sunt, esse cum filiis hominum; quorum & corpora doloribus,
 „ & angoribus animos fodit; alteris grauioribus sæpè, quàm pri-
 „ mis; vt ij nempe viam sternant ad se se; ac sese ad eum animum
 „ deuocent, ac perpellant; iactis ad Deum altè clamoribus, v-
 „ bi ne vculæ quidem antea mussitabant: Docet enim Re-
 „ gij Vatis oraculum, *Prope esse Dominum ijs, qui tribulato sunt cor-*
 „ de: quin immò ipse Deus affirmat, *Cum ipso sum in tribulatione.*
 „ Caritatem hanc, hanc habet causam tua ærumna, non odium.
 „ Neque verò hæc est diuinæ in te voluntatis alienatio, sed dulci-
 „ tudinis ipsius amplexus, eò sanè honore dignior, quò & arctior:
 „ Nam & hoc argumento, arcti nempe complexus, mutuam
 „ inter se caritatem solent approbare mortales. Tua si gliscit æ-
 „ rumna, fiducia etiam augeat in Deum: ea te asseret in salutē.
 „ Id Paulus de ægrotis affirmabat benè credentibus, *Fide conua-*
 „ luerunt de infirmitate. Suas in delicias ab se consitum, boerum
 „ Deus tam acerbum vtiq; non leget. Quod si, quam Deo iu-
 „ pendas, vitam tibi expetis, expetere illam licet, & expo-

Psal. 33.
10.

Psal. 90.

Hebr. 11.
34.

scere: eo enim prouocatur Deus, non iniuriâ, sed amore. Eidem
 proinde Gertrudi idem ipse significauit, Caritatis suæ clemen-
 tiâ, quâ salutî studet maximè animorum, adigi se ad referenda
 in nomen diuini Numinis demerendi, iustorum vota, quibus
 ij quædam sibi priuata bona aut quærunt, aut expetunt: affli-
 ctos verò seu ægrotatione corporum, seu ægitudine animorum,
 si vel salutem, vel eius ærumnæ vacuitatem exoptant, vt præ-
 mijs (Deus inquit) eos allicere possim amplissimis, pro ea, qua
 illos caritate complector, me ab ijs experi ipse mihi persuadeo.
 Prò verba intelligenti, quæ audit, arcani solatij liquidissimo
 neqtare delibuta! Miseret me quidem tui, pro eâ, in qua lucta-
 ris, arenâ; noui enim expertus, quæ sit hominum imbecillitas;
 cùm hi, Dei permissu, suis dumtaxat viribus innituntur: vt li-
 quidò intelligent, quàm minimum sine ipso valeant, quem ob
 fiduciam sui destituunt. Atqui & ego ad vitæ mortisque con-
 finia sum adductus; & tamen vica nunc fruor. Ad te ipsum redi:
 & tibi, quemadmodum mihi, maiore cum accessu virum idem
 euenire posse confide. Animos ac solatium sume, ac scito, ad
 salutem, ac tua vota cætera promptius simul atque suauius ob-
 tinenda, viam esse expeditissimam, Deum officiis demereri; tui
 potestate illius nutui liberè, libenterque permissâ: dumque id
 à te Deus expugnet, noris, ab eo te in mortis crepidinem ad-
 ductum iri. Quòd si ille te neutri propèsum parti, & in vtramq;
 paratum aspexerit, responsum ex Deo, vti ex cælesti Accenso
 Abrahamus iam iam filium immolaturus, accipies: *Non exten-*
das manum tuam super puerum: Deus enim id vnum experiiri vo-
 luit, quid, & quantum ipsius in te sit: id expertus parcere te fi-
 lio iubet, & hunc arietem immolare. Nouerat profectò Deus
 sine hoc periculo quantum ipse in Abrahamo valeret; sed ipse
 tamen Abrahamus de se ignorasset, an paribus ad rem tantam
 viribus esset instructus, nisi Deus in eas illum angustias coniecisset:
 neq; tantam cepisset voluptatē ex incolumi filio, si cum Deo
 egisset cunctanter, ac parçè; & suis aliquatenus partibus de-
 fuisset in obsequio illi deferendo, qui filium ipsi tanta cum li-
 beralitate, & cum honore tanto reliquit. Nulla, crede mihi,
 ad hæc superandas angustias compendiosior alia erit via, neq;
 tibi voluptuosius quicquam erit, cùm restituere salutē. Clausis,
 vt aiunt, oculis, manibus te providentiæ diuinæ permittē; cer-
 tus id tibi non malè cessurum. At enim diuinæ illæ manus elau-
 is permiscere se crucis, vt præsentem, æternamque tibi requiem
 compararent.

Gen. 22.
 10.

§. II.

Geminas item in hoc argumentum epistolas geminis nobilibus Matronis dedit: quarum altera sic habet. Cognoui tuis ex litteris permultas, quibus vrgeris, ærumnas: alias subaudiui perplures, grauioreſque, quàm indicas: atquē ſi poſſent exponi penitus, permagnæ non forent. Memineris eam, quam expectas à Deo, dulcedinem, his atque huiusmodi alijs eſſe conſpectam, quibus eius amplitudo commonſtratur. Spectaculum, Auguſtinus ait, ſperant iuſti ſe eſſe viſuros, dulcedinem continens in ſe tantam, vt mente quidem attingi ea poſſit, cōprehendi non poſſit. De tuis, quas in te congerit Deus, ærumnis quid dicam ignoro, niſi Dauidicum illud de Deo pronuntiatum, *Congregans ſicut in vtre aquas maris, ponens in theſauris abyſſos.* In hac tantarum rerum vnā in animam congerie, quæ quidem inſuaues ita ſunt ſingulæ, vt alia aliam cumulo inſuauitatis exuperet, abyſſos inquit Deum ponere in theſauris. Theſauros conſilia ſua nuncupat, arcana ſua, & qui noſtram mentem ſugunt, cogitatus: quibus ad nos promouendos in virtutem, animoſque ad perfectionem perducendos vtitur. Et iure quidem optimo animorum theſauri hæc conſilia nuncupantur: ex ijs enim vniuerſæ in eos confluunt opes, felicitas ipſorum omnis; quicquid ſortatio eos imbuat, ac doctrinā. In hiſce theſauris Deum abyſſos ponere David affirmat, et in plurimas vnū in hominem ærumnas congerit. Profundum, arcanumque verbum id eſt, quod ſi minus Deus explicet, nequaquam intelliges. Pulſa tu interim ad eius fores, quas ipſe nō ſine myſterio non recludit: ac dum ea referentur, arcanum quod atlequi mente non poteſ, venerare ſilentio. Cupiditate flagrat incredibili Deus contemplandi in nobis Filij ſui expreſſam, quoad eius fieri poteſt, ad viuum imaginem. Quod ſi deſertos nos, & afflictos gaudet aſpicere: ſtudia ipſius omnia hoc molimur. Poſtquam inſignia, quæ Fides nobis affirmat, diuinus induit Iilius, quo Pater vnice gaudet, ea à nobis non expecti, & cū ab ipſo illis amicumur, conſeſſim nos genua non ponere, animoque amantiffimo item, ac reuerentiſſimo grates illi non agere immortales, paciēter ferre non poteſt. Non ad pompam modo verborum, ſed ad intimum animi ſenſum excipienda ſunt hæc, vt arcanum in nos inſuat ſolacium. Atquē Deus, qui penas iteratō non reſciuit, ſemel eas ubi ſumpſerit, ærumnā vindicat temporariā, quod igne vlcisci debuiffet æterno: & odoratā diluit aquā,

12. Maij.
1571.

Pſal. 32.7.

„ quod sanguine fuerat per cruciatus immanissimos expiandum.
 „ Amanti Deum, adeoque excitatores hos ab ipso mitti intelli-
 „ genti, haud alia inculcanda sunt nomina, vt illos omni amore,
 „ & honore dignetur. Eos omnes in beneficijs numerat, in Dei
 „ tabellarijs, in cæli luminibus, in spectatillimis diuinæ beneuo-
 „ lentiae argumentis, in sagittis eius amoris, quem licet durum,
 „ sensu tamen carentem esse non sinunt. Huc tu destinaris à Deo,
 „ cuius amore si nòdum exæstuas, time. Tuas huc ille refert æ-
 „ rumnas, in quibus si minus diuina beneficia intueris, tuis illacry-
 „ mare culpis, quarum caligine tam conducibilem, quæ Deus
 „ consultò legit, præsidiorum felicitatem, diuitiasque non vides.
 „ Dum hæc intelligas, non nisi te Deus insipientiæ dabit: dum
 „ hæc tibi sapiant, Deus tibi non nisi toxica propinabit: dum hæc
 „ magni facias, te Deus volet abiectam; dum huic rerum ordini
 „ acquiescas, quicquid optaueris, cadet ad irritum; quicquid ac-
 „ ciderit, vertet in odium: euenient tibi præpostere omnia, om-
 „ nia deerunt: eò quia vni tu illi dees rei, quæ explere, ornare,
 „ erudire ipsâ potitum potest. Hinc illud Augustini in ea verba
 „ Pf. 83. 5. „ Daudidis: *Exquisiui Dominum, & exaudiuit me. Qui non exaudi-*
 „ „ untur, non Deum, sed alia ab ipso quærunt: cumque iniuriosi
 „ „ Deo sint, amari se magis, quàm sua bona volenti, plectuntur
 „ „ scilicet, quando & ijs ipsis bonis, & Dei intima familiaritate
 „ „ fraudantur. Pœna certè tali digna stultitiâ. Fluxit in longum
 „ „ sermo: sed eo sum vsus, vt breuitatem cæteris referuarem; &
 „ „ quòd à Deo in te cæpta promouere percipio. Tuis ærumnis
 „ „ equidem doleo; sed doleo tamen magis, quòd eorum thesau-
 „ „ rû ex parte licet agnoscas, tam modica ea tamen pars est, vt satis
 „ „ mihi non sit: ardes, at parum; lucet, at parè: his omnibus
 „ „ curas tu leuiore adiungis. Pace tua dixerim, neque tuam ino-
 „ „ piam, neque opes tibi à Deo ingestas intelligis: indeque fit, vt
 „ „ nec eo quo par est honore, quæ tibi allegat Deus excipias, neq;
 „ „ amorem vicissim reponas muneribus, quæ ipse tibi per amorem
 „ „ impertit. Etiamque vereor, ne in venenum migret antidotum:
 „ „ neû leuem eius adeptura sis gratiam, quam demereri plurimam,
 „ „ pretio tibi stat vitæ.

Methymne
 32. Martij
 1572.

Alterius epistolæ character hic erat. Deo sint laudes, qui me-
 „ moriam tui non abiicit. Quisquis oculis ad videndû est præditus,
 „ morbos, ex Augustini sententia, Dei tabellarios ad se missos exi-
 „ „ stimat, vt festinet ad Deum: ad meliora nimirum exstimulan-
 „ „ tes, consultò diuinum Numen eos miteit, arguens & castigans,
 „ „ quos amat. Non illud ego te celauero, gaudio à me concepto
 „ „ pro diuina erga res tuas prouidentia, ex isto vulnere, nihil de-
 „ cessisse,

„cessisse, immò plurimum accessisse. Vide qua te caritate com-
 „plector, *Liquor vulneris abstergit mala*; diuini Spiritus oraculum Prou. 20.
10.
 „est. Vim discere verborum, & munus intelliges. Sensus est, mor-
 „bus in membris, & salus in animo: pretio malorum corporis,
 „animi bona caro non vaneunt. Prosequere porrò tuæ abdica-
 „tionis incæpta, cā enim in scholā nunc doceris. Propositum
 „tibi est Deum vnice quærere: nacta illum es, socium illi ne ad-
 „sciscas, ne illi consciscas iniuriā: quam vt ipse auertat, eo nunc
 „consilio rebus asperis te deformat. *Nolite me considerare*, castifi-
 „cæ illius Sponsæ sunt verba, *quod fusca sim, quia decolorauit me*
 „*sol*. Neque porrò alius ab eo, vel cum eo alius est quærendus;
 „illud enim ad perfidiā, hoc ad libidinem pertineret. Ne hanc
 „illi contumeliā imponas, vt tuæ mensæ quenquam ei sodalem
 „adiungas. Dic illi, tuo vt in animo conquiescat. Id verò si
 „quomodo sit futurum, addubitas, ex eo quære; reuerenter in-
 „terrogans audies respondentem; Filia, sine me, vt, quæcumq;
 „voluero, tecum agam. Hoc tu pluris æstima, quàm quæcumq;
 „mortalia, vel immortalia ab eo possis accipere. Næ ille con-
 „tentus hoc erit; tibi verò ad animi opes, & fructum cumulus
 „longè maior accedet. Magnificè de Deo in re quacumque fac
 „sentias; deque illius operibus persuasum idem habeto, quod
 „Moyles, *Quoniam Dei perfecta sunt opera, & omnes via eius iu-*
 „*dicia recta, & iusta*. Siquidem verò te cooptauit in filiam, ne
 „illum irritaueris: sentiet enim, pœnasque à te reposcet: quod
 „& de alijs sacræ litteræ meminerunt, *Vidit Dominus, & ad ira-*
 „*cundiam pronocatus est; quia prouocauerunt eum filij sui, & filia*.
 „Reputa simul quanto cum rubore excipienda sint verba mox ab
 „illo subiecta, *infideles filij*. Quanto autem loco tu potiore Psalm.
Ibid.
 „Deum habueris, tantò & à me habeberis meliore: quanquam
 „in præsentia tui apud me nominis existimationem cumulasti
 „non parum.

His utebatur argumentis Baltasar, vt ægrotis, ærumnosisque
 solatium suauiter simul & fortiter impertiret; coniectā in Deum fi-
 duciā, propriāque ad eius voluntatem aggregatā; in quo nostram
 omnem opem, atque solatium collocata esse norat expertus; ab
 eo ærumnas in elementa & alimenta traduci felicitatis, in quæ, vti
 diximus, & sua ipsius aduersa traduxerat.

CAPVT QVINQVAGESIMVM SECVNDVM.

Toletum proficiscitur ; eiusque Prouinciæ gubernationem aggreditur. Quarto post mense Belmontij sanctissimè diem obit.

Cum se & Deo approbasset jam cumulatè Baltasar, & ad summum cum voluntate diuina consensum, atque perfectionis apicem extulisset, maturum Cælo, suauemque fructum decerpere diuino visum est Numini. At enim quemadmodum perfectionis : eruanz ad eam Prouinciã administrandã incommoda in meriti nomen Deus adscripserat ; quippe illam, vt memini, ex animo, quantum in ipso fuit, acceperat ; itã cumulum etiam voluit ab illo Deus meritorum augeri, alacritate, quã suam operam eodem in hoc munere Toletanz Prouinciæ pollicitus est ; eius trimestri paulò plus labore contentus ; naui militis instar in ipsa pugna strenuè suis partibus & vita defuncti.

Post solemnem ieiunij dies anni 1580. Villagartiã profectus est, cum eo, quem capite octauo, & quadagesimo diximus, apparatu : hoc est, cum Christo, vti dicebat ipse, luo in corde cruci suffixo : cumque ipsius comitatu fidelissimo, paupertate, contentu, atque doloribus : summis in thesauris, honoribus, ac delicijs numerans dulcissimi sui IESV comitatum hunc amore simul, & æstimatione dignissimum. Vallisoletum adiit, sui Collegij Fundatrici, atque alijs optimatibus optimè de se meritis valedicurus. Ibi fortè ipse tunc aderam : sacris enim initiatus Sabbato ante Dominicum diem, cui a Christi perpersionibus nomen est, quo & Diui Iosephi memoria recolebatur, rem diuinam primò feci in D. Ambrosij Collegio die Deiparz ab Angelo salutatz. Detentus verò sum in Professorum domo, vt meam cum aliorum opera coniungerem, in sacris confessionibus per sanctioris hebdomadz, & Christi reuinescentis dies excipiendis. Atquĩ subiectus cum essem ipse Baltasari, ille me proinde comitem sibi ad suas salutationes, resque alias peragendas adsciuit. Id ego ad felicitatem retuli ; tunc enim ipsius verborum, ac rationum vim, spiritum, & ardorem experimento locupletiore cognoui. Cumque lingua ex abundantia, vt aiunt, cordis loquatur, ipsius labia diuini Sponsi labiorum videbantur esse similia, quasi lilia dissillantia myrrham primam. Neq; enim suauia solùm erant ; sed & odorè estlabat robustum

robustum pariter, & acutum: atque vndique primam illam distillabant myrrham cælestis huius Sponsi, pauperis, contemptum, ac dolorem: quæ animo tam altè imbiberat, ut de his sermonè cum ijs, quos inuisebat instituens, eorum animos sui spiritus igne succenderet; eaque meditandi, atque imitandi ardentissimam ijs cupiditatem iniiceret. Perque vias ingredienti aliquod ipsi subinde verbum in hoc argumentum effluebat, quo & in me licet egelido excitabat ardorem. Comitum illi me ad Toletanam vsque Prouinciam animo utique perlubente dedissem; eius ut suauis, sanctæque societate perfruerer; meoque animo nonnihil eorum adhæresceret sanctissimorum comitum, quos ipse suo gerebat in corde. Sed venia mihi à Præposito non fuit: iussusque sum Villagartiam reuerti, ut à Baltasare audita ibi mecum animo retractarem. Octauo post die discessit, suamque in Prouinciam deuenit: in qua eorum aliqui, qui norant illum initio aduersum se ipsum, aliosque asperum, ac seuerum, ab eo rati eundem custodiri vitæ, morumque tenorem, cæteros nempe aliquem in metum adduxerant. Error tamen depulsus est breui: specimen quippe dedit ex templo Baltasar earum virtutum, quibus ornatus à Deo fuerat, Christianæ nimirum humilitatis, lenitatis, & comitatis. Domum enim Toletanam ingressus antiquiores in Patribus submisit admodum coluit. Francisci Stratz, aliorumque seniorum Patrum ibi commorantium cubicula adiuit: flexisque genibus eorum manus postulauit ad osculum. Statimque Strata, Prouincialis, inquit, in genua tam submisit procumbens, bonus erit Prouincialis: *ubi enim est humilitas, etiam est sapientia cælestis*; oraculum Sapientis est. Deus verò cum primis amans humilium, cælestem ijs lucem atque prudentiam, tum in regimine leuamen impertit: quo impertitum se Baltasar ipso in exordio suæ inspectionis ostendit, res suæ Prouinciæ maturè adeò, prudenterque componens, ut vniuersos incredibili voluptate perfunderit. Quæ fama ubi & reliqua Collegia peruagata est, eius præsentiam sibi quantocius exoptant.

Prov. II. 2.

Socium sibi adsciuit in munere Alphonsum Montoisium, qui Prouinciam deinde Castellæ administravit, postquam Professorum domum præfuerat. Is religione plurima, doctrina, prudentiaque vir ordinem retulit à Baltasare ipso in itinere custoditum. Manè precibus tres horas dabat, aut quatuor: ad dînerforium ubi denegerat, sacris sedatè operabatur; agebat deinde gratias; & conscientiam singulari examine scrutabatur: sequebatur prandium; breuique intervallo (à verno enim tempore otium suppetebat) pia quæpiam lectio, & horarum recitatio. A meridie totum serè iter

extrahebat orando; nocte demum, matutinas preces persoluebat; serie in omnibus eadem, quæ in Collegijs, obseruatâ. Quorum in lustratione exemplo vniuersis, vt in Aragoniæ Prouincia, prælucebat. Sedenim, cum ab eo res optimè gererentur, cursum illi Deus morte felicissimâ, eius nimirum vitæ consentaneâ intercepit.

Lustratis enim Toletana Professorum domo, & Complutensi Collegio, domoque item Probationis Villaregiensi Fontana, labore multo defunctus, suo illo, & domi nostros, & extrarios in Templo cohortandi ardore, vt omnes, si daretur amoris diuini flammis exureret, Villategij implere præscripta quàm diligentissimè occæpit, ad obtinendam Iubilæi, quam vocant, amplissimam noxarum veniam, à Tertio decimo Gregorio Christianæ Reipublicæ fauultatem procurante concessam. Indicta ieiunia utrâque hebdomadâ, reclamantibus nequicquam alijs, atque inuacitudine, & imbecillitate satis excusante, perseuerè custodijt. Ab ieiunio afflictâ in illo admodum corporis vires: etsi animus, ad parata iam ipsi sedulo comparabat sese. Accessit his æstus, vrensque sol per iter mense Iulio toleratus. Quare Belmontium aduectus in febrim incidit, nostrorum quidem, & Medicorum iudicio haud magni ducendam; at verò vir sanctissimus diem indici sibi præsensit; in quem illicò meditari, & comparate se diligenter incepit. Vitam omnem generali confessione apud socium Montoium recognouit: diuini ferculi viatico summa cum pietate munitus est; oleoque sacro, petente ipso, maturè ac sedulo inuictus; non sine plurimis argumentis reuerentiæ, amoris, æstimationisque suæ erga hæc diuina mysteria, gratiaque cælestis operis per hæc ipsa sibi collatam, ac summam Numinis benignitatem, quæ ipsius animum euocaret ad sese. Visentes, vt precibus ac Deo vacaret diligentius, non admisit. Socioque suggerenti, vt alium quempiam suo ipsius loco sufficeret, Sermonem, inquit, de negotijs quæso nunc abstine: non huius illa sunt temporis. Medicum de morbi periculo, exituque vitæ proximo indicaturum, ab eius nunciij metu quærentem ambages, Baltasar aduertit: eique constanter, Nihil est, inquit, cur supremam horam timide mihi denuncies; nec viuere cupio, nec mori recuso. Patrum aliquis lectum illum à proxima mortalis huius carceris libertate cōspiciens, percontatus est, volens ne, libensque moreretur? Cui ille, Si aliquam tempore, cur non & nunc? Quo dicto & bonæ conscientie testimonium, & salutis suæ fiduciam approbavit. Quid verò mirum hos illi animos fuisse in extrema vita per sanctimoniam summam traducta, in qua media, similique discrimine, ea effatus est,

quæ

quæ nos capite octauo, & vigesimo retulimus, præsertim verò de
suz, quod & diximus, destinatione salutis diuinitus iam edoctus.
Animam efflanti domestici omnes, cum tenerrimis æquè, vber-
rimisque lacrymis interfuere; ijsque aliquod ad virtutem incita-
mentum ex eius ore tunc pariter expectantibus, suas tamen pre-
ces, intimamque cum Deo consuetudinem noluit vir cælestis ab-
rumpere; cui animo præsentissimus placidè, ac tranquillè ad
immortalitatem transijt septimo, quàm ægrotarat, die, noctis ho-
râ quintâ, die Iulij 25, Iacobo, cui addictissimus fuerat, sole-
ni; salutis anno 1580, ætatis suæ septimo & quadragesimo, ab ini-
ta Societate quinto & vigesimo. Ea mors accidit omnibus pera-
cerba, quòd & tantæ virtutis exemplar ac fructum, cuius in ea
Prouincia spem ipsius gubernatio fecerat, ereptum sibi cogno-
scerent.

Balsaris obitu eo in oppido peruulgato, confluxere quàm-
plurimi, eius opinione sanctitatis exciti, quibus ille alio loco vel
tempore innotuisse non poterat. At verò Deus honorem delatu-
rus extincto, Collegium impulit Belmontensis Ecclesiæ, vt eius
humandi curam vltro susciperet. Solemne ab ijs funus cum su-
premæ pietatis officijs celebratum est: illatusque fuit in tumultum,
quo & cæteri Religiosi viri conduntur.

Perlatus in Castellam nuncius ingenti dolore tum Socios, tum
extrarios grauissimos, & Optimates affecit; Ducem verò maxi-
mè Friasiam; quæ, cum primùm de infensa Balsaris valetudine
audiit, iumentum eduliorum lautitiarumque sarcinâ onustum ad
eum Villalpando confestim misit. Nuncio deinde mortis allato,
dolore percussa tam graui est, alique cum ea primores illic viri,
vt Villagartiensis Collegij Rectorem acciuerint, à quo aliquid so-
latij in tanto luctu perciperent. Neque id leuius Magdalena Villoia
tulit, Villagartiensis eiusdem Collegij, ex quo ille aliam in Pro-
uinciam discesserat, fundatrix. Ab eius Templi sacellis funebrem
illi psalmodiam, & solemae sacrum musicis ad organum concen-
tibus persoluere. Patres item ibi domestici omnes eadem illi pie-
tatis officia impendere; apud quos recens erat Rectoris, Paren-
tisque sui memoria. Quanquam verò plurimis vbique hostijs, pa-
rentatum illi est, plures tamen, & in his grauissimi, doctissimiq;
viri fuere, qui eius commendare se precibus; cuius ope iuuari
se cum maximè in Cælo posse considerent. Hæsi equidem admi-
ratione perculsus, Deique consilia deueneratus sum, vicæ stamina
tanto viro intercidentis, id ætatis ac rerum, cum, pro naturæ sta-
tu, æuum vtique producere diù posset; pro gratiæ verò, oppor-
tunus maximè tunc esset ad vberriam ferendam frugem Ecclesiæ,

Iob. 9. 12.

in suæ item familiæ Socijs, & extrarijs. Sed enimuerò ipse huius vi-
 næ Dominus, palmites, quo & modo & tempore vult, ferit, pu-
 tat, amputat: cui nemo dicere possit insimulans, *Cur ita facis?*
 Eorum enim, quæ Deus agit, ratio non est ab eo reposcenda: A-
 gere enim ipsum, ac velle aliquid, æquissima ratio est, cur illi
 omnes assentiant, rectumque ducant & optimum, quicquid ipse
 peregerit. Breuiore, quàm Baltasarem, æuo Parauinum Anto-
 niuū euocauit, fructum animorum longè locupletissimum capien-
 tem: paulò item productiore, Alsisiati Francisco, Thomæ Aquina-
 ti, aliisque viris sanctissimis diem dixit: nullo planè respectu
 vitæ ipsi producendæ, vt, quibus vel doctissimis libris, vel sanctis-
 simis operibus manum admoouissent, iisdem & supremam impo-
 nerent. *Novit enim Dominus dies iustorum*, eorumque numeravit
 merita, & coronas. Cum primum verò diuinæ mentis consilio
 res congruunt, terris eos eripit, quos in consentaneâ gloriæ sede
 locet in Cælo. Simulque nos admonet in hac mortalitate super-
 stites, vt iter hæc scilicet maturemus; vigilesque ac succincti nos
 ipsi in exitum comparemus: nobis enim minime cogitantibus
 aderit Filius hominis, rationemque à nobis vitæ nostræ repetet,
 affecturus aut præmio, solerriam, qua ipsius aduentum opperti
 fuerimus, aut multâ desidiâ in custodia diuinæ legis adhi-
 bitam.

Psal. 36. 18.

CAPVT QVINQVAGESIMVM TERTIVM.

*Diuina quedam ostensa de ipsius felici obitu, gloriaque.
 Post suprema aliquibus, vti viuens, opem cæ-
 lesti vi affert.*

Psal. 115. 15.

Psal. 111. 7.

CVM pretiosa sit in conspectu Domini mors Sanctorum, quos ipse
 in memoria æterna vult esse, rationes etiam comminiscitur,
 quibus eorum apud se æstimatio, & amplitudo testata Fidelibus
 sit; nunc quidem priuatis è cælo ostensis, nunc prodigijs, nunc
 alijs id ipsum affirmantibus argumentis. Diuino proinde visum
 est Numini, sanctissimi huius viri mortem, & quàm ea suis in
 in oculis pretiosa fuerit, ipso eius die diuinitus indicare.

§. I.

Birgos in hunc Baltasaris decessum idcirco Deus elegit, quòd inde eius fama facilius poterat in vniuersam Castellæ Prouinciam propagari. Aliqua ibi degebat ex ijs, quas Sancti Francisci Beatas vocant, castigatissimæ vitæ fœmina, studioque precationis cum primis addita; muneribus in ea cum Deo consuetudine diuinis assueta; in qua futura quandoque discebat, ipsius prælagitionibus omninò planèque respondentia. Eaque vocem subinde audiebat imperantem sibi, quid ageret, fructuosum id semper; atque argumentis minimè dubijs, bono diuinoque spiritu illam agi. Hæc die quadam in preces effusa euocari se audiit, Veni, vt mei egregij famuli supremis intersis. Abstracto à sensibus animo ægrotanti præsens, sacrorum virorum, beatarumque mètium admixtam ijs cateruam vidit iacentis lectulo circumfusam. Quinque deinde alij subire vestibus sacris insignes, clariori etià, quam priores alij, radiati lumine gloriæque. Quorum ex vno vis tanta lucis effundebatur, vt eum ipsa salutis nostræ Vindicem, Christum esse putaret: edocta tamen est, nequaquam illum esse. Hic prehensum dextera manu ægrotum erexit, aliisque quatuor diuisis in latera, cæteris vndique circumiectis, ipse, beatæque simul mentes sanctissimam animam in Cælum inter gaudia, musicosque concentus extulere. Substitere ex Angelis duo, & corpus vnguento, ac thure curauere. Ipsa verò pompam exequiarum tantam, discessumque animæ tantâ gloriâ collustratum intuita, cum Antistitem esse ex Italia censuit, quem sanctimonix nomine colebat, amabatque summoperè: indicatum illi tamen est, haud illum esse, sed Toletanum Prouincialem ex Societate IESV. Ab hisce visis, ipso, quem diximus, die Baltasaris sublato ex hac mortalitate Belmontij, rem narratura contulit actum sese ad Christophorum Riberam, probatæ virtutis, prudentiæ, ac sanctimonix virum; qui deinde Prouinciam hanc administrauit. Is narratam sibi rem trutinâ diligenti perpendit: allatoque deinde nuncio de Baltasaris obitu, & assentientibus adiunctis, diuinum hoc ostensum ad illum referendum esse cognouit. Eadem verò aliquot post annis Vallisoleri, quò profecta erat, de rei certâ serie à Francisco Salsedio Societatis nostræ, Baltasaris ex fratre nepote interrogata, eam apud se esse respondit descriptam in autographo, in quem collata sibi à Deo præcipua munera exponenda Confessario referebat: se verò, postquam hoc à Deo munus acceperat, quippe quæ animam illam tanta cum gloria Cælum subeuntem aspexerat,

illi se commendandi quotidie nec memoriam abijcere vnquam potuisse, nec curam: postmodum verò innotuisse sibi illum fuisse Baltasarem. Quare simul omnibus, quæ diuinum in hoc visum conspirauere, simul eius, cui ostensum id est, sanctimoniam vitæ spectatis (cui de morte etiam gloriaque sanctissimæ Parentis Teresæ IESV demonstratum alias est, exitusque illi probæ, probæque vitæ par contigit) suspicionem erroris omnem ab eo viso abesse putandum est: Cælites verò, beatasque cæli mentes, quibus ipse, cum vixit, additissimus fuit, conuenisse ad honorem illi in funere deferendum. Siquidem verò vir ille fulgoris tanti haud erat Christus, non absurdum est credere, eum fuisse Parentem nostrum sanctissimum Ignatium, cuius filius erat æger; seu Apostolum longè inclytum Iacobum, cuius solemnem die sum Baltasar obibat: aut alium ex ijs quempiam, quos impensiore studio, & amore coluerat.

Sanctissima Parens Teresa IESV Methymnæ Campi, vbi degebat, Baltasaris obitum accepit: duasque plus horas à lacrymis sibi temperare non potuit, solatium alijs frustra illi ferentibus; rogantibusque, cur tam procul habens ab animi sensu mortalia, hoc vnum ipsi accideret tam acerbum? Sum, inquit, in luctu, quòd iacturam Ecclesiæ Dei, ab excessu tanti eius famuli, præsentem, ac futuram intelligo. Atque in his, duas plus horas, animo à sensibus alienato conticuit: quid actum interea secum sit, non dixit. Nonimus tamen memorata sæpius ab illa fuisse, quæ vndecimo capite diuinitus patefacta ipsi meminimus; de sanctimoniam nempe gradu, quo Baltasar eminebat in terris; deque ingenti gloria ad quam idem destinabatur in Cælo. Et ipse quidem ex ancilla Christi quadam egregia, sanctissimæ huic Virgini cum primis addictæ, & Societatis nostræ percupidæ, cuius mihi & virtus & veritas explorata certissimò est, illud accepi, mœrenti sibi admodum, inclytam hanc, sanctissimamque Parentem videndam obtulisse sese, multis post annis, quàm mortalitati decesserat; eamque ipsius ægritudinis demulcendæ causâ, inter alia permulta, hæc ipsa verba ad ipsius solatium opportuna elocutam esse: Et ego sum filia Societatis; & ex ea Confessario vsa sum: & nunc profiteor in Cælo illum, & colo. Assertum id ab ea de Baltasare Alvarez dubitandum nihil est: Quanquam enim alijs vsa prius fuit, diutissimè tamen omnium consistentem hic audiit; ac suam illi operam, operamque diligentissimè contulit, donec ea demum sublimia sua illa cœpta perfecit; & quem Confessarium, & Institutorem habere suam ipsa in gloriam referebat. Cumque in Cælo nunc illum profiteatur, & colat, argumento est, gradum, sedemque ab eo ibi;

ita

ita præstantem obtineri, velut agens, in terris ipsa iam viderat.

At enim, quamuis diuina hæc ostensa plurimo sunt sanè solatio, certa ea tamen, ac nobis testata cum primis id efficit, quod hac in historia vniuersa commemoratum à nobis est. Tanta enim opera, virtutesque, ceteri diximus, caritas erga proximos tanta, tanta in contemptu submissio, patientia in aduersis, voluntatis suæ in omni re cum diuina consensio, precationis ratio tam excelsa, tam constans, argumenta sunt ferè certissima, Deo illum perfrui, qui tam diuina præstiterit. Atquæ constantiam in ijs ad mortem vsque retinuit, & plura multò, quàm egit ac pertulit, agere, utique ac pati percipijt. Inde Ioannes audiuit vocem de calo dicentem sibi, *Beati mortui qui in Domino moriuntur: amodò iam dicit Spiritus (cuius verba sunt facta) vt requiescant à laboribus suis; opera enim illorum sequuntur illos.* Opera hæc ijs honorem deferunt coram Deo, Angelis, ac cæteris Sanctorum; & vbi miracula desunt, hæc ipsa eorum subeunt vices; namque prodigiosa oppidò sunt, certiusque sanctimonix argumentum, quàm miracula cætera, quæ ad confirmandam Fidei, quam profitentur, veritatem, non tamen ad virtutem, aut sanctimoniam, qua sint ornati testandam, possunt & à malis patrari. Neque verò desunt in hac historia res raræ, miræque, quibus vir hic sanctissimus ità insignitus est ad frugem aliorum, vt quædam veluti præmia fuerint ipsius laborum, prædiaque ad processus in virtutibus habendos. Cuiusmodi fuit contemplationis donum, cum perarris ijs fructibus, quos laudauimus; scientia spiritus, ac Theologiæ, ipsius muneri consentanea, impertita illi diuinitus: cognitio arcanorum cordium; futurarum, remotarumque rerum præsentio, ac præfagitio, quibus & honorificè accepit illum, ornauitque Deus in terris, & argumenta, pignoraque dedit indubia immortalium bonorum, quibus illum in Cælo collustrat & beat.

§. II.

AD hæc, ab eo iam immortalis id operum geri voluit Deus, quod & rebus gestis à mortali pondus adiungeret, & sanctimoniam testaretur, & gloriam, quam eorum causâ consecutus erat. Etenim (quemadmodum sacrarum litterarum docemur oraculis) beatissimi patriæ cælestis incolæ, neutiquam eorum curam abiiciunt, quibus operam contulerunt in terris: immo, cum ijs caritas in cælo sit purior, Deique perpetuo aspectu fruuntur, preces ipsi pro illis adhibent, quibus opportunam necessariamque ijsdem opem exorent; ad tuendum augendumque bonum, ad quod eorum

2: Machab.
15. 11.

2 Pet. I. 15.

Ita Occu-
men: &
Baltasar lib.
de cultu.
SS. c. 1.

eorum animis adiunxerant incitamenta, dum viverent. Fidem his adstruit, quod secundo Machabzorum libro de duobus legitur, ex antiquæ legis instituto, sanctissimis viris, Onia Sacerdote summo, & sacro Vate Ieremia; qui elatis in Cælum manibus mulcum orabant pro populo Israel. Et Petrus in Apostolis Princeps, Fidelibus, ad quos alteram dedit epistolam, recepit, *Dabo autem operam & frequenter habere vos post obitum meum, ut horum memoriam faciatis*, quæ ijs nempe Christi fidem promulgando tradiderat: eidem mittere inuigilare clam perstans, cui palam suas olim curas impenderat. Idem diuino nntu & Baltasari contigit, commendatos sibi proximos adiuuandi tam cupido, vt sublatus hinc etiã suum erga eos munus obire perseverauerit; solatium in ærumnis, animosque in promouendis bene cœptis adiungens.

Horum prima dicatur Anna Hentiquia, de qua supra meminimus, matrona prænobilis, piaque, ærumnis exercita prolixè, coniux item, ac vidua. Hæc pro sua in Baltasarem pietate, postquam nuncium de ipsius obitu accepit, opemque sensit per ipsum sibi collatam id temporis, rem omnem, amputatis quibuscumque studio breuitatis, in hæc verba conscripsit.

De Baltasaris Alvarez affecta valetudine admonita Vallisoleti cum essem, die Transfigurantis se Christi solemnî, Professorum Societatis Templum adiui, sacra Confessionis, & Communionis mysteria obitura; & auditura simul, quid de illo ægrotante ferretur. Decessisse illum accepi. Qui nuncius meum animum tam altè perculit, vt explicari vix possit: tantum mihi solatij, opisque perit, quo tempore viduitas mihi recens erat, & pectus ab ærumnis ægerrimum. Atque etsi conscij horum aliqui studebant adhibere mihi solatia, nihil ijs tamen suis apud me argumentis valebãt. Nocte deinde cum hoc tanto mœrore decubui. Manè verò euigilanti maturimè, sanctissimus hic vir in mentem venit: eaq; memoriã gaudium mihi obortum est ingens; res pro eo, quo tunc eram statu, id temporis, tam repente, nulla ope, operâque nullâ, certè quidem notabilis. Simul intimè suadebat ratione multiplici, mœrorem vt abijcerem; eaque suadela plenissima erat suauitatis ac nectaris. Mox breuissimo tempore perpura sum edocta, quibus illis obiretur incommodis, quæ ab illo erepto mihi sese offerebant: atque ijs occurrî cognoui per elatiores, tutioresque, quàm humi, tabellarios expeditos in Cælum. Simul etiam dicebam, quanto cum puluere ac cœno inter sese hic in terris ipsi etiã Dei famuli congregiuntur. Assequi certè non possum, quo pacto illum mihi viderem adesse, qui ab sensu videretur esse tam procul: quod

quod sanè mirandum est maximè. Recreata cum in modum sui antequam surgerem, vt, quanquam vellem dolere, non possem. Ea me voluptas in Templo Societatis horis illis antemeridianis, triduoque post habuit. Exinde videbar mihi illum intueri assidentem ad latus, non mentis dumtaxat imagine, sed ratione alia longè dissimili. Hoc elapso deinde triduo, quanquam id ipsum maximè cuperem experiri, non poteram: eius tamen memoriâ mirificè delectabar: quemadmodum & cum videret, remotus etiam magis, quàm præsens mihi se suauissimè, & castissimè adiungebat; non ad mea tamen, quoties id voluissèm, vota.

Aliquot post annis die Nouembris 17. anni 1587. Sanctissimi Gregorij Thaumaturgi die sub vesperam, ægritudine animi summa confecta cum essem, aliquos recitare psalmos coëcepi. Quamquam verò animuni mihi versus, aliqui tenerè demulcebant, solitudo mihi tamen plurima erat; angebarque, quòd copia mihi nullius foret, quicum meum pro votis animum egererem. In his ego, conuerso ad parietem vultu, decubui. Familiari cuiuspiam meæ, cui cognitus Baltasar erat, ante dies aliquot amicè dixeram, Quàto equidem pretio colloquium nunc cum hoc Patre pacisceretur, cumque tam procul esset, vt id euenire tunc posset, cum illo, tamen præter spem sui: quem licet corporis oculis non aspicerem, assidentem mihi dexterum ad latus iucundissima consuetudine sentiebam. Audiebam illum cum maiestate simul, & facilitate loquentem; multa que mihi obuersabantur ex ijs, quæ per vitam in eum egit, ac dixit; tam verò dilucidè, quàm cum ipse vitam in terris agebat, & illius ego spiritu perfruebar. Sermonem cum eo tenerim intuli de rebus antea gestis, quæque tunc gerebantur. Videbatur silentio respondere mihi, consolari me, ac docere; suamque mihi opem, & operam polliceri. De Confessario meo dixi, rebusque alijs. Humanissimum erga me illum experiebar; cuius aspectu dolor, quo cruciabar animo, mitigabatur. Nullo vsus verbo lucem ad perplurima mihi asserbat: piam, quæ mecum vsus erat, consuetudinem exponebat: mihi que meus animus planè ab eo perspicì videbatur. Cui ego, Pater, inquam, mecum siles? At ille visus est Cælum innuere, mihi que illius cupiditatem inijcere; eiusque status ac vitæ amplitudinem insinuare: idque meum animum multa cum vi perpulit. De illius sanguinonia cognoui, quàmque seriam seruitutem Deo seruauit; ei que, Vitæ, dixi, aliorum editas esse in lucem, cur Vita ipsius silentio premeretur? Silentio item, sic vt intelligerem, indicauit, Nihil interest: illud intelligens, ad diem illum extremum, quo res omnes publicam visuræ sunt lucem, spatium, quantumcumque illud sit,

mo-

modicum interesse, quod esset nempe temporarium: eoque mihi æternitatis miram fragrantiam, æstimationemque reliquit.

Die item Sancto Andrea sacro, ab aliquo, quod insusurratum mihi in aures erat, verbo, angebar admodum. Eâ cum ægritudine diuinam ad mensam accedens, Virum hunc sanctissimum adesse mihi, ut alias, ad dexterum latus sensi: eumque neque oculis materiatis obiectum, neque verba promentem, audiebam tamen, & intelligebam. Affata sum illum; atque ea, quæ animum occupauerat, disiecta illicò nebula est; atque recreata sum simul, & confirmata. Videbar mihi adiunctum illum ad docendum habere Magistrum: cum verò sacra hostia adoranda populo ostentabatur, eamque ipsa deuenerabar, illum propter me sensi diuinissimæ Eucharistiæ reuerentiam plurimam exhibentem. Id mihi argumento fuit, multum illum valere apud Deum; atque à Deo probari, opem ab illo mihi, quæ à me sensu perciperetur, impendi. Mihi verò gratias agenti, quòd adeò tempestiuè opitulatus mihi fuerat, id omne acceptum Deo referendum esse indicauit: ex quo quanta Deum fidelitate coleret, semperque antea coluisset, planè cognoui.

Alia item notæ, laudatæque probitatis Dei famula narrauit, sese, per summum animi afflicti languorem, Baltasaris meminisse; eumque enixè implorasse sic, Pater, ser opem mihi: mox illum sibi visum esse per speciem, ad dexteram secum perhumauit vestantem. Cui tunc ipsa: Pater mi, fieri potest, ut in quam tantum boni tanto cum amore contulisti dum viueres, nunc meliori sorte potitus, auxilio mihi non sis? affer opem. Adhuc tamen animus ægrimoniam retinebat; donec verba hæc, quæ illius esse sibi videbantur, animi sensu intus audiuit: Enitere ad perfectam virtutem. Quo illa recreata est, egestatemque suam, ac sancti illius Viri præstantiam intelligens, brachium eò protulit, vbi præsentem Baltasarem sentiebat, atque; Pater, porrige mihi manum. At ille porrexit nempe; & ipsa lacertum, ut in viuente consueuerat, eâdem amictum veste conspexit; quem & arripuit: idque ad argumentum fiduciæ retulit, fore ut Dei voluntas in sese, pro suo voto scilicet, impleretur. Hic iucundus eius aspectus euauit: non tamen amicti eius lacerti, arreptique à se, uti diximus, imago impressa ad viuum effluxit.

Grauis admodum doctusque ex Societate Pater, familiaritate Baltasaris vsus multâ cum viueret, testatus est, suis in necessitatibus momenti magni iuxta, ac parui, tum animi, tum corporis diuino ab se Numine, nomine Baltasaris, implorato, eò interprete, adiutum se, recreatumque fuisse: idque aliquoties. Ad genus verò mi-

miraculi referebat opem in re arctissima sibi ab eo semel allatam. Eiusdem aliàs in re simili nomen implorans, intimè sibi edicentem audiuit, In difficillimis eiusmodi rebus ad Deiparam confugiendum. Paruit: & releuatus est plurimum. Belmontij rursus idem repetens, illum secum submisit loquentem audiuit; extimâq; voce exorsum effari, voce intima, afflatu nempe desuisse. Neque verò vacat arcano, signa hæc omnia, Dei nutu impensa fuisse in solatia mœrentium proximorum; sed vt eam inde gratiam intelligeremus, quâ in iisdem erigendis valuit apud Deum multâ, dum viveret; & quâ erga omnes valebit in posterum, qui sibi diuinam opem, conciliatore illo, deponunt.

CAPVT QVINQVAGESIMVM QVARTVM.

*Baltasaris corpus ad Collegium Villagartiense deferitur.
Egregia in eiusdem funere concio.*

A Deo pretiosa est in conspectu Domini mors Sanctorum eius, vt, affirmante Basilio, quemadmodum olim quisquis extincti cadauer contingeret, contaminabatur, ita nunc contra, quisquis sacra Viri cuiuspiam Sancti lipsana contrectat, vim opemq; ad sanctitatem inde possit elicere. Deique consilio fit, vt ea in loca plurima diuidantur, quò vbique ornamento sint; munimento, atq; præsidio aduersus hostes: ijsque honor à Fidelibus habeatur. Quòd si ex me quæris, inquit Ambrosius, quid in hisce Sanctorum cineribus, ac reliquijs deuenerer, aio, coli à me in sancti viri corpore vulnera Christi causâ suscepta: eius coli memoriam, qui cum virtute vitam omnem exegit; cineres coli confessione Christi Domini consecratos; sementem in ijs coli immortalitatis: corpus coli, quod me Deum amare docuit, mortemque ipsius gratiâ neutiquâ formidare. Quid nî verò honorè corpori Fideles impertiât, quod Dæmones reuerentur? At enim quanquam illud ij inter quæstiones affecere doloribus, afficiunt tamen gloriâ in sepulcro. Coli denique à me aio corpus illud, cui honorem in hac mortalitate Christus attribuit; & quod regnaturum est in Cælo cum Christo. Atque hæc causæ sunt, ac fructus honoris & reuerentiæ erga corpora, reliquiasque Sanctorum: quos inter vbi extinctum aliquem numeramus, eius lipsanorum parte aliqua potiri percipimus. Hinc est, quòd ij, qui nouere Baltasarem, tantum ipsius sanctimoniz tribuere; vt eius vel corporis, vel rerum ali- quid, quod apud se custodirent, habere voluerint; ad honorem

In Ps. 113.

Orat. in 40.
Mart.

Serm. 93.

illi deferendum, opemque ipsius implorandam; quo pignore diuinæ pietatis largiora munera obtinerent.

Hæc verò pietas in duabus præcipuè nobilissimis matronis effulsit. Altera fuit Ioanna Castillia, Villaregiensis Collegij fundatoris neptis. Ea cum vix quadriduoano congressu transcurrentem illac Baltasarem cognouisset, animi, quibus cruciabatur, angoribus solatij tantum accepit, vimque loquentis ad eor adeò demirata est, ut, quo non potuerat frui viuo, illum habere secum optarit extinctum. Quare Præpositum tunc illi Prouinciæ (is erat Franciscus Porrius) rogauit, mitteret sibi sanctissimi viri caput, quod apud se pijs causâ solatij custodiret. Permissum id illi est paucis post diebus; tum eo nomine, quod plurimum illi debebat Societas, tum pro pietate etiam plurima flagitantis. Missus ab ea est Patrum aliquis ex eo Collegio cum veste ac pulchrè depicta, & arcula perelegantè ornata, in quam illud includeret. Inerant capiti ex capillis multi recentes, intus etiam nonnihil cerebri nondum vndeumque corrupti: neque porro grauiter olebat; quemadmodum neque ipsius cætera membra, cum ossa, nondum exesâ in totum carne, lecta fuerunt in arcam. Quamobrem vis aliqua calcis est indita, quæ carnem omnino conficeret. Quanquam verò moram traxit id opus, nullus inde afflatus est odor insensus; licet grauissimus à proximis eadem in vna cadaueribus fundetur. Caput hoc sanctissimum accepit illa deinde, atque in Oratorio ad id vnum extracto ornatoque pulcherrimè, seorsim ab altero, quod & domi habebat, cum honore plurimo collocauit; argumento nimirum suæ in Baltasarem reuerentiæ & caritatis.

Altera fuit Magdalena Villosa, quæ suo in Villagartienfi Collegio, vbi tumulum sibi ipsa constituerat, optauit corpus humari Baltasaris, Confessarij olim, Institutorisque sui; & qui eodem in Collegio obtinuerat primus gubernacula, institutionemque Tyronum. Id illa à Generali tunc Claudio Aquauina efflagitauit: neque verò is illi potuit repugnare. Missus est ad corpus deportandum Franciscus Salsedius ex Societate nostra, Baltasaris ex fratre nepos, de quo mentio fuit in Prologo. Is illud Villagartiam vsque clam abstulit. Vallisoletò, vbi morabatur hæc matrona, trajecit; eique dentem, quem auulsim apud se habebat, impertijt. Eo illa munere gaussa plurimum est. Parrum aliquos grauiore ex Professorum domo cupido sanctorum cinerum visendorum, & colendorum incescit. In his Iosephus Acosta tanta perfusus est odoris suauissimi vi, ut rogauerit, num odoramenta essent eb eo illic adhibita: negante illo, quanquam comparata iam erant,

erant , respondit , nihil ijs opus esse ; neque enim deesse domi , cui multa odoris scauitas sit afflata . Et verò persuaum fragrantiam Deus assoleat corporibus Sanctorum aspergere ; quanquam illam alij quidem certè , secus verò alij sensu percipiunt . Villagarriæ cum Prouinciali Gonzaluo Abulensi , eiusque Collegij Rectore Ioanne Montemaiorio conuenere Vallisoletanæ Domus Præpositus Franciscus Galartius , Ioannes Soarius , Antonius Padillius , grauesque alij complures ex ea Prouincia Patres . Vallisoletæ etiã accessere Quæsitör Ioannes Morales Salsedius Baltasaris propinquus , & Iacobus Lopez Salsedius eiusdem ex fratre nepos , celeberrimi Sanctæ Crucis Vallisoletani Collegij Sodalis , quorum habitantiani mentio est . Loculus sacrorum cinerum cullos in eius oppidi Paræcia , cui nomen est à S. Beati , in comparato ad id tumulo depositus est . Postridie sub vespèram , ad corpus deportandum , sollemnis illuc à Societatis nostræ Templo supplicatio iactitata fuit . Præbant Scholastici quadringentiarum sacri eiusdem nostri Templi Administri cum caterua Cantorum : deinde Societatis nostræ Patres , Fratresque . Exequias peracturus Quæsitör Salsedius sacris amictus vestibus incedebat . Feretro subiere Villagarriensis eius Collegij Rectör , & domus Vallisoletanæ Præpositus , alijque in Patribus grauiores , alternis : quos omnes eius honorandi ardor incenderat ; è cuius doctrina , vitæque sanctissima tantus in ipsos honor redundarat . Corpus excelso tumulo impositum est in media ara Templi maxima . Manè solemnè sacro parentatum est , & concio peregregia habita ab Roderico Cabredio Prouincialis Præpositi tunc Socio , huius deinde Prouinciæ Præposito , Inspectorè , atque in Prouincijs Peruana & Mexicana cum plurima Dei gloria , & proximorum , tum Indorum , cum Hispanorum fruge vberissima Moderatore . Post perfoluta iusta , sacrum corpus in sanctorum Hispanorum arâ collocatum est , propter Eucharistiæ altare , eo in latere , in quo sacræ recitantur epistolæ : honorem Deo impertiente illi , qui ipsius gloriæ tam seriò , diligenterque studuerat . Ac veluti operam dedit Baltasar , vt hæc Matröna sacellum extrueret tam illustre , tam multis , variisque Sanctorum Hispanis instructum , vt honor ijs ibi tribueretur ; ità Dei factum est nutu , vt eos inter ipsius corpus locum obtineret in terris , inter quos etiam eiusdem animus sedem adeptus erat in Cælo .

Quoniam verò oratio in hoc funere habita , præterquam quòd multà referta est doctrinâ , pietate , & ingenio , breuem summam , incundamque epitomen conscriptâ à nobis sanctissimi huius viri vitæ completitur , operæ pretium duxi eam hic attexere , quæ felicissimam huius historiæ coronam imponat ,

Concio habita, quo die Baltasaris Aluarez laudatissimi,
sanctissimique viri corpus in Villagartienſi Colle-
gio conditum eſt.

T H E M A.

*Memoria Iofia in compoſitione odoris facta, epiſ pigmentarij,
in omni ore, quaſi mel, indulcabitur eius memoria: & ut
muſica in conuiuiu vivi. Eccli. 49.1.*

F Requentes hodierna luce conuenimus in hoc Templum ad iu-
ſta iterum perſoluenda ſingulari viro, cuius memoriam fau-
ſte, ac feliciter uſurpamus, Societatis noſtræ Religioſo Profeſſo
Baltasari Aluarez. Quanquam enim certa nobis ſpes eſt, beatiffi-
mam eius animam diu iam bonis, gloriâque perfrui patriæ im-
mortalis (id enim perſuadent, nobis ab eo per hanc vitam exhi-
bita perrara exempla virtutum) noſtris tamen ut partibus cum
ſacroſanctæ Eccleſiæ ritus cuſtodiam defungamur, piis illi exequia-
rum officijs parentamus. De quo mihi in filiis ipſius omnibus
minimo maximèque indigno, aliquid in præſentia locuturo, op-
portuna huic loco viſa ſunt laudata Regis ſapientiſſimi verba, &
Memoria Iofia, &c. Quibus ille vniuerſos ſui populi filios horta-
batur, ut inclyti illius, ſanctiſſimique Regis Iofia memoriam re-
tinerent, qui diuino à Numine publico ſuæ gentis boho datus
tam præclara, tamque admiranda facinora ſuo, dum vixit, quo
præſtiterat. Aiebat ijs porro: Iofia memoria fas eſt paſtilli ſit
odorati conſimilis, pigmentarii eruditi manu compacti; ex quo
ſuauiſſimus aſſiduò nobis odor aſſetur. Memoria hæc omnium,
in ore de illo loquentium, faui erit inſtar mellei, longè ſuauiſ,
ac dulcis; omnium in auribus de illo audientium concentus, inſtar
erit in conuiuiu periuicundi. Verba hæc in virum hunc præſtan-
tiſſimum, cuius relictas nobis ex ipſius mortalitate reliquias eo in
loculo cuſtodimus, cadunt aptiſſimè. Quemadmodum enim Io-
ſia nomen, quo Ignem Domini Hebræi ſignificant, conſentaneum
illi eſt, ita & opera, quæ de altero Iofia memorantur, eidem ſunt
peraccommoda. Ignis Domini fuit oppidò ipſius aſſecla hic præ-
ſignis: Ignem quippe dictis, ignem factis, ignem omni vita om-
nibus iniiciebat. Congrunt igitur ipſi perbene, quæ de altero Iofia
laudantur: congruuntque magis hoc die; quo illi ſuprema hæc
munera Chriſtianæ pietatis impendimus; idque ipſum in hac tu-
ngbei

nebri laudatione propositum mihi erit ostendere. At enim Dei egemus ope : Deiparam igitur , cuius Baltasar studiosissimus fuit , & per quam plurima in ipsum à Deo corruata sunt bona , apud diuinum Numen adhibeamus interpretem. Aue Maria &c.

P R O O E M I V M.

Memoria Iosia &c Mirificum sanè illud amoris est vinculum , necessitudo illa , nexuque , quibus diuinus Opifex res deuinxit omnes , quas inter similitudo aliqua , consensus , & ordo mutuus intercedunt . Mirificus etiam ille est quasi amor ingenuus , quo esse simul expetunt , neque ab sese disiungi . Atque ut ea , quæ casta sunt sensu , eaque etiam , quæ illo sunt prædita , carent tamen ratione , mittamus ; appareat id in ijs maxime in quibus mens inest , si minus eius vsum vitiet deprauata voluntas . Cum enim ratio conferat ad hanc similitudinem , consensum , & vinculum , cognoscendum , iuvat etiam ad coniunctionem hanc mutuam conseruandam . Hinc amor est ille tam vehemens , quo esse cum Genitore filius , cum filio Genitor , frater cum fratre , cum amico amicus , cuius cum ciue , seruus frugi cum hero , fidus popularis cum humano & elementis Principe , vniuersi denique , inter quos conuenientia maior & copulatio intercedit . Eoque vis amoris tanti pertingit , ut vbi quos diligimus , viuos non possumus , extinctos saltem habere nobis proximos , atque illorum adiungi cineribus cupiamus : demusque operam , ut illi post suprema naturæ vno simul in Templo , vno in Sacello , vno in sepulcro condantur . Sic ut is amor cum ipsa morte certare velle videatur , de quo liceat illud è sacris Canticis interpretari , *Fortis est ut mors dilectio , dura sicut infernus amulatio* : Quo inferni nomine sepulcrum intelligatur : quasi dicat ; Non satis est mors , non satis est tumulus ad conuellendum insitum hunc amorem eorum , qui sese in vita mutuo dilexere : Etenim in morte ipsa , & tumulto coniungi cum cineribus cineres amant . Quoties enim , nec sine quodam arcano , ad amorem hunc hominum cordibus ab Authore naturæ altè insitum indicandum , diuinæ paginæ in Regum , & Paralipomenorum libris illa Iudæorum Regum morientium , vota commemorant , quibus expetebant intumulari cum Patribus ? Et verò eorum illi eundem inferebatur in tumulum : legimus enim , *Sepulcrusque est in ciuitate David cum Patribus : Sepelierunt eum in sepulcro Patrum suorum* , &c. Contra verò si nobis in iisdem libris est traditum , quæcipiam suorum parentum sepulcro caruisse , neque cineres cineribus achirisse , id nobis tanquam poena , ut de Ioram , Ioas , & Esiom

2 Machab.
15. 12.

2 Pet. I. 15.

Ita Occu-
men: &
Bellar. lib.
de cultu.
SS. c. 1.

eorum animis adiunxerant incitamenta, dum viverent. Fidem his adstruit, quod secundo Machabæorum libro de duobus legitur, ex antiquæ legis instituto, sanctissimis viris, Onia Sacerdote summo, & sacro Vate Jeremia; qui elatis in Cælum manibus multum orabant pro populo Israel. Et Petrus in Apostolis Princeps, Fidelibus, ad quos alteram dedit epistolam, recepit, *Dabo autem operam & frequenter habere vos post obitum meum, ut horum memoriam faciatis*, quæ ijs nempe Christi fidem promulgando tradiderat: eidem muneri inuigilare clam perstans; cui palam suas olim curas impenderat. Idem diuino intuitu & Baltasari contigit, commendatis sibi proximos adiuvandi tam cupido, ut sublatus hinc etiam suum erga eos munus obire persequeretur; solatium in ærumnis, animosque in promouendis benè cœptis adiungens.

Horum prima dicatur Anna Henriquia, de qua supra meminimus, matrona prænobilis, piaque, ærumnis exercita prolixè, coniux item, ac vidua. Hæc pro sua in Baltasarem pietate, postquam nuncium de ipsius obitu accepit, opemque sensit per ipsum sibi collatam id temporis, rem omnem, amputatis quibusdam studio breuitatis, in hæc verba conscripsit.

De Baltasaris Alvarez affecta valetudine admonita Vallisoleti cum essem, die Transfigurantis se Christi solemnî, Professorum Societatis Templum adiui, sacra Confessionis, & Communionis mysteria obitura; & auditura simul; quid de illo ægrotante ferretur. Decessisse illum accepi. Qui nuncius meum animum tam altè perculit, ut explicari vix posset: tantum mihi solatij, opisque perit, quo tempore viduitas mihi recens erat, & pectus ab ærumnis ægerrimum. Atque etsi conscij horum aliqui studebant adhibere mihi solatia, nihil ijs tamen suis apud me argumentis valebāt. Nocte deinde cum hoc tanto mœnore decubui. Manè verò euigilanti maturrimè, sanctissimus hic vir in mentem venit: eaq; memoriâ gaudium mihi obortum est ingens; res pro eo, quæ tunc eram statu, id temporis, tam repente, nulla ope, operâque nullâ, certè quidem notabilis. Simul intimè suadebat ratione multiplici, mœrorem ut abicerem; eaque suadela plenissima erat suauitatis ac nectaris. Mox brevissimo tempore perplura sum edocta, quibus illis obiretur incommodis, quæ ab illo erepto mihi sese offerebant: atque ijs occurri cognoui per citiores, tutioresque, quàm humi, tabellarios expeditos in Cælum. Simul etiam discebam, quanto cum puluere ac cœno inter sese hæc in terris ipsi etiâ Dei famuli congregiuntur. Assequi certè non possum, quo pacto illum mihi viderem adesse, qui ab sensu videretur esse tam procul: quod

quod sanè mirandum est maximè. Recreata cum in modum sui antequam surgerem, vt, quanquam vellem dolere, non possem. Ea me voluptas in Templo Societatis horis illis antemeridianis, triduoque post habuit. Exinde videbar mihi illum intueri assidentem ad latus, non mentis dumtaxat imagine, sed ratione alia longè dissimili. Hoc elapso deinde triduo, quanquam id ipsum maximè cuperem experiri, non poteram: eius tamen memoriâ mirificè delectabar: quemadmodum & cum vinceret, remotus etiam magis, quàm præsens mihi se suauissimè, & castissimè adiungebat; non ad mea tamen, quoties id voluisssem, vota.

Aliquot post annis die Nouembris 17. anni 1587. Sanctissimi Gregorij Thaumaturgi die sub vesperam, ægritudine animi summa confecta cum essem, aliquos recitare psalmos occæpi. Quamquam verò animuni mihi versus, aliqui tenerè demulcebant, solitudo mihi tamen plurima erat; angebarque, quòd copia mihi nullius foret, quicum meum pro votis animum egererem. In his ego, conuerso ad parietem vultu, decubui. Familiari cuiuspiam meæ, cui cognitus Baltasar erat, ante dies aliquot amicè dixeram, Quàto equidem pretio colloquium nunc cum hoc Patre paciscerer! cumque tam procul esset, vt id euenire tunc posset, cum illo, tamen præter spem sui: quem licet corporis oculis non aspicerem, assidentem mihi dexterum ad latus iucundissima consuetudine sentiebam. Audiebam illum cum maiestate simul, & facilitate loquentem; multaque mihi obuersabantur ex ijs, quæ per vitam mecum egit, ac dixit; tam verò dilucidè, quàm cum ipse vitam in terris agebat, & illius ego spiritu perfruebar. Sermonem cum eo tenerimum intuli de rebus antea gestis, quæque tunc gerebantur. Videbatur silentio respondere mihi, consolari me, ac docere; suamque mihi opem, & operam polliceri. De Confessario meo dixi, rebusque alijs. Humanissimum erga me illum experiebar; cuius aspectu dolor, quo cruciabar animo, mitigabatur. Nullo vsus verbo lucem ad perplurima mihi afferebat: piam, quæ mecum vsus erat, consuetudinem exponebat: mihi que meus animus planè ab eo perspici videbatur. Cui ego, Pater, inquam, mecum siles? At ille vsus est Cælum innuere, mihi que illius cupiditatem iniicere; eiusque status ac vitæ amplitudinem insinquare: idque meum animum multa cum vi perpulit. De illius sanctinonia cognoui, quàmque seriam seruitutem Deo seruiui; ei que, Vitæ, dixi, aliorum editas esse in lucem, cur Vita ipsius silentio premeretur? Silentio item, sic vt intelligerem, indicauit, Nihil interest: illud intelligens, ad diem illum extremum, quo res omnes publicam visuræ sunt lucem, spatium, quantumcunque illud sit, mo-

modicum interesset, quod esset nempe temporarium: eoque mihi æternitatis miram fragrantiam, æstimationemque reliquit.

Die item Sancto Andrea sacro, ab aliquo, quod insusurratum mihi in aures erat, verbo, angebar admodum. Eâ cum ægritudine diuinam ad mensam accedens, Virum hunc sanctissimum adesse mihi, vt aliâs, ad dexterum latus sensi: eumque neque oculis materiatis obiectum, neque verba prominentem, audiebam tamen, & intelligebam. Affata sum illum; atque ea, quæ animum occupauerat, disiecta illicò nebula est; atque recreata sum simul, & confirmata. Videbar mihi adiunctum illum ad docendum habere Magistrum: cum verò sacra hostia adoranda populo ostentabatur, eamque ipsa deuenerabar, illum propter me sensi diuinissimæ Eucharistiæ reuerentiam plurimam exhibentem. Id mihi argumentum fuit, multum illum valere apud Deum; atque à Deo probari, opem ab illo mihi, quæ à me sensu perciperetur, impendi. Mihi verò gratias agenti, quod adeò tempestiuè opitulatus mihi fuerat, id omne acceptum Deo referendum esse indicauit: ex quo quanta Deum fidelitate coleret, semperque antea coluisset, planè cognoui.

Alia item notæ, laudatæque probitatis Dei famulæ narrauit, sese, per summum animi afflictum languorem, Baltasaris meminisse; eumque enixè implorasse sic, Pater, ser opem mihi: mox illum sibi visum esse per speciem, ad dexteram secum perhumaniter versantem. Cui tunc ipsa: Pater mi, fieri potest, vt in quam tantum boni tanto cum amore contulisti dum viueres, nunc meliori forte potius, auxilio mihi non sis? asser opem. Adhuc tamen animus ægrimoniam retinebat; donec verba hæc, quæ illius esse sibi videbantur, animi sensu intus audiuit: Enitere ad perfectam virtutem. Quo illa recreata est, egestatemque suam, ac sancti illius Viri præstantiam intelligens, brachium eò protulit, vbi præsentem Baltasarem sentiebat, atque; Pater, porrige mihi manum. At ille porrexerat nempe; & ipsa lacertum, vt in viuente consueuerat, eâdem amictum veste conspexit; quem & arripuit: idque ad argumentum fiduciæ retulit, fore vt Dei voluntas in sese, pro suo voto scilicet, impleretur. Hic iucundus eius aspectus euauit: non tamen amicti eius lacerti, arreptique à se, vt diximus, imago impressa ad vinum effluxit.

Gravis admodum doctusque ex Societate Pater, familiaritate Baltasaris vsus multâ cum viueret, testatus est, suis in necessitatibus momenti magni iuxta, ac parui, tum animi, tum corporis diuino ab se Numine, nomine Baltasaris, implorato, cò interprete, adiutum se, recreatumque fuisse: idque aliquoties. Ad genus verò
mi-

miraculi referebat opem in re arctissima sibi ab eo semel allatam. Eiusdem aliàs in re simili nomen implorans, intimè sibi edicentem audiuit, In difficillimis eiusmodi rebus ad Deiparam confugiendum. Paruit: & releuatus est plurimum. Belmontij rursum idem repetens, illum secum submisit loquentem audiuit; extimâq; voce exorsum effari, voce intima, afflatu nempe defuisse. Neque verò vacat arcano, signa hæc omnia, Dei nutu impensa fuisse in solatia morientium proximorum; sed vt eam inde gratiam intelligeremus, quâ in iisdem erigendis valuit apud Deum multâ, dum viueret; & quâ erga omnes valebit in posterum, qui sibi diuinam opem, conciliatore illo, deponunt.

CAPVT QVINQVAGESIMVM QVARTVM.

*Baltasar's corpus ad Collegium Villagartiense deferitur.
Egregia in eiusdem funere concio.*

A Deo pretiosa est in conspectu Domini mors Sanctorum eius, vt, affirmante Basilio, quemadmodum olim quisquis extincti cadauer contingeret, contaminabatur, ita nunc contra, quisquis sacra Viri cuiuspiam Sancti lipsana contrectat, vim opemq; ad sanctitatem inde possit elicere. Deique consilio fit, vt ea in loca plurima diuidantur, quò vbique ornamento sint; munimento, atq; præsidio aduersus hostes: ipsique honor à Fidelibus habeatur. Quòd si ex me quæris, inquit Ambrosius, quid in hisce Sanctorum cineribus, ac reliquijs deuenerer, aio, coli à me in sancti viri corpore vulnera Christi causâ suscepta: eius coli memoriam, qui cum virtute vitam omnem exegit; cineres coli confessione Christi Domini consecratos; sementem in ijs coli immortalitatis: corpus coli, quod me Deum amare docuit, mortemque ipsius gratiâ neutiquâ formidare. Quid ni verò honorè corpori Fideles impertiât, quod Dæmones reuerentur? At enim quanquam illud ij inter quæstiones affectere doloribus, afficiunt tamen gloriâ in sepulcro. Coli denique à me aio corpus illud, cui honorem in hac mortalitate Christus attribuit; & quod regnaturum est in Cælo cum Christo. Atque hæc causæ sunt, ac fructus honoris & reuerentiæ erga corpora, reliquiasque Sanctorum: quos inter, ubi extinctum aliquem numeramus, eius lipsanorum parte aliqua potiri percupimus. Hinc est, quòd ij, qui nouere Baltasarem, tantum ipsius sanctimoniz tribuere, vt eius vel corporis, vel rerum aliquid, quod apud se custodirent, habere voverint; ad honorem

In Ps. 117.

*Orat. in 40.
Mari.*

Serm. 93.

Y y

illi

illi deferendum, opemque ipsius implorandam; quo pignore diuinæ pietatis largiora munera obtinerent.

Hæc verò pietas in duabus præcipuè nobilissimis matronis effulsit. Altera fuit Ioanna Castilia, Villaregiensis Collegij fundatoris neptis. Ea cum vix quatruiduano congressu transeuntem illac Baltasarem cognouisset, animi, quibus cruciabatur, angoribus solatij tantum acceperit, vimque loquentis ad eam adeò demirata est, ut, quo non potuerat frui viuo, illum habere secum optarit extinctum. Quare Præpositum tunc illi Prouinciæ (is erat Franciscus Porrius), rogauit, mitteret sibi sanctissimi viri caput, quod apud se pîj causâ solatij custodiret. Permissum id illi est paucis post diebus; tum eo nomine, quòd plurimum illi debebat Societas, tum pro pietate etiam plurima flagitantis. Missus ab ea est Patrum aliquis ex eo Collegio cum veste acû pulchrè depicta, & arcula perelegantè ornata, in quam illud includeret. Inerant capiti ex capillis multi recentes, intus etiam nonnihil cerebri nondum vndecumque corrupti: neque porro grauitè olebat; quemadmodum neque ipsius cætera membra, cum ossa, nondum exesâ in totum carne, lecta fuerunt in arcem. Quamobrem vis aliqua calcis est indita, quæ carnem omnino conficeret. Quanquam verò moram traxit id opus, nullus inde afflatus est odor insensus; licet grauissimus à proximis eadem in vna cadaueribus fundetur. Caput hoc sanctissimum acceperit illa deinde, atque in Oratorio ad id vnum, extracto ornatoque pulcherrimè, seorsim ab altero, quod & domi habebat, cum honore plurimo collocauit; argumento nimirum suæ in Baltasarem reuerentiæ & caritatis.

Altera fuit Magdalena Vllloia, quæ suo in Villagartiensi Collegio, vbi tumultum sibi ipsa constituerat, optauit corpus humari Baltasaris, Confessarij olim, Institutoriisque sui; & qui eodem in Collegio obtinuerat primus gubernacula, institutione inque Tyrorum. Id illa à Generali tunc Claudio Aquauina efflagitauit: neque verò is illi potuit repugnare. Missus est ad corpus deportandum Franciscus Salsedius ex Societate nostra, Baltasaris ex fratre nepos, de quo mentio fuit in Prologo. Is illud Villagartiam vsque clam abstulit. Vallisoletò, vbi morabatur hæc matrona, trajecit; eique dentem, quem auulsum apud se habebat, impertijt. Eo illa munere gauisa plurimum est. Patrum aliquos grauiorès ex Professorum domo cupido sanctorum cinerum visendorum, & colendorum incescit. In his Iosephus Acoſta tanta perſusus est odoris suauissimi vi, ut rogauerit, num odoramenta essent ab eo illic adhibita: negante illo, quanquam comparata iam erant,

erant, respondit, nihil ijs opus esse; neque enim deesse domi, cui multa odoris suauitas sit afflata. Et verò persuauem fragrantiam Deus affolet corporibus Sanctorum aspergere; quanquam illam alij quidem certè, secus verò alij sensu percipiunt. Villagartiaz cum Prouinciali Gonzaluo Abulensi, eiusque Collegij Rectore Ioanne Montemaiorio, conuenere Vallisoletanæ Domus Præpositus Franciscus Galartius, Ioannes Soarius, Antonius Padillius, grauesque alij complures ex ea Prouincia Patres. Vallisoletum etiã accessere Quæsitior Ioannes Morales Salsedius Baltasaris propinquus, & Iacobus Lopez Salsedius eiusdem ex fratre nepos, celeberrimi Sanctæ Crucis Vallisoletani Collegij Sodalis, quorum habitariam mentio est. Loculus sacrorum cinerum custos in eius oppidi Parœcia, cui nomen est à S. Boali, in comparato ad id tumulo depositus est. Postridie sub vesperein, ad corpus deportandum, solemnis illuc à Societatis nostræ Templo supplicatio instituta fuit. Præbanc Scholastici quadringentium sacri eiusdem nostri Templi Administrum cum caterua Cantorum: deinde Societatis nostræ Patres, Fratresque. Exequias peracturus Quæsitior Salsedius sacris amicis vestibus incedebat. Feretro subiere Villagartiensis, eius Collegij Rectior, & domus Vallisoletanæ Præpositus, alijque in Patribus grauiore, alternis: quos omnes eius honorandi ardor incenderat; è cuius doctrina, vitæque sanctissima tantus in ipsos honor redundarat. Corpus excelso tumulo impositum est in media ara Templi maxima. Manè solemni sacro parentatum est, & concio peregregia habita ab Roderico Cabredio Prouincialis Præpositi tunc Socio, huius deinde Prouinciæ Præposito, Inspector, atque in Prouincijs Peruana & Mexicana cum plurima Dei gloria, & proximorum, tum Indorum, cum Hispanorum fruge vberissima Moderatore. Post persoluta iusta, sacrum corpus in sanctorum lipsanorum arâ collocatum est, propter Eucharistiæ altare, eo in latere, in quo sacræ recitantur epistolæ: honorem Deo impetiente illi, qui ipsius gloriæ tam seriò, diligenterque studuerat. Ac veluti operam dedit Baltasar, vt hæc Matræna sacellum exstrueret tam illustre, tam multis, variisque Sanctorum lipsanis instructum, vt honor ijs ibi tribueretur; ita Dei factum est nutu, vt eos inter ipsius corpus locum obtineret in terris, inter quos etiam eiusdem animus sedem adeptus erat in Cælo.

Quoniam verò oratio in hoc funere habita, præterquam quòd multà referta est doctrinâ, pietate, & ingenio, breuem summam, incundamque epitomen conscripta à nobis sanctissimi huius viri vitæ complectitur, operæ pretium duxi eam hæc attexere, quæ felicissimam huius historiæ coronam imponat,

Concio habita, quo die Baltasaris Alvarez laudatissimi, sanctissimique viri corpus in Villagartienſi Collegio conditum eſt.

T H E M A.

Memoria Iofia in compoſitione odoris facta, opus pigmentary, in omni ore, quaſi mel, indulcabitur eius memoria: & ut muſica in conuiuio vini. Eccli. 49.1.

F Requentes hodierna luce conuenimus in hoc Templum ad iuſta iterum perſoluenda ſingulari viro, cuius memoriam fauſte, ac feliciter uſurpamus, Societatis noſtræ Religioſo Profeſſo Baltasari Alvarez. Quanquam enim certa nobis ſpes eſt, beatiffimam eius animam diu iam bonis, gloriâque perfrui patriæ immortalis (id enim perſuadent, nobis ab eo per hanc vitam exhibitâ perrara exempla virtutum) noſtris tamen ut patribus cum ſacroſanctæ Eccleſiæ ritus cuſtodiam deſungamur, piis illi exequiarum officijs parentamus. De quo nihi in filiis ipſius omnibus minime maximèque indigno, aliquid in præſentia locuturo, oportuna huic loco viſa ſunt laudata Regis ſapientiſſimi verba, *Memoria Iofia*, &c. Quibus ille vniuerſos ſui populi filios hortabatur, ut inclyti illius, ſanctiſſimique Regis Iofia memoriam retinerent, qui diuino à Numine publico ſuæ gentis boho datus tam præclara, tamque admiranda facinora ſuo, dum vixit, quo præſtulerat. Aiebat ijs porro: Iofia memoria fas eſt paſtilli ſit odorati conſimilis, pigmentarii eruditi manu compacti; ex quo ſuauiſſimus aſſiduò nobis odor aſſetur. Memoria hæc omnium in ore de illo loquentium, faui erit inſtar mellei, longè ſuauiſ, ac dulcis; omnium in auribus de illo audientium concentus inſtar erit in conuiuio periuocundi. Verba hæc in virum hunc præſtantiffimum, cuius relictas nobis ex ipſius mortalitate reliquias eo in loco cuſtodimus, cadunt aptiſſimè. Quemadmodum enim Iofia nomen, quo Ignem Domini Hebræi ſignificant, conſentaneum illi eſt, ita & opera, quæ de altero Iofia memorantur, eidem ſunt peraccommoda. Ignis Domini fuit oppidò ipſius aſſecta hic præſignis: Ignem quippe dictis, ignem factis, ignem omni vita omnibus iniiciebat. Congruunt igitur ipſi perbene, quæ de altero Iofia laudantur: congruuntque magis hoc die, quo illi ſuprema hæc munera Chriſtianæ pietatis impendimus; idque ipſum in hac tu-

nebri laudatione propositum mihi erit ostendere. At enim Dei egemus ope: Deiparam igitur, cuius Baltasar studiosissimus fuit, & per quam plurima in ipsum à Deo corripata sunt bona, apud diuinum Numen adhibeamus interpretem. Ave Maria &c.

P R O O E M I U M.

Memoria Iosie &c Mirificum sanè illud amoris est vinculum, necessitudo illa, nexusque, quibus diuinus Opifex res deuinxit omnes, quas inter similitudo aliqua, consensus, & ordo mutuus intercedunt. Mirificus etiam ille est quasi amor ingenuus, quo esse simul experunt, neque ab sese disiungi. Atque ut ea, quæ casta sunt sensu, eaque etiam, quæ illo sunt prædita, carent tamen ratione, mittamus; apparet id in ijs maxime in quibus mens inest, si minus eius vsum vitiet deprauata voluntas. Cum enim ratio conferat ad hanc similitudinem, consensum, & vinculum cognoscendum; iuvat etiam ad coniunctionem hanc mutuam conseruandam. Hinc amor est ille tam vehemens, quo esse cum Genitore filius, cum filio Genitor, frater cum fratre, cum amico amicus, ciuis cum ciue, seruus frugi cum hero, fidus popularis cum humano & elementi Principe, vniuersi denique, inter quos conuenientia maior & copulatio intercedit. Eoque vis amoris tanti pertingit, ut ubi, quos diligimus, viuos non possumus, extinctos saltem habere nobis proximos, atque illorum adiungi cineribus cupiamus: demusque operam, ut illi post supræma naturæ vno simul in Templo, vno in Sacello, vno in sepulcro condantur. Sic ut is amor cum ipsa morte certare velle videatur, de quo liceat illud è sacris Canticis interpretari, *Fortis est ut mors dilectio, dura sicut infernus amulatio*: Quo interni nomine sepulcrum intelligatur: quasi dicat; Non satis est mors, non satis est tumultus ad conuellendum institum hunc amorem eorum, qui sese in vita mutuo dilexere: Etenim in morte ipsa, & tumulo coniungi cum cineribus cineres amant. Quoties enim, nec sine quodam arcano, ad amorem hunc hominum cordibus ab Auctore naturæ altè insitum indicandum, diuinæ paginæ in Regum, & Paralipomenon, in libris illa Iudæorum Regum morientium, vota commemorant, quibus expetebant intumulari cum Patribus? Et verò eorum illi eundem inferebatur in tumultum: legimus enim, *Sepulchusque est in ciuitate David cum Patribus: Sepelierunt eum in sepulcro Patrum suorum*, &c. Contra verò si nobis in iisdem libris est traditum, quæpiam suorum parentum sepulcro caruisse, neque cineres cineribus achrisse, id nobis tanquam pœna, uti de Ioram, Ioas, & effron-

1 Paral.
21.24. &
26.
1.1. Cōfess.
6.9.

Cic. pro
Sex. Roscio
Amerino

Gen 49:
26.

ti Ozia sumpta proponitur: Ingenium hunc spectabat affectum, id quod in suo Confessionum libro meminit Augustinus de ingenti illa Monicæ Genitricis suæ cupiditate, quæ tenebatur deponendi mortalitatem in Africa, ut eodem conderetur sepulcro cum viro: quanquam decerni sibi ad ostia Tyberina mortem intelligens, ubi & decessit, diuinæ voluntati scilicet acquieuit. Sexcenta in hanc rem exempla proferenda hoc loco suppetent, ex omni vetustate, satis esto illud effari, affectum hunc in hominibus semper adeo viguisse, ut in illa pereleganti Tullij Oratione pro Sex. Roscio Amerino, ad eius calamitatem, in quam ab aduersariis coniectus erat, augendam, Orator tantum argumentum nequiverit comminisci robustius, quam de illo id prædicare, *Cui de tanto patrimonio ne iter quidem ad sepulcrum Patrum reliquum est*; quasi diceret: expetitur adeo mortalibus est propter Parentum sepulcrum, versari, itare ad illa, eaque sæpius visere, ut Roscij calamitas in maius attolli non posset, cui ad Patrum sepulcrum iter fuisset ademptum. Huiusce rei geminum diuinis tabulis occurrit nobis exemplum: alterum illius est feminae laudatissimæ Ruth; cui cum caritas erga socrum suam licet alienigenam, Noëmi, in naturam planè transisset, diuidi ab ea nec vita, nec morte sustinens, aiebat, *Quocunque perrexeris, pergam: & ubi morata fueris, ego pariter morabor: quæ te terra morientem suscepit, in ea moriar; ibique locum accipiam sepulture*. Alterum, ut ad rem nostram propius accedamus, eius est amplissimi Patriarchæ Iacobi, qui cum imminente iam morte peregrinè moraretur, mortalitatis suæ reliquias, reliquijs adiungere suorum Patrum exoptans, filiis suis studio quàm potuit maximo commendauit, suum ut corpus in terram Chanaan deportarent, inferrentque ibi sepulcro, ubi & Parens ipse Isaac, & Auus Abraham conditi erant: *Sepelite me cum Patribus meis in spelunca duplici, quæ est in agro Ephron*: &c. In quo duo conspirant huius, quem dicimus, affectus ingenti argumenta. Primum est, Parentis votum & imperium: Alterum optimi filij Iosephi studium & amor, qui curam hanc in se primò recepit. Is verò non more tantum obsequentissimi filij, peragendi cupidus quæ Genitor demandarat, eius corpus in terram Chanaan deportauit; sed id ipsum præstitit, eo permotus affectu, quem illi natura indiderat. Cum enim & ipse patria in tellure humari percuperet, quod & testamento mandauit, ac Moyses deinde perfecit, non passus est à cineribus Genitoris sui disiungi. Quamobrem confestim ille eius corpus in Aduum sepulcrum detulit, ut vnà omnes vno iungerentur in loco. Ac licet Iosephi deinde cineres, ea in Palestinæ parte conditi sint, quæ appellatur Sichem,

reue-

reuerentiæ fortasse causâ sepulcro habitæ trium illorum sancto-
rum Patrum, non tamen distracti procul inde fuere, quò ille nem-
pe, de quo sermo nobis est, affectus ab natura insitus ex-
pleretur.

Imago, & quidem ex verò hæc omnis oratio est causæ cur in
præsentia conuenimus in hanc Ædem; vt Baltasaris nimirum Al-
varez exanime naturæ nostræ depositum, in eo conditum loculo
viseremus, ex Toletana in Castellæ Prouinciam auectum, & in
Villagartiensi Collegio collocatum. Quod ex eo profectum est
amore, quo filii amant sese suis cum parentibus viuis item, atque
extinctis coniunctos aspicere; ac viuæ, spiransque imitatio curæ
illius est, quam Iosephus erga Genitoris sui Iacobi corpus impen-
dit. Quanquam enim ibi Genitoris extrema senectute morientis
imperium intercessit, studium hic tamen, & amor fuit ingenui
ac peramantis filii, quo id muneris, exemplo Iosephi, sedulo cu-
raretur. Fuiſſet opinor ingenti solatio, tam caro, expetitoque,
Parenti nostro, exui mortalitate in hac nostra Prouincia, sic vt
suos cum tot Patrum, Fratrumque & filiorum suorum cineribus
coniungeret: sed id etiam illi fortassis occurrit, quanquam in To-
letana Prouincia migrabat è vita, inter Fratres etiam, ac Filios
migrare se, non eò tantum nomine, quòd Societatem inerat in
eius Prouinciæ tam præcipua parte, in Academia scilicet Com-
plutensi, in eaque aliquot etiam annos exegerat, cui tunc etiam
Moderator præerat Prouincialis, & Parens; verum etiam, quòd
optimè norat spiritum caritatis, mutæque coniunctionis, quo
Socios Ordinis nostri omnes deuinctos inter se esse vult Deus, cu-
ius semque sint gentis, atque locorum: inque tribus & viginti
Prouincijs, in quas in præsentia est distributa Societas, vnum esse
cor, vnam omnium voluntatem: eaque propter non innuit, aut
petit, suum vt corpus in hanc Prouinciã deferretur. At enim,
quanquam id ille non præstitit, curâ tamen amorque non defuit
suauissimi filii Iosephi, huius inquam Prouinciæ, atque huius cū
primis Collegij, ipsius certè filij longè carissimi; quod optatissi-
mi Parentis sui corpus apud se habendi percupidum, illud sibi
per suam optimam Dominam, & Fundatricem Magdalenam,
Vlloiam poposcit, & obtinuit: cuius hodie corpus ad se depor-
tatum, eo, quo videtis, honore illo in loculo collocauit: vt inter
tam multa, insigniaque opera, ac beneficia, quibus Societas vni-
uersa, atque hæc maximè Prouincia, & hoc primò Collegium,
tantæ huic Matronæ debere se plurimum profiteretur (cuius me-
moriam æterna cum laude, ac beneuolentia nostris in animis per-
seueret) postremo in ijs loco non sit, immò certè in præcipuis nu-
mere.

meretur, quod ad nos huc cineres illos felicissimos aduehendostrauit; atque enixa huius Collegij vota peramanter impleuit: quæ non ex ea tantum, quam diximus proficiuntur ingenita, cupiditate coniunctionis mutua, quam inter sese cum res aliæ, tum maxime amant filij & parentes; sed alia eorum ratio fuit longè altior, ac cælestis, ut, vigente sic magis apud Collegium hoc Parentis tanti custoditâ memoriâ, ipsius virtutum perrara exempla Sodales propius imitentur. Meminit certe perirequenter laudatissimi huius viri Prouincia hæc omnis, atque hoc cum primis Villagartiense Collegium: idque ingenti sanè solatio illi fuit. Hoc porro testantur corda, lingua, voces eorum omnium, qui nouere Baltasarem: hoc ipsi huius Templi parietes, eodem ipso Rectore, ac Tyronum Institutore constructi: hoc cubicula, ambulationesque Collegij, quibus eius odor sanctitatis inhæsit: hoc huius Opidi viz, quibus aliquando ingressus est, suarumque in ijs vestigiâ virtutum impressit. Verum ex hoc in posterum diè id solatii multo iucundissimum præcipue magis percepturi sunt ipsius filij, Collegium hoc, Prouincia hæc vniuersa: præsentem enim illum, habent, ijs ipsius cineribus perfruuntur, qui tanquam vnguenti odoratissimi vasa suauissimum efflât odorem, eiusque memoriam excitant, ingeruntque tam propè. Quamobrem iure quidem optimo, sermonem de sanctissimo hoc viro inferentes illud possumus vsurpare, *Memoria Iosia in compositione odoris facta opus pigmentarij. In omni re quasi mel indulcabitur eius memoria: & ut misica in conuiuio vini, &c.*

C A P V T I.

Quod ut distinctius explicemus, reputandum est, triplici ratione cuiuspiâ rei posse in nobis excitari memoriam; aut solâ cogitatione, quam intimæ aliæ mentis imagines suscitent; quibus eius rei admonetur memoria, eiusque speciem ingerunt: aut ea de re illato sermone, quo etiam eius rei memoria exurgit intus alacrior: aut denique eorum dumtaxat auditu, qui ea de re loquuntur, & agunt: tunc verò satis est favere tantum auribus, eius ut memoria refricetur. Aio nunc igitur triplici hoc modo ab laudatis verbis, quanquam translatis, indicari nobis, eam fuisse memoriam, quæ optimi Regis Iosia Hebræo in populo seruabatur: atque hoc triplici modo Baltasaris nostri memoriam à nobis esse conseruandam.

De primo ut dicam, de memoria nempe, quam intima excitat mentis imago, peregregiâ vsus est metaphora Rex Sapiens, cum dixit,

dixit, *Memoria Iosæ in compositione odoris facta opus pigmentarii &c.* Quasi diceret, qua ratione pigmentarius in compingendis odorarijs pastillis cum primis excellens, plurimas, variasque res miscet, ambarum, zibetium, muschum, balsamum, styracem, aliaque odorum elementa similia, quibus ex omnibus orbiculum conficit, olfactu suavissimum; ita & sanctissimi huius Regis Memoria futura est non secus ac si mentis intelligentiâ, quæ insignis cuiuspiam pietate viri, eiusque virtutum simulacrum in sese custodit, tanquam præstans, ac præcipua opifex in rerum elementis componendis, atque miscendis, virtutum Iosæ omnium odora menta permisceat; atque ex ijs pastillum longè fragrantissimum conficiat, cuius odore quivis ex ipsius populi filijs recreetur, cum & earum virtutum, & eius, quem illæ exornabant, memoriam usurpabit. Id ipsum maxime cogitatio deinceps nostra perficiet: odoratas sanctissimi huius Viri virtutum imagines impressas altè custodiet: ex ijsque coniunctis orbiculum, misturamque conficiet, ab suavissimo cuius odore eius continenter memoria, excitetur. Præcepit Moyse Deus, suo ut in tabernaculo aram sibi ex ædificaret, incorruptâ materie, cedro compactam. Huic, Altare thymiamatis, nomen fuit: ex Græco verbo θυμίαρον dictum, quod suffire significat, hoc est, ad mero igne, odorè efflare. Eo enim in altari illa suaveolentissima rerum cõpositio incèdebatur, ferebaturque ad Deum; eaque fragrantia sacrosanctum penetrale suavissimè vaporabat. Auctor verò Iosephus est, in misturam hanc, & compositionem tredecim variorum odorum elementa, diuersis è mundi plagis aduecta coiuisset. Haud aliter, in ara nostræ memoriæ, cogitatio misturam conflet, & compositionem virtutum omnium, quibus, in diuersis, ubi diuersatus est, locis Baltasar effulsit, in hac Castellæ Prouincia, in qua gubernacula tennit Rector Methymnæ, Salmanticæ, Villagartiæ, vicesque Prouincialis obiuit: quatum exempla in Italia, ac Romæ edidit, eò profectus cum huius procuratore Prouinciæ: quas in Aragonia exhibuit, cum eam lustrauit Inspector: quæ in illo denique Toleti spectatæ sunt, cum eam Prouinciâ administravit. Atque, ut omnia sibi aptè respondeant, iungat, miscetque præcipuè virtutes eas tredecim, quæ in eo quàm maxime excellere.

Exod. 30.

L. 6. de bello Iud. cap. 6.

Prima esto Caritas illa, quæ serbuit ardentiissimâ erga Deum & proximos. Dei namque amore consumi quodammodo, & effluere videbatur: cuius actibus adeo erat, ac tam continenter intentus, ut diuini amoris incendium ipsius semper astuaret in pectore. Quare ubique locorum, ac temporum cuius ipsam aduenti penitus iniiciebat has flammæ. Caritas verò eius in proximos tanta

Z z

erat,

erat, vt pietatis tenerrimæ viscera, omni etiam promiscuè tempore, ac loco, in illo nemo non senserit. Quæ illius erga ægro-
tantes cura? quale, quantumque afflictorum, impulsorumque
solatium? Aeger aliquando surrexit è lectulo, salute tunc suâ in
discrimen adductâ, vt alteri malè habenti consilium, atque so-
latium petenti scilicet impertiret. Rursum aliàs tentato item, af-
flictoq; fratre per concubiam noctem ipsius cubiculum adeunte, ac
pulsante, surrexit, iussitque illum ingredi, sibi que assidere: de-
mulsit illum, & erexit; atque ad suum deinde cubiculum, sedâ-
tum recreatumque dimisit.

Genus alterum odoris apponat, Animi demissionem altissi-
mam: cùm enim tanti illum vniuersi facerent, colerentque summi
iuxta & infimi, qui eum vsu cognorant, erat ipse tamen animo
tam demisso, vt, coram Senioribus ac Præpositis, puero similis ad-
staret: qua submissione suos etiam discipulos de pijs animi rebus
loquentes audiebat. Quàm submissè de rebus litterarijs, quasi
illitteratus nullam ijs dedisset operam, interrogabat? Denique
nullum in eo æstimationis sui vestigium apparebat; plurimum ve-
rò grati animi sui erga beneficia, quibus ipsum diuinæ benigni-
tatis largitas cumularat. Quare cùm sacris operans adhibenda
precatio erat *ad libitum Sacerdotis*, eam ferè vsurpabat, quam pro
Gratiarum actione apponit Ecclesia; *Deus cuius misericordia non
est numerus*; voluptatis eius argumento, qua ipsius inde animus
perfundebatur.

Genus odoris tertium, perrara Obedientia sit: cuius exempla
plurima proferenda suppeterent: satis illud esto, quòd semel, ob-
sequendi causâ Præposito, nomen dignitatemq; suam apud Opti-
mates aliquos maximum in discrimen adducere non dubitauit.
Peruicit se ipse tamen, ne obsequelæ deesset, quod illi in omni vita,
aut maximè omnium, aut certè in omnium maximis fuit tolera-
tu difficile.

Quartum addat odoris genus, Contemplationem altissimam,
in qua adeò sese diuina largitas erga illum effudit, vt ad illam
explicandam oratione integrâ, immo & multiplici opus esset. Id
in præsentia meminisse sit satis, quod suum ad Præpositum ea de-
re aliquando perscripsit; à quo iussus erat mittere ad ipsam epi-
tomen rationis, ac viæ, qua in precibus ductus erat hæcenus, &
adhuc ducebatur à Deo. In cæteris eius Commentarioli illud ha-
bet, Sexto decimo post initam Societatem anno, immutatum sibi
eor extemplo fuisse. Eaque commutatio illa fuit, vt eadem sem-
per in xuum vitæ omne persisterit. Inde ea subiit hæsitque in il-
lo Numinis diuini assidua, dulcissimaque præsentia; specula illa

Calo

Cælo semper aperta, ad quam sese euigilando sistebat, in eaque persistebat, nullâ rerum, quas agebat interdum, eum illi conspectum eripiente. Quoties non in suo tantum cubiculo, ac secessu, sed in ipsa via, ac foro, populique frequentia, vocabatur interitui; clausisque corporis oculis, oculos animi recludebat, hærebaturque alta contemplatione defixus? Quoties iter ingressus, addito precibus animo, adeo distrahebatur à sensibus, ut per pagos, oppidaque traieciens, quemadmodum & Bernardus longo itinere propter lacum, non aduerteret? Denique vir precatationis excelsæ excelsum in modum fuit.

Quintum, assidua erit intima extimaque Mortificatio, quam dicimus, cupiditatum, ac sensuum. Ex actibus ipsius omnibus apparebat ea certè cura, qua sibi semper inuigilabat. At illa, cuius tantum spectator erat Deus, intima voluntatis, atque appetitionum suarum occidio qualis erat? Quod erat in oculis, erat sanè miraculo: cibam enim ferè semel tantum sumebat in die; vespere aut nihil, aut quàm parcissimè vesceretur: cibatus verò non nisi communis omnium erat: in quo laudem tulit ille præcipuam, nulla re præcipua vnquam usus. Somnus brevis, & hic interruptus: verberationes prolixæ, eæque tam asperæ, ut, ad earum vini, proximum cubiculi latus concuti videretur: diuisæ verò in vniuersa corporis membra, ut doloris sensus esset acerbior. Denique ut qui assiduo precatationi vacabat, ita & sibi, aduersando, strenuè imperabat: quæ duo cum primis virtutes germanæ sunt, atque indiuisæ: quare persfrequens illi erat in ore, Religiosorum Ordinem officinam esse mortificationis: nosque illam inire, vitam edicamus fingendi Crucifixos.

Ad sextum pertinebit, Munditia cordis, & Castitas; sic ut ad vnum eius aspectum, eâ oculorum custodiâ, eâ totius oris, corporis, incessasque modestiâ, virtutis huius cupiditatem videretur inijcere. Præstitit Baltasar in ea sanè cum paucis, acciditque aliquid, ut de luce in lucem noctem omnem perouigilaret in precibus; quò nempe prospiceret, cauereque sibi aduersus paratos sibi ad labem in castimoniam faciendam impulsos.

Inferenda septimo loco erit Paupertas summa. Quid spectatum est in eius cubiculo, quid in vestibis curiosum? Mundus ille quidem, atque compositus, sed cum paupertate fuit. Nouos amissus perquam rarò induit, ferè quidem alieno usu detritos: sacram precum breuiarium, aut horarius earumdem codex, si recens aut elegans illi deferretur, habendum alteri dabat; ea in omnibus sibi præsumens, quæ despiciatissima forent.

Ad octauum referatur Tolerantia ipsius sanè præsignis. Mole-

stias, & ærumnas animi, corporisque petulit in omni vita plurimas; maximasque: quibus in omnibus serenitatem oris perpetuò retinuit; nihil unquam ne leui quidem murmurare questus; in præcipuis Dei muneribus numerans, sine culpa vexari. Valetudine utebatur insensa; neque porrò seù illius querebatur incommoda, seù illi commoda quærebat: gerebat immo sese similem benè valenti. Inter ægrotandum maximè specimen virtutis huius exhibuit. Miraculo erat, illum armatulentæ pharmaca haurientem aspicere: qui ne guttulam quidem ex ijs in cyatho relinqueret; postremas verò guttas, ne se ijs nempe fraudaret, dum defluerent, per otium expectabat. Perfectæ virtutis argumenta collocabat plurimùm in alienis à suis aliorum moribus perferendis; in quo ipse ut cum maximè studebat excellere.

Nonnum obtinebit locum, Animi robur ingens, ac magnitudo ad præclara in Dei gloriam, & obsequium aggredienda facinora. In Prouinciæ huius Probatione illum disciplinæ, morumque ordinem, ac tenorem induxit, ut mirum videretur, quæ fieri posset, ut vir extimo quidem, velut apparebat, aspectu, minimè acer, aut alacer, pari esset animo, ac vi ad legum tantâ custodiâ continendos in Methyninensi Tyrocinio adulta iam ætate viros, Salmanticæ Scholasticos, & Magistros, loco natos illustri, atque in communi olim vita delitijs innutritos: qui, præsentè ipso, contremiscent omnes; silentium, reuerentiamque custodirent; submissione animi tanta, ut, cum ab ipso accipiebatur asperius, tunc illū ij quod vnum poterant, maximè reuereretur. Accidit aliquando ut extrarius aliquis hospitio exceptus in Methymnensi Collegio, gladio secum sortè in cubiculum deportato, subitâ actus phrenesi, summa nocte surrexerit, nudatoque gladio obuio in parietem iectus usquequaque torqueret; vbi ad Baltasaris cubiculum deuenit, ingressus, punctum, cæsim ferire quaquà versum occæpit: Baltasar elatâ voce quiescere illum iussit; rem quippe odoratus iam erat: surrexit; at furciatus ille, ad iubentis vocem, sibi imperans conqueiuit. Tunc prehensum manu assidere sibi illum Baltasar iubet, paucis affatur, sedatumque mente, & quietum dimittit ad cubiculum.

Decima subeat, Fiducia ipsius in Deum, diuinique Numinis prouidentiam. Compluribus, quibuscum agebat, mortalibus hac solatium, hac animos ad perfrendas ærumnas addebat. Communi satis sermone percerebuit, quod reuertenti contigit ex Aragoniæ Prouinciâ, quo die petebat Burgos. Per lucem enim extinctam, stagnantes inter aquas, cum ipse simul, & comites magno in discrimine versarentur, ignari quâ tenderent, albo iuue-

Etus equo inuenis repente se obtulit, eosque Burgos usque deduxit. Notumque illud est, eum toto itinere seorsim cum Baltasare collocutum; donec, ad Burgenfis Collegij ianuam postquam deuentum est, ibi viator eques videri desist, neque de illo rescitum vnquam est postea. Mira certè Baltasaris fuit hoc loco fiducia comites animantis, donec euenêre, quæ diximus: persuasumque omnibus est, aut Angelum illum fuisse à Deo missum, vt ducem illis sese præberet, aut insignitem pietate fratrem Ximenium, qui sub id tempus excelsierat.

Vndecimò miscetur defessa nunquam in omni virtutum omnium exercitatione Constantia. Quanta enim illa fuit, quam sexdecim annos perpetuò retinuit, vt in eo Commentariolo testatus est ab se Præpositorum iussu conscripto, quo tempore defudauerat nempe arandi similis, & non metenti. Ac tum maiori fuit admirationi ipsius in precibus, verberationibus, ieiunijs, vigilijs, atq; omni demum voluntariæ afflictationis genero seruata constantia. Annos in Societate vixit quinque & viginti; neque per eos res vnquam vlla, munus, literæ susceptum à cœptis cum virtute illum auocarunt: vno semper tenore, eâdemque animi firmitate, sic vt in admirationem raperet vniuersos. Vt vt maturandum maximè esset iter, surgebat ita, vt primâ discessus horâ, consuetam tamen horam precationi ante dedisset. Quare iter oblectationi ducere consuebat, vt interea precibus diem totum extraheret.

Accedat duodecima, Libertas illa cordis, atque à rebus omnibus procreatis auulsio, cum & consuetudo illi esset cum mortalibus genere, ordineque tam varijs, tantique ab omnibus haberetur: Cupere se aiebat ita cum proximis agere, eosque inuare, atque ad Deum traducere, vt suo illi secessui nihil officerent; neque cordis magis adhererent, quam si aut in desertis Africa arenis, aut in vastis Aegypti solitudinibus versaretur. Quare ab singularibus amicorum vîbus maximopere abhorrebât.

Denique misturam hanc fragrantissimam tercia decima consummet Prudentia illa, scientiaque perrara, quâ præstitit in erudendis ad virtutem animis, tum Religiosorum hominum nostra familia, ac cæterarum, tum communium cuiuscunque gradus & ordinis. Diuinum hoc donum mirum adeo in Baltasare fuit, vt viri, quos grauior ætas, auctoritas, & virtus plurimâ commendat, domicilium sibi cum illo simul expeterent, atque ad hunc audiendum Magistrum perinde atque discipuli conuenirent. Res erat spectatu dignissima, illum intueni, quàm prudenter ac scire pro cuiusque habitu, tempore, rerumque statu, feneritate cum clementia, auctoritate cum comitate, graditatem cum suauitate

con-

coniungeret, vt in loco ac tempore annueret, tenueretque. Denique imbuir ipse formauitq; Magistros; isque fuit, qui intimam cum Deo consuetudinem, studiumque precandi in hac Prouinciâ vt cum maximè excitauit; ac pium quotannis ad exercitia spiritualia secessum octo dierum aut quindecim, vsu ipso vulgauit.

Atque hæc tredecim odorata sunt virtutum aromata, quæ in singulari hoc viro summis celebrata sunt laudibus. Earum permixtione mens nostra odoratum orbiculum ac thymiana conficiat; cupiditate illud incendat virtutes has imitandi; Deoq; mox deferat, rogetque, vt annuat votis: ita nempe vt ne in memoria, quæ in sensu est, sistat, sed ad intelligentem, incorruptamque facultatem transeat animi immortalis: in qua tanquam in altari se collocet, autisque laminis tegat, hoc est, Dei gratiâ & amore animus sit imbutus, vt gratum illi munus id accidar, non ob ipsam modò suauolentem virtutum compositionem, sed illius etiam altaris nomine, in quo adolentur. Atque in hunc modum excitanda primò, & conseruanda est, tam sancti viri memoria.

CAP. V T. I I.

Alia item ratione redintegranda memoria est, linguâ, verbisque, sic vt de eo, quem volumus meminisse, loquamur. In omni ore quasi mel indultabitur eius memoria &c. expono sic: Quæadmodum gustatui non vndique deprauato mel sapit, ita sermo de viro iusto, ipsiusque virtutibus, memoriam retticabit vsquequaque dulcissimam. Et verò experimento compertum est, ex quo desijt inter nos esse Baltasar, ijs omnibus, qui illum affatu, aut vsu cognouerant, ex sermone de ipso memoriam adeò incundam, suauem, ac fructuosam prouenisse; vt cupiditatem inde susceperint Deo studiosius obsequendi, placendique magis ac magis; vacandi precibus, & sibi acriter imperandi; dandi operam, vt ipse dedat, diuini nominis cognitioni, & gloriæ propagandæ; idque tam serio, vt quanquam sermo de extincto sensum vulneris non redintegrare non posset, ea tamen memoria perdulce illud, atque frugiferum protulerit, quod dicebam; & verò multò maximè feret in posterum. Sermo Dauidi erat de Ionatha perfamiliari suò: cuius memoriam dum verbis vsurpabat, ex eius funere dolore conficiebatur & luctu, aiebatque, *Doleo super te, frater mi, Ionatha, decore nimis, & amabilis super amorem mulierum: sicut mater unicuique amat filium suum, sic ego te diligebam.* At ea tamen

in-

intimi carissimique sui capitis memoria dulcedinem in ipso, suauitatemque ciebat, qui eius virtutes suum in animum cum imitandi studio reuocaret: aiebat porro, *Sagitta Ionathæ nunquam redijt retrorsum*. Conueniunt hæc aptissime optimo Patri Baltasari: namque illi accommodè etiam Ionathæ nomen, & facta conueniunt. Congruit nomen; Ionathas enim Hebraicè *Dei datum*, *Dei donum significat*. Dei namque donum oppidò vir hic fuit, à Deo plurimorum opi, doctrinæ, atque solatio impertitum: *Dei datum* ingenti eius Prouinciæ bono. Congruunt & facta: nisi enim ex animo vobis excidit, Ionathas ille fuit, qui Philistinorum copias turbandi, deque Palæstina omni exturbandi cupidus, suo exercitu reliquo securo interim & quieto, solus ipse, vno cum armigero, profectus est, *Et manibus & pedibus reptans* enixus ad eos est *per prærupta petrarum*. Seque in hostes, medias per hastas inuulit, impulitque illos & fudit. Non secus hic strenuus Imperatoris Dei miles, quoties descendit in aciem manum cum Stygijs hostibus conferturus, eos vt tueretur, quos sibi creditos sciret, neñe alicui fraudi essent obnoxij, per pluribus eâ causâ obiectans sese difficultatibus, atque laboribus, securis interea, & quiescentibus ijs, quibus ipse inuigilabat? Id illud erat, cubitum ire multò post reliquos, multòque ante eosdem surgere ad preces, aut verberationes, pro ijs nempe dimicaturus. Concubia nocte frequens illi erat in hanc pugnam exurgere, cum alij somno erant altiore confirati; quò videlicet res suas tectas haberet: vis tamen verberum tanta erat, vt dormientes excitaret, velut olim ictus Ionathæ & confictus exercitus sui excussere torporem. Aptè porro illi congruunt Ionathæ facta: adeoque consentaneum est, vt ab eius nos iactura perægri cum Dauide collacrymemur; *Doleo super te, frater mi Ionathæ*. Esto tamen nobis ipsius virtutum memoria iucunda, & dulcis, eas in nobis repræsentare cupientibus; & dicamus; *Sagitta Ionathæ nunquam redijt retrorsum*. Quænam enim Baltasaris sagitta retroacta unquam est? sagittæ ipsius erant verba, & quidem peracuta, quibus animi figebantur. Interrogate vniuersos, quotquot illius familiaritate sunt vsi, optimates maxime, ac Dynastas, quorum grauitas & amplitudo videtur in hoc difficultati pondus adijcere. Atquæ res erat plena miraculi, quòd ab eo semel tantum audito commutati abirent in alios; & coram religioso paupere, puerorum instar, ab eius ore penderent. Quid cohortationes ipsius, & collationes? urebant nempe, inque ima corda pertinere veluti exacutæ sagittæ videbântur. Accidit aliquando religiosos viros eorû in conuicio cohortanti, vt eos omnes alios à se ipsis effecerit, cupidos seruiendi Deo seruiutem; ijs cõment-

2. Reg. 3.
22.

1. Reg. 40.
13.

2. Reg. 1-
16.

tationibus exercendi animos; quibus ab rēto apud se duodecim dies Baltasare ad vnum omnes imbuerentur. Quare illius virtutū, diuinisq; animi donis tantum æstimationis apud notos omnes accesserat, vt nihil supra. Colebant illum Præsules: atq; in his vir ille præstantissimus Franciscus Blancus Compostellanus Archiepiscopus verbis item ac rebus ostendit, quanti illum faceret: & qui viuunt adhuc Archiepiscopi Christophorus Vela Burgensis, Theutoniū Bergantiū Eborensis, Sanciū Abulensis Episcopus Carthagenæ, quid de Baltasare senserint, sentiantque testimonio locupletissimo docuere. Optimates, summique viri honorem illi tribuebant. Confirmaret id Matrona illa clarissima, & nobile Principum Christianarum exemplum Dux Friasæ, Castellæ Comestabilis Parens, quæ & nunc viuit, tanto semper honore prosecuta Baltasarem, vt suas ad illum litteras in extrema fronte sic inscriberet; Domino meo Patri Magistro Baltasari Aluarez Parenti meo. Confirmaret Gandiæ Dux nuper hac mortalitate defunctus, qui Baltasari allocutiones, collationesque pias habenti, Tyroni similis intererat. Confirmaret Illustrissima Domina Magdalena Villosa, cuius erga Baltasarem reuerentia tantum in ea in hunc vsque diem viguit, vigetque, vt hæc illam impulerit ad Baltasaris extincti cineres curâ, operâque suâ in huius Collegij Templum deportandos. Confirmaret id denique eorum non nemo, qui Regiam Maiestatem ltipant; alijque per plurimi, quos longum esset singulos per censere, viri virtute ac sanctimoniam laudatissimi, qui cogui Baltasaris in Hispania floruerē, & eodem consensu honorem illi plurimum tribuebant. Vir ille admirandus in Beticâ P. Magister Auila, quanquam Baltasarem nunquam vidit, cum per epistolas inter se tamen egissent, de ipso ipsiusq; virtutibus existimabat amplissimè, Maria Diaria Abulensis, læmina longè sanctissima, quæ nihil cum fūco, aut amplificatione dicebat, de celestibus à Deo collatis in Baltasarem donis magnificētissimè loquebatur. Ea verò, commendatione omnium, iure, meritoque celeberrima virgo, cuius nimirum operâ Deus geminum religiosum Ordinem sexus vtriusque fundauit, sanctissima Parens Teresa IESV, cum verborum & laudum amplitudine tantâ de Baltasare consuevit celsari, vt posset admiratione suspendere. Parthenonis sui Virgini querenti ab se Salmanticæ, factura ne esset operæ pretium, si Baltasaris tunc inibi degentis consuetudine vteretur, Amantissimè, respondit, tecum Deus ageret; ille enim is est, cui plurimum meus debet animus in hac vita; & qui opem mihi maximam ad perfectam virtutem contulit. Et nunc Salmanticæ viuit Mater Anna IESV, eius ojim Parthenonis Antistita, eaque testatur audiuisset

se ex Matre Teresa, ipsius certè sententiâ, locum à Baltasare supra
coguos ipsi mortales ceteros altissimum obtineri.

Generales Societatis nostri Præpositi, qui penitus nouere Baltasarem, quanti illum facerent, & quanto acciperent honore, argumentis utique commonstrarunt. Generalis Franciscus Borgia singularem ipsius magisterij facultatem intinuit, Romæ illum, instituendis Tyronibus retinere maluisset; sed eum tamen remisit, ne Castellæ Prouinciæ causam amarioris aspergeret. Iussit illum verò semestrem suam operam Probationibus Methymnensis, & Villagartiensi, quæ tum excitabatur, alternis dare; quò eius fructus permanater in omnes. Generalis item Euerardus Baltasarem Toletanæ Prouinciæ Præpositum iubens, Alphonso Montolo, qui in eandem Prouinciâ cum eius procuratore proficiscebatur, hæc ipsa verba effatus est; Optimum in ijs, qui mihi suppetunt, Prouinciæ isti præficio, dum præficio illi Baltasarem. Denique longum esset persequi, quanti illum facerent vniuersi. Quòd si causam scire quis velit, ea præcipue fuit, diuiniq; illud magisterij donum, cum vi tanta verborum, vt cum ipse, quæ diceret, tam altè cognosceret ageretque, ea in omnium animos intinè pertinerent. Congruunt itaque illi Ionathæ nomen, & facta; consentit igitur & illud, sermonem de ipso illatum, fontem esse suauitatis, atque dulcedinis. Neque verò minus aptè in illum cadit memoria Ducis eius præstantissimi, Israelitici exercitus Imperatoris Abneri, quam Rex ipse Dauid in sese verbis alijs excitabat, teneris partim atque flebilibus, partim suauibus, dulcibusque: tenera, atque flebilis erant illa, quæ conuersus ad populum vsurpauit, atque: *Scindite vestimenta vestra & attingimini saccis: & plangite ante exequias Abner. An ignoratis, quoniam Princeps, & maximus cecidit hodie in Israël?* Verba profecto hæc erant extincti Abneri memoriâ referentia in Rege tristem ac luctuosam: non tamen alia præterijt, quæ solatium ac dulcedinem in mentem, etiam reuocarent: memor adeò virtutis ipsius, ac roboris, ad eius tumultum accedens inquit, *Nequaquam, vt mori solent ignaui, mortuus es, Abner: manus tue ligatæ non sunt, & pedes tui non sunt compedibus aggranati.* Aio igitur, erepto nobis Baltasari, non minus quàm superiorem, hanc etiam memoriâ conuenire. Primum, quòd illi congruit nomen, Abner, Hebraicè, *Patris lucernæ*: Lucernæ, inquam: illius Patris luminum, summi Cæss, ac Cælitum Imperatoris Baltasar fuit; quam super hoc Societatis nostræ candelabrum positam, multorum bono lucere voluit Deus. Aptè id quidem: Et illud appositè, quod in eo argumentum est plurimum ipsius iacturæ mortisque descendæ: amittimus enim in

2. Reg. 3. 38

1. 3

ib 38.

illo virum Ordinis nostri præcipuum; non ob ea tantum, quæ obivit munera, & quo tunc, cum è vita migravit, defungebatur, Prouincialis Præpositi, verum ob eam maxime, qua ornatus à Deo fuerat, summam in virtute ac religione præstantiam. Dicit propterea iure debuit tunc, & nunc debet, *Quoniam Princeps, & maximus cecidit in Israel*. At verò non congruit illi minus, quod nostræ memoriæ iucundum, ac suaue accidit in his verbis, *Nequaquam, ut mori solent ignaui, mortuus es*; certè enim Baltasari neque vita, neque mors per ignauiam fuit. Non vita; etenim si probatur veritate quod dixit Euripides; *Nullus ignauus in celebrem virum enadit*: & quod Sallustius; *Ignauia nemo immortalis factus est*; Is qui vir fuit in vita tam celebris, quique sui immortalem adeo memoriam posteritati reliquit, quoniam pacto per ignauiam vixisse dicendum est? quin immo tam procul ab desidia fuit, ut eius verba omnia spectare viderentur ad eam amoliendam increpandamque in ijs, qui fortè illà marcescerent, neque in virtute haberent cum alacritate processus. Inde verba illa ingeminabat toties: *Ne degeneremus ab excelsis cogitationibus Filiorum Dei*. Quibus eo sensu, ac vi, qua dicebantur, exceptis, eiusque in corde defixis, ipsius in Tyronibus aliquis ad Brasiliis deinde profectus, vnus ex Ordinis nostri quadraginta Martyribus, qui in ipsa nauigatione Hæreticorum manu interempti sunt, verbis huius Parentis, atque Institutoris sui optimi, quæ nempe animo gerebat infixæ, Socios ad mortem pro Christo fortiter oppetendam hortabatur: *Ne degeneremus ab excelsis cogitationibus filiorum Dei*. Neutiquam fuit Baltasar ignauus; immo ignauiam impensè redarguit; quemadmodum & inuidus ille Dux Iosue, qui hærentibus septem tribubus, terræque ijs promissæ possessionem non adeuntibus, *Vsquequò, inquit, marceitis ignaui, & non intratis ad possidendam terram, quam Dominus Deus Patrum vestrorum dedit vobis?* Quoties id in sermonem vocabat inter cohortandum, conferendumque de illo, cuius nobis spes est, præmio, de terra, inquam, illa viuentium, de alacritate, ac vi, qua perirumpendum est in ardua quæque, ut enitamur ad illam? Quanto cum pondere illa Seruatoris Christi verba inculcabat, *Regnum Celorum vim patitur, & violenti rapiunt illud?* Neque vitam cum ignauia egit, neque per ignauiam mortem obiuit; suo in ipso munere strenuè allaborans, exhaustus atque consumptus, quod excubias peruigil vsque custodierat: optimi instar militis in hac IESV Societate, armatus, hastatus, clypeatus, loriceatus, galeatus, dicam explicatè; quemadmodum munus illud laboriosum delatum illi est viribus tantæ defecto, valetudine tam afflicta prolixis à vigilijs, ieiunijs, verbera-

Eurip.

Sall: bello
Iugur.

Ios. 8. 3.

Matth. 11.
12.

berationibus, cilijs, atque cupiditatum, ac sensuum expugnatione intima, extremaque, quæ omnia retinebat constanter adhuc in medijs ipsis muneris obeundi laboribus, ita paucos intra menses ad exitum vitæ perductus est nequaquam ut mori solent ignaui. Præ verba solazij plenissima: quàm dulcem renouant Parentis tanti memoriam:

C A P V T I I I.

Tertio: Baltasaris memoria excitanda in nobis est ex ijs, quæ de illo alios memorantes audierimus. Quemadmodum Iosif memoriam aiebat mortalium Sapientissimus redintegrandam esse in Hebræorum populo: id enim ea indicant verba: *Et ut musica in conuiuio vini*. Pulcherrimæ sanè metaphora: quasi diceret, Quæadmodum laui limâ in mensâ, vt vt conuiuæ epularum delicijs teneantur, adhuc illi tamen suauissimi concentus auditu cidentur; sic, vt suaves simul palato dapes, simul dulcis accidat auribus symphonia; ita Ecclesiasticus Iosifæ memoriam accendere populo cupiebat; adeo vt sermonem de illo prolatum accipere, perinde esset, atque laurissimo in epulo suauissimum concentum audire. Et hæc tertia memorie ratio est, quæ de Baltasare fuit hæcenus, & erit in posterum, inter pia colloquia, quæ dapum instar suauissimarum animos oblectant nificæ sodalium, cum ad colloquia de Deo, de virtutibus, de orandi, domandique sui studio conueniunt. Quanto maiori voluptate perfunditur eorum aliquis, qui nouere Baltasarem, vbi sermo de ijs infertur, si locus in eo sit memorandi de illo, quâ id ipse ratione præstabat, quâ docebat? mirificæ sanè voluptas est, quâ in eâ memoriâ haurit, & hauriet; non secus ac si opiparas inter epulas aures concentu suauissimo permulceret. Castra Holofernes mouerat, eo consilio, ditionis Hebræorum inuictæ suo imperio adiuuendæ. Dei populus in preces sese confestim effudit; seque inuicem ad eas, ac voluntarias preces alter alterum hortabantur. Sermones hi acerbis adeo ætumnas ingenti solatio mitigabant; erant illis epulum sanè dapile, quod se ipsi mutuo inuitabant; cum ita conuiuantibus Sacerdos Eliachim prolixius Iosatum, atque animos additurus, vniuersam terram Israël circumuehendo pertraxisset; eos alloquens, & cohortans vt, quæ coquisset constanter agere perseverarent. Hisce verbis recreati sunt atmodum; eumque libentissime audiebant. *Iudith. Dominus qui Amalec confitentem in virtute sua, & in exercitu suo, & in clypeis suis manum ferro, pugnantem sed precibus sanctis, orando, deiecit.*

Verba hæc accidere illis, tanquam dulcissimus concentus in eo conuiuium vini suauissimi cohortationis ab Sacerdote Eliachim ad eos habitæ. Atque huic similis memoria nobis fuit, eritque Baltasaris.

Idcirco ipsius corpus deportatum est illuc, atque in hoc Collegio conquiescit. Illi nos porro dicamus, & merito, quod Iobo ipsius per familiaris aiebat, *Cum te consumptum putaueris, orieris ut Lucifer*. O corpus, licet videare consumptum, o cineres, quamquam apparetis exusti, in memoria nostra viuetis, in easque fulgebitis instar exorientis mane Luciferi; a cõtemplatione nimirum exempli vitæ vestræ clarissimi, vestris in filiis omnibus, in hac Prouincia, in omni posteritate. Absumpti illic & occulti custodiri videbamini, sed vos, nati instar Luciferi, hodierna luce hic apparere vult Deus. Huiusmodi vitam in nostrâ memoriâ, illi habituri sunt cineres, hanc lucem edituri, dum supremus ille, beatusque dies effulgeat, quo maiorem alium in modum in se ipsis nuncient. Fulget nunc animus, inque Cæli Patria, vti existimandum est merito cum gloria viuit ingenti. Indicatum hoc diuinitus est testi illi exceptione omni maiori, laudatæ à me nuper sanctissimæ Parenti Teresæ IESV, quæ affirmauit nempe, viuente adhuc Baltasare, ante aliquot, quam decederet annos, Gloriam à Deo sibi commostratam fuisse, quam præcellam vti que diuina illi benignitas destinarat. Mitto alia, quæ certè non defuere, complura de diuino hoc Dei famulo sub ipsius excessum ostensa de Cælo; quæ ijs adiuncta, quorum conscij ipsi sumus, & quæ in hac nos oratione perstrinximus, de ipsius vitâ in omne exemplum virtutis instructâ, persuadent sanè quæ diximus de gloriâ, quâ ipsius nunc animus in cælesti beatitate perfruitur. At enim eius extincti reliquæ viuunt nunc tantum, fulgentque in nostra memoria, quæ illo in loculo exanimæ, nec verò fulgidæ asseruantur: sed ille aderit aliquando dies, quo reuiuiscant, & fulgeant. Quantam verò lucem ille cinerum aceruus effundet, cum ipsum redituum gloria immortalis amicitiet? an verò de omnibus, qui suam operam traducendis ad Christum animis contulere, illud non dicitur, *Qui ad iusticiam erudunt multos, tanquam stellæ Firmamenti fulgebunt in perpetuas æternitates?* Quid porro sentiendum de illo est, qui tam impensè, cumque fructu tam vberè mirandum sanè in modum id prælitit, nisi hoc ipsum, eo illum die tanquam sidus, formosumque longè Luciferum spectaculum sui esse daturum? Fruamur eo nos interim ipsius corpore hic portici nostra in memoria ille viuat, ac fulgeat, ut, quandoquidem viuum illum eo in loculo non habemus, solatio saltem sit nobis cum illic extin-

extinctum, vivum verò nostris in animis custodire. Angebatur sanè Bernardus à fratris sui Gerardi morte, Deumque compellans aiebat: *Gerardum tu dedisti, Gerardum tu abulisti: et si dolemus ablatum, non tamen obliuiscemur, quòd datus fuit; & gratias agimus quòd habere illum meruimus.* Et nos verba horum similia, usurpemus: Deo sint laudes, quòd virum hunc peregregrum ab ipso viuente obtinuimus, & extinctum nobis ipse restituit. *Moriatur anima mea morte iustorum, & fiant nouissima mea huius similia.* Ingrediar putredo in ossibus meis & subter me scateat, ut requiescam in die tribulationis, ut ascendam ad populum accinctum nostrum: vbi virum hunc sanctissimum intueri fas erit suis accinctum cupiditatibus sensibusque. Hæc interim nostra memoria, refricet, ut eius recordatio orbiculus odorarius, & quidem suauissimus sit olfactui, gustatui fauus mellis dulcissimus, concentus auditui iucundissimus, ut & nos vocem illam audiamus de Cælo dicentem, *Beati mortui, qui in Domino moriuntur.* Beati animis, & corporibus beati: beati in sepulchris, & in cineribus beati: beati in vita, & in morte beati: beati cum & inter mortales in terris viuimus, & beati, cum inter Cælites, perennibus fruemur præmijs gloriæ immortalis: quam mihi, vobisque Deus, &c.

Ber. serm.
10. in Cant.

Num. 32.
10.
Habac. 31.
18.

Laus Deo, Virginique Matri.

Cum & in hac altera editione errores nonnulli Typographi recognoscentem effugerint, grauioribus in ijs impreſſo iam opere deprehensis apponit hic correctioni subieciimus: pauculis alijs leuioribus, palamque se consentibus, veniam prudens Lectoris dabit humanitas.

Errata.		Errata.	
Pag. lin.	Corrige.	Pag. lin.	Corrige.
119 17	dolore	169 33	vericululū
122 43	inſenſurus	191 9	morbiſ
123 6	ſubmiſſe	194 15	cuiſpiam
127 27	diſſumpſer	306 40	vitz religioſe vitz
141 27	rapiditatem	308 12	appetitiffimus
152 25	commendent	378 7	Litterato
153 34	ardioremq;	387 39	Nocer
156 25	republicarū	392 14	ſubinde
177 16	cuiſpiam	393 10	corpōrib;
180 36	ingentiffima	324 10	illos
164 37	ſubſiſtere		

INDEX CAPITVM.

- CAP. I.** Baltasaris ortus, & educatione: effusus in Societatem IESV: Tyrocinum & studia literarum. pag. 1.
- CAP. II.** Eius ab Nonitio in preces, intimamque cum Deo consuetudinem semina propensio: & quibus artibus id perfectè consequi connixus est. 7.
- CAP. III.** Humanitatis Christi mystéria in prima suarum meditationum argumenta sumit: quàm pio semper animo in eam fuerit affectus: & quos, quantosque fructus inde perceperit. 14.
- CAP. IV.** Studio frangendi in omnibus sui à Tyrociniis. seriam Baltasar operam nauat: idque plurimo. penarum usu in omni vita persequitur. 21.
- CAP. V.** Tria Paupertatis, Castitatis, & Obedientie vota ritè nuncupat; eaq; religiosè, ac sanctè custodit, & colit. 24.
- CAP. VI.** Sacris initiatus piè quotidie Canonicas horas recitat, diuinamque rem facit. 38.
- CAP. VII.** In ministeria proximorum aggreditur. Ope monitisque à Deo, ut processus simul habeat in sua perfectione, iuuatur. 45.
- CAP. VIII.** Dexteritas eius atque prudentia in iuuandis proximis: & quibus ad id vniuersè præsidijs uteretur. 51.
- CAP. IX.** In laudatis virtute permultis magnus Abula scriptus edit. 55.
- CAP. X.** Maria Diatma singularem virtutem Abula prouebit. Collatio cum ipsa perutilis de quinque Patientia fontibus. 60.
- CAP. XI.** Sanctissimam Parentem Teresa IESV in virtute plurimum in-

- uat: cui de aeterna Baltasaris salute, ad eiusdem solatium, diuinitus innotescit. 67.
- CAP. XII.** Methymnam Campi mittitur: ubi salutis Anno 1567. quatuor votorum professionem emitit, eamque per integrè custodit. 73.
- CAP. XIII.** Precationis, & Contemplationis donum duodecim fructibus insignitum hoc eodem anno Baltasari Deus impertit. Ea res ab ipso Praepositorum iussu narratur. 77.
- CAP. XIV.** Modus hic orandi plenius explicatur. Quorsum illum Baltasari Deus impertit; & cur annos aliquot distulit. 85.
- CAP. XV.** Praecipuo Dei afflatu orandi modum hunc init. Egregia dona, quibus cum maximè ad sese perficiendum, iuuandosque proximos instructus est, plenius enolumuntur. 94.
- CAP. XVI.** Mira quadam Methymna, & alibi per Baltasarem gesta cum proximis, precationis vi, & notione arcanorum pariter ac futurorum. 102.
- CAP. XVII.** Piarum allocationum et in plurimis mortalibus tum Religiosis tum communibus fructus edit amplissimos. 109.
- CAP. XVIII.** Labores & penulas in quæ animorum causa, sese coniecit. Tum insignia quadam, quibus plurimam suam caritatem exhibuit. 116.
- CAP. XIX.** Probationis ordinem Methymna perquam absolutum constituit. Ipsius in Tyromibus instituendis doctores, eorumque ardor in spiritu. 122.
- CAP. XX.** Tyrones nonnulli Methymnae id temporis insignes, ac feruidi. Frau-

INDEX CAPITVM.

- Francisci Godij, & Antonij Padillij*
quedam memoratu dignissima. 128.
- CAP. XXI. Ratio, qua se ad pias cohortationes Baltasar preparabat; studiūq; ipsius, ut ex ijs Tyroxes notitiam, aestimationem, amoremque summum. Instituti nostri conciperent. 137.
- CAP. XXII. Alia complura cohortationum ipsius ad imbuedos integrè, perfectèque Nouitios argumenta. 142.
- CAP. XXIII. In Methymnensi, alijsque Collegijs Reſtoris munus praelare gerit; eiusq; ad gubernandum dotes. 147.
- CAP. XXIV. Eius in promouendis humanioribus litteris, inuentute formanda, tradendaque catechesi ardor ac studium. 154.
- CAP. XXV. Romā proficiscitur, Deiq; se fiducia munit. Diuina item prouidentia, Angelorumq; custodia in Baltasarem argumenta. 160.
- CAP. XXVI. Lauretanara Deiparae Domum inuist: sacrae illius Imaginis secum aufert exemplar. Eiusdem pietas in Calitum Reginam, & Calites. 166.
- CAP. XXVII. Prouincialis cum duorū Patrum comitatu Romam profecti Baltasar vicem gerit. Illi capiuntur ab Hereticis; ipse in ijs redimendis strenuè allaborat. 171.
- CAP. XXVIII. Morbi ipsius graues; alisque id temporis inualitudines. Eiusdem in ijs tolerantia, ac virtus plurima. 183.
- CAP. XXIX. Reſtoris in Salmanticensi Collegio munus obit: studetque, ut littera cum pietate iungantur. Ardor ab ipso nostris in Scholaſticis excitatus. 188.
- CAP. XXX. Egreigia duorum Scholaſticorum, Ioannis Ortunij, & Francis Cordubensis exempla. 195.
- CAP. XXXI. Magistrorum perfectioni precipue studet. Francis Riberi ſatras ibidem litteras docentis virtus insignis. 205.
- CAP. XXXII. Fructus per eum editus in plurimis ex ea Vniuersitate, atque extrarijs alijs illustribusque mortalibus. 210.
- CAP. XXXIII. Documenta Baltasaris de castigata piarum rerum tractatione, aduersus corruptas loquendi formulas Illuminatorum id ferme temporis exorientium. 215.
- CAP. XXXIV. Studium eius ardens remotos litteris adiuuandi: prudentia in ijs & vis. Eorum aliqua plena pietatis exempla. 227.
- CAP. XXXV. Reſtor Villagariensis Collegij rennuitur: ibique Fundatricem eius Magdalenam Vllloiam al praelara, qua molina est, diuine gloriæ facinora plurimum iunat. 237.
- CAP. XXXVI. Magdalenam eandem Vllloiam litteris Baltasar iunat: illa à Deo ad perfectionem summam euehitur. 245.
- CAP. XXXVII. De fructu id temporis in primoribus alijs: deque gemino de diuina prouidentia commentationis argumento; quod horum cniſpam Baltasar multa cum pietate proposuit. 253.
- CAP. XXXVIII. Burgos id temporis proficiscitur: pijsque duabus ſeminis sibi propinquis vita disciplinam perquam ordinatè constituit. 259.
- CAP. XXXIII. Baltasaris demisso inter honorifica & secunda: & quid ipse de hac virtute sentiret. 262.
- CAP. XXXX. Tempeſtas id temporis in Baltasarem coorta de ipsius ratione precandi. Heroica eiusdem submissio, ac

ac tolerantia in contumelijs exorben-
dis. 270.

CAP. XLII. Tempestatis huius occasio-
nes: Responsa, quibus obiecta sibi
aduersus precandi formam silentio, &
quiesce Baltasar diluit: rei denique
totius euentus. 276.

CAP. XLIII. Quantum momenti ac se-
curitatis sit in precibus, quae medita-
tionibus, affectibus, collationibus cum
Deo adhibentur. Modum hunc pro-
ponendum esse omnibus, & eraden-
dum. 285.

CAP. XLIII. Precandi formam nostris
in exercitijs traditam ab Socijs usur-
pandam esse. Eius excellentias explica-
tur: eorumque peragendorum ratio pia
cū primis ac fructuosa profertur. 290.

CAP. XLIV. Aragonica Prouincia Vi-
sitator dicitur. Ratio, qua illam in-
spexit: Virtus ibi ab eo cognita Ioan-
nis Ximenij: eiusdemque de eā com-
mentariolum. 298.

CAP. XLV. De eodem Ximeno alia
quedam notitia digna: & nonnulla
praecipue cum Baltasare acta. 305.

CAP. XLVI. Praepositus dicitur Peru-
ana Prouincia. Eidem Villagar-
tiam reuertenti prodigiosum aliquid
accidit. 313.

CAP. XLVII. Patrum institutio, qui
post exacta studia, Villagartia anno-
tertio probabantur. Quodam ibi ge-
niti memoratu dignissima. 317.

CAP. XLVIII. Praepositus iubetur To-
letana Prouincia: pias exercitiorum

commentationes ad comparandum sese
promittit: quam altos ibi hauserit sen-
sus de Christi Domini paupertate,
contemptu, ac poenis. 325.

CAP. XLIX. Graduum ordine in per-
fectionis, diuini amoris culmen a-
scendit: quae nam virtutes in eo pra-
cipue includantur. Altissimi quidam
Baltasaris sensus de hoc amore insti-
nuantur. 327.

CAP. L. Summam animi aequabilitatem,
perfectumque cum Dei voluntate con-
sensum in rebus omnibus laetis, ac tri-
stibus assequitur. Eiusdem aliqua de
hoc argumento sententiae. 333.

CAP. LI. Sententia quaedam grauissima
de nostra diuinae voluntati adingendae
deque fidei erga Dei providentiam,
ex epistolis ad aegros, & calamitosos,
solatii causa inter aduersa datis excer-
pta. 338.

CAP. LII. Toletum proficiscitur, eiusque
Prouincia gubernationem aggreditur.
Quarto post mense Belmontij sanctis-
sime moritur. 344.

CAP. LIII. Diuina quaedam ostensa de
ipsius obitu, gloriaque. Post supremam
aliquibus, uti vivens, opem celesti
vi offert. 348.

CAP. LIV. Baltasaris corpus ad Colle-
gium Villagartiense deferitur. Egre-
gia in eiusdem funere concio. 355.
Concio habita, quo die Baltasaris Aluarez
laudatissimi, sanctissimique Viri cor-
pus in Villagartiensi Collegio condi-
tum est. 358.



